

世宗憲皇帝實錄(二)

卷七七至卷一五九  
雍正七年至十三年

# 清實錄

第八冊

中華書局影印

清 實 錄

(第 八 冊)

世 宗 實 錄 (二)

中 華 書 局 出 版

(北京王府井大街36號)

北 京 市 中 國 書 店 發 行

中 國 建 築 工 業 出 版 社 印 刷 廠 印 刷

787 × 1092 毫 米 1/16 · 60 3/8 印 張  
1985 年 11 月 第 1 版 1985 年 11 月 北 京 第 1 次 印 刷  
印 數 0,001—1,500 冊  
統 一 書 號: 11028 · 1355—8 定 價: 45.00 元

清實錄第八册目錄

世宗憲皇帝實錄(二)

卷七七	雍正七年正月	一
卷七八	雍正七年二月	一一
卷七九	雍正七年三月	三〇
卷八〇	雍正七年四月	四九
卷八一	雍正七年五月	六一
卷八二	雍正七年六月	八〇
卷八三	雍正七年七月	九七
卷八四	雍正七年閏七月	一一七
卷八五	雍正七年八月	一三〇
卷八六	雍正七年九月	一四三
卷八七	雍正七年十月	一五八
卷八八	雍正七年十一月	一七六
卷八九	雍正七年十二月	一九〇
卷九〇	雍正八年正月	二〇九
卷九一	雍正八年二月	二二八
卷九二	雍正八年三月	二二九
卷九三	雍正八年四月	二四〇
卷九四	雍正八年五月	二五五
卷九五	雍正八年六月	二七〇
卷九六	雍正八年七月	二八二
卷九七	雍正八年八月	二九五
卷九八	雍正八年九月	三〇三
卷九九	雍正八年十月	三一三
卷一〇〇	雍正八年十一月	三二五
卷一〇一	雍正八年十二月	三三六
卷一〇二	雍正九年正月	三四八
卷一〇三	雍正九年二月	三五八
卷一〇四	雍正九年三月	三七五
卷一〇五	雍正九年四月	三八五
卷一〇六	雍正九年五月	三九六
卷一〇七	雍正九年六月	四〇八
卷一〇八	雍正九年七月	四二四
卷一〇九	雍正九年八月	四四五
卷一一〇	雍正九年九月	四五八

卷一一	雍正九年十月	四七一	卷一三〇	雍正十一年四月	六八六
卷一二	雍正九年十一月	四八六	卷一三一	雍正十一年五月	六九八
卷一三	雍正九年十二月	五〇三	卷一三二	雍正十一年六月	七〇五
卷一四	雍正十年正月	五二五	卷一三三	雍正十一年七月	七二四
卷一五	雍正十年二月	五三四	卷一三四	雍正十一年八月	七三二
卷一六	雍正十年三月	五四〇	卷一三五	雍正十一年九月	七三九
卷一七	雍正十年四月	五五一	卷一三六	雍正十一年十月	七四七
卷一八	雍正十年五月	五六〇	卷一三七	雍正十一年十一月	七五五
卷一九	雍正十年閏五月	五七一	卷一三八	雍正十一年十二月	七六三
卷二〇	雍正十年六月	五八三	卷一三九	雍正十二年正月	七六八
卷二一	雍正十年七月	五九二	卷一四〇	雍正十二年二月	七七八
卷二二	雍正十年八月	六〇四	卷一四一	雍正十二年三月	七八六
卷二三	雍正十年九月	六一三	卷一四二	雍正十二年四月	七九五
卷二四	雍正十年十月	六二五	卷一四三	雍正十二年五月	七九二
卷二五	雍正十年十一月	六四〇	卷一四四	雍正十二年六月	八〇〇
卷二六	雍正十年十二月	六五〇	卷一四五	雍正十二年七月	八〇九
卷二七	雍正十一年正月	六六一	卷一四六	雍正十二年八月	八一六
卷二八	雍正十一年二月	六七〇	卷一四七	雍正十二年九月	八二四
卷二九	雍正十一年三月	六七七	卷一四八	雍正十二年十月	八三三



卷四九

雍正十二年十一月

八四四

卷五〇

雍正十二年十二月

八四五

卷五一

雍正十三年正月

八四六

卷五二

雍正十三年二月

八四七

卷五三

雍正十三年三月

八四八

卷五四

雍正十三年四月

八四九

卷五五

雍正十三年閏四月

八五〇

卷五六

雍正十三年五月

八五一

卷五七

雍正十三年六月

八五二

卷五八

雍正十三年七月

八五三

卷五九

雍正十三年八月

八五四

大清世宗敬天昌運建中表正文武英明寬仁  
信毅大考至誠憲皇帝實錄卷之七十七

教修

雍正七年己酉春正月丙午朔

止於宮中拜

神畢御殿王以下文武各官外藩王及使臣等

上表朝賀停止筵宴朝鮮國王李昫遣陪

臣尹溥等表賀冬羔元旦

萬壽節及進歲貢禮物宴奏如例諭蒙古王

等朕思從前所定外藩扎薩克蒙古王等之

俸祿比於內地王等較少者必非以內外之

故遂有多寡之分也或因爾蒙古王等人員  
衆多且在外藩居住費用尚爲儉約而國家

錢糧亦或有不敷之處故將爾等俸祿從少  
定議耳今朕恭承

上天垂佑

聖祖仁皇帝貽朕天下太平無事數年以來

登豐稔國家錢糧頗爲饒裕朕爲統馭天下

萬物之主凡事當周詳善畫而行爾蒙古王

等以下扎薩克一等台吉以上之俸令著概

行加增一倍賞給再平常一等台吉從前俱

無俸祿今亦著照扎薩克一等台吉等所食

百金之俸賞給此乃朕特行加恩爾等之處

朕亦未敢遽爲定例總以國家錢糧之出入

數與不數爲定耳嗣後著戶部理藩院於每

年歲底將仍給與原俸或加賞之處會同具

奏請旨朕於臨時的降諭旨戊申諭兵部

各省守備內有操守原潔漢仗去得諳練營

務照習水師堪用遊擊之員爾部行文該提

督出具考語分別水師陸路填寫年歲籍貫

履歷照保舉副將參將分定等第之例開列

一 等者咨部俟降諭旨再行調來引見所保人員務期秉公據實毋得瞻顧徇私僥保舉之後有改易前轍不思奮勵精進者亦照副將參將更換等第之例咨部改定以副朕簡選任使之至意○乙酉以理藩院侍郎納延泰兼理太僕寺卿事○庚戌諭吏部臺灣地方遠隔重洋全在道府廳縣各得其人而該員又須熟悉風土情勢彈心辦理於地方始有裨益向例文員俱以三年為滿後經原任總督滿保條奏將三年任滿之員加銜再留三年所以慎重海疆俾諳練之人久於其任也今據總督高其倬摺奏臺員以六年為滿而調任之時渡海而往即須數月任滿之後候缺挨陞以及交盤渡海又或一二年不等是前後合計須八九年且臺灣之例不帶家口其父母妻子隔越海洋未免有所牽掛應否請以四年為滿等語朕思臺灣道府廳縣等官自宜選用熟諳諳練者照定期六年為

滿又加以候缺交盤渡海之期實為太久今再四思維臺灣文員自到任之日為始將滿一年之期著該督撫於閩省內地官員內揀選賢能之員乘冬月北風之時令其到臺新舊協同辦理半年之內大約可以熟悉地方情形則令舊員乘夏月南風之時回至內地補用將來接任之員俱照此更換該員到臺協辦之時俱一體算俸并給與俸銀及養廉之項如此則該員在臺前後不過二年為期甚近而更換之員先往協辦又可習練地方事宜似有裨益其道府大員作何請旨揀選同知以下等官作何銓選調補及量加議敘之處該部詳悉妥議具奏○辛亥析敘於上帝

上親詣行禮○順天府進春○雲貴廣西總督鄂爾泰摺奏十月二十九日恭遇萬壽今節滇南省城五色御雲光燄殊日經辰巳午三時至十一月初旬關倍常凡見而

日隨據布政使張允隨詳稱楚雄府之楚雄  
廣通兩縣姚安府之姚州及大姚定邊兩縣  
又順寧府知府傅達等先後呈報留同誠屬  
從來未有之嘉瑞奉

上諭朕每遇此祥瑞蒙

上天慈恩自應感喜然實絲毫不敢慶幸惟倍  
加敬畏之心況此嘉祥實係御忠誠所感而  
獻於朕壽日者正表仰愛戴之心也○壬子

世祖章皇帝忌辰遣官祭

孝陵 調雲南按察使元辰咸為廣西按察使

司按察使廣西按察使常安為雲南按察使  
司按察使喀爾喀車臣汗冊卜登拜音珠  
爾遣使進九白年貢畧奏如例○癸丑諭戶

部朕聞糧船過淮所費陋規甚多有一幫費  
至三四百金者旗丁既多苦累勢必多索於  
民甚為漕政之弊嗣後著派御史二員前往

淮安專司稽察之任不許官吏人等向旗丁  
額外需索以致擾累其糧艘攜帶物件除照

例許帶外該旗丁如有夾帶私鹽及違禁等  
物者亦著該御史稽察但不得過於吹求以  
致糧運遲滯至糧船抵通之時其該管衙門  
官吏及經紀車戶人等恐有額外需索陋規

者亦著派御史二員前往稽查差往淮安之  
員著於二月初派往差往通州之員著於三  
四月內派往不必拘定滿漢各一員著都察  
院按期開列請旨 甲寅諸王大臣等以滇

省卿雲呈現上表奏賀茲請宣付史館得旨  
朕治天下以實心實政為務不言祥瑞屢頒  
諭旨甚明今據雲貴廣西總督鄂爾泰摺奏  
恭逢萬壽令節雲南四府三縣卿雲呈現又  
引考經援神契之語曰天子孝則卿雲見朕

親不敢言孝但自藩邸以至於今四十餘年誠  
敬之心有如一曰祇此一念可以自信朕每  
承

天眷昭示嘉祥感激慶幸之中益加儆惕茲逢

御雲之瑞實愈增朕心之敬畏鄂爾泰公忠體國實為不世出之名臣數年來節制漠黔等省化導所屬官吏人人奉公盡職懷忠君親上之心是以仰邀

天貺御雲見於漠省正所以表著該省官吏敬恭協和之忱悃也此則朕心深為嘉悅者今諸王大臣等奏請宣付史館朕之允行者非欲誇示於眾也蓋以天人感召之理捷於影響該督正已率屬有忠愛之丹誠則該省受福迎祥有光昭之瑞應朕願內外大小臣工均以鄂爾泰為法且願遠近各省官民等聞風慕義興孝勤忠人人共受

上天之福佑乃朕心之所謂上祥大瑞也 諭

禮部

壇 廟之中最宜嚴肅聞祭祀之先即在

壇 廟中演禮雖意在燭熟禮儀而實非齋齋度享

之義嗣後

壇 廟祭祀之光應於何處演禮著該部議奏尋議

壇 天壇外圍牆內敬禧殿原係預備演禮之所嗣後各

壇 廟祭祀應令執事等官仍照舊例於前期二日赴執禧殿演禮前期一日停其役至

壇 廟演習如有特加祭祀大典先期於神樂觀潔淨寬敞處演禮永遠遵行從之 乙卯孟春

太廟

上親詣行禮 遣官祭太歲之神 丙辰

上幸圓明園 丁巳諭內閣滿漢內閣大學士俱各全備辦理事務亦甚屬妥協無容再為增添朕因

聖祖仁皇帝時所有年久老臣目今在朝者甚少時深注念禮部尚書陳元龍左都御史尹秦庶事

聖祖仁皇帝多年屢經任使今雖年近八旬而

精力尚健特加恩授爲額外大學士以示朕

優養老臣成全耆舊之至意擢國子監司

業牧可登在刑部額外侍郎內行走 戊午

諭內閣大學士陳元龍之子陳邦直向以年

少輕浮罷斥回籍今經數年諒已改改朕念

陳元龍年近八旬只此一子在原籍無人

侍養著將陳邦直復還編修之職令其來京

交與伊父教誨管束并令掌院學士時加訓

導以玉成之 乙未以上元節賜外藩科爾

沁翁牛特四子部落鄂爾多斯扎魯特喀爾

喀阿霸璦阿霸哈納放漢毛明安克西克騰

萬齊感吳喇忒阿祿科爾沁喀喇沁土默特

厄魯特巴林圖爾古特青海厄魯特蘇尼特  
輝特烏朱穆泰杜爾伯特哈密王貝勒貝子

公額駙台吉塔布囊寺內大臣大學士侍

衛等安 諭兵部福建臺灣戍守之兵丁父

母妻子留在內地前已加恩每月給與米糧

以資養贍聞臺兵之例每月將所領錢糧扣

留五錢於內地爲養贍家口之用朕思兵丁

遠涉海洋所得餉銀又復扣除以養家口恐

本身用度或有不敷今沛特恩於駐臺兵丁

每年賞銀四萬兩爲養贍家口之用著總督

等均勻分派按期給發俾兵丁本身食用既

得寬舒而父母妻子之在內地者又得養贍

以示朕恤兵實勞之至意 晉封科爾沁輔

國公烏爾呼滿爾爲固山貝子 庚申

上詣

恩佑寺行禮 諭禮部山川之神錫福於地方

百姓是以自古帝王皆誠心展祀以答神貺

即如向來盛京之地旱潦不時者凡六載康  
熙五十九年災奉

皇考命躬詣

祖陵道經山麓謁北鎮廟潔齋致祭因捐貲厄  
工載修廟宇囑令地方官員皮恭致祭自康  
熙六十年以至於今盛京年報悉登豐稔又  
如黃河之神皮誠禱祀果見安瀾有慶萬姓  
寧居皆神祇垂佑顯然昭著纖毫不爽若此  
蓋以目前一二事而言其他難以枚舉也古  
稱江海爲百川之長而湖廣境內西南數省  
之水匯入大江又爲川澤之總會凡屬地土  
民人及舟楫行旅皆仗江神照佑保護安寧  
允宜修建廟宇按時致祭以崇報享著湖廣  
總督會同湖北湖南巡撫確查妥議南北兩  
省應於何處各建廟宇或舊有祠廟敬謹興  
修皆動支公帑辦理此朕虔禱神祇護國佑  
民之意豈非諂媚以求一己之福也并令該  
督撫曉諭居民不得私結社會妄事祈求以  
滋糜慢 調陝西西安左翼漢軍副都統明  
白爲正黃旗蒙古副都統正黃旗蒙古副都  
統保德爲陝西西安左翼漢軍副都統 乙

丑以正藍旗護軍統領保署正白旗滿洲  
副都統 己已諭內閣雲貴廣西總督鄂爾  
泰節制真駁公忠體國化導所屬官吏奉公  
盡職是以前  
天錫卿雲之瑞應表著該省官員敬恭協和之  
忱惟鄂爾泰及提督都玉麟表率訓導通省  
文武屬員而滇黔兩省官員均能遵奉上司  
之教誨殫心奉職應加特恩以示優獎鄂爾  
泰著由一等河達哈哈番超授爲三等河思  
哈尼哈番都玉麟著由拖沙喇哈番授爲拜  
他喇布勒哈番滇黔兩省巡撫提督總兵官  
俱著加二級文官自知縣以上武官自千總  
以上俱著加一級凡受恩賜者益當敬謹匪  
勉以仰承  
上天之貺從茲遠近臣工感慕興起則人人受  
福凝祥矣 以鑲白旗漢軍都統鄂善爲左  
翼前鋒統領廣州將軍石禮哈爲鑲白旗漢  
軍都統正黃旗漢軍副都統常明緣事降調

以原任四川布政使管承澤爲正黃旗漢軍副都統 賞朝正外藩蒙古王貝勒貝子公額駙台吉塔布囊等銀兩有差 直隸總督何世璠疏報宣化等府開墾墾五年六年分田地一百九十六頃有奇丁部知之 辛未諭禮部昔年

聖祖仁皇帝御纂各種書籍及朕年來陸續刻成之書雖未通行頒賜而內外臣工亦多有受賜者因行聖公不在廷臣及封疆大臣之列是以未嘗頒賜著大學士等將應行頒發之書奏開頒賜衍聖公藏之闕里昭示來茲戶部遵旨議覆清查江南積欠錢糧其分查各府於欽派五員外應再添派四員協查各州縣應派四十九員其總理大臣每員應給養廉銀三千兩分查每員一千兩協查每員四百兩得旨著御史戴永椿給事中錢兆沅禮部郎中許均刑部郎中胡增耀前往分查協查之員著派魏化麟等二十三員其不敷

用人員著總理大臣分查大員各行保舉以足戶部所議之數 達賴喇嘛班禪額爾得尼遣使來朝齊奏如例 壬申諭內閣朕覽太宗文皇帝實錄噶爾薩之曾祖額駙恩格德爾乃係

太宗文皇帝時有偉績殊勲身膺厚恩之人原係三等公因削去恩詔所加官職授爲侯爵朕念恩格德爾舊日功績仍賞給所削官職授爲三等公著噶爾薩承襲俾其子孫世襲罔替 又諭朕令各州縣歲舉老農給以頂帶榮身乃勸民務本力田還醇返樸之至意爲有司者自當仰體朕心恪遵朕旨擇其謹慎勤勞身無過舉者據實保送以爲萬民勸乃朕聞直省之舉老農也州縣憑紳士之保舉紳士納姦民之貨財上下相蒙苟且塞責而強有力者倖邀頂帶之榮遂成暴橫之勢深負朕勤農務本之意著直省督撫確實查明將冒濫生事之老農悉行革退另選題補從



前有舉報不公或因賄囑情面營求而得者  
准老農本身及保送之官員自行出首朕從  
寬免其治罪但革去老農頂帶若此時不行  
自首各州縣官員又不行查出日後發覺定  
從重治罪該督撫等一併議處 諭刑部凡  
屬獲罪之人稍有一錢可寬者朕皆原情矜  
宥而於大臣等尤多格外開恩之處四格黨  
附蘇努不知愧耻以蘇努之大姦大惡為國  
家巨蠹而四格依附結交甘心出其胯下伊  
繼蘇努都統之任將蘇努惡蹟概為隱瞞已  
屬可惡蘇努竟敢將

聖祖仁皇帝硃批摺子塗抹褻慢臣工見之無  
不驚駭髮指似此大不敬之罪而四格代為  
容隱四格之罪誠不可道是以照法司所擬  
將伊監候秋後處決昨朕恭閱

太宗文皇帝實錄見四格之祖本古爾岱當日  
誠心効力懋著功勳四格不念其祖為開國  
功臣罷勉自立而甘為下流干犯國憲此乃

自作之孽但朕心實念伊祖昔日之勤勞不  
忍將伊置之重典四格著從寬免罪釋放爾  
等將朕旨傳諭四格知之 以直隸古北口  
提督楊嗣協辦直隸總督印務鑲紅旗漢軍  
都統魏經國署直隸古北口提督陞鑲紅旗  
漢軍副都統李永陞為本旗漢軍都統 宗  
人府奏宗學教習期滿之舉人貢生請予議  
敘得旨宗學教習於期滿之時自應加恩議  
敘除舉人係應選知縣之員照原議銓選外  
其貢生等善於訓課未必嫻於吏治若一概  
用為知縣不但於吏治無益而本人不能辦  
事致干家處亦非所以成全之也凡各處教  
習之貢生等著於期滿之時該管衙門帶領  
引見或用為知縣或用為教官候朕頒發諭  
旨因材器使將此通著為例 癸酉諭禮部  
士子者百姓所觀瞻士習不端民風何由得  
厚是以考課士子設立舉優黜劣之典以為  
移風易俗之道所關亦甚重矣無如教官愚

儒無能學臣因循苟且往往視爲具文奉行不力每當學臣按試之時教官輒以無優無劣具文申詳草率塞責如此則善者何由而勸不善者何由而懲夫善者之湮沒不彰一時尚難覺察而不善之人倖倖苟免於目前不投踵而方蹟敗露每見蕩檢踰閑犯法亂紀之士子皆從前學臣教官之未嘗開報劣行者其間情罪雖難一一追究然即此可知其中之容隱不少矣嗣後若教官沽名邀譽縱容劣生不行舉報者經學臣察出立即指參將教官照溺職例革職若學臣瞻徇情面不行糾參者一經發覺將學臣照徇庇例降級調用著將此永著爲例諭工部平治道路王政所先是以周禮有野廬合方之職自四畿達之天下學其修治俾車馬所至咸蕩平坦易行李輻輳津梁通達無雨水阻滯之累過年以來廣寧門外已修石道其至通州運糧之路亦修整高潔往來行人頗爲便利

今直隸至江南大道車輪馬跡踐歷歲久致通衢竟成溝塹而旁之土高出如岸一遇而水之時衆流滙歸積潦難退行旅每苦泥淖或至守候時日朕心深爲軫念但此通行大道已久或墮下勢難培築增高而大道之蹇高卑甚多平治亦殊不易若於大道相近之處另開一道工力似屬易施其間或有地形斷續之處應修建橋梁或有溝塍淤積之處應疏濬水道或所開之還有借用民間田地者應補給價值並除錢糧或繞行之路有遠隔村莊旅舍者應引歸故道使有頓宿是非熟於相度地勢歷練道遠之人不能詳察妥當特派工部侍郎法保副都統韓光基原任護軍統領喀爾古善二等侍衛侍摩四員於今年夏秋之交自京師起程由良鄉至宿遷大道一路踏勘將如何另開新道之處詳悉議定估計工費繪圖呈覽命領外大學士陳元龍爲文淵閣大學士兼禮部尚書領外

大學士尹秦為東閣大學士兼兵部尚書  
以讓黃旗蒙古副都統常豫著本旗護軍統領  
戶部議覆潮州總兵官尚濬疏言沿海  
各鎮協營於雍正四年准廣東總督孔毓珣  
奏將羨餘銀兩買穀貯倉撥備窮苦兵丁借  
給之用今潮州九營內有沿海六營已買穀  
存倉尚有城守等三營係內地未經貯穀  
臣於六年初冬捐資買穀三千石分給三營  
照例舉行請與五項一體文盤應如所請從  
之 甲戌

上回宮

上將以二月中旬恭謁

陵寢諭怡親王等天氣尚寒途中修道夫役甚

為勞苦著戶部派出賢能司官二員將庫錢

二千串按名賞給毋致遺漏○巡察山東御

史將洽秀題參劉津縣知縣李周定陶縣知

縣張釗奉行保甲不力請文部議處得旨數

省之中差遣御史巡察盜案驛站者蓋因地

方邊濶督撫等未能遠歷其境而御史使於  
巡行訪察或可補督撫耳目之所不及豈非  
今御史操參劾之柄使督撫之權也今將洽  
秀以不力行保甲參奏知縣二人是顯欲自  
作威福使督撫之權兵夫保甲社倉二事本  
屬善政然行之必以其新今州縣量力為之  
始於地方有益而閭閻不擾是以數年來朕  
未降旨督催蓋恐急遽之中奉行不善轉滋  
民間之累也將洽秀以兩縣知縣不力行保  
甲特疏糾參伊所巡察之各州縣果盡能奉  
行保甲之法無遺憾乎山東地方已在總督  
田文鏡節制之內屬員優劣地方事務自能  
訪察亦可不必要更設巡察御史若將將洽秀  
撤回○陞左通政林源為太僕寺卿○戶部  
議覆廣西在江鎮總兵官齊元輔疏言向來  
京局所鑄新錢從未到粵民間日用悉係私  
錢自非制錢充足其弊難除雍正四年戶部  
議發雲南所鑄之錢二萬串到粵撥放兵餉

軍民稱便但數止二萬串散之通省寥寥無幾且粵西所收銅器有限又不足以資鼓鑄按廣西水道上通雲南廣南府屬之別隘較他省較運稍易現今雲南有餘之銅差員由

廣西運往漢口鎮江若以此存於臨安府添鑪鼓鑄運交粵西給發官俸役食及驛站錢糧計可歲銷四萬餘串再於兵餉搭放十分

之一可銷三萬餘串如搭放十分之二可銷六萬餘串且前此運粵之二萬串係全數解

交藩庫方領銀回滇未免運費太多若止令桂林一府運交藩庫其餘悉於經過之處截留即不必經過之大思柳慶各府州亦俱於

水道相通之南潯梧三府截留運費更可少省一切私錢廢錢俱令文官給價銷化淨銅以資鄰省採買或資鄰省鼓鑄於國計民生

均有裨益應如所請行令雲貴廣西總督鄂爾泰將滇省每年所有銅觔餘出若干臨安一局約可添鑪幾座或鑄錢四萬串或可多

鑄之處酌量定議委員解赴廣西照例每錢一半易銀一兩領回從之○乙亥以故客爾喀固山貝子達濟叔班第遠襲爵

大清世宗敬天昌運建中表正文武英明寬仁信毅大考至誠憲皇帝實錄卷之七十七

大清世宗敬天昌運建中表正文武英明寬仁  
信毅大考至誠憲皇帝實錄卷之七十八

大清世宗敬天昌運建中表正文武英明寬仁信毅大考至誠憲皇帝實錄卷之七十八

秋終

雍正七年己酉二月丙子朔諭科道等官爾

等職司言路邇來拉不陳奏一事以此觀之

爾等科道官除徇私報復黨同伐異之外遂

無可言之事矣朕從前令爾等輪奏密摺大

有深意因崔致遠等不堪小人妄行請奏足

以將密摺停止今爾等需章明言凡有關於

國計民生用人行政之事爾等何一不當據  
實奏聞乎明季吏治之壞多由科道巡按結  
黨營私紊亂是非所致朕屬精圖治耳目其  
廣雖不專恃爾等但爾等身居言路自當盡

其職守外而督撫以及州縣內而部院八旗  
五城等衙門如有不法及不稱職之人聞見  
確實皆可叅奏使朕躬或有過失更當直陳  
極諫爾等何竟默無一言為臣之道惟在公  
忠如自揣不能供職即當引退何得苟且因  
循有昧職守嗣後其共勉之 丁丑遣大學  
士張廷玉祭

先師孔子諭兵部該省兵丁年來効力甚  
多朕深為軫念伊等出征之時若因已給行  
糧遂扣其坐糧則伊等妻子在家難以養贖  
嗣後出征兵丁於照例支給行糧外仍給與  
坐糧銀米俾免內顧之慮再陝西營伍甚屬  
緊要若兵丁有派出之處著總督岳鍾琪酌  
量召募充補另行按名給與錢糧實授尹  
繼善為江南江蘇巡撫署江南河道總督以  
戶部左侍郎王瓌署江蘇巡撫仍兼管清查  
錢糧事 福建南澳總兵官許良彬疏言南  
澳為閩粵要區地懸海島產米有限全賴於

內地買運入澳接濟兵食臣所轄親標右營屬於廣東已經督臣孔觀均發銀一千二百兩買穀二千石備借給兵丁之用左營屬於福建尚未舉行臣思兩營兵丁自應一體籌畫請將臣之俸金及隨丁項下銀兩捐買穀二千石并建設倉廩發交左營將備收貯青黃不接借給兵丁散餉領銀仍令照數買補概免利息於兵丁大有裨益得旨南澳遠隔海島自應預籌備貯令許良彬稟請捐俸買穀伊所有俸金原以供其食用何能辦理公事著勳支閩省藩庫銀一千二百兩買貯穀石以備左營兵丁借給之用一切經管壟查之處悉照古營之例行○怡親王第六子弘晷故命照貝勒例殯葬 戊寅祭

大社  
大禮

上親路行禮 以武京刑部侍郎署理將軍事務武格為陝西西安巡撫調武京戶部侍郎

王朝恩為武京刑部侍郎以武京兵部侍郎承福兼管武京戶部侍郎事陞內閣侍讀學士承恩為武京禮部侍郎兼管武京工部侍郎事 陞奉天錦州副都統多索禮為奉天將軍奉天美州城守尉白爾赫圖為奉天州副都統 命吏部尚書查郎阿協辦陝西軍需事務 已卯以左副都御史陳良弼管理順天府府尹事 正黃旗滿洲副都統花色穆事革職以吏部左侍郎宗室普恭為正黃旗滿洲副都統仍兼管吏部侍郎事調鑲藍旗漢軍副都統承保為木瑚蒙古副都統鑲紅旗漢軍副都統張溥為鑲藍旗漢軍副都統以原任廣州將軍李林為鑲紅旗漢軍副都統 陞雲南元江副將卞名揚為雲南臨元總兵官 吏部議覆直隸總督何世瑛奏奏遣安縣知縣王孔彰失察確徒應降一級留任勒限一年緝獲典史劉然無級可降應革職留任協同緝拿得旨凡文武微員其

過歷本不至革職因無級可降而遂行革職似屬大過況遠著微員罷斥回籍路費艱難更覺可憫其微員罪止降調無級可降者作何酌量仍留原任定以年限開復之處著吏兵二部詳悉定議具奏尋議文職從九品未入流武職七品等官實係無級可降之員舊例應降級留任者則議革職留任今改為降級留任應降級調用者則議革職今改為革職留任以示矜惜微員之意俟三年無過准其開復其各部院衙門筆帖式班領員六品七品八品官俱照此定議從之又議廢臺灣各缺向例三年任滿稱職者加陞銜再留三年方准陞用該員家屬格於成例不得帶往難免繫念今奉旨調往各官到任一年令督撫於內地揀選賢員到臺協辦半年後即令舊員回至內地補用海疆既得諳練之員而各官又免瞻顧之慮應永著為例至協辦人員既從內地調往則內地員缺需員署理

應於每年七八月間由戶部請旨照臺地道府同知通判知縣等員揀選人員命往以備調補委署之用凡調往各員期滿之日政績優著者准加二級稱職者加一級以示鼓勵至經歷縣丞以下及教職等官事務簡少無庸委員協辦應照定例三年稱職咨部以應陞之缺即用但在任候陞亦未免稽遲時日應令該督撫查明各官將滿三年之時於內地預行揀選調往今休滿者回至內地候陞再在臺人員其現滿三年者於調回內地時照舊例陞用其先經加銜再留任三年者亦於調回內地時按伊等再留年分分別議敘從之庚辰諭內閣齊蘇勒棟達老成深悉河工事務是以授嵇曾筠為副總河專管北河而令齊蘇勒兼理南北兩河之事今尹繼善新管河務朕意欲令其與嵇曾筠分任南北兩河又思治河之道必合全河形勢通行籌畫方可疏導安瀾若分令兩員管理恐有

推護掣肘之處著怡親王大學士等會同署  
蘇州巡撫王瑛及九卿內本籍江南河南山  
東之人通曉河務者詳悉建議具奏○調正  
白旗蒙古副都統覺羅海蘭爲正藍旗滿洲  
副都統陞鑲白旗前鋒參領圖克善爲正白  
旗蒙古副都統○予故直隸總督何世璽祭  
葬臨端簡昭禮部尚書賞銀一千兩○早已  
諭內閣考官專司衡文之任必須學問明通  
者始能鑒別不爽雍正三年曾將在京科目  
出身應充正副考官之員通行考試分別等  
次記名於雍正四年擧戴命任各省使典試  
事今已越三年從前考取人員其中陞遷外  
任及告假回籍者甚多即有在京者其所學  
或以日久荒疎而前此之未曾入選者今用  
數年之功文藝未必無所造益且陸續新到  
之員亦復不少著照雍正三年之例通行考  
試俟狀分別記名以備持衡之任有不願就  
試者亦聽其意○以內閣大學士尹秦爲錄

詳辨該正考官禮部左侍郎鄂爾奇通政使  
司左參議吳山爲副考官○鑲白旗滿洲副  
都統圖納祿事革職調鑲黃旗蒙古副都統  
常保爲鑲白旗滿洲副都統陞鑲黃旗護軍  
參領佟海爲本旗蒙古副都統○加故河道  
總督拜他喇布勒哈番齊蘇勒爲三等河道  
哈哈番照例承襲并賞銀三千兩予祭葬諡  
勤恪○壬午祭

歷代帝王

上親詣行禮○諭內閣歷來河道總督如靳輔  
齊蘇勒二人實能爲國宣勞又安百姓合於  
有功民社祀典之例著尹繼善等就近相度  
地方合建祠宇有司春秋祭祀以副朕優獎  
功勳之至意○諭刑部旗人犯軍流等罪者  
亦照漢人之例發遣此例題定於雍正四年  
八月朕特令寬其期限於雍正六年四月爲  
始令分發遵行蓋欲使衆人無不熟知之後  
而有仍然犯罪者方照所定之例懲治近見



旗下議奏事件竟有援引現今新定之例以  
議從前所犯之案者甚屬錯誤著該部詳查  
凡發遣旗人其犯罪在此例未曾通行之前  
而承問官錯擬發遣者俱著奏開將伊等故  
回仍照舊例歸結○浙江總督李衛奏請陞  
凡得旨李衛著於三月內來京陛見其各任  
印務著李衛酌量分派委署○設立福建觀  
風整俗使一員從禮部右侍郎蔡世遠請也  
○癸未諭內閣江南蘇松等處錢糧歷年積  
欠至一千六百餘萬兩之多朕已知恩將康  
熙五十年以前未完概行豁免其自五十一  
年以後應徵之項又復寬限分爲十年至十  
五年帶徵原冀民力寬舒易於輸納也乃數  
年以來仍不能依限全完因思此等通賦其  
實欠在民者固多而爲官員侵漁及吏胥土  
棍中飽者亦復不少若不確查詳核明白分  
晰則此事難以辦理今特差大臣會同巡撫  
藩司及清查虧空之御史總理其事又遵選

大員專界以分查各府之任再揀擇州縣分  
派各處務令徹底清查但念錢糧馬數繁多  
而積弊歷年已久侵蝕之官吏人等甚衆其  
中情節亦有不同在官者或因奏銷之時原  
有民欠而顧惜考成那移報完及徵收民欠  
之後隨手花費未嘗還項遂捏稱尚欠在民  
或交代之際有已徵未解之項乘機隱匿而  
接任之員不及查明遂仍作民欠收受其在  
吏胥土棍者或舞弊作奸暗行偷盜或廣爲  
包攬私入己囊又或鄉居窩遠之民難於入  
城託其代爲納課而一時用去遂成逋欠此  
皆情事之所有者今既徹底清查則水落石  
出從前玩法隱匿之案勢必盡行敗露均有  
難逃之重罪然朕心實不忍伊等之盡罹國  
典是以特降諭旨凡侵蝕錢糧之官吏人等  
准其自行出首有能據實自首毫無隱匿者  
從寬免其治罪其所欠錢糧仍照從前帶徵  
之限分年交納若官吏本身已故其妻子嫡

屬等自必悉知情由亦令自首免罪一體寬  
限帶徵此朕法外之仁所以保全伊等之身  
家性命僕仍怙惡營私執違罔悟不行自首  
或首而不實則天譴國法均難脫漏尚可憐  
免乎定將伊等照律科斷所有侵蝕之項於  
一年限內監禁嚴追如逾限不完即依擬治  
罪著欽差大臣迪撫等刊布朕諭務令所屬  
官吏軍民人等及遠鄉僻壤共知之○陞直  
隸三屯營副將李元亮為正白旗漢軍副都

統○甲申

上躬謁

陵寢是日啓行駐蹕箭桿河○以原任吏部右

侍郎協理直隸總督劉師恕補授內閣學士

為福建觀風整俗使○以故喀爾喀扎薩克

多羅達爾漢貝勒詹達古米子拉旺多爾濟

襲爵○朝鮮國王世子李埈故遣官致祭○

乙酉

上駐蹕五百戶○丙戌

孝康章皇后忌辰遣官祭

孝陵

上駐蹕淋河○諭內大臣等薊州城垣新經修  
理微有顛壞之處若及時補葺甚屬易事僕  
視為膜外任意遲延日久益壞必致煩費其  
城垣倒塌之處著該州即行修補嗣後該州  
遇有陞轉離任等事將城垣有無顛壞與接  
任官交代若交代不明即著落前任官修補  
將此旨傳諭伊等再傳諭內閣凡直省有新

修城垣皆照此例行○調正紅旗滿洲副都

統馬喇為鑲藍旗滿洲副都統陞三等侍衛

宗室鄂齊為正紅旗滿洲副都統○丁亥

上謁

昭西陵

孝陵

孝東陵未至碑亭降輦步入至

隆恩殿行禮舉哀畢遂謁

景陵未至碑亭降輦步入至

寶城前行禮致奠哀慟良久王以下文武大臣  
官員皆感涕不已○是日

上回鑿駐蹕淋河○戊子

上駐蹕大石樺莊○己丑

上駐蹕長營○調正藍旗漢軍副都統高均為

福建福州左翼漢軍副都統○移江西廣信

府永豐縣柘場寨巡檢駐洋口從署江西巡

撫張坦麟請也○庚寅

上回宮○辛卯遣官祭

闕聖帝君○調正黃旗漢軍副都統管承濤

為鎮紅旗漢軍副都統陸鎮紅旗奈領紀壽

為正黃旗漢軍副都統○壬辰諭內閣朕惟

雲雨風雷之神代天司命俾百昌萬寶普含

膏澤以錫福於黎民厥功竝懋朕恭承

天眷恪修祀典為四海蒼黎仰祈嘉佑己經特

建廟宇崇祀龍神風伯而雲師雷師尚闕專

祠當考虞書禮於六宗之文漢人以乾坤六

子釋六宗震雷異風均列祀祀而易曰雷以

動之風以散之則風雷之發生萬物功實相  
等禮記曰天降時雨山川出雲周禮亦以五  
雲辨年歲是雲與雨皆運行造化同昭

天貺者也前代及本朝

南郊大祀雲雨風雷俱列從壇之次式隆配享

典禮亦既備矣邇年以來雲物北祥雷行應

候茂育庶彙宣布陽和庇國佑民之德靈應

顯然今欲特建廟宇虔奉雲師雷師之神因

時禱祀敬遵洪府以展朕為民祈福之意其

考據體儀相度營造之處著禮工二部詳議

具奏○直隸布政使楊紹緣事革職以詹事

府少詹事王崧為直隸布政使司布政使

補行湖南四川二省雍正二年分大計不謹

官三員罷軟官一員年老官十一員有疾官

七員才力不及官五員浮躁官四員俱分別

處分如例○豁免江南沛縣水沉田地額賦

銀三千二百七十兩有奇從江蘇巡撫尹繼

善請也 癸巳諭請王內閣九卿八旗大臣

等率噶爾一部落原係元朝之臣僕其始祖  
曰額森額春之子托渾漸至大員固擾亂元  
之宗族離間蒙古恐獲重罪遂背負元朝之  
恩逃匿於西北邊遠之處元末又煽誘匪類  
結成黨與遂自稱準噶爾肆行劫擄迨至我  
朝有噶爾丹丹婁阿喇布坦二人世濟其惡  
擾富生靈滅棄釋教造孽多端不可枚舉當  
我朝定鼎之初各處蒙古傾心歸順共輸誠  
悃請安納貢求為屬國安享太平樂利之福  
八十餘年惟準噶爾一部落遁居西北五千  
里之外擾亂離間衆蒙古肆行劫奪噶爾丹  
身為喇嘛不守清規不遵佛教破戒還俗娶  
青海鄂齊兒圖車臣汗之女為妻後又潛往  
青海賊言伊之妻父鄂齊兒圖車臣汗擄其  
屬下人衆績因喀爾喀七旗內彼此稍有嫌  
隙奏懇

聖祖仁皇帝為之和解因遣大臣同達賴喇嘛  
使者前往噶爾丹遣人暗探消息遂以喀爾

喀等率視達賴喇嘛使人為解遣伊欲內徵  
未吉多爾濟查布將喀爾喀汗台吉等肆  
行凌辱喀爾喀汗等怒彼狂悖無禮會衆將  
彼殺害噶爾丹遂稱殺言伊弟多爾濟查布  
與喀爾喀構隙掩其不備發兵猝擊喀爾喀  
衆潰紛紛來投

聖祖仁皇帝深為軫念施恩有養遣使往噶爾  
丹處諭以兵為凶器令其與喀爾喀和好  
方開導非噶爾丹真頑不靈借追襲喀爾喀  
之名入犯邊汛彼時即行勦滅復有何難我

聖祖仁皇帝好生為德遣使責問噶爾丹惶愧  
恐懼設誓撤兵乃並不歸伊任牧之所仍潛  
居克爾倫圖拉地方暗行窺伺

聖祖仁皇帝復遣使降旨諭以應回原任牧地  
方噶爾丹伴稱遵奉諭旨仍乘隙潛掠沿邊  
蒙古之畜牧衆蒙古不獲安居我

皇考遂上告

天地親統大兵聲罪致討噶爾丹軌敢逆天與

我西路大兵接戰，伊軍大敗，妻子被擄，噶爾丹窮迫自殺。彼時大兵即應直搗巢穴，收其部落。

聖祖仁皇帝恐天下後世有窮兵黷武之議，因而中止。策妄阿喇布坦者，噶爾丹之姪也，與伊叔噶爾丹不相和睦，帶領七人潛逃至吐魯番地方居住。

聖祖仁皇帝以策妄阿喇布坦向與伊叔和睦，懼其誅害，遁跡逃生，加以恩澤，伊當感戴歸誠。

誠正

聖心仁慈，不忍遣兵將噶爾丹餘剩部落悉行剿滅，恩加格外，遣使賞給策妄阿喇布坦。彼時策妄阿喇布坦力弱勢微，甚為恭順。其後離間伊之妻父爾爾古特之阿玉氣汗與其子三濟扎布，誘三濟扎布攜帶萬餘戶至伊。往投之處，因而強占入己。從此遂不安分，肆意妄行，窺伺青海，擾害生靈，率領賊兵前進。被哈密駐防輕兵擊敗，遁回策妄阿喇布坦。

又假黃教為名，潛兵入藏，無數言伊妻弟拉藏汗毀壞寺廟，殺害喇嘛，搶掠供器，是以持違大臣前往詢問。乃伊恐不要死阻兵抗命，使臣率師甚少，兵力單弱，伊得以愈肆猖狂。聖祖仁皇帝仍賜包容，諭令違外，西路大兵緩進，屢次遣使示以。

聖意，謂策妄阿喇布坦果能悔過，懇恩具奏，其時另降諭旨，若仍怙惡不悛，然後將此部落人眾悉行剿滅。此。

聖祖仁皇帝之本意也。朕紹登大寶，策妄阿喇布坦雖違，徒求和朕，知非伊本懷。諭伊來仗，云爾歸告知爾台吉，朕崇承我。

皇考大統爾台吉若欲受我。

皇考天恩，須盡改前非，遵朕諭旨，定界安居，若欲犯我。

皇考天威，任爾備兵前來，定當加以天討。如此降旨分晰利害，遣使前去，又恐策妄阿喇布坦心懷起貳，將西路大兵盡行撤回，乃伊因。

此愈生驕傲於定界一事。豈欲侵占界地。朕  
又向伊來使降旨云。爾等告知。爾等阿喇布坦  
定界一事。實於伊身有益。如遵奉諭旨。即遣  
使具奏。若不遵諭。亦必遣使前來。乃伊竝  
不回奏。此際。爾等阿喇布坦身。故伊之長子  
噶爾丹策零。遣使前來。奏聞伊父身故之事。  
稱伊父已經成佛。又稱欲使衆生樂業。黃教  
振興等語。噶爾丹策零不過邊遠部落。一微  
末台吉耳。使衆生樂業。黃教振興。豈伊愿出  
之語耶。况伊果欲求和。應代伊父謝罪。懇恩  
送回青海。叛逆等逆之輩。卜藏丹津。以贖前  
愆。乃竝不輸誠。向化。敢以如許。妄誕之詞。見  
之陳奏。此特欲假借伊父之故。欺耳。聞噶爾  
丹策零。甚屬凶暴。且西藏阿爾布已。陸布赤  
扎爾羅。等。濟惡同謀。將實心。爲國効力之貝  
子。康濟。羅殺。害此等叛逆。罪狀。皆因。肆噶爾  
與伊處相近。而進退之罪。卜藏丹津。原係伊  
等姻戚。彼此相依。是以敢於。悖逆。迨其。寬迫。

倉猝之時。則必投奔。噶爾丹。亦屬。顯然。因頗  
驍奮。勇直。前截其去路。阿爾布已。等。未得  
前進。即被擒獲。噶爾丹。性。好。搶掠。若。留在。衆  
蒙古。遊牧。地方。將來。必。受。其。害。今。朕。已。將。來  
使。遣。回。若。伊。諸。事。俱。遵。旨。陳。奏。臨。時。朕。另。行  
裁。奪。降。旨。償。仍。前。排。擬。於。張。碑。恣。負。朕。屢。次  
遣。使。開。導。指示。之。仁。恩。抗。玩。不。恭。將。來。噶。爾  
丹。策。零。斷。非。安。分。守。法。之。人。必。至。生。事。要。爲  
况。西北。兩。三路。大。兵。盡。已。撤。回。此。際。伊。等。如  
或。生。事。則。我。朝。如。許。安。享。太平。之。喀。爾。喀。等  
及。辦理。安。插。妥。貼。之。青海。西藏。必。至。被。其。擾  
害。甚。屬。可。慮。且。此。事。乃  
聖。祖。皇。考。注。意。未。完。之。事。仰。賴  
上天。眷。佑  
聖。祖。皇。考。福。澤。國。帑。充。裕。官。員。弁。兵。同。心。奮。勇  
願。爲。國家。効。力。實。係。可。以。舉。行。之。會。若。遲。疑  
不。決。定。貽。後。悔。夫。用。兵。者。國家。不。得。已。之。事  
也。窮。兵。贖。武。爲。聖。帝。明。王。之。所。深。戒。而。以。大

加小以強陵弱。又仁人君子之所恥而不為者。况半唱爾彈丸之地。又在極北之區。得其土不足以耕。耘得其民不足以驅使。即使滅此朝食。亦不足以誇耀武功。此皆朕所熟思而詳審者也。但留此餘孽。不行剪除。實為東蒙古之巨害。且恐為國家之隱憂。今天時人事機緣轉瞬。時不可遲。機不可緩。天與不取。古訓昭然。且我

聖祖皇考為此壽畫多年。未竟其事。茲當可為

之時。朕不敢推諉。亦不忍推諉。此朕一人之見也。用兵大事。所關甚重。不可輕率。著諸王謀政大臣。九卿八旗大臣。各抒己見。公同詳確密議。具奏尋議。準噶爾部落。自噶爾丹逆光恃逆。蒙阿喇布坦復肆驕悍。俱已伏冥誅。今噶爾丹東雲。光頑強惡。若留此餘孽。則喀爾喀青海西藏等處。必被其擾亂。伏乞皇上命將興師。大彭天討。以除蒙古人民之害。得旨。諸王滿漢文武大臣等。眾議會同。一切

應行事宜。著即辦理。○戶部議度福建總督高其倬疏。言臺屬各縣倉粟。向經題明。每年撥粟十萬石。碾米五萬石。運往泉漳二府平糶。但臺屬正供粟石。止可存備。全臺并廈門金門等處兵糧。請將官莊現存粟四萬九千石。零粟價銀七萬三千四百餘兩。內抽撥採買。運往泉漳二府。永為定例。應如所請。從之。○旌表正藍旗滿洲烈婦趙連妻柏氏。夫志殉夫。投銀項。命給銀建坊。入祠。致祭。如例。○

甲午諭戶部農事為國家首務。督率貴有專司。前有人條奏。請於各省設立農官。以司勸課。或設巡農御史。令其巡行郡邑。勸導農人。及時力作。亦足敦本業。而防游惰等語。朕思各省耕作之情形。不同。未可一例通行。現今畿輔之地。營種水田。以來收穫甚多。行之已成。效設立巡農御史之事。當先行於直隸。每年特差御史一員。於二月田功初起之時。巡歷州縣。察農民之勤惰。地畝之修廢。以定

州縣考成其有因循推諉以致荒廢農田者即行參處該御史亦勤加勸課督令耕耘九月間稼穡納場之後回京覆旨至明年二月照例另派一員前往其該御史出巡一應供給車馬俱照現今巡察御史之例按日給發務使農業興修田功畢舉游子之人咸歸南畝以副朕重農務本之至意○又諭鹽茶皆民生日用所必需查川省鹽課考成惟責之產鹽州縣其餘並無巡查之責且有僻遠地方不行官引以致私販充塞甚為鹽政之弊應將官引通行合省約計州縣戶口之多寡均勻頒發令其各自招商轉運僅有壅滯責成各州縣定為考成如此則有司等自必加意查察使私販息而官引銷弊端可以釐剔矣又聞川茶皆論園論樹以定稅額夫茶樹有大小不同園地有廣狹不一若概以園樹之數為額未為允當應將茶稅照勸兩收納方得其平以上二項著該督撫詳議定為

成例使川省鹽茶經理妥協於民生均有裨益○諭兵部火器關係軍政甚為緊要為鎗硝黃不許民間藏匿例禁甚嚴乃外省奉行不力視為具文前有人在打箭爐見西藏番民來壩貿易所帶鳥鎗俱係內地製造款式此則不法之民私造鳥鎗違禁販賣者不少矣川省如此他省可知著該督撫留心訪察嚴加申禁毋得因循塞責致干重譴○陞正藍旗參領甘肅標為鑲黃旗漢軍副都統○以江南鄂隰山安等處河營日兵屬錦榮欽和謝玉等修築險工報沒身故照陣亡例賞給祭葬銀兩○乙未

上御經筵講畢賜大學士九卿詹事及講官等宴○諭內閣從來天人感應之理捷於影響凡地方水旱災稔皆由人事乖忤之所致或朝廷政事有所闕失督撫有司不得其人或一郡一邑之中人心詐偽風俗澆漓又或有



一二大姦巨惡之徒滅棄倫常陰懷悖逆皆  
足以干天和而召災異數年以來朕以此理  
曉諭內外臣工及萬方黎庶者不啻三令五  
申矣乃湖南地方連歲屢遭荒歉朕以彼地  
之人事推之如姦民謝錄正等違光肆惡潛  
蓄邪謀又有大逆之曾靜張與香滅絕天良  
枉同島隴地方有此等逆天悖理之人以致  
旱澇不時民人困阨雖朝廷之政教頻施有  
司之職業無忝安能代凶惡禱民祈禱天恩  
而寬其贖責乎楚風愚悍自昔為然朕念幸  
土之人皆吾赤子同歸於善其切股懷著照  
浙江福建之例設觀風整俗使一員勸諭化  
導之御史李徵著補授都察院會都御史高  
湖南觀風整俗使諭戶部錢為國寶固貴  
流通以利民然必推銜輕重使得其平方能  
使民用而無囤積私銷之弊近聞馬蘭峪地  
方奉天直隸數府錢價過賤民間貿易物價  
必致虧損且恐姦弊從此而生著該督及奉

天府府尹嚴飭地方官通行曉諭嗣後錢價  
每銀一兩止許換大制錢一千文并著該部  
行文各省督撫轉飭各地方每銀一兩所換  
制錢不得過一千文俾民用便利而國寶流  
通以為經久平準之定則吏部議覆廣西  
巡撫金鉅疏言南寧府屬隆安縣新寧州向  
係調缺比來人民稠密烟瘴全消請將該州  
縣正雜等官歸部銓選其沿邊之南寧慶遠  
等處所有知府同知通判知州知縣二十三  
缺又新設之慶遠府同知一缺俱請歸入調  
缺題請五年俸滿卽陞應如所請又稱沿邊  
二十三缺內有大平府通判泗城府知府同  
知西隆州知州西林縣知縣等五缺皆地處  
極邊水土最為惡劣請改為三年俸滿卽陞  
推陞之後果於風土熟悉人地相宜再留三  
年照陞銜陞用查太平等缺既地處極邊宜  
加體恤未便令其久留應將所請再留三年  
之處無庸議得旨金鉅請將大平府通判等

缺俸滿推陞之員再留三年照陞銜陞用該  
撫身在地方必有所見部議水土惡劣不便  
久留雖據情理而言但推陞之員既已熟悉  
風土非初到者可比或其人情願再留以圖  
上進亦未可定惟是再留三年之後果能稱  
職或格外加恩或令該督撫於本省要缺保  
題陞陞以示獎勵著該部另議具奏尋議太  
平府通判等五缺應令該督撫於內地各官  
內揀選調補三年俸滿准以應陞之缺陞用

若該員情願再留効力或本省一時難得熟  
練之員俱准據實具題以陞銜再留三年果  
能稱職准照陞銜陞用從之○川陝總督岳  
鍾琪疏言沙州招徠戶民所給牛騾倒斃二  
百餘隻據紳約戶民等呈稱沐恩賞給衣糧  
田舍安居樂業此項倒斃牛騾情願公幫買  
補得旨沙州招徠戶民安集伊始即知姻睦  
鄉里有無共濟之美甚屬可嘉但此情願幫  
補之人俱係無業窮民甫經耕種未必即有

餘力可以濟助紳鄉著動支甘省藩庫正項  
錢糧每牛騾一頭給銀八兩令本戶照數買  
補此因伊等敦睦尚義朕心嘉悅是以特加  
格外之恩著該督即飭該管管按戶查明散  
給俾得均霑實惠并宣諭旨獎勵之○丙申  
春分朝

日於東郊遣康親王崇安行禮○諭內閣朕於  
興修關里

文廟一事盡諭著欽明發國帑務令規模宏  
壯堅固輝煌計日告竣雍正三年六月即敕  
令原任巡撫陳世倌領帑興工遣員修造奉  
奉委託至再至三嗣於塞楞額接任之時又  
復詳請訓諭豈料陳世倌要用不得其人既  
已耽誤於前而塞楞額又復因循怠玩於後  
以致工程遲滯又未告成昨已特遣通政使  
留保前往協同督撫岳齊督催令在事人員  
殫心竭力迅速竣事陳世倌著速赴東覲盡  
心辦理以贖前愆此次修理

文廟工程務期盡換崇闈整綴壯麗絢光  
備擇然一新舊舊制之外有應行添設者有  
應加修整者俱著估計奏聞添發帑銀葺理  
舟艘工成之日朕當親往臨謁以展尊禮

先師至誠至敬之意免江西安仁縣雍正  
六年分旱災額賦有差丁酉陞都察院左  
僉都御史徐湛恩為額外內閣學士仍協理  
河南山東河工事務戊戌諭內閣各省關  
口開放船隻向例有部額號簿以便稽查茲

聞各關另設私符徵收報部時始將號簿換  
日填造其意以船隻往來多寡不齊不能逐  
日有徵收之數目是以勾派填造如此則簿  
內數目與商船過稅串票毫不相符殊非政  
體且凡事據實則可以無弊作偽則弊實叢  
生嗣後各關於部頒號簿務須據實填寫如  
無船隻過稅之日亦即註明僅仍沿前報定  
行嚴加議處該部亦不得混行指駁致滋弊  
端○調刑部右侍郎彭維新為吏部右侍郎

工部右侍郎王承恩為刑部右侍郎以漕運  
總督張大有為工部右侍郎都察院左副都  
御史杜桂為漕運總督○兵部議覆署兩江  
總督范時繹疏言江南為九省通衢差使既  
多兼之地方卑溼馬匹易於倒斃請嗣後江  
以南各驛每馬十四許其倒斃三匹限一月  
買補江以北各驛每馬十四許倒斃二匹限  
半月買補永著為例應如所請從之○以故  
一等精奇尼哈魯劉保任子常在襲職○以  
故二等精奇尼哈魯祖俊親弟祖奎之子祖  
雲龍襲職○封圖爾古特同山日子丹中為  
為多羅貝勒○已亥

上親耕耤田詔

先農壇致祭畢更服至耕所仍行四推禮畢  
上御觀耕臺命莊親王允祿裕親王允祿裕親  
王廣祿行五推禮吏部尚書公傳爾丹戶部  
左侍郎常德壽禮部尚書石文焯兵部尚書  
查弼納刑部尚書勵廷儀工部尚書公參岱

都察院左都御史三泰道政使司右道政史  
在甲大理寺御侍德行九推禮各以次耕如

儀

上御齋宮順天府官員耆老農夫行禮畢至  
耕耨所農夫終畝王以下各官行慶賀禮賜  
茶停止筵宴

上站

恩佑寺行禮畢幸圓明園諭內閣馬蘭泰之

租明安原係兀魯特部落貝勒

太祖高皇帝時納款歸順在軍中亦甚効力建

立功勳授爲二等伯現今馬蘭泰承襲狀念

明安當年勞績格外施恩著封爲一等侯今

馬蘭泰承襲世襲罔替又諭木朝施恩功

臣錫以世職俾其承襲罔替者特以念其戰

功不忍絕其種祀使世世子孫永沾恩澤也

但其中有罔絕嗣未經承襲者朕甚憫焉著

怡親王尹泰常壽三泰將從前建立功績之  
大臣官員內有絕嗣者查其近宗如無近宗

則查其遠族并其親戚價宗族祀成金無卹  
於本旗內查其可令爲後者襲職再

太祖

太宗時因功所給之拜他喇布勒哈番以上等

官內有襲替幾世者不必概查其世襲罔替

者悉行查明具奏又諭據朝鮮國王奏稱

伊國賊黨謀逆旋即啟露遣兵捕緝醜類全

獲已正典刑等語朝鮮世効恭順受朝延恬

習之德伊國兇醜即係干犯天討之人該國

王先事覺察不使漏網從此境內無警官民

又安朕心深爲嘉慰茲因使臣回國著於常

賜外加賜該國王雜繳等四十疋內府書摺

四種該國官員兵丁等發姦捕賊効力有功

亦屬可嘉著頒帑銀一萬兩交與該國王分

別賞給務令均霑以示朕旌賞之至意○庚

子福建總督高其倬疏請揀發人員以備要

用得旨高其倬向來不能教訓屬員以致閩  
省吏治廢弛朕前令各省督撫揀選州縣官

一員咨送閩省朕又揀選能員陸續發往乃高其俸於屬員內悠忽應顧積習未除今又以知府同知缺出補用之人題請揀發現今史貽直秦差閩省著會同高其倬劉世明將福建知府以下知縣以上各員優劣詳加甄別違毋具奏嗣後閩省有道府同知缺出即可將優等之員題請補授其間朕或見有可用之人亦當令往補用免甘肅武威縣蔚州廳雍正六年分匭災額賦有差○厄魯特郡王額駙車零旺布故遣官致祭○辛丑孝昭仁皇后忌辰遣官祭

其感恩還善之誠朕實以浙省之士民風俗稱度非重此數十萬之國帑也浙省蓄善之速甚屬可嘉用沛鴻恩特雍正七年額徵地丁屯餉錢糧蠲免十分之二共計六十萬兩著李衛轉飭各屬恪遵奉行務使閩閩均霑實惠竝將朕加恩獎善之意通行宣諭俾遠僻僻壤咸共知悉○正紅旗漢軍都統高其佩綠軍軍職銜鑲紅旗漢軍副都統李扶為正紅旗漢軍都統正藍旗蒙古副都統葉楚綏事羊職額鑲黃旗漢軍副都統青保為正藍旗蒙古副都統銜鑲白旗參領尚承恩為鑲黃旗漢軍副都統○壬寅諭兵部副都統馬喇著留駐裏塘同羅格照看邊疆喇嘛○命盛京刑部侍郎王朝恩兼管奉天府府尹事○癸卯四川巡撫雷德摺奏上年九月間瀘州里民呈稱軍需米石情願捐助不敢領交倉穀臣見永寧建昌各路軍糧於不能馬馱舟載之處俱派撥就近州縣里民背運負

截奔馳實屬勞苦而瀘州里民亦在派撥之內是以不便再令捐輸未允其請復據崇慶州里民具呈樂輸臣因崇慶未經派運故據情陳奏今奉旨蠲免該州一年額徵錢糧鴻恩丕布萬姓歡騰奉

上諭朕前見崇慶州紳士民好義急公風俗淳厚深為嘉悅是以格外加恩蠲正賦以示獎勵今據撫臣憲德陳奏知瀘州里民冒經具呈在先且瀘民既有背運軍餉之勤勞又有樂助倉儲之忱悃難撫臣未允所請而民情之忠厚善良實為罕見著照崇慶州之例將雍正七年額徵錢糧全行豁免巡撫憲德務體朕心轉飭該州格遵奉行使閭閻均霑實惠僅諭旨頒到之日有已徵在官者准其抵昇庚戌年額賦○旌表江南烈女長洲縣宋殿榮聘妻吳氏武進縣瞿元春聘妻董氏歙縣江承增聘妻徐氏宿州張作棟聘妻周氏俱未婚夫殞矢志捐軀各給銀建坊入祠

致祭如例

大清世宗敬天昌運建中表正文武英明寬仁信毅大孝至誠憲皇帝實錄卷之七十八

大清世宗敬天昌運建中表正文武英明寬仁信毅大孝至誠憲皇帝實錄卷之七十九

纂修總纂官內閣學士徐本勳纂修總纂官內閣學士徐本勳纂修總纂官內閣學士徐本勳纂修總纂官內閣學士徐本勳

纂修總纂官內閣學士徐本勳纂修總纂官內閣學士徐本勳纂修總纂官內閣學士徐本勳纂修總纂官內閣學士徐本勳

纂修總纂官內閣學士徐本勳纂修總纂官內閣學士徐本勳纂修總纂官內閣學士徐本勳纂修總纂官內閣學士徐本勳

纂修總纂官內閣學士徐本勳纂修總纂官內閣學士徐本勳纂修總纂官內閣學士徐本勳纂修總纂官內閣學士徐本勳

纂修總纂官內閣學士徐本勳纂修總纂官內閣學士徐本勳纂修總纂官內閣學士徐本勳纂修總纂官內閣學士徐本勳

執序

雍正七年己酉三月己巳朔諭內閣向來外

官告病回籍不復起用朕從愛惜人材起見降旨令於該員告病之時該督撫若察其居

官尚好即於本內聲明俟病痊後赴部引見仍以原缺補用文職已有此例文武本屬一體以後武職告病者著照文職之例行

翰林院侍讀國隼左春坊左贊善許王猷修撰陳德華編修崔杞俱充日講起居注官

調廣東總督孔毓珣為江南河道總督以雲南提督郝玉麟為廣東總督汪雲南鶴慶鎮

總兵官張耀祖為雲南提督貴州定廣副將蘇大有為雲南鶴慶總兵官

○吏部議覆江南道監察御史姚之炳奏言向來直省督撫提鎮封上本章例有揭帖分遞部院科道但

各省具揭或先期另封投遞而通政司按期收本不查揭帖之後先輒發提塘分送拜疏未上具揭先行恐滋弊竇請飭令各省凡有

揭帖必隨本章同發封套註明月日申送通政司於送本章日始令提塘分送各衙門應

如所請從之丙午諭內閣總督田文鏡公忠歷練自蒞任豫省以來撫綏化導以實政

實心為察吏安民之本是以風清弊絕吏畏民懷地方舒暢之氣感召天和數年之中年

毅慈登豐稔該督之功實為可嘉兼該省紳士庶民風俗向來醇樸又能進封疆大臣之

教人人向義輸忠以受上天之恩實可謂良民矣夫因荒歉而蠲免正賦者乃賑窮恤困之意若羣黎共敦善行以

近天祿屢歲有秋災後不作則膏善姓良朕  
之加恩沛澤吏爲愉快著將豫者雍正七年  
額徵錢糧蠲免四十萬兩總督田文鏡可確  
查分數通行所屬州縣一體遵奉使閭閻均  
沾實惠朕廣收人材以資吏治每當保舉引  
見之時覺豫省之人較少大約豫省士風器  
量深厚有餘而才具珥通不足今欲加以策  
勵以備國家政事之用著田文鏡通行所屬  
府州縣選其才猷可供任使者不拘人數資  
格秉公舉出該督再加遴選具題奏聞送部  
引見又念中州之民務本力田勤於耕作著  
該督於常例歲舉老農外再令所屬每處各  
舉一人給以八品頂帶以示優獎並將朕旨  
疏諭遍鄉僻壤之民俾共知之刑部議覆  
廣西巡撫金鉉疏奏英敵死詐仍將一宗  
照律擬絞蓋係因中途脫逃應加等擬絞立  
決得旨凡擬罪潛逃之犯應改爲立絞  
惡斬省改爲立斬必該犯本案情罪可惡至

秋審時無可寬緩而又有脫逃之罪方改爲  
即行正法若本來所犯情罪尚有可原或因  
愚昧無知或因不知新定之例一時起意懼  
罪潛逃比等之人當仍照本罪擬爲監候著  
三法司通行各直省督撫一體遵行○正黃  
旗漢軍都統金以坦摺奏向來原管世管之  
佐領一遇缺出或有不克定擬之處須候查  
明家譜補授若公中佐領有訓練辦事之責  
未便久懸且恐補又不拘世系請嗣後不必  
照原管世管之例致延時日限二十日內繕  
摺交送當司處彙奏引見從之○川陝總督  
岳鍾琪疏報四川雷波拉密結覺一帶蠻方  
廣袤千有餘里雷波土司楊明義與木貼陸  
氏同惡相濟結連各都土司德昌及阿路結  
覺阿照等處逆黨戕擾傷兵員傷聚衆阻四  
川提督黃廷桂遵旨率兵前進先勦雷波繼  
破拉密旋攻結覺又平定年底噶哈阿路阿  
照等寨峒一百餘處請以結覺地方歸蘇爲



土司管轄所獲番戶分建昌鎮永寧協管轄  
留永寧慶州兵五百名今敘馬營遊擊帶領  
千把總五員暫駐雷波留重慶兵三百名令  
忠州營守備帶領千把總三員暫駐黃郛以  
資防範得旨雷波等處苗蠻狂悖不法勾連  
惡黨騷擾附近民夷及官兵到日輒敢抗拒  
岳鍾琪等調度有方勦撫兼施俾免犯全獲  
從此附近民夷咸得寧輯深屬可嘉辦理此  
事之大小文武官弁等著該部查明分別議  
敘○旌表甘肅中衛縣烈婦教允文妻孫氏  
矢志殉夫投繯頤命給敘建坊八祠致祭如  
例○戊申諭內閣直省各處富戶其為士民  
而殷實者或由於祖父之積累或由於己身  
之經營操持儉約然後能致此饒裕此乃國  
家之良民也其為鄉紳而有餘者非由於先  
世之留遺即由於己身之休祿制節謹度始  
能成其家計此乃國家之良吏也是以神祿  
士庶中之家道殷實者實為國家之所愛養

保護則本身安可不忍孳孳為善以永保其  
身家乎夫保家之道奢乎廢費固非所以善  
守而慳吝刻薄亦非所以自全周禮以辨三  
物教萬民有曰孝友睦婣任鄉可知公財行  
惠任卹之義與孝友而竝重也蓋凡窮乏之  
人既游聞破耗自貶其生又不知己過轉怙  
怠於溫飽之家若富戶後以慳吝刻薄為心  
腹則侵牟與小民爭利在年穀順成之時固  
可相安一遇歉荒貧民肆行搶奪先眾人而  
受其害者皆為富不仁之家也慮富家被害  
之後官法究擬必將搶奪之貧民置之重典  
是富戶以欲財而傾其家貧民以貪利而喪  
其命豈非兩失之道大可憫惻者乎朕為此  
勸導各富戶等平時當以體恤貧民為念凡  
鄰里佃戶中之窮乏者或遇年穀歉收或值  
青黃不接皆宜平情過融切勿坐視其困苦  
而不為之援手如此則居常能護息相周有  
事可守望相助咬水之念既忘親睦之心必

篤豈非富戶保家之善道乎從來家園一理若富戶能自保其身家貧民知共衛夫富戶一鄉如此則一鄉永靖一邑如此則一邑安寧是富戶之自保其家猶富戶之宣力於國也况積善之家必有餘慶種福果於天地之間子孫必常享豐厚豈不美歟著各省督撫將該旨通行該屬之紳士民人等共知之戶部議覆漕運總督張大有疏言向年山東河南二省有輸運薊州遵化豐潤三州縣官兵需用米石其沿途管押以及回空催趲例責成於押運通判以一員而管領數幫前後不能兼顧請添設薊糧千總二員輪流領運抵薊之日交糧守候則責成於千總空回回次則責成於通判德如所請從之雲貴廣西總督鄂爾泰奏報升江蘇糧生苗自恃地險人衆不服如撫經新任撫臣張廣泗調度官兵分路進剿苗衆投誠其上下九股及清水江古州等處現係以次寧貼得古古州

等處生苗自古未歸王化其人愚悍性成固和法度自恃地形險峻出沒靡常擾害居民剽奪行旅難無背叛之迹然為地方良善之惠亦不淺矣向來石禮哈等曾以招撫之事奏請朕恬冒萬方豈忍令此地苗蠻獨在教化之外祇以石禮哈非能辦理此事之人故未允其請續經鄂爾泰陳奏前來朕見新任巡撫張廣泗才具優長周詳縝密必能副朕委任是以諭令辦理今張廣泗親歷苗境勸撫兼施苗民懷德畏威莫不持誠歸嚮使自古未服王化之地均得沾被朝廷之馨教鄂爾泰張廣泗及在事文武官弁俱著從優議敘其兵丁等著鄂爾泰將帶銀賞養具奏川陝總督岳鍾琪疏言西溪一帶地方萬崙雲出入之所原駐防兵七十名不足分佈請再撥建昌左營兵一百三十名今建昌左營守備駐防西溪以資彈壓把科賊首既擒其番部應就近歸沙羅土司管轄逆賊加樂等見

亦就撥所遺番眾應暫令阿都土司管轄從之 已酉吏部議廣廣東總督孔毓珣疏言陵州一郡孤懸海外海口所城尤為扼要商賈輻輳甚良易混請將瓊山縣縣丞移駐就近稽察應如所請得旨各省佐貳微員有地方職掌緊要者亦有新設新移正需料理者必須於眾員中揀選才具稍優熟諳事務之人方可勝任著各省督撫將佐貳緊要之缺查明具奏交與該部註冊遇有缺出該督撫揀選題請調補如本省之員或將別省見任之員題請或請旨揀選永著為例 工部議廣原任河道總督齊蘇勒疏言黃運兩河隄工保守宜加詳慎向來隄頂之上民間私蓋房屋既恐傷隄而搶葺亦多礙手今淮安府反竇應聽佔住之隄已經諭民移徙惟運月等隄與運河聲道迤邐綿長鄉民居住日久驟今折踐恐致失所請嗣後隄頂民房如過領祀禁止重修今移蓋於隄旁隙地再隄頂

之屋有輪約房租者許自徐卸以至江口每歲徵銀不過百餘兩有益於國課者甚小并請一併豁免以杜藉名私佔之弊均應如所請從之 免福建侯官等九縣雍正六年分旱災額賦有差 庶成諭王大臣等護軍統領塔拉圖朕聞在軍前每日醉飲大員委任著革職來京其員缺令副都統銜察哈爾總管馬爾薩斯去 戶部議廣湖廣總督邁柱疏言丁銀田賦同屬正供但窮民有寸土全無而受丁銀之累者富戶有田連阡陌而丁銀與窮戶相同者苦樂不均請將武陽等九府州武昌等十府酌自雍正七年為始照道者攤勻丁銀數日派入田糧徵收其請報勸墾以及自首隱匿畝所報性科應暫緩均攤俟再遇編審時一併派入均應如所請從之 著廣東巡撫傅春疏奏盛犯病故請按季彙咨以省煩費得旨審結定擬監犯病故隨報隨題著為定例

聖祖仁皇帝臨御六十餘年未嘗更改所以慎重民命恐有獄卒陵虛滅口致斃等情也況廣東係山海交錯僻遠之區傳奉初任封疆於分內應辦之事尚未能周到何暇為此越分陳奏之事且朕日理萬幾不敢稍自暇逸正冀爲大臣者贊助鼓舞勵精圖治而傳奉奏稱軍政滋煩有濟聖聽等語甚屬不合著將本擲還○辛亥以吏部尚書仍管河東副總河穆爾曾爲河高山東河道總督山東境內運河一併管轄 旌表直隸新安縣烈婦張攀麟妻荆氏矢志殉夫投繯殞命給銀建坊入祠致祭知例 壬子清明節遣官祭

永陵

福陵

昭陵

昭西陵

孝陵

孝東陵

景陵 戶部議覆四川巡撫憲德疏言各省入川民戶向經一面造冊呈報一面咨查原籍在案但愚民風聞給資始墾往往輕於轉徙况川省田地多經業主承支自昔將來餘荒多寡尚未可知不可不定以長策請嗣後各省續到流民自雍正七年爲始停其造冊咨查行令各省將實在無業窮民願往川省墾者給與印照與先經查驗覆到之各戶一體安插如無照之人除在川各有生業准其編入保甲外所有游手之民著即查明令回原籍應如所請從之 命江西南昌府關局鼓鑄從江西巡撫張坦麟請也 命川陝總督岳鍾琪補給駐防哈密甘肅提鎮標兵歷年應領鹽菜行糧銀五萬二千八百兩 癸丑以直隸石叵副將楊謙署直隸天津總兵官 甲寅諭內閣自古帝王皆有功德於民雖世代久遠而敬禮崇奉之心不當弛懈其陵殿所在尤當加意防衛勿使乘慢至於往

聖先賢名臣忠烈其祠宇營墓亦當恭敬守  
護以伸仰止之忱若各省督撫轉飭各屬將  
境內所有古昔陵寢祠墓勤加巡視防護稽  
查務令嚴肅潔凈以展誠恪若有應行修葺  
之處若動用本省存公銀兩委員料理朕見  
歷代帝王皆有保護古昔陵寢之教諭而究  
無奉行之實朕於雍正元年恩詔內即以修  
葺歷代帝王陵寢通行申飭亦恐有司相沿  
積習視為泛常嗣後著每年於歲底令該地  
方官將防護無誤之處結報督撫該督撫造  
冊轉報工部彙齊奏聞儻所報不實一經發  
覺定將該督撫及地方官分別謀處明太祖  
陵在江寧昔我

聖祖仁皇帝屢次南巡皆

親臨祭奠禮數加隆著江南總督轉飭有司加

意防護其明代十二陵之在昌平州者自本

朝定鼎以來即設立太監陵戶給以地畝令

其虔修禮祀禁止樵採

聖祖仁皇帝屢頒

諭旨嚴行申飭著該督轉飭昌平州知州昌平  
營參將差委人員時加巡視務令地境之內  
清淨整齊儼陵戶或有不敷即著該督酌量  
增添其南北二處陵寢防護無誤之處亦著  
該督撫等於每年歲底冊報工部彙奏 諭  
內務府自朝陽門外至通州乃京師向東大  
路向因雨水之時難於行走動支錢糧修補  
鋪墊聞近年又復損壞若修整石路酌量其  
寬廣可容車二輛兩旁土路亦修築平穩於  
往來行旅大有裨益著總管常明會同侍郎  
普泰詳加驗看 加戶部主事蔣蔚翰林院  
檢討銜提督山東學政工部主事傅玉雲翰  
林院編修銜提督江西學政蘇尼特扎薩  
克郡王達禮扎布故違官致祭 乙卯改陝  
西靖邊所訓導為學正安塞吳堡神木等縣  
學訓導為教習 陞陝西寧夏協領海福為  
陝西寧夏右翼副都統 丙辰命領侍衛內

大臣三等公傅爾丹為精進火將軍北路出  
師川陝總督三等公岳鍾琪為寧遠火將軍  
西路出師征討洋囑哥噶爾丹策零 以陝  
西涼州總兵官表澄審署陝西安西副總兵官  
免甘肅平番縣蔣正六年分單吳額斌有  
差 旌表直隸武強縣烈婦楊資張氏拒  
姦不污投繯頤命於環堵坊入祠致祭如例  
丁巳諭內閣鹽場大使及河工効力官員  
必須身家殷實之人始免累有村民及侵佔  
誤工等弊是以在部揀選之時皆令取具同  
鄉京官印結保其家道殷實然後命往辦事  
所以防冒濫而收實效也查定例鹽場大使  
及河工効力等官到任之日該管上司將果  
否家道殷實之處行文移查本籍地方例雖  
如此但恐視為具文含糊塞責嗣後著實力  
奉行毋得絲毫假借僅行查不實將本人及  
出結之同鄉官一併革職若有賄囑等情仍  
審明按律治罪至出結之官必用主事以上

之員其微末京職禁不准出結 戊午諭內  
閣嘗思歲時雨暘之各地不同者其故或由  
於朝廷政事有所闕失或地方官吏乘其職  
守或民間習俗流漓人心傷薄皆足上干  
天和致成災稔此理數之必然雖毫不可棄者數  
年以來朕已諭之詳兵上年直隸通省地方  
收成豐稔惟宣化懷來保安三州縣獨愆雨  
澤朕心印疑地方官民恐有招致之由朕聞  
口北道王棠來京朕令進見曾經諭及今據  
王棠摺奏宣化懷來保安等處去年夏秋亢  
旱今春他處皆得瑞雪而此地獨火二月間  
臣因公出境勘得雞鳴驛新保安之間有古  
惠民渠一道灌田數百餘頃旗民互訟歷三  
十餘年未嘗結案臣詳勘渠道先劃曲直繼  
將上年所奏上諭再四宣布勸使回心一時  
旗民人等項頌皇仁即時感悟分渠共溉永  
息爭端果於三月初一二等日連降瑞雪平  
地尺餘春料有賴萬民稱慶等語王棠此奏

不過敷陳其事而實乃天人感應之至理蓋  
人之所以爲心即天之所以爲心僕一方之  
中彼此猜嫌操券起訟人懷不平之氣斯天  
地之氣亦淫室於一方不能和暢寬舒有不  
而端失序者乎古聖有言萬方有罪罪在朕  
躬朕躬有罪無以萬方今朕此言非爲人君  
寬解而推知其責於臣民也君民上下原爲  
一體皆見直省督撫官員等每過年歲豐登  
輒曰此皇上之洪福此語朕從不受朕無自  
私之福以天下人之福爲福若吏治澄清民  
風醇厚以致時和年豐天下人各受其福即  
朕之福也若官吏壞法營私黎庶罷廢成器  
以致召爲災異此濟用人不得其當化導未  
盡其方天下不能共受其福即朕之歉於福  
也人君原無可護之責而臣民自有各盡之  
道朕以實心實政乾惕於上天下臣民果能  
電勉修省同歸於善以感召於下則太和之  
氣流行於宇宙災沴何自而生而雷應時

而降人歌樂利百室盈寧以同受  
上天之慈惠豈不美歟著各省督撫通行所屬  
咸使聞知又諭朕萬在京八旗兵丁悉心  
籌畫其家若有言凶之事需用之費無所取  
辦一時拮据實爲可憫特給內庫銀兩分五  
大臣等營運生息以備兵丁一時之用今思  
外省駐防之滿洲漢軍兵丁等亦當一體加  
恩江寧杭州西安京口荊州廣東福建寧夏  
右衛共九處每處賞銀二萬兩天津河南涼  
關乍清武都共五處每處賞銀一萬兩俱著  
於布政司庫內支給交與該將軍副都統等  
公同存貯營運生息如該處駐防兵丁家有  
吉凶之事將急銀酌量賞給以濟其用其本  
銀永遠爲存公生息之項不令繳還該將軍  
副都統等務須盡心料理使兵丁均沾實惠  
儻該管大臣官員有私自侵蝕那移或委任  
非人以致本利虧缺者定行從重治罪仍於  
該管及委用等官名下嚴追還項其營運利

息之處亦必公平辦理指稱官銀名色或佔奪百姓行業或重利剝削閭閻與商賈小民爭利擾累地方著各督撫不時稽查即行參奏僉督撫徇隱不奏經朕訪聞必將該督撫一併議處此項本利銀兩每年出入之數交與在京八旗都統副都統查核一旗或管一省或管二省著怡親王大學士等酌量派定每年於歲底各省該管大臣官員等造冊齋送各該旗查核奏聞再各省督標撫標提標兵丁等亦依此例每標或給銀一二萬兩或給銀數千兩按照兵丁之額數分別銀兩之多寡亦著怡親王大學士等酌量派定其銀即交與各該督撫提督委員料理以惠濟兵丁一切照駐防之例行其前後接任之時將此造入交代冊內查核至於各省鎮標兵丁著三時難以適及候缺酌量圖用之出入次第加恩陸續降旨○又諭從前屢降諭旨禁止賭博京城內外稽察甚嚴閩游手不法

之徒潛往通州天津公然犯禁聚賭其賭具之所從來有司亦不究問又如京城禁止宰牛鬪雞及蓄養鴉鷂等事而無賴之輩則於通州天津地方仍敢擅宰耕牛私開鬪局文武官吏漫無覺察又聞京城禁賭而好賭之人隨潛匿於四鄉無人禁約似此陽奉陰違有干法紀通州天津二處之人五方雜處易於容留匪類通州有倉場侍郎衙門又有副將駐劄均當與知州等一體管理稽查違禁等事儻不實心稽查致有疎縱朕差侍衛御史等擊獲定將該侍郎副將知州等分別嚴加議處天津有總兵巡鹽御史及道員等官亦照通州之例行至近京鄉村中若有賭博等情該管汛地文武各員不得辭其責一經發覺決不寬貸○禮部議覆貴州學政徐本條奏學政事宜一各省府學皆取所屬州縣童生撥入惟黔省自為府縣府學額多即不如州縣童生之卷亦得充額州縣額少即有優



於府籍童生之卷亦為額限未免去取不均  
嗣後府籍童生儘不足數請於所屬州縣  
生內酌量撥入一給項生員每於學臣任滿  
之日紛紛呈告希冀去任匆忙不及查驗其  
中不無年例未符偽託病廢等弊請嗣後於  
科冊報部後舉行停止批給一貢監免歸學  
臣約束而學臣衙門並無監生檔案請嗣後  
飭令該府州縣備造履歷清冊申送學臣以  
憑查核至後秀捐納中有不應試者當鄉試  
之期或借與親友或租與他人頂冒入場請  
於捐納後行又取結之時即令填註不應試  
字樣以便科試之日詳加查驗庶頂冒之弊  
可除均應如所請從之○辛酉歲政王大臣  
等遵旨議奏北路出征事宜一統領將弁應  
行派定京城八旗兵六千名自總統將軍外  
應派副將軍恭替大臣前鋒統領等員其營  
總恭領侍衛章京前鋒校護軍校統騎校等  
均請派出以著差遣軍騎營兵九千名應派

總兵副將恭將遊擊守備千總把總等員其  
押運糧餉大員隨印學士及中書司官筆帖  
式等均應派出奉天船廠察哈爾索倫土默  
特右衛寧夏七處共兵八千名應派統領及  
管轄之員至喀喇沁土默特兵八百名應派  
塔布囊等員率領一官兵起程分路定期北  
路官兵駐劄阿爾泰路途遙遠京城八旗兵  
於五六月間分五路前進出口後令察哈爾  
土默特兵同行車騎營兵分六路前進奉天  
船廠索倫右衛寧夏兵俱於六月起程至大  
兵駐劄處會合一北路官兵共計總統將軍  
一員副將軍一員恭替大臣六員前鋒統領  
一員副都統十員總兵二員管總二十四員  
恭領副恭領四十一員雲慶使一員副將四  
員章京一百三十六員中書二員司官十三  
員侍衛十二員恭遊八員前鋒校十七員護  
軍校一百八十一員統騎校一百三十九員  
筆帖式四十三員守備十六員千把總九十

六員共七百五十三員除奉旨賞賚外分別各給馬駝器械跟復口糧鹽菜銀兩與兵丁糧餉等供遵旨寬裕支給得旨振武將軍公巴賽著為副將軍振武將軍印務著順承郡王錫保管理鑲黃旗滿洲都統侯陳泰右翼前鋒統領泰泰額白旗漢軍都統石禮哈。正白旗滿洲副都統戴蒙散秩大臣公達福正藍旗滿洲副都統覺羅海蘭俱為叅贊大臣原任右翼前鋒統領丁壽以都統銜為軍營前鋒統領直隸正定總兵官魏赫河南河北總兵官閔文輔統領車騎營兵奉天副都統納泰統領奉天兵白都納副都統塔爾岱副都統銜西彌翰統領索倫兵白都納副都統費雅思哈統領寧古塔兵右衛副都統阿三統領右衛兵寧夏副都統蘇圖統領寧夏兵鑲藍旗蒙古副都統承保鑲白旗滿洲副都統常祿統領察哈爾兵歸化城副都統馬爾齊察右統領土默特兵塔布囊丹巴沙津達

額寧統領喀喇沁土默特兵糧餉事務依法  
 敏伊都立已奏西琳傳德等管理盛京禮部  
 侍郎承國兼內閣學士銜隨請遣大將軍印  
 前往北路軍營其辦理各款俱詳細妥協悉  
 依議行 壬戌

上諭

恩佑寺行禮○陞正藍旗滿洲副都統邁祿為  
 本旗護軍統領○甲子鑲黃旗蒙古都統希  
 爾根祿事革職陞左翼前鋒統領鄂善為鑲  
 黃旗蒙古都統仍兼管左翼前鋒統領事正  
 藍旗蒙古都統穆賽總事革職陞正藍旗滿  
 洲副都統莽訥為本旗蒙古都統仍兼管  
 本旗滿洲副都統事○議政王大臣等議度  
 都統拉錫條奉天津州水師營滿洲兵丁二  
 千名難保水師亦不可不熟習弓馬且駐防  
 海口沿海一帶遇有追捕賊盜之事若無馬  
 匹尤為不便請恩准兵丁檢養馬二百匹給  
 與喂養錢糧應如所請從之○乙丑諭內閣

士子讀書明理爲庶民坊表若昧於急公奉法之義抗體通賦是尊民爲非不止虧缺國課而已今見內外大小臣工爲此僭奉者甚多經禮部定議按限造比逾限不克詳請疏革嚴追等語朕思士子一經管杖則難洗終身之辱一經疏革則永無上進之階諸生縱不自惜其身召朕則深爲諸生憫惜也則各處徵之例不同有資比催糧之差後者有扑責欠糧之本身者現年錢糧每至十月不完方將糧戶懲責是五月未嘗完半雖在百姓未必便行數扑而乃以此處施於士子乎況生監之中貧富不等富戶故意托違實法無可貸而貧生未能依限則情尚可原今應如何分別貧富使富者不得藉口以愆期貧者得稍舒其力需沐朝廷體恤之恩而國賦又不至於拖欠著該督撫各就本省情形秉公詳察悉心定議務期寬嚴得當永遠可行該督撫內到有所見可以仰副朕於濟貧

寒之士子而又懲戒頑富之劣矜者亦著詳悉陳奏以理藩院尚書特古忒兼理太僕寺御事以散秩大臣伯瞻布署正藍旗護軍統領川陝經督岳鍾琪疏言河州營兵出口巡緝時值隆冬備給備辦水裝致共五千二百兩今巡查事竣應於各兵應領餉內扣還得旨兵丁借支出口銀兩著卽作爲恩賞免其扣還○兩廣以左都御史三泰署鑲黃旗滿洲都統○以右正黃旗滿洲都統覺羅伊禮布署右翼前鋒統領○兵部議覆江西南昌總兵官陳王章疏言鎮標兵丁因移駐銅鼓營缺額請另募三百名以足原數添設千總一員把總二員將把總分撥一員防守寧州應如所請從之浙江總督李衛疏言臣欽奉恩綸俯念入觀所有各任印務謹遵旨酌量分派委署請以欽羨清查浙江錢糧副都御史性桂署理浙江總督觀風整俗使蔡任鼎署理浙江巡撫下部知之○改山

西大同府歸化城理事同知屬胡平府管轄  
 從山西巡撫覺羅石麟請也○丁卯以正白  
 旗漢軍副都統德爾芬署銀白旗後軍統領  
 戊辰移湖北沔陽州新堤鎮巡檢駐州南錫  
 底灣從湖北巡撫馬會伯請也○己巳陞參  
 議衛冠軍使侯時茂為正黃旗漢軍副都統  
 鑲藍旗參領尚崇坦為鑲紅旗漢軍副都統  
 正藍旗滿洲阿思哈尼哈番圖那以本旗  
 擬署佐領引見得旨著圖那署理圖那之祖  
 阿山於國家甚有効力之處伊所襲之職如  
 本係精奇尼哈番因銷去恩詔所加之職襲  
 為阿思哈尼哈番者仍當給還原官如原係  
 今職將未再承襲時不必銷去恩詔所加之  
 職爾等將阿山一支子孫十五歲以上者俱  
 查明帶來引見宗譜一併進呈○以故三等  
 精奇尼哈番何爾敦親伯祖岱音達三代孫  
 何仲襲職三等阿思哈尼哈番吳昌祖錄事  
 革職以其親弟吳文煌襲替○旌表安蘇紅

清 實 錄 雍正七年三月

縣烈婦李文進妻栢氏拒姦不污授線頭命  
 給銀建坊入祠致祭如例○與千戶部達吉  
 議覆川陝總督岳鍾琪疏言秦省自南山往  
 蜀路徑有長安縣之子午谷盤崖縣之黑水  
 谷郿縣之斜谷三谷之中斜谷黑水谷俱極  
 險僻無庸闢鑿惟子午谷漢唐之時為糧運  
 大道後漸荒廢若將此路修整坦夷由西安  
 徑抵漢江計程纔五百餘里最為便捷但宜  
 設兵防範以便行人請於子午谷內秦嶺南  
 之五郎關設守備一員千總二員駐兵二百  
 五十名秦嶺北之關神里亦屬隘口請就五  
 郎關所設營內撥千總一員兵五十名分駐  
 其地其黑水谷內之柳葉河應添設把總一  
 員兵五十名再將鳳翔城守營兵移駐郿縣  
 專防斜谷兼防桃川號川等處其號川應添  
 設巡檢一員千總一員兵一百名均應如所  
 請從之○奉末

上回宮○予故陝西延綏總兵官孫繼宗祭葬

四三

贈署都督同知 壬申以莊親王允祿管理  
正紅旗漢軍都統 癸酉調山東按察使吳  
昌祚來京河南按察使公元爲山東按察使

司按察使陞河南開歸道陳世倌爲河南按  
察使司按察使 敕封浙江鎮海縣蛟門山

龍神爲涵元昭泰鎮海龍王之神 甲戌諭  
旨閩在京官員歷俸六年准其告假省親此

乃通行之常例爲伊等父母居家無事願歸  
定省者而言若其父母身患疾病或年過七

十精力衰憊爲子者迫欲回家侍養以伸其  
孝養之忱則非可以年例拘也嗣後在京官

員有聞其父母患病急欲省親或父母年逾  
七十而衰憊者俱不必俟六年俸滿著取具

同鄉官印結於本衙門堂官處具呈該堂官  
查明履歷請旨給假速回本籍不必由吏部

彙題其歷俸六年告假省親者仍由吏部題  
奏特此永著爲例 改貴州中曹土司所轄

高坡等處四寨歸貴陽府管轄從署貴州巡

撫沈廷正請也 以談三壽阿思吟尼吟者  
五爾斡子壽昌襲職 予故雲南昭元激江  
總兵官孫宏本祭葬贈都督同知

大清世宗敬天昌運建中表正文武英明寬仁  
信毅大皇帝實錄卷之七十九

大清世宗敬天昌運建中表正文武英明寬仁  
信毅大孝至誠憲皇帝實錄卷之八十

教諭

雍正七年己酉夏四月乙亥朔享

太廟

上親詣行禮

上幸圓明園 丙子諭內閣川陝總督岳鍾琪

統領大兵出口遊勦之後甘涼一帶營汛綠

旗兵力稍單著於西安滿洲駐防兵丁內挑

選一千名暫行移駐涼州著都統蘇丹西安

副都統尼馬善統領此挑選兵丁可先期預

備候朕再降諭旨涼州原有兵房二千餘間

著甘肅巡撫量加修理以備移駐兵丁居住

山西太原府雖舊有城守滿兵今再從京拔  
派兵五百名至彼一同居住彈壓此所派兵

丁著都統鄂善統領前往駐劄 兵部議覆

巡察湖廣御史王琦條奏驛站苗疆事宜一

巴陵縣之岳陽驛近在縣城請歸併該縣管

理其湖南楊頭請應另設一驛即以岳陽驛

驛丞移駐一湖北武昌府進京大路由黃陂

縣至河南信陽州中間楊店驛小河司廣水

李家寨等處民居稠密道里平坦請將黃陂

孝感雲夢安陸應山及平靖關原設夫馬酌

量抽撥改置驛遞五站以便往來一楚俗熟

習符呪有作姦犯科惑世誣民者請照光棍

例治罪均應如所請得旨此本內議稱熟習

符呪之人照光棍例治罪而未議及通行曉

諭之後方照此例定擬甚屬疎漏從前屢降

諭旨凡有改定科條須寬其期限悉令家喻

戶曉而猶有不率教者加以嚴懲始不為枉

今法司更定律例而不示以遵行之期是謂

不敷而殺且地方官亦有難於奉行之處著另議具奏尋議應自雍正庚戌年爲始犯者爲首立斬爲從擬絞監候行令該地方官徧行曉諭從之○署甘肅巡撫張廷棟題西寧府碾伯縣土同知趙文暉故請以其子趙爾良襲職下部知之○丁丑命大學士馬齊內務府總管尚志齊工部左侍郎汪澄監造

景陵聖德神功碑○諭內閣官兵馬匹其有倒斃免賠捲銀者各省不同從前補以中茶馬

匹及後則給以朋銀採買此諸省通行之例

惟有陝甘各營因停止招中茶馬之時未將

動支朋銀聲明是以相沿至今凡有倒斃馬

匹俱俟兵丁出資買補深可矜念著總督岳

鍾琪詳悉查明將嗣後作何准報補給之處

分晰定議具奏○盛京工部侍郎吳遠禮緣

事革職擢工部郎中陳福壽爲盛京工部侍郎

○福建總督高其倬遵旨題覆原任臺灣

府鳳山縣知縣蕭震向因命案延延經前撫

臣題參革職查蕭震居官勤力人亦樸直但因伊父母年俱八十時時思憶精神漸減以致辦理不及從前請革職留任得旨凡官員等有父母年高而補授路遠地方者經朕聞知皆曲體其情改用近地使之便於迎養或得音問時通蕭震既有八旬之父母該督撫從前應據實陳奏俾得遂其私情專心辦理

公事方爲大臣愛養人材之道乃隱不奏聞致罹削職甚爲屈抑蕭震著回籍省親後來

京赴部引見朕再降諭旨○戊寅工部議覆

署天津滿洲水師營都統拉錫等疏言水師

營官兵俸糧每歲從北倉新廩逐月運送往

返紛煩請於水師營堡城內西北隅蓋造廩

房二座截留運往薊遵漕米三萬石備貯二

年之需俟支放一年外每年截留一萬五千

石撥陳支放並設倉大使一員專司出入應

如所請從之○改直隸涿州營恭將原轄之

舊州營隸天津鎮標管轄從署直隸總督楊

覲請也。己卯戶部議覆四川巡撫憲德疏

言雷波結覺等處番夷助逆不法尋經勦滅

所有查出漢民五十餘戶男婦三百三十餘

口其願回原籍者請給與盤費其不能回籍

者給與房屋牛具等項一體安插應如所請

從之。免江南徐州雍正五年分水災額賦

有差。庚辰陞圖明營總卓鼐為陝西

安左翼漢軍副都統。吏部議覆署貴州巡

撫沈廷正疏言永豐州所屬冊亨羅斛地方

甚屬遼濶一切命盜案件俱係知州辦理未

免稽遲請鑄給冊亨州同羅斛州判關防各

一顆令其專司仍令該州兼轄應如所請從

之。禮部題遵旨議建雷師雷師廟宇查唐

天寶間增雷師於雨師之次每歲立夏後申

日致祭宋元因之大明集禮增雷師於風師

之次部縣立雷壇於稷壇西風雲壇於社

壇東又明會典所載秋分後三日合祭雲雨

風雷等壇今雷師廟應建於西方立夏後申

日致祭雷師廟應建於東方秋分後三日致

祭從之。刑部遵旨議奏盜賊被獲應定同

居處分之例以絕盜源請嗣後有犯強竊之

案者其同居之父兄伯叔明知為匪或分受

財物許即據實出首均准免罪本犯亦得照

律減免如不先行出首其不分贓而知情者

照知人謀害他人不行首告律杖一百若知

情而又分贓照本犯罪減一等發落自雍正

庚戌年為始通行督撫轉飭地方官曉諭遵

行從之。湖北巡撫馬會伯題雲南威遠殉

難同知劉洪度蒙恩贈廕伊父劉自理呈請

奏謝得旨劉洪度守土苗疆捐軀盡職皆由

伊父劉自理義方之訓有素著行文詢問本

籍地方官若劉自理尚可服官辦事著來京

引見朕加恩補用僕年老不能出任著照伊

子品級給與知府封誥。辛巳諭內閣直省

各處皆有回民居住由來已久其人既為國

家之編氓即俱為國家之赤子原不容以異



視也數年以來屢有人具摺密奏回民自爲一教異言異服且強悍刁頑肆爲不法請嚴加懲治約束等語朕思回民之有教乃其先代遺家風土俗亦猶中國之人籍貫不同嗜好方言亦遂各異是以回民有禮拜寺之名有衣服文字之別要亦從俗從宜各安其習初非作姦犯科惑世誣民者比則回民之有教無庸置議也惟是凡人生產雖不同地而同具此天良習尚雖不同教而同歸於爲善回民處天地覆載之內受國家養育之恩可不孜孜好善共勉爲醇良乎且朝廷一視同仁回民中拜官受爵濟登顯秩者常不乏人則其勉修善行守法奉公以共爲良民者亦回民之本心也要在地方官不以回民異視而以治衆民者治回民爲回民者亦不以回民自異即以習回教者習善教則賞善罰惡上之令自無不行悞過善下之俗自無不厚也如陝省之回民教他省尤多其服

私聚賭私藏兵器種種不法之案屢出較他省回民爲甚又如奉旨禁宰牛隻乃勸民務農動稼所以重惜力耕之物命關回民頗有怨言且有私自屠宰者此即居心殘忍不務本奉法之一端也朕念萬物一體之義豈忍視回民與衆民有殊持此詳加訓誨爲回民者當知率由禮義講讓興仁毋恃強而陵弱者倚智而欺愚儻自謂別爲一教怙惡行私則是冥頑無知甘爲異類憲典具在朕豈能寬假乎自茲以後父戒兄勉姻婭族黨互相箴規盡洗前愆東身向善以承天地覆載之恩以受國家教養之澤豈不美歟直省各督撫等務宜布朕意咸使聞知吏部議覆四川巡撫憲德遵旨覆奏天全土司改設流官事宜一天全地方請改置一州設知州一員吏目一員駐劄岷門州同一員分駐始陽一天全地方既改爲州應隸府轄請陞雅州爲府設知府一員經歷一員增置附郭一縣設

知縣一員典史一員以新設之一州一縣及  
名山榮經蓋山等三縣併歸府轄一雅州既  
改爲府請以州學爲府學改設教授一員州  
訓導改爲府訓導其府州縣三學取進生童  
并廩增出貢額數統俟人文日盛再議增置  
均應如所請從之尋定天全新政州曰天全  
州雅州新設府曰雅州府雅州府附郭縣曰  
雅安縣 癸未調正藍旗蒙古副都統博什  
希烏木旗滿洲副都統陞銀黃旗護軍參領  
赫達色爲正藍旗蒙古副都統正紅旗蒙古  
副都統班第緣事革職陞三等侍衛格默爾  
爲正紅旗蒙古副都統以鑲紅旗參領阿魯  
署正藍旗滿洲副都統正白旗前鋒參領阿  
克山署銀白旗滿洲副都統正紅旗護軍參  
領達善保署鑲藍旗蒙古副都統 湖廣總  
督邁柱賈秦湖北參軍糧道張廷樞鄂移南  
米縱役勒索一葉遵音審訊據供失察是實  
應准監守自盜論罪止杖流准徒因無慧賦

情弊折賄俱免得旨大凡革職發審之員若  
審明是虛即應准其開復不得混稱已經革  
職無庸再議此朕憂降諭旨訓誥者今邁柱  
既稱審明張廷樞並無貪贓款蹟惟一失察  
案款即應奏請開復何得仍以相沿陋習含  
糊歸結甚屬不合張廷樞著東京引見朕另  
有用處 甲申福建巡撫劉世明疏奏琉球  
國中山王尚嶽差耳目官毛鴻基等進貢方  
物據稱荷蒙天恩准停六年正貢小國因未  
接到禮部咨文所以辨齊方物至期虔申貢  
典雖外邦誠敬殊難固却但未合例不敢冒  
昧施行得旨朕以琉球歷來恪守臣節不失  
貢期而地處重洋之外使臣遠涉風濤深可  
軫念是以令其以四年進貢方物准作六年  
正貢其六年應進表文俟八年正貢一併恭  
進所以寬其朝貢之期與海邦休息之意也  
今該國王以未接部文仍按期遣使並非有  
違成例且其船隻已經進港行李已經安頓

館驛豈可以其不合例而却之使遠島旅臣  
空往返於洪濤巨浪中乎普照例准其入貢  
該督撫委員伴送來京一應廉饋舟楫從厚  
辦給以示朕懷遠人之至意實授張溥  
爲廣西提督侍郎銜在學士裏行走登德  
以老疾乞休允之降尼魯特扎薩克多羅  
郡王阿寶爲多羅貝勒以其擅自移住遊牧  
地方故也乙酉吏部題一等伯四格緣事  
革職銷去五次恩詔所得拖沙喇哈番餘二  
等精奇尼哈番以其親伯之曾孫班達爾沙  
襲替從之丙戌諭廣西右江總兵官段宗岳  
祭葬如例丙戌諭大學士九卿等朕親近  
日兵部奏事其中有一二件似仍欲迎合朕  
意者夫朕日理萬幾初無絲毫成見於胸中  
惟期有當於大公至正之理已曾屢降諭旨  
爾等諸臣自應持正秉公悉心斟酌事以  
當理爲準庶政治有所裨益今乃於正理之  
外妄爲揣摩則爾等馬能知朕意之所在而

漫思迎合乎且部院所辦之事各有關係如  
吏部有意迎合則銓選不公戶部有意迎合  
則財賦難理此皆有妨於政治者其爲官猶  
小至若刑部職在明刑關係最重儻稍以迎  
合爲心則生死出入之間刑罰必不得其平  
上干

天和下戕民命其富尚可言乎至於辦事之道  
凡人精神智力用之專一則詳明而得理用  
之紛雜則叢雜而多乖數年以來朕於辦理  
政務之時皆聚精會神專於所用如閱一本  
則專閱此本而不思其他治一事則專治此  
事而不及其餘是以志氣清明條理昭著一  
事既畢自可再辦一事至於政務稍暇中懷  
澄澈之時又不可放逸此心朕於此時必將  
在京部院衙門及在外各省之事一一思維  
詳察由一部以及各部由一省以及各省靜  
中默識更覺端緒易尋所以辦事甚多而不  
至於遺忘者此也朕以一人之精神辦理天

下之事而常覺有餘爾等諸臣以數人之精神辦理一部之事又何慮不足乎諸臣其共勉之○以內閣侍讀學士和善署盛京戶部侍郎大理寺少卿申珠潭署盛京禮部侍郎議政王大臣等議覆川陝總督岳鍾琪奏四川巴塘裏塘等處請授宣撫司三員安撫司九員長官司十二員給與印結號紙副土官四員千戶三員百戶二十四員給以職銜以分職守內巴塘裏塘正副土官原無世代頭目承襲請照流官例如有事故開缺題補至各番錢糧正項之外又有供給喇嘛衣單土官營兵頭目口糧雜糧等項未便仍令將弁等私自徵納請統作正賦收復均應如所請從之○錄黃旗漢軍副都統甘國標以年老乞休允之○程表甘肅蘭州別提周彰妻馬氏守志孀居拒婚自縊給銀建坊入祠致祭如例○丁亥移湖北荊州徐關於田家洲更名田關從湖北巡撫馬會伯請也○戊子

諭戶部國家承平日久戶口日繁凡屬開墾未耕之地皆宜及時開墾以裕養育萬民之計是以屢頒諭旨勸民墾種而川省安插之民又令給與牛種口糧使之有所資藉以盡其力今思各省皆有未墾之土即各省皆有願墾之人或以日用無資力量不及遂不能超事赴功徘徊中止亦事勢之所有者著各省督撫各就本地情形轉飭有司細加籌畫其情願開墾而貧寒無力者酌動存公銀穀確查借給以爲牛種口糧俾得努力於南畝俟成熟之後分限三年照數還項五六年後按則起科總在該督撫等董率州縣因地制宜實心經理務使田疇日闢耕墾難勤以副朕愛養元元之至意○己丑諭八旗都統等向來各倉米石蓋藏不謹每每攙和灰土純雜不一是以放米時與領米之人勾通賄囑使費繁多弊端種種數年以來嚴飭該管等官慎守倉儲屏除陋弊所頒諭旨一再至三

今米色既昏勻淨則在倉執役之人及赴倉領米之人均當遵法紀不應仍存作弊之心復蹈故轍昨據倉場侍郎塞爾赫劉於義等奏稱南倉倉役林起鳳等勾通監督家人與舖戶私議使費被人告發審供鑿鑿似此則倉場支放作弊之處仍未悔改也米色既好而猶勾通賄囑則必有偷盜多領之事著八旗都統等通行傳諭該旗並令倉場侍郎出示曉諭若本人赴倉領米之時其所得之米果有攙和灰土等弊令其當時在倉將不淨之米交與該監督封貯或到倉場侍郎處或到巡倉御史處據實呈明即行查究從領米之人與倉場吏役暗中勾通作弊者一經發覺將與吏之人一並從重治罪 庚寅命倉場侍郎劉於義山西按察使葛森清查西軍軍需錢糧以原任太僕寺卿涂天相署理倉場侍郎事仍復刑部左侍郎原銜免甘肅河州平涼等三州縣雍正六年分蠲災

額賦有差 辛卯

孝端文皇后忌辰遣官祭

昭陵 諭戶部從前清查江蘇等屬舊欠錢糧

已經降旨將康熙五十一年至雍正四年未

完地丁銀八百一十餘萬兩暫行停徵今思

漕項等銀民間一例編徵不分款項若不擬

行停比則錢糧難以清釐著將康熙五十一年

年至雍正四年漕項屯折等款未完銀二百

八十一萬餘兩一體停徵王璣彭維新等可

令各員於清查之時即分別條款各歸各項

俾數十年積欠其間官侵吏蝕俱得徹底清

釐 吏部議覆雲貴廣西總督鄂爾泰疏言

雲南東川府治地方遼濶前經題准於巧家

營地方增設會澤一縣但該縣距府五站小

民輸納維艱請改為東川府附郭具東川經

歷請分駐巧地設立一汛撥官一員兵三

十名以資防守應如所請從之 戶部議覆

湖南巡撫王國棟疏言勸撫貴州古州八萬

等處現將湖南營兵酌撥一千名前往但黔楚相距遠衣糧均屬艱難請借給副將每員銀一百二十兩守備每員五十兩千把每員三十兩馬兵每名六兩步兵每名三兩凱旋時按季扣還再兵丁除本身坐馬外其馱載軍裝等項每兵五名需馬四匹但湖南地不產馬請於各協營內照數抽給一面動支給價買補均應如所請從之○壬辰諭內閣外任督撫藩臬爲全省之表率關係甚重每當簡用之時常以一時不得其人深勞念慮凡內外大臣受國家厚恩均當留意於平時秉公奏薦盡以人事君之道京官自學士侍郎以上外官自藩臬以上著各人密保一人將其人可勝督撫之任或可勝藩臬之任據實奏明不必拘定滿漢亦不限定資格卽府縣等員官階尚遠者果有真知灼見信其可任封疆大僚亦准列於薦牘之內若一時無深知可舉之人准其從容採訪不得草率塞

責有負詰詢 移廣西恩恩府同知駐土田州百色地方改潯州府通判爲恩恩府通判駐劄古零裁太平府全茗土州吏目一員南寧府果化土州吏目一員宣化縣那龍寨巡檢一員添設桂林府永寧州喇崗巡檢一員南寧府宣化縣三官堡巡檢一員橫州大灘巡檢一員從廣西巡撫金鉅請也○癸巳諭內閣山東巡撫岳睿普前往西安送伊父岳誼琪領兵起程再回原任巡撫卽務著山東布政使費金吾暫行署理○奉國將軍巴達春因病解退投其子增成爲奉恩將軍 甲午諭內閣八旗兵丁拉各省駐防以及各標兵丁朕已賞給銀兩令該管官員經營生息以濟其吉凶緩急之用今因征勦準噶爾派出兩路大兵遠臨邊塞此所派兵丁等既爲國家効力行間朕心更爲軫念已於行糧恩賞外給與坐糧以養贍其家口但兵丁等出門之後家中若有吉凶之事料理無資不可

不爲蓄畫周濟降京城八旗出征兵丁該旗照例支給外其奉天等處八旗出征兵丁著照京城護軍之例吉禮賞銀十兩喪禮賞銀二十兩其直隸山東山西河南陝西等處出征綠旗兵丁著照京城號騎之例吉禮賞銀六兩喪禮賞銀十二兩凡此賞給銀兩其有已經孳生利息之處卽於利息內支給其未嘗賞銀及雖經賞銀而尚無利息可支之處卽動正項錢糧支給著該管官員通行曉諭使出征兵丁咸共知悉伊等家中遇有應領賞銀之時卽報明本管官出具領結照數支領毋得稽遲俾効力行間之士均沾實惠無內顧之憂以副朕加恩沛澤之至意又諭兩路大將軍統領大兵進剿準噶爾凡所經過名山大川理應致祭著撰擬祭文書寫數十道敬謹用寶付兩路大將軍帶往遇有應祭山川臨時填寫神號虔恭致祭其所用香帛等項著該部察例辦理以吏部尚書查

卽阿魯川陝總督復設江南南匯縣下兩二場浙江黃巖縣杜賣場永嘉縣永嘉場場官各一員裁江南金山衛浦東場場官一員從浙江總督李衛請也○乙未陞署盛京禮部侍郎大理寺少卿申珠澤烏都察院左副都御史仍署盛京禮部侍郎○吏部議覆署兩江總督范時輝疏言松江府督糧通判有監兌漕運之責未便兼管鹽務請將松屬巡鹽事宜改歸海防同知管理應如所請從之○戶部議覆欽差刑部左侍郎繆沅等條奏山東鹽政事宜一永阜永利濟維三場灘鹽鹽豐率皆露積請設立官鹽坵將所產鹽勦收貯編設保甲互相稽察一商人領引行鹽每多重複透運請設水程驗單隨領隨運一州縣行鹽殘引應按期繳銷如地方官督催不力請嚴查揭發一東省十場地方遼闊運同一人鞭長莫及請復設膠萊分司運判一員分任管轄均應如所請從之○旌表河南

大康縣烈婦李福妻馬氏拒姦不污投繯項命給銀建坊入祠致祭如例、丙申諭內閣朕前降旨令兵部將因公註誤降級革職之武弁查出具奏今日兵部查得三十四員具摺請旨摺內有施仁宥過等語此等浮泛頌揚有乖理道之詞昔年

聖祖仁皇帝屢經指示訓誨而數年以來朕又以此語誡內外臣工者不啻至再至三矣蓋賞罰者天命之正人君奉天出治有善則賞有過則罰其柄非人主所得私也至其中亦有過過而寬宥者則以其事本有可原之情或其人尚有可用之才故姑從寬典以許其自新耳夫人君惟令天下無一夫不獲其所方可謂之信非縱釋姦宄遂可以謂之仁也不能化導百姓而使之不為姦宄已不可謂之仁矣若再務施仁之名而為姑息養姦之事則匪類肆行無忌良善固不能安枕而不良之人無所懲戒悔改將見犯法者愈眾是

陷之入於邪惡之路也不仁孰甚焉施仁宥過四字若不能通曉其義用違其當則流弊無所止極即如今日兵部具奏請旨之三十餘人將來引見時豈皆可以起用若不用者則是有不施之仁有不宥之過矣朕豈受此名乎朕治天下惟有教養兼施勸善懲惡此外非朕之所知也兵部侍郎楊汝毅胡鼎茲非不曉文義者且日侍班聯熟聞朕諭尚昧昧至此則外省疎遠之臣工必更不能體會朕意也著將兵部堂官嚴加申飭並曉諭內外大臣官員知之吏部議覆四川巡撫憲德疏言會川一衛向係小學額取文武童生各八名今該衛既經裁改併入會理州而該州舊無專學請照州制中學之例取進童生十二名應如所請其補廩出貢因係設學之始不便遽照州制從之○兵部議覆原任廣東總督孔毓珣疏言惠州府海豐縣屬參將府地方距縣治遠遠向無官兵防守請將



碣石鎮標左營原駐東海塞之守備移駐兼轄附近北坑一汛其東海塞以防守西甘澳礮臺之千總移駐西甘澳礮臺以防守甲子港之把總移駐甲子港令駐劄甲子所之遊擊就近兼管再碣石鎮三標所屬營汛地有寬窄向例抽撥兵丁互相貼防但與其越汛貼防不若仍歸本營管轄請將貼防古營白沙湖等五汛兵丁及左營大德東臺等四汛兵丁悉令撤回中營均應如所請從之（丁酉）寧遠大將軍川陝總督岳鍾琪疏奏西路軍營文武員弁馬步兵丁等必須派有定額則一應軍需可以核計今臣議派總統官兵大員一員分領官兵提督一員總兵四員副將十員參將遊擊共二十員守備四十員千總八十員把總一百二十員其管理駐防臺站派副將二員遊擊二員守備四員千總八員至經理糧餉事務議派道員一員知府一員同知通判知州知縣十員佐雜二十員

計文武大小員弁共三百二十四員馬步守兵共二萬六千五百名一應馬駝器械跟後口糧鹽菜銀兩等項與兵丁糧餉分別支給臣陸續核明造冊報銷奏入報聞（戊戌）工部尚書黃國材緣事革任以鎮紅旗漢軍都統李永陞爲工部尚書仍兼理都統事（陞正白旗護軍參領常壽爲

景陵總管纂輯律例告成總裁纂修官等議敘有差○予故原任江南江寧將軍鄂克孫祭葬諡武襄青海厄魯特扎薩克輔國公達錫班珠爾故達官致祭○乙亥福建總督高其倬來京陛見以吏部左侍郎史貽直署福建總督陞鎮紅旗滿洲副都統德成爲正黃旗護軍統領仍兼理副都統事○裁奉天府泰寧縣知縣典史教諭各缺從寧古塔將軍哈達等請也庚子陞四川遵義副將張玉爲四川北總兵官辛丑

上詣

恩佑寺行禮畢回宮 兵部議覆湖廣總督邁  
柱疏言武昌荆州常德岳州安設水師兵船

徒泊江干拉未遊巡緝捕請於原有分防之  
處一汛留兵十名駐船一隻其餘悉行撤回

存營撥用再長沙衡州二協向未設有戰船  
查沅州協戰船二十隻現屬空閒請撥給長

沙八隻衡州六隻餘令仍留本州均應如所  
請從之 陞陝西肅州為直隸州兼轄高臺

一縣裁肅州通判缺從川陝總督岳鍾琪請  
也 以故三等河思哈尼哈番蘇永祖子阿

林襲職 壬寅  
上以征討罕噶爾噶爾丹東零窮諸

大廟告祭其文曰恭惟我  
列祖聖德神功涵蓋宇宙莫不尊親獨厄魯特

蒙妄阿喇布坦世濟允頑自其叔噶爾丹悖  
肆猖狂我

皇考聖祖仁皇帝親率大軍剪除元惡以策妄  
阿喇布坦素未同逆遺餘部落聽其收撫

恩澤至渥乃不思衝感漸恣鴟張破拉藏荼  
毒生靈

皇考應時戡定簡未忍即加勦戮  
宣諭再三冀其知悔臣紹位以來復申諭旨伊

雖遣使乞和乃敢容留通叛挾詐怙惡旋服  
冥誅其子噶爾丹策零亦遣使請闕而心

志詭譎言詞誕妄按其狡狀若不迅行撲滅  
將來必為蒙古之巨害貽中國之隱憂臣夙

夜思惟茲乃我  
皇考計慮多年經營未竟之緒繼

先志以行師事非得已願  
天心而致討機不容遲廷議食諧戎行齊奮是

用簡帥臣而授賊占良日而禡牙仰憑  
列祖功德崇隆聲靈赫濯旌旗所向立靖氛塵

鏡鼓還歸早聞凱奏永綏藩圍萬邦戴玉帛  
之天惠保邊黎九服遵蕩平之路謹告 癸

卯  
上御太和殿命大學士以寧遠大將軍印並敕

書一道令正仗兵部尚書查弼納副使內大臣倫布齋赴西安授川陝總督公岳鍾琪理藩院侍郎顧魯兼內閣學士銜隨印前往敕諭寧遠大將軍岳鍾琪奉

天伐罪治世之常經鋤暴除先安邊之遠畧况醜逆陰謀詭譎斯王章顯用征誅機不容遲法無可貸尼魯特策妄阿喇布坦乃噶爾丹之逆族也昔我

聖祖仁皇帝時噶爾丹干犯

天討立時殄滅本應直搗巢穴俾無孑遺蒙

聖祖仁皇帝如天之仁念策妄阿喇布坦尙與伊叔詛語情罪可原特沛鴻恩賞其部落撫綏周至再予生全及時伊力弱勢微小心恭順其後乃誘奪伊妻父之部曲萬餘戶輒敢驕肆妄行竟欲直驅青海授其人眾又詭計發兵進藏荼毒生靈我

聖祖仁皇帝雖發兵致討仍賜包容遣使宣諭再三冀其改悔而伊怙惡不悛冥頑如故及

朕紹承大寶伊雖遣使求和而中懷詐僞以背恩大逆之羅卜藏丹津負罪潛逃伊輒敢容留抗違國法中外之人莫不忿恨朕本欲於數年間命將興師向伊詢問不意策妄阿喇布坦遂服冥誅其子噶爾丹策零繼立狡獪狂誕同於其父昨遣人陳奏之際言詞傲慢心志姦邪似此逆賊渠魁父子濟惡若不及時翦滅實爲衆蒙古之巨害且恐將來貽國家之隱憂用是特發兩路大兵聲罪致討爰命爾爲寧遠大將軍統領陝西等處大兵一切事宜爾與提督紀斌斌酌定方畧公同計議而行勿謂己能而不納衆論勿當事會而致失機宜勿恃兵強而輕視賊寇密偵遠探備極周詳各路大兵及蒙古兵丁聽爾調遣凡遇有警即遣發官兵應援撲勦有能擒斬噶爾丹策零來歸者即行馳奏加恩優賞有情急來歸者如意撫恤其不抗拒官兵者勿加殺戮兵將所過地方須申嚴紀律毋得

騷擾百姓得淫人婦女母得離散人之父  
子夫婦母得損壞人之墳墓室廬母得強取  
貨物母得驅役平民以副朕歡亂靖逆安民  
綏衆之意其或有臨戰退縮貽誤擾亂軍機  
者爾會同商議文官四品以下武官三品以  
下即以軍法示衆官兵有犯小過者會同商  
議徑行處治母得沒戎行之勞績母寬縱違  
法之弁兵法紀務極嚴明賞罰悉期公賞一  
切機宜爾商酌調遣有應知會北路靖遠大  
將軍者即行知會一同辦理將噶爾丹策零  
進行鐵勒永靖邊陲斯稱委任爾等務宜殫  
心用力早奏膚功欽哉故敕○

上辛圓明園 加浙江總督李衛兵部尚書銜  
○寧遠大將軍川陝總督岳鍾琪遵音議奏  
肅州地方甚屬緊要鎮臣樊廷錕兵出口之  
後請將肅州鎮印務令與漢鎮臣曹勦署理  
曹勦亦係奉旨派出領兵今仍留署肅鎮其  
領兵鎮臣仍須派補查川北鎮臣張成隆老

成缺遠晚暢軍戎現今赴京陛見乞令呈遞  
回陝領兵出口以足原派鎮臣四員之數得  
旨朕思軍務關係重大曹勦明白精壯乃實  
心効力之員應仍令領兵出口岳鍾琪既稱  
張成隆老成練達晚暢軍戎朕觀其人尚壯  
健或可勝領兵之任著於原派總兵四員之  
外增添一員即將張成隆派出令其呈遞乘  
驛赴陝著大將軍岳鍾琪酌量委用至於肅  
州辦理軍需更屬緊要著督查郎阿相隨路  
遠巡撫許容又屬新任著湖北巡撫馬會伯  
前往肅州辦理軍需一切與督撫等公同計  
議而行即帶管肅州總兵印務甚屬妥便其  
湖北巡撫印務著四川布政使趙弘恩前往  
署理四川布政使印務著四川按察使呂曜  
曾署理四川按察使印務著四川鹽驛道尤  
清署理 甲辰諭內閣朕荷

天地鴻恩俯垂眷佑寤寐之中對越  
神明之心至誠至恪每見臣工奏章有山川

劾靈等字輕慢

神祇朕心深切不安屢經降旨申飭今行聖  
公孔傳鐸奏賀慶雲本內仍用乾坤劾靈字  
樣想未見朕歷來誠諭之旨耶行聖公爲  
先師後裔服習家訓拜疏陳詞尤宜合理此  
本著更改另行繕寫具奏諭兵部抵威將  
軍揚武將軍印二顆送往西安交與大將軍  
岳鍾琪軍前有應用之處酌量委用兵部  
議覆福建總督高其倬奏奏休致海澄公黃  
應鑽固承襲公爵賄屬該縣出結應革去職  
銜今該撫究擬具奏得旨黃應鑽係告休之  
員承襲世職乃伊家事未免瞻顧私情若地  
方有司平日不問賄賂之門預行勒索則黃  
應鑽亦何至以財請託罹於罪戾是其罪全  
在知縣張渭烈張珂等也今欲得愛賄情由  
應將知縣二人嚴加審訊便可定案黃應鑽  
之祖父忠勤懋著若以承襲之事致干黜革  
朕心不忍黃應鑽從寬免革職銜兵部遵

旨題覆廣東龍門副將景慧奉調考驗把總  
謝廷彥奉差遊巡俱渡海飄溺照陣亡例俱  
予祭一次蔭一子以衛千總用景慧因係署  
都司僉書管事再加贈一級並給全葬其被  
飄身故及生存兵丁請分別卹賞從之

大清世宗敬天昌運建中表正文武英明寬仁  
信毅大孝至誠憲皇帝實錄卷之八十

大清世宗敬天昌運建中表正文武英明寬仁

信毅大孝至誠憲皇帝實錄卷之八十一

丁酉年五月乙巳朔諭出征大將軍副將軍叅贊大臣官弁兵丁等準噶爾殺擒

光緒元年五月乙巳朔諭出征大將軍副將軍叅贊大臣官弁兵丁等準噶爾殺擒

光緒元年五月乙巳朔諭出征大將軍副將軍叅贊大臣官弁兵丁等準噶爾殺擒

光緒元年五月乙巳朔諭出征大將軍副將軍叅贊大臣官弁兵丁等準噶爾殺擒

教修

雍正七年己酉五月乙巳朔諭出征大將軍

副將軍叅贊大臣官弁兵丁等準噶爾殺擒

光緒元年五月乙巳朔諭出征大將軍副將軍叅贊大臣官弁兵丁等準噶爾殺擒

皇考聖祖仁皇帝先志特發兩路大兵聲罪致

討當四海昇平之時國用充裕朕細加籌畫

計議再三凡命將遣官派兵運餉以及車馬

甲冑兵器耕具之屬無不經理周詳備辦豐

足弘綱細目具有規條而派出之官弁兵丁

等踴躍歡忻爭先恐後其急公勇往之意甚

爲可嘉此蓋弁兵等素懷忠君報國之心而

又受

皇考六十餘年教養之澤感恩養義出於惓惓

故奮發之氣若斯之壯也然軍氣當壯而軍

心則不可驕孔子論行軍之道曰必也臨事

而懼好謀而成而以暴虎馮河爲戒書經曰

今予其恭行天之罰可知古昔聖人於軍旅

之事倍加敬謹從未有以士飽馬騰兵甲堅

利而遂生驕矜之意忘嚴飭之懷也從來舉

大事者固在人事之經營而成大功者必賴

天心之眷佑若果仰邀

上天恩默垂保護則天地間非常之業不世

之勲皆計日可以成就而感格

上天之道惟有一誠一和聖人曰至誠感神又

曰和氣致祥古訓昭垂千載不易今此兩路

大兵前往若自大將軍以下兵丁以上皆存

一片誠敬之心一團和合之氣視國家之事

如己事聯千萬人之心爲一心以此感格

上蒼蒙

天心許一是字如此而大功不墜乎告成者無是理也大將軍總統全師爲三軍司命當關誠布公虛懷受益能謀於衆能斷於心勿以私意而沮人之勞勿以偏見而掩人之善信賞必罰惠愛嚴明副將軍參贊大臣等和衷協贊合志同心共展謀猷以成韜畧其一應文武官弁等各有攸司均關重計祇奉將軍之令善導所轄之人務殫公心以襄偉績至於兵丁等應思祖孫父子世愛國恩今當執戈荷戰之時正効力酬恩之會况朕以至公訓諭大小臣工將軍等秉公心以馭士卒有功必錄有過必懲正宜乘時覲覲以圖上進古人以共爲一事比於同舟言其休戚相通憂樂與共也朕謂今日之事自將軍以下兵丁以上不但有同舟之誼實乃一體之親朕爲元首以股肱耳目視爾等爾等衆人彼此聯屬之情當如手足臂指之痛癢相關脫誠固結不可藏嫌妬之念不可懷推諉之心且

不但當存退縮規避之私衷亦並不應存輕進貪功之淺見蓋一人立功其功小衆人立功其功大果能以誠心和氣感格上天錫福垂恩膚功克奏則凡行軍預事之人皆有光榮膺爵賞於朝廷垂令名於奕世豈不美歟朕自運籌軍務以來及師旅起程以後朕之一心時刻在於疾陣之間爾等宜共體此心也刑部議覆署江蘇巡撫尹繼善疏奏盜犯陸佛自行投首但係行劫三案以上之犯不便准其減等應如所請得旨劫盜之許今自首減等者既可開愚民自新之路且使案件易於清結若以行劫三次雖自首不准減等則爲盜多次之人豈復肯自行首報乎似此等罪案外省定以重律因當然既交部議該部自應兩請候朕揆其情罪輕重頒發諭旨不應遽定新法陸佛有別案未結著候別案審結再聲明具奏○丙午諭內閣屢年以來朕以天人相感之理諄諄兢諭內

外臣工蓋朕實切敦

天勤民之念於寤寐之中而確見其感應之不  
爽尤願各省督撫有封疆之重任者體朕此  
心至誠至敬各盡其道以爲感格

上天之本惠我烝民共登祚庠朕豈非以年穀  
之順成有意歸美於大夫亦非以雨暘之差  
忒強欲卸責於臣工也假使爲督撫者因朕  
有地方豐歉由於吏治得失之諭音而欲自  
彰其善自護其短於奏報秋成或有溢美之  
詞於奏報歉收或有諱災之意則事

天爲不誠事君爲不忠臨民待下爲不仁不信  
有此數端而欲倚

上天嘉祐錫福凝禧有是理乎况粉飾一己之  
聲名而不顧民生之休戚其何以對所屬之  
官民而無愧怍乎朕留心體察覺近來督撫  
等之奏報年穀間有此弊不得不通行曉諭  
以防其漸在爾督撫等返躬自思有則改之  
無則加勉况朕之見聞甚廣訪察難勤儉掩

飾於此而敗露於彼豈不自取朕之輕視乎

人臣事君之道惟以誠實無欺爲本爾督撫  
等其共勗之○以故厄魯特扎薩克多羅郡  
王車零旺布弟色卜騰旺布襲爵○丁未

孝誠仁皇后忌辰遣官祭

景陵○加禮部額外主事周人驥翰林院編修  
銜提督四川學政 戊申諭內閣朕見臣工  
等奏章間有用山川劾靈洪福齊

天及一切頌揚背理之詞諄諄訓誥至於再三

宜乎中外共知朕心矣乃昨衍聖公孔傳鐸  
奏賀慶雲本內竟用乾坤劾靈之語朕覽之  
實爲悚惕不寧之甚朕於事

天事

神至誠至敬惟望

天地神祇俯垂默佑錫福兆庶共享昇平若云  
感召

天和或云受

天之祐或云昭示靈應似此等語作頌揚之文



尚於義不悖而於心亦安今乃謂

天地神祇劾靈於人君豈不聞王者又

天而母

地而教焉此褻慢之語乎且朕之事

天亦猶臣下之事君也臣之視君也以高九重

之尊而以人君視

天其相越之分又不啻九重而已也設以屬員

領其上官而稱爲上所崇奉或稱爲福與君

齊彼爲上官者能安受而不戰慄乎今以劾

靈齊

天等語見諸奏章何以異是不惟不知立言之

體亦大夫敬謹事君之道矣昔我

聖祖仁皇帝深惡此等陳奏之詞常加訓誨今

著再行申諭內外臣工知之嗣後如有仍用

此等字樣者著通政司即行參奏如送內閣

即著大學士參奏○諭吏部上年十月內降

旨令內外官員各保舉一人送部引見儻所

保人員內有現在試用者若一體准其送部

引見恐伊等因現在試用之缺不稱其意而

起規避之念嗣後若有保舉現在試用人員

者著先將咨文送部該部彙齊請旨准其進

京引見再令來京又如保人之員現係試用

尚未實授者是本人之優劣尚在未定難與

現任之州縣比論亦著先行咨部彙齊請旨

准令引見者再著來京○陞鎮黃旗參領高

應超爲鎮藍旗漢軍副都統○程表河南陳

留縣烈婦王三妻崔氏孀居拒姦自縊完節

給銀建坊入祠致祭如例○已酉諭大學士

九卿自古爲政者皆言寬嚴相濟所謂相濟

者非方欲寬而雜之以嚴方欲嚴而雜之以

寬也惟觀乎其時審乎其事實當寬則寬當嚴

則嚴而已如十人當賞則俱賞之斷無以賞

者太多而舍一二人不賞之理十人當罰則

俱罰之斷無以罰者太多而寬一二人不罰

之理即如戶部也綜核錢穀惟在公平直省

徵解錢糧其不足者固當查核若餘於額數

之外者豈遂不當查核乎卽如刑部也按律  
定罪務期明允直省審議重奪其間失出者  
固當駁詰若失入而致冤抑者豈遂不當駁  
詰乎總之寬嚴適協其宜乃爲相濟非參雜  
於寬嚴之間而爲子莫之執中也譬之飲食  
原相需也然亦當飲而飲渴者不可以食解  
當食而食饑者不可以飲充若強饑者以飲  
強渴者以食是相背也豈相需之道乎庚  
戌調正白旗漢軍副都統德爾芬爲鑲黃旗  
漢軍副都統以鑿儀使公慶復爲正白旗漢  
軍副都統○辛亥諭內閣朕慎重民命留心  
刑獄每於讞決之際往復審察至再至三是  
以外省每年秋審亦照朝審之例悉令三覆  
奉聞今思每日所進本章內有擬以極典及  
斬絞立決之犯雖其情罪俱屬重大律無可  
寬然朕心猶欲慎審而後置之於法嗣後如  
遇此等本章已閱過景卷文與本房著者批  
本官員照三覆奏之例進呈三次候朕再加

詳細然後批發以副朕欽恤矜慎之至意○

京察滿漢各官不謹官一員罷職官七員年  
老官二員有疾官十四員才力不及官十三  
員浮躁官一員分別處分如例○吏部議覆  
廣西布政使張元懷奏言直省舉報老農給  
以頂帶本屬重農大典無容員濫嗣後如有  
營私請託等弊一經發覺請將吏察之上司  
濫舉之州縣及本人分別照例懲治再老農  
一歲一舉品枝似屬易邀請自雍正七年爲  
始三年一舉行均應如所請從之○戶部議  
覆署直隸總督楊紉奏言雍正七年春夏二  
季薊州遵化州供應

昭西陵

孝陵

孝東陵員役人等需用米石所有不敷之項請  
照例於司庫給備得旨依議聞近來遵化等  
州縣採買供應

陵上官兵米石竟有吏胥串通兵丁當差人等

折銀代米私相授受每石或六七錢八九錢不等使吏胥利於侵剋而不肖兵丁但取現銀入手便於花費及至五六月間米貴之時艱於糴買往往困乏該管官亦並未留心稽察甚非加恩於供奉

陵巖官兵之至意也嗣後著該督嚴飭州縣官將本色米石按名支給

三陵總管亦不特稽察有復蹈前轍折銀代米者即行題奏將授受之人從重議處○四川

巡撫憲德疏報雷波河照等處苗民七百餘戶男婦三千七百餘口先後投誠就撫下部知之○壬子以正黃旗蒙古都統兼正紅旗

護軍統領雅親著右翼前鋒統領鑲藍旗蒙古都統泰布著正紅旗護軍統領○癸丑

上自圓明園幸南苑南紅門駐蹕○禮部右侍郎兼管太常寺事孫卓自陳年老乞休得旨

孫卓在太常寺年久諸事尚為熟練著降補太常寺卿大理寺卿傳德補授禮部右侍郎

吏部題二等精奇尼哈番七復錄事革退應將原立官佟養性之三世孫佟承襲佟鎔原係把沙喇哈番應併襲為一等精奇尼哈番以後再襲時佟鎔之把沙喇哈番不唯承襲其七復之二等精奇尼哈番世襲間替從之○移湖南湘潭縣丞駐米亭市從湖南巡撫王國棟請也○裁福建福州將軍衙門筆帖式二員從福州將軍阿爾賽請也

甲寅

上閱車騎營兵於南苑賜諸王文武大臣及官兵食物畢辰時請邊大將軍傅爾丹等令車騎營車騎火礮為鎗並馬步軍士各按方位旗色於瞭鷹臺前排為陣式已時

上御瞭鷹臺黃幄座賜諸王大臣等坐鴛海螺排列處亦相繼鳴海螺直達營所營內乃擊鼓南面紅旗舉展諸軍分隊向前火礮鳥鎗一時齊發金鳴眾止由是而東而西而北各依旗色次第操演又兩旗交展兩邊分發

首尾相應陣如長城演軍士吶喊旋旆仍歸本陣隊伍次第井然不失尺寸軍容端巨整肅

上顧謂大學士張廷玉等曰伊等操演可稱熟練且喜今日天氣精明朕甚慰悅然此車騎營兵不過數分中之一耳他如盛京察哈爾等處精兵尚多也大學士張廷玉等奏曰三軍和氣上達於

天天人交感用昭晴朗我

皇上天兵所向其誰能敵  
上又謂浙江總督李衛曰此不過操演軍士之一法耳至於遇敵決勝相機度勢神而明之運用之妙存乎其人豈必拘拘排列陣伍然後可以制敵李衛奏曰

皇上天兵訓練精銳所向無敵臣得仰瞻可謂見所未見

上又謂諸大臣曰此次軍務怡親王同大學士張廷玉將廷錫辦理甚屬妥協如蒙

上天點祐即奏凱歌伊等之功不小怡親王大學生張廷玉將廷錫同奏曰臣等何知何能仰蒙

皇上指畫周詳臣等不過遵來辦理耳奏畢賜茶因宣

諭旨於營內賜大將軍銀五千兩副將軍銀三千兩參贊大臣銀各千兩隨印內閣學士五百兩營總各二百兩章京等各一百五十兩司官各一百二十兩中書各一百兩筆帖式各八十兩前鋒校護軍校驍騎校各五十兩護軍各二十兩披甲各十五兩車騎營兵各二十兩閱畢

上駐蹕南苑西紅門乙卯  
上自南苑西紅門詣

恩佑寺行禮畢幸圓明園丁巳  
皇后千秋節停止行禮筵宴遣官祭

關聖帝君諭內閣向來有司官補授之時迴避本省蓋因地地方密邇恐其中有嫌疑臺

制等弊也。欲思江南之上江下江湖廣之湖北湖南陝西之西安甘肅雖同在一省中而幅員遼濶相距甚遠定制各設巡撫司道以統轄之。其情形原與隔省無異。則官員選補不過有同省之名而竝無嫌疑牽制之處。况既係同省則於彼處人情土俗較他省之人更爲熟悉。未必不於地方有所裨益。嗣後凡江蘇安徽湖北湖南陝西甘肅諸處府州縣以下官員得本省之缺不在本籍巡撫統轄之內者不必令其迴避。其相隔在五百里之內者仍照隔省迴避之例一體遵行。戊午諭內閣前因備辦軍需令直隸山東河南山西等省採買廩匹運送糧餉令直隸山東解京之糴俱屬臆壯則地方官之採買辦理實心効力可知。著查明各地方官採辦之多寡及肥贖之高下分別等次文部議敘以示嘉獎。其解送之員一併酌量議敘。從前議定每廩一頭給與官價十二兩今所解廩匹甚夥

諱官價及每日喂養准銷之銀必不敷用。著據實報明於本省存公銀兩內給發。但不得借此恩旨滋浮冒之弊。著該督撫公平辦理。後不爲例。其河南山西二者所辦廩匹解交陝西者著岳鍾琪驗看據實具奏。若能如解京之辦理妥協亦著一體加恩。吏部議覆湖廣總督邁柱疏言湖南保靖桑植永順三土司新經改土爲流請於永順東南之舊司治西北之江西寨各設知縣一員典史一員田家崗施溶州隆頭地方各設巡檢一員其永順原設大刺司巡檢應裁保靖之舊司治設知縣典史各一員張家壩設巡檢一員其保靖原設同知應裁桑植以南原屬九谿衛之安福所應歸併桑植合爲一縣添設知縣典史各一員以上分設四縣應設知府一員管轄并設經歷一員俱駐劄永順其永順原設同知移駐喜鵲營督督永保新設二縣捕務桑植原設同知改爲通判移駐江西寨專

督安福所江西募新設二縣捕務再永順請  
設副將一員即將桑植副將移駐立爲永順  
協并設守備一員千總二員把總四員兵八  
百名保靖請設遊擊一員即將永定營遊擊  
裁改立爲保靖營并設守備一員千總一員  
把總二員兵四百名俱隸永順副將統轄桑  
植應於九谿協撥守備一員千總一員把總  
二員兵三百名駐防聽九谿協節制均應如  
所請從之尋定永順新設府曰永順府永順  
東南新設縣曰永順西北新設縣曰龍山保  
靖新設縣曰保靖桑植新設縣曰桑植○署  
江西巡撫張坦麟疏報寧州新建等三十四  
州縣開墾雍正六年分田地一千一百九頃  
有奇下部知之○庚申諭內閣凡遠省煙瘴  
之地及沿邊沿海之區因其險阻荒涼或民  
情難治是以有司缺出或揀選補授或將內  
地之員保題調補該員到任之後有歷俸三  
年卽墜者亦有五年卽墜者所以恤其苦而

賞其勞如愚於常格之外也乃向來督撫等  
徇情愛託往往庇護私人以保題煙瘴邊缺  
爲名俾得速於選授仍將其人委署近地展  
轉留滯而本任竟屬虛懸是以緊要之缺轉  
或閒曠之所矣近年以來雖州縣正印官不  
敢仍蹈故轍而同知通判等員則聞尚有借  
委署他處之名不到本任延至數年俸滿屆  
然得以陞遷者此等弊端甚有關係嗣後著  
嚴行禁止僅有應行署理之處著該督撫就  
近差委不得使屬員巧爲規避之計僅有仍  
前營私作弊者經朕查出定將該督撫及本  
員一併從重議處○又諭據署湖廣提督岳  
超龍摺奏永順土民控告同知潘果酷刑重  
耗濫差妨農各款苗衆約有二千人聚集永  
順城外臣現咨鎮臣周一德前往撫諭僅仍  
遲委頑不卽解散則應調遣官兵相機勦撫  
等語從前永順土司懇請改土爲流朕屢次  
降旨不允後以該土司情詞懇切始勉從其

請加以特恩茲令該地方官撫綏苗衆和輯  
又安使之得所今土民聚衆妄行干犯國法  
雖係伊等秉性愚頑然亦由該同知不能  
極循之所致今若交與湖廣督撫審理恐伊  
等瞻顧回護但云土司兇悍漸不可長而不  
能得其實情昨降諭旨令趙弘恩署理湖北  
巡撫印務著於到楚之時先赴湖南審理此  
案再令御史苗壽唐繼祖前往會同審訊其  
土民倡首之人自應查出治罪若濫果實有  
苛刻凌虐等情應置重典以彰國憲提臣岳  
超龍奏摺及土民控告呈詞款蹟俱發與趙  
弘恩等逐一秉公訊問湖北巡撫印務著布  
政使徐鼎暫行署理俟趙弘恩此案審定之  
後再赴署理湖北之任○四川提督黃廷桂  
奏報黃鄉土司國保呈請歸流情詞懇切應  
行具奏請旨德音各處土司呈請改土爲流  
者朕俱不允屢降諭旨甚明今據黃廷桂摺  
奏黃鄉土司國保屢次具呈懇請題達且稱

祖遺土地多被隣封侵佔兼以轄屬愚頑難  
以管教惟恐貽累子孫等語朕念該土司國  
保素知遵奉法紀自會勦米貼軍興以來隨  
營効力更爲恭順其所轄土民亦無助逆意  
蹟今屢次懇請改土爲流既於伊身及其子  
孫有益朕不忍違其所請著給與守備職銜  
并賞銀五千兩爲立產安居之用其願居何  
處著該提督向伊詢問悉心酌議善爲安插  
俾其永遠得所以副朕懷○辛酉以翰林院  
檢討沈文豪爲雲南鄉試正考官兵部郎中  
林天木爲副考官編修嚴源燾爲貴州鄉試  
正考官禮部主事鄭世杰爲副考官○兵部  
議覆浙江總督李衛疏言內地商民船隻向  
例禁止出洋嗣因閩省產米不敷食用准督  
臣高其倬奏令該省與南洋貿易他省仍行  
禁止但查浙江洋面接連閩省恐商船越利  
冒險前往而沿途洋汛以非閩船及致稽查  
不及請照閩省准其一體貿易其洋船向無

賈米裒回之亭仍循舊例毋庸與閩省相同  
應如所請從之 壬戌諭內閣自本朝開國  
及平定三藩廓清朔漠以來獲忠錄功之典  
最爲優渥凡文武官弁兵丁之効力行間著  
有勞績及臨戎致命遇敵受傷者皆赤心報  
國之人朝廷沛澤加恩惟恐不逮乃近年以  
來部臣辦事遲緩因循往往因一二事之駁  
查遂將衆人卹賞之典俱致淹滯即如陝甘  
川省從前攻剿南川北川青海臬子山等處  
之文武官弁兵丁已經查核明晰應行卹賞  
議敘祇因青海等處功加冊結內有原任巡  
撫王景灝同知張梅萃職離任所造冊結無  
印可鈐部議駁查以致南川等案卹賞之處  
一并稽延經朕訪察而後知之夫官弁例應  
議敘者不得早沾國恩固爲不可而陣亡受  
傷人等遲至數載之後尚未邀帑金之賜尤  
可憫惻者該部速行卹賞議敘嗣後凡有出  
兵加恩之案其中若有應行駁查者止將應

查之人扣除俟查明補給不得因一二人之  
行查而稽遲衆人應得之恩典將此永著爲  
例又如從前進藏出征之官弁兵丁若有預  
借銀兩而本身陣亡或在軍中受傷病故者  
除照例卹賞外其所預借銀兩概免追還○  
陞監察御史苗壽爲大理寺卿○科爾沁端  
敏固倫公主卒遣官致祭○癸亥鑲黃旗滿  
洲副都統巴爾呼達緣書革職陞監察御史  
廷福爲鑲黃旗滿洲副都統○甲子諭戶部  
朕聞各省糧船過淮抵通之時該管衙門官  
吏胥役人等額外需索陋規以致繫費甚多  
運丁重受其累特命御史前往稽查革單并  
索等弊又查向來之例每船北上許帶土宜  
六十石朕思旗丁運駕辛勞若就糧艘之便  
順帶貨物至京貿易以獲利益亦情理可行  
之事著於舊例六十石之外加增四十石准  
每船攜帶土宜一百石永著爲例准是運丁  
人等繁多素有惡習如偷盜米石掛火官糧



夾帶私貨說稅法記此向來之通弊也又如昔年浙江湖廣二省糧船因私忿小怨遂致操刃持戈殺傷多命又從前偶值回空守凍遂致縱容水手公然搶奪擾害居民此弊衆所共知者是以數年以來內外臣工條奏旗丁不法者不下數百紙前又有奏稱販賣私鹽之弊在糧船爲尤甚有一種積累巨棍名爲風客慣與糧船串通搭載貨物運至淮接託與本地姦徒令其賣貨買鹽預屯水次待至回空之時一路裝載其所售之價彼此朋分糧船貪風客之餘利風客恃糧船爲護符於是累萬盈千直達江廣私販日多而官引日滯等語觀此則旗丁之作姦犯科誠難以悉數也朕年來屢飭該管官嚴行禁約又復念其勞苦疊沛恩膏近見伊等之惡習刁風亦漸收改是以特頒諭旨嚴禁過淮抵通等處之陋規令增添攜帶土宜俾得多沾餘潤以贍家口伊等益當感戴朕恩遵守法度

共爲良善以免罪愆著總督倉場侍郎漕運總督將朕此旨通行刊布每船各給一張使運丁人等觸目警心以副朕體恤訓誨之至意安徽巡撫魏廷珍疏報壽州懷寧等二州署浙江巡撫蔡任舫疏報嘉興等十六縣開墾本年分田地五百頃有奇俱下部知之乙丑先是湖南靖州人曾靜因考試劣等家居憤鬱忽圖叛逆遣其徒張熙詭名投書於川陝總督岳鍾琪勸以同謀舉事岳鍾琪拘留刑訊究問指使之人張熙甘死不吐岳鍾琪置之密室許以迎聘伊師伴與設誓效忠始將曾靜供出岳鍾琪具摺併其逆書奏聞奉旨差刑部侍郎杭奕祿正白旗副都統覺羅海蘭至湖南會同巡撫王國棟拘提曾靜審訊據曾靜供稱生長山僻素無師友因應試州城得見呂留良評選時文內有妄論夷夏之防及井田封建等語遂被盛惑隨遣

張熙至浙江呂留良家訪求書籍呂留良之

子呂毅中授以伊父所著詩文內皆憤懣激

烈之詞益加傾信又往訪呂留良之徒嚴鴻

遠與鴻遠之徒沈在寬等往來投契因致沈

潮其說妄生異心等語遂將留靜張熙捉解

來京旋命浙江總督李蔚搜查呂留良嚴鴻

遠沈在寬家藏書籍所獲日記等逆書并案

內人犯一併拏解赴部命內閣九卿等先將

留靜反覆研訊并發看呂留良日記等書據

留靜供稱前因輕信呂留良邪說被其蠱惑

兼聞道路浮言愈生疑罔致犯彌天重罪今

蒙一一訊問并發看呂留良日記等書極其

狂悖又知

聖朝深恩厚澤

皇上大孝至仁心悅誠服自悔從前執迷不悟

萬死莫贖今乃如夢初覺等語因俯首認罪

甘服上刑內閣九卿等簡錄供詞進呈

御覽

上諭內閣九卿等我朝登造區夏

天錫人歸

列祖相承中外從乂遠哉

聖祖仁皇帝繼天立極福庇兆民文治武功恩

施德教超越百王普天率土心悅誠服雖深

山窮谷肅夫孺子以及凡有血氣之倫莫不

尊親詎意逆賊呂留良者悻戾兇頑好亂樂

禍自附明代王府僉賓之孫追思舊國憤懣

詆讒夫儀賓之後裔於親屬至為疎賤何足

比數且生於明之末季當流寇陷北京時呂

留良年方孩童本朝定鼎之後伊親被教澤

始獲讀書成立於順治年間應試得為諸生

嗣經歲科屢試以其浮薄之才每居高等盜

竊虛名誇崇鄉里吳呂留良於明毫無痛癢

之聞其本心何曾有高尚之節也乃於康熙

六年因考試芳等憤棄青衿思追思明代深

怨本朝後以博學鴻詞薦則說云必死以山

林德遠為則種髮為僧按其歲月呂留良身

爲本朝諸生十餘年之久乃始幡然易慮怨  
號爲明之遺民千古悖逆反覆之人有如是  
之怪誕無恥可鄙者乎自是著邪書立  
逆說表心病狂肆無忌憚其實不過賣文鬻  
書營求聲利而遂敢於

聖祖仁皇帝任意措斥憑虛撰造公然罵詈所  
著書文以及日記等類或錫板流傳或珍藏  
秘密皆人世耳目所未經意想所未到者朕  
繙閱之餘不勝惶駭蓋其悖逆狂噬之詞凡  
爲臣子者所不忍寓之於目不忍出之於口  
不忍述之於紙筆者也夫普天之下莫非王  
土率土之濱莫非王臣呂留良於我朝食德  
服時以有其身家育其子孫者數十年乃不  
知大一統之義其日記所載稱我朝或曰清  
或曰北或曰燕或曰彼中至於逆藩吳三桂  
連書亦曰清曰往講若本朝與逆藩爲隣敵  
者然何其悖亂之甚乎且吳三桂取精忠乃  
叛逆之賊奴人人得而誅之呂留良於其稱

兵犯順則欣然有喜惟恐其不成於本朝疆  
宇之恢復則悵然若失轉形於嗟嘆於忠臣  
之殉難則汚以過失且聞其死而快意不顧  
綱常之倒置惟以助虐迎寇爲心不顧生民  
之塗炭惟以兵連禍結爲幸何呂留良處心  
積慮殘忍克暴至此極也又如僞永曆米由  
椰竊立於流寇之中在雲貴廣西等處其衆  
自相攻劫貽禍民生後兵敗逃竄緬甸順治  
十八年定西將軍愛星阿等領兵追至緬城  
先遣人傳諭緬酋令執送米由榔大軍隨至  
城下緬人震懼遂執米由榔獻軍前此僞永  
曆之實跡豈有被執時滿漢官兵轉於伊馬  
前督覘之事替說荒唐誕謾極矣總之逆賊  
呂留良於本朝實有微應之事蹟則概爲德  
匿而不書而專以造作妖誣快其私憤又文  
集內云今日之窮爲義皇以來所僅見等語  
夫明末之時朝廷失政貪虐公行橫征暴斂  
民不聊生至於流寇肆毒疆場日感每歲糜

餉百萬悉皆出於民力乃斯民極窮之時也  
我朝掃清寇氛與民休養於是明代之窮民  
咸有更生之慶逮我

聖祖仁皇帝愛育黎元海內殷庶黃童白叟不  
見兵革躡租減賦之政史不勝書久道化成  
休養生息六十餘年民安物阜即考載皇以  
來史冊所紀屈指而數蒙

上天之眷佑可以比並我朝之盛者不可多得  
而乃云羲皇以來未有之窮乎又日記所載  
怪風震雷細星如彗日光磨盪皆毫無影響  
妄捏怪誕之說甚多總由其逆意中幸災樂  
禍但以捏造妄幻惑人觀聽爲事其失實不  
經皆不顧也夫災異亦古所時有

上天垂象原以儆戒人君令其修省進德若以  
捏影捕風之語指爲災異傳諸後世或謂從  
前太平盛世尚有如此非常奇怪災異僅過  
日月星辰水旱之變必生輕忽漫不經心凡  
所以啟後世人君之怠玩者其罪可勝言乎

其他猖狂悖亂之詞令人痛心疾首者不可  
枚舉呂留良生於浙省人文之鄉讀書學問  
初非曾靜山野窮僻冥頑無知者比且曾靜  
止譏及於朕躬而呂留良則上誣

聖祖皇考之盛德曾靜之謗訕由於誤聽流言  
而呂留良則自出胸臆造作妖妄是呂留良  
之罪大惡極誠有較曾靜爲倍甚者也朕向  
來謂浙省風俗澆漓人懷不逞如汪景祺查  
嗣庭之流皆以謗訕悖逆自伏其辜皆呂留  
良之遺害也甚至民間氓庶亦喜造言生事  
如雍正四年內有海寧平湖蘭城屠戮之謠  
比時警疑相煽逃避流離者有之此皆呂留  
良一人爲之倡導於前是以舉鄉從風而靡  
甚至地方官吏怵其聲勢之薰陵黨徒之衆  
盛皆須加意周旋優禮矜式以沽重儒之譽  
如近日總督李衛爲大臣中剛正之人亦於  
到任之時循沿往例賄送祠堂匾額況他人  
乎此其陷溺人心濁亂世俗害有不可勝言

者數年以來朕因浙省人心風俗之害可憂者甚大早夜籌畫仁育義正備極化導整頓之苦心近始漸為轉移日歸於正若使少為愆忽不亟加整頓則呂留良之邪說誣民者必致充塞膠固於人心而不可離而天經地義之大闢泯沒淪毒幾使人人為無父無君之人矣今日天道昭然惡貫時至令其姦詐陰險盡情敗露則不容不明正其罪以維持世教彰明國法且呂留良動以理學自居謂己身上讀周程張朱之道統夫周程張朱世之大儒豈有以無父無君為其道以亂臣賊子為其學者乎此其狎侮聖儒之教敗壞士人之心真名教中之罪魁也朕即位以來實不知呂留良有何著述之事而其惡貫滿盈人神共憤天地不容致有曾靜上書總督岳鍾琪之舉曲析發露以著呂留良之兇頑而呂留良之子如呂葆中者曾應舉成名蒙恩拔置鼎甲任列清華其餘子孫多遊庠序乃

不即戮板焚書以滅其跡且前此一念和尚謀叛之案黨羽連及呂葆中其時逆跡早已彰著蒙聖祖仁皇帝如天之仁免其究問而呂葆中遂憂懼以死就常情而論呂葆中之兄弟子孫遇如此之驚危險禍且荷蒙聖祖仁皇帝如此高厚洪恩尤當感激悔悟共思接覆前非以為倖逃誅誣之計豈料冥頑悍驕習與性成仍復抱守遺編深藏苟匿此固呂留良以逆亂為其家傳故世惡相承罔知儆惕而實乃天道昭然不容少昧使逆賊之陰謀徹底呈現於今日逆賊之遺毒不致漏網於天誅也曾靜逆書朕已洞悉知外間逆黨頗眾竟有散布訛言希圖構亂者然其所誣惟朕之一身朕可以己意自為判定歸結若如呂留良之罪大惡極獲罪於聖祖在天之靈者至深至重即凡天下庸夫焉

子少有一錢之良亦無不切齒而豎髮不欲與之戴履天地此亦狀爲臣子者情理之所必然應將已故逆賊呂留良及現在子孫嫡親弟兄子姪照何定律治罪之處著九卿翰詹科道會議直省督撫提督兩司臬公各抒己見詳核定議具奏○以正白旗參領恭承文著直隸正定總兵官丙寅諭八旗大臣等八旗官房俱係身犯罪重貪婪人員入官之物不過以備賞賜耳此次出征之大臣官

員兵丁俱係前往軍前効力之人如大臣內有因房屋狹隘願換官房居住者著怡親王傅爾丹查明指給爾等由該旗取具圖樣呈覽朕另降諭旨其營總及章京內有願換官房者亦准其換住再護軍校驍騎校護軍馬甲內有租典房屋居住者著該旗大臣等確查各該旗所有官房於大兵起程之前酌量賞給俾兵丁等每月得省房租以爲家口生計之資○擢戶部郎中對琳爲內閣學士兼

禮部侍郎 戶部議覆署廣東巡撫傅泰疏

言粵東文武會試舉人公宴銀兩向例照各州縣編徵定額分給本州縣之舉人未免多寡不均請合省通計按名給發應如所請從之 禮部議覆四川巡撫惠德疏言威州地方既經裁併保縣所有取進童生額數請兩處通融合取十二名其屏山縣向隸馬湖府未經立學今府已裁汰該縣改屬敘州府請設教諭一員訓導一員原取府學生員改作縣學童生取進十五名應如所請從之 裁陝西涼州府平番縣西大通驛驛丞一員添設縣丞一員兼管驛務其沙井一驛改隸蘭州管轄從川陝總督岳鍾琪請也○丁卯 孝恭仁皇后忌辰遣官祭

景陵

上詣

恩佑寺行禮○戊辰陞廣東香山副將湯寬爲福建金門總兵官 兵部議覆廣東總督孔

甄珣疏秦南澳鎮標右營把總俞德巡海遭風被溺身故請予贖贖應如所請俞德照例致祭一次贖一子以衛千總用其被淹兵丁等行令該督查明分別卹賞從之○己巳夏

地於

方澤遠裕親王廣祿行禮○辛未諭內閣自古明目達聰之道欲以周知庶務博採羣情其責端在於臣工之襄贊然必公正居心斯能以忠言讜論裨益政治苟或植黨營私辨言亂政此倡彼和顛倒是非實國家之罪人爲王章所不宥嘗觀前明季世一二新進後生竊居言路遂朋比固結杖制大臣把持朝政以致國是日非而不可挽此其炯鑒也我

世祖章皇帝

聖祖仁皇帝聖神御極大觀在上言路弘闡羣邪屏息一切猖狂凌薄之風早已翕然丕變雖有不肖之徒亦無能施其伎倆矣朕即位

以來以公聽並觀爲務以納忠廣益爲先既命滿漢文武大臣指陳政務又命科道等於露章之外准其密摺奏事蓋以國家事務殷繁人情弊端種種諸臣有陳奏之心或有不便顯言之處故令密封進呈所以免其贖顧去其嫌疑俾得各行所見盡言無隱庶國計民生均有攸賴又如國家任事出力勤慎素著之大臣所辦公務既多豈能保其無所錯謬若因此而被指摘殊非情理其他偶罹過愆或其子弟家人生事失於覺察一經彈劾若朕不加處分則近於護庇若加以處分則彼之宣力甚多而不能恕其一畚朕心實爲不忍不若言事者密陳朕前待朕爲之斟酌輕重訓誨區處亦兩全之道凡此皆須出於至公至當方有裨益於風俗人心非使不肖言官藉密奏以自便其私也乃營私植黨之徒竟欲以此逞其姦黠甚或密行告訐詆毀大臣撓亂國政此風斷不可長朕是以降旨

停止科道官之密奏。止令各用露章。蓋以其在大廷廣衆之間。自不敢挾私心而昧公道也。乃復有公然紊亂黑白顛倒是非。輒欲輕變舊章。擅作威福者。其餘則撫拾陳言。苟且塞責。又或相率而爲依違緘默之計。竟未見一人一事實有所建白裨益於國計民生者。夫以朝廷耳目之官。視國家之政治如陌路。而又欲以進諫之美譽歸之於己。以不能納諫之名歸之於君。上忍心害理。莫此爲甚。言

官以進言爲職。豈容以國家之事。沽一己之名。朕之廣開言路者。實欲以衆人之耳目爲朕之耳目。使民隱得聞。萬事就理。豈非邀虛懷受諫之名。博建韜置鐸之頌也。乃向來科道官密奏之弊。如此近來露章之習。又如此。此中外所共知共見者。朕不得不再行訓飭。言官有補闕拾遺之職。庶其痛改頽風。洗滌故習。盡諫言獻替之道。成蕩平正直之風。科道不愧諫議之官。國家得收納言之效。僕復

蹈昔年故轍。則有害而無益矣。著傳諭科道等嗣後條奏事件。著如文武大臣等輪班具奏。○壬申諭廣東督撫。聞粵東地方四民之外。另有一種名爲蜆戶。即獐蠻之類。以船爲家。以捕魚爲業。通省河路俱有蜆船。生齒繁多。不可數計。粵民視蜆戶爲卑賤之流。不容登岸居住。蜆戶亦不敢與平民抗衡。畏威隱忍。踣舟中終身不獲安居之樂。深可憫惻。蜆戶本屬良民。無可輕賤擯棄之處。且彼輸

納魚課與齊民一體。安得因地方積習強爲區別。而使之飄蕩靡寧乎。著該督撫等轉飭有司。通行曉諭。凡無力之蜆戶。聽其在船自便。不必強令登岸。如有力能建造房屋及搭棚棲身者。准其在於近水村莊居住。與齊民一同編列甲戶。以便稽查。勢豪土棍不得借端欺凌。驅逐。並令有司勸諭蜆戶開墾荒地。播種力田。共爲務本之人。以副朕一視同仁之至意。○甘肅巡撫許容。疏報鞏昌等府各



屬州縣勸墾本年分田地一千二十四頃有  
奇下郡知之○豁免湖南武陵縣水淹田地  
額賦銀三百二十兩有奇從總督邁柱請也

大清世宗敬天昌運建中表正文武英明寬仁  
信毅大孝至誠憲皇帝實錄卷之八十一

大清世宗敬天昌運建中表正文武英明寬仁  
信毅大孝至誠憲皇帝實錄卷之八十二

款修

雍正七年己酉六月甲戌朔四川巡撫憲德  
疏奏瀘州士民先因樂輸軍需米石奏古將  
雍正七年額賦全行豁免萬姓歡呼呈請照  
崇慶州例將雍正五年自首已徵在官寬至  
雍正七年起科之糧仍於本年抵銷玆現年  
自首尚未查丈定數之糧情願一體輸納得  
旨崇慶州已徵之糧留抵庚戌年正課其大  
量未畢者亦俟庚戌年輸納前已降諭旨此  
所請瀘屬願輸錢糧著照崇慶州之例行  
乙亥鑲白旗護軍統領輝那緣事革職以正

藍旗蒙古副都統青保署鑲白旗護軍統領封土點特塔布囊沙津達額爲輔國公

添設浙江台州府屬之海門前所家子三

江口新亭章安道頭江口汛等處破臺巡船

從浙江總督李衛請也○丙子以鑲紅旗漢

軍副都統管承澤署直隸天津總兵官○丁

丑諭內閣游惰之民自昔治天下者所深惡

若賭博之人又不止於游惰而已荒棄本業

蕩廢家貲品行日即於卑污心術日趨於貪

詐父習之則無以訓其子主習之則無以制

其奴闖毆由此而生爭訟由此而起盜賊由

此而多匪類由此而聚其爲人心風俗之害

誠不可以悉數也凡爲不善之事者雖干犯

功令猶可得微利於一時獨至賭博則今日

之所傳明日即末必能保若合一年數月而

計之勝者與負者同歸於盡此人所共知者

無如邪僻之人一入其中迷而不悟數年以

來屢次降旨嚴禁而此風尚未止息者以高

有製造賭具之人而有司之禁約束盡力也

百工技藝之事可以獲利營生者何事不可

爲而乃違禁犯法製此壞風俗惑人心之具

其罪尚可言乎嘗思賭博之風所以盛行者

父兄爲之子弟在旁見而微之家主爲之奴

僕在旁見而微之甚至婦人女子亦沉溺其

中而不以爲怪總因習此者多故從風而靡

者衆也假若嚴行禁止使人不敢再犯則日

積月累此風自然止息無俟條教號令之煩

也凡地方大吏有司均有化民成俗之責而

乃愆愆忽忽視爲泛常安辭溺職之咎今特

定本地官員勸懲之法以清其源嗣後督獲

賭博之人必窮究賭具之所由來其製造賭

具之家果審明確有證據出於某縣將該縣

知縣照溺職例革職知府革職留任督撫司

道等官各降一級留任如本地有私造賭具

之家而該縣能緝拿懲治者知縣著加二級

知府著加一級督撫司道等官著紀錄二次

將此勸懲之法永著爲例於雍正庚戌年爲始著該督撫通行曉諭使城邑鄉村及遠陬僻壤咸各聞知理藩院奏達賴喇嘛之父索諾木達爾扎奏表進貢方物得旨索諾木達爾扎乃達賴喇嘛之父指赦達賴喇嘛學習經典保護達賴喇嘛勤勞多年西藏之事毫不干預甚屬可嘉著封爲輔國公戊寅齊投樓儼爲廣東按察使司按察使己卯解署直隸總督楊凱任以都察院左都御史唐執王署直隸總督庚辰湖北巡撫馬會伯疏報沔陽漢陽武定衛大定所等二十二州縣衛所開墾本年分田地三千三百八十五頃有奇下部知之辛巳諭兵部湖廣九路協副將包進忠著補授西寧總兵官周琪現今領兵駐藏著將周琪撤回命包進忠前往西藏代周琪管理馬喇仍著往藏其藏內事務著馬喇僧格總理遠祿包進忠協理免甘肅安定勝雍正六年分電災額賦有差

拉表直隸涿州烈婦王啟功妻李氏孀居拒姦被勒殞命給銀建坊入祠致祭如例癸未以花馬池副將惠延祖署陝西延綏總兵官寧遠大將軍三等公岳鍾琪跋言增爾丹蒙睿三世弗庭百夷被虐虐叛親離天怒人怨蒙

聖祖至德洪慈再三寬宥更蒙

皇上深仁厚澤屢欲矜全而終無悔悟猶復恣其驚駭肆其猖狂不道之語見於表箋若不  
大彰天討則死履之定分不明番夷之禍難  
不息臣疊蒙指授

廟謨至周極備約果王師之十勝夫逆夷之必  
敗一曰主德二曰天時三曰地利四曰人和  
五曰揆授之廣備六曰將士之精良七曰車  
騎營陣之盡善八曰火器兵械之銳利九曰  
連環迭戰攻守之咸宜十曰士馬遠征節制  
整暇又加以期日之寬舒機宜之詳密凡此  
全勝之宏畧咸出

聖心臣得効奔走之微勞便成殊績臣知指日  
蕩平獻俘奏凱以報

國恩得音準噶爾世濟允頤心懷巨測將來必  
爲蒙古之巨患貽國家之隱憂是用發兵聲  
罪致討上承

先志下靖邊陲師出有名事非得已兩路軍機  
朕籌算者久矣其軍需一應事宜交與怡親  
王大學士張廷玉蔣廷錫密爲辦理其西路  
辦理事宜則專於總督岳鍾琪是任王大臣  
等小心慎密是以經理二年有餘而各省不  
知有出師運餉之事今覽岳鍾琪摺奏備陳  
十勝之情形軍務所關重大朕不敢預言其  
必無惟有倍加敬謹仰懇

上天

皇考鑒照不得已之情垂慈默佑早奏膚功而  
已 靖邊大將軍公傅爾丹奏克州右營車  
兵李中倫拾有銀兩二封驗係皇賞情願歸  
還失主隨經查訪係北樓營車兵韓吉玉遺

失驗看相符願歸拾取之人李中倫復堅辭  
不受應加獎賞得音講讓典慶最爲美俗而  
師旅出征尤以人和爲貴今李中倫拾取遺  
金知爲恩賞軍士之物即時稟知該管將弁  
情願給還本人似此見利思義同心同力之  
忱固甚屬可嘉著賞銀六十兩以示嘉獎並  
傳諭內外直省兵丁等果聞風慕義共登善  
行必仰蒙

上天之賜同受國家之恩矣 命賞總理西藏

事務副都統馬喇銀二千兩協理西藏事務  
西寧總兵官包進忠銀一千兩以頒行裝盤  
費 甲申科道巴德保等遵旨將輪班條奏  
之處公同酌議仍以無庸輪班合詞具奏得  
旨據爾等科道奏稱不敢輪班密奏者誠恐  
拘於班次限於奏期無可條陳摺拾細事冒  
濫聖聰等語朕現諭部院旗下文武大臣輪  
班條奏其所言果皆摺拾細事冒濫朕聽乎  
如爾等以輪班密奏爲摺拾細事冒濫朕聽

則輪班爲不可行矣既不可行則文武大臣之輪班條奏爾等即當奏請停止乃又熾熙不言何也據爾等奏稱皇上於天下之事無不周知辦理妥協等語朕於天下之事無不周知者以違言之路廣也若如爾等之無所陳奏朕雖欲周知天下之事其可得乎爾等職司言路此所奏不合著另行定議具奏裁廣東惠州府碣石衛守備一員添設惠州府海防軍民間知一員駐劄碣石衛裁海豐縣南豐平安二驛驛丞各一員添設巡檢二員分駐河田汕尾地方改東海軍驛丞一員爲東海軍巡檢併歸新設海防同知管轄從調任廣東總督孔毓珣請也○乙酉諭內閣朕爰養黎元遐邇一體而邊遠之地小民家計不及近省尤朕心之所繫念數年以來甘肅四川雲南貴州廣西五省有用兵而藏及勦撫苗蠻等事其一應軍需皆動用公帑備調秋毫無派及於民間而糧餉轉輸亦有資

於民力今藏地苗疆俱已寧謐朕心嘉慰特沛恩膏著將庚戌年甘肅四川雲南貴州廣西額徵地丁銀兩悉行蠲免其西安各屬地方近日亦有預備軍需之事朕心軫念著將庚戌年額徵錢糧蠲免十分之三此六省督撫大吏宜仰體朕心轉飭所屬有司敬謹奉行務使閭閻均霽實惠如有奉行不力被不肖有司暗飽私囊或姦胥棍徒強紳劣衿包攬侵蝕者經朕訪聞必將通省大小官員分別從重治罪至於國家設官本以理民官有恤下之責民有奉上之義若設官而不爲計及養廉之資則有司之賢者將窘迫而莫能支不肖者又橫取而無所檢是以酌定將錢糧耗羨均給各官此揆情度理上下相安之道但思加恩百姓豁免正賦若將耗羨一併蠲除是民雖避額外之恩而官員轉有拮据之苦上司或因此稍有寬假則必致巧取苛索於民流弊種種多於耗羨之數於吏治

民生均無裨益著於庚戌年爲始凡遇特恩  
蠲免錢糧者其耗羨仍舊輸納諒必民所樂  
從若因水旱蠲免者不得徵收耗羨將此永  
著爲例命鑄給馬會伯辦理西路軍需關  
防丙戌諭內閣浙江逆賊呂留良光緒搜  
化肆爲誣諒極盡悖逆迥其逆徒嚴鴻遠者  
實爲呂留良之羽翼推尊論法備述遺言又  
從而振張揚厲以附益之其詞有較呂留良  
爲尤甚者夫呂留良以本朝諸生追附前明  
儀賓之末裔無端反噬情迹猖狂已屬從古  
亂臣賊子中所罕見至若嚴鴻遠自其祖父  
已爲本朝之編氓踐土食毛戴高履厚嚴鴻  
遠之於明代豈有故君舊國之恩而於我朝  
實被逆生樂育之澤何所庸其感忿何所庸  
其追憶而亦敢效顰乎茲擇其悖逆之語一  
並宣示日記有云索倫地方正月初三日地  
裂橫五里縱三里初飛起石塊後出火近三  
十里內居人悉避避又云熱河水大發淹死

滿洲人二萬餘又云十六夜月食其時見泉  
呈搖動如欲墮狀又或飛或走羣向東行又  
云舊年七月初四日星變欽天監云此星出  
天滄垣入天市垣分野屬吳越應在數年內  
吳越有兵起於市井之中凡此荒唐叛逆之  
語自康熙五十五年至雍正六年內所記載  
者不勝枚舉其中惟索倫地方擁石出火實  
有之事蓋彼地氣脈使然前此已經屢見其  
傍遠近山頂亦有烈焰者而嚴鴻遠以此爲  
識訛乎至熱河水發一事因此地山迴壑抱  
中惟一道河流每雨水稍大衆水所匯或致  
衝決隄岸康熙四十八年六月大雨連晝夜  
其時附近行宮一帶地處高阜惟隔岸山根  
之下爲水所漫溢本地久居之民及扈從之  
官兵皆知而止水即減退安重不遽惟寄居  
之匠人等驚惶迷惑或有愚人編木爲筏謂  
可乘流而渡遂有木筏觸石而解沉溺者數  
人是時朕以輪班恭請

聖安隨從官員二三百人，皆割即在水發之地。因約東嚴整，無一妄動之人。及至水退，皆安。無恙。無一人被水者。乃嚴鴻遠謂淹死滿洲人二萬餘，何其妄說。至於斯極。且熱河之地，五方之人，畢集而嚴鴻遠謂獨淹死滿洲。有此理乎。嚴鴻遠生今之世，為今之民，明代淪亡已久，而我朝定鼎，業經百年，有餘乃臆造。訛言好亂，樂禍於昇平寧謐之時，作干戈擾攘之望。

聖祖之德威化神而公然証讎，以今日之民安物阜而朝夕咒詛種種喪心病狂，皆拾呂留良之唾餘而尤加幻妄，豈非先逆性成，萬死有餘之逆賊乎。且伊又說作迂腐曲謹之態，浮薄之士，黃鼓其虛譽，致有廷臣以纂修明文薦舉及伊者，伊乃自鳴得意，抗慢說激，其自記有云：子意自定，當以死拒之耳。其大言說抗若此。又云：衛州人張熙字敬卿來見言，其師曾靜永與縣人在彼中講學，學者稱道。

潭先生從前因請講義始壽諸生，夫以朕特旨詔修明史，考求山林隱逸之士，而廷臣薦舉及伊，至欲以死力拒，竟視朝廷如兒戲，等徵召於弁髦，而於逆賊曹靜等叛亂恃惡之徒，尺書馳問一介相通，則數千里之外，呼吸相應，招納董類，天地間，顯圖不軌，擾亂綱常，未有先發，至於此極者也。似此悖逆叛亂之人，煽惑民心，且獲罪於

聖祖皇帝，與呂留良黨惡共濟其罪，不容於死。嚴鴻遠應作何治罪之處，著九卿翰詹科道會同建議具奏。吏部題三等侯伊爾齊、寧、革職銷去四次恩詔，所得拖沙喇哈番餘三等伯，以其叔李林襲替從之。一等阿思哈尼哈番，又一拖沙喇哈番蘇白何緣事革職，以其子金大才襲替。戊子諭內閣，罷朝建極，餘散，遐邇率有海隅，日出莫不尊親，乃逆賊呂留良嚴鴻遠，兇悖惡亂，無父無君，著書頌為謗訛於本朝之大統，肆為詆斥之詞。

於我

聖祖仁皇帝之深仁厚澤偉烈豐功任意為証

蠲復祖之語其猖狂妄幻肆無顧忌人人痛

心疾首不共戴天朕已降諭旨將伊等極惡

大罪之處宣示中外諸臣公議治罪至於嚴

鴻遠之徒沈在寬生於本朝定鼎數十年之

後自其祖父已在覆情化育之中非祇身被

德教者可比綱常倫理之大義尤當知稟乃

墮惑逞黨之邪說習染兇徒之餘風亦懷不

逞附會談議慕效模化之民稱本朝為清時

竟不知其身為何代之人狂悖已極此沈在

寬與呂留良嚴鴻遠黨同叛逆之彰明較著

者也至其所著詩集有云更無地著避秦人

又云陸沉不必由洪水誰為神州理舊疆此

以本朝之定中立極化理即陸目為神州陸

沉有同洪水之患其謬戾尤為狂肆且即以

洪水言之明代二百餘年昔運而河時時濟  
次生民日有淪為波臣之懼我

聖祖仁皇帝時屢憂勤詳示方畧

躬親相度至於再三凡所以修築捍禦之策跡

審導刷之宜悉經

睿慮精詳盡美盡善以致川流循軌黃水安瀾

數十年來隄工鞏固億姓永無昏墊之虞共

享平成之慶迨朕躬膺丕緒格遵

謹烈加意修陟仰荷

上天眷佑七年以來河流咸歸故道海口深通

清淮迅暢三省運道遠行無阻至於北直畿

輔之地南省浙江等處凡有海塘河渠以及

應行經理水利之處皆漸次興修蓄洩以時

旱潦有備府事修和桑麻遍野此時之神州

何處可指為陸沉又何地可指為洪水乎且

沈在寬云誰為神州理舊疆其意欲將神州

付之何人經理也沈在寬年未滿四十而亦

效其師之狂悖肆詆本朝乃於逆賊曾靜之

徒張熙千里論文一見如故賦詩贈答意同  
水乳此其處心積慮以叛逆為業其罪實無



可道著文與刑部將沈在寬訊取口供具奏  
調廣東廣州左翼漢軍副都統吳如輝為  
江南京口左翼漢軍副都統陸正藍旗參領  
馬士傑為廣東廣州左翼漢軍副都統○復  
設廣東廣州府東匯關批驗所大使一員添  
設饒平縣東界場陽江縣雙恩場大使各一  
員裁新寧縣理崗場大使一員併歸海晏場  
大使兼管從調任廣東總督孔毓珣請也○  
己丑以刑科給事中署四川松茂道高維新  
署四川按察使司按察使○改湖南鎮寧鎮  
原轄之綏寧營歸靖州協管轄從湖廣總督  
邁柱請也○庚寅以都察院左副都御史兼  
內閣學士裏行宗室塞爾赫充經筵講官○  
辛卯以翰林院檢討吳大受為四川鄉試正  
考官左春坊左贊善邑誠為副考官編修張  
夢徵為廣東鄉試正考官編修屢民法為副  
考官吏部員外郎嚴宗詰為廣西鄉試正考  
官編修于坊為副考官編修吳延熙為福建

鄉試正考官編修陳浩為副考官編修錢陳  
羣為湖南鄉試正考官刑部主事永世為副  
考官○於己諭內閣浙江總督李衛之母汪  
氏訓子成名壽逾大耋前已降旨照伊子嵩  
書品級給與封誥以昭特恩今伊子東京陞  
見未及回任而聞溘逝深為憫惻著賜祭一  
壇令署督姓桂致祭李衛著給假兩月料理  
伊母喪事其各任印務暫著姓桂蔡士勛等  
照前署理 諭刑部前因直隸盜案往往多  
於他省是以降旨令將直隸盜案仍照舊例  
不分首從皆斬後因定例伊始鄉僻愚民未  
必人人盡知若一舉置之重辟於心實為不  
忍是以將直隸盜案亦暫照各省盜案分別  
新決發遣二項歸結原冀愚頑之輩感恩畏  
法違善改惡共為良善之民也乃年來直隸  
盜案雖似畧減而仍復不少且有所得贓物  
甚微非積盜行劫數次之人而甘心罹於重  
法者朕推原其故必係地方有司未將從前

首從皆斬之諭旨謹切詳明通行曉諭是以伊等周知懾懼復蹈前轍用是再頌此番著直隸總督徧行宣諭自庚戌年為始直隸境內再有為盜劫之事者定照首從皆斬之舊例行如地方官仍疎忽從事不明白徧行曉諭將來事發一併嚴加治罪 甲午

上回宮 諭戶部據署江西巡撫張垣麟摺奏本年五月內大庾南康二縣因驟雨發水民居低窪者間被衝淹朕心深為憫惻除張垣麟已勅公用銀六百兩委員賑濟外著再勅公帑銀四千兩令布政使李蘭親往二縣悉心查勘分別被水輕重逐戶賞給務令均霑實惠各得安居以副朕矜恤窮民之至意

子故鎮國公德普祭二次造靖立碑 乙未  
上御太和殿命大學士公馬爾賽將廷錫錄較印發靖遠大將軍公傅爾丹大將軍副將軍來替大臣及出征官員等行禮畢  
上回宮申時

上率大將軍副將軍參贊大臣及在京諸王貝勒貝子公內大臣大學士都統尚書等詣堂子行禮次鳴螺隨於兵部排設大纛前行禮畢遂御東長安門外所陳黃帳大將軍副將軍參贊大臣等皆佩弓矢跪辭

上親解御用數珠賜大將軍公傅爾丹大將軍行跪抱禮副將軍參贊大臣等亦各以次行跪抱禮

上諭大將軍等曰爾等此去當和衷共濟遠奏膚功凱旋時朕將出城親接爾等宜各加奮勉大將軍公傅爾丹奏曰臣等蒙

皇上訓諭周詳務必同心協力迅掃氛塵仰答恩榮奏畢

上親視大將軍等上馬啟行

上回宮是日德勝門外列兵慶賜宴命王大臣與大將軍副將軍遞茶進觴禮部兵部堂官與參贊大臣遞茶進觴侍衛與出征官員遞茶進觴畢大將軍等望闕謝恩 較諭靖遠

大將軍傅爾丹奏

天伐罪治世之常經鉅暴除允安邊之遠畧况  
醜逆陰謀詭譎斯王章顯用伍誅機不容遷  
法無可貸危魯特策妄阿喇布坦乃噶爾丹  
之逆族也昔我

聖祖仁皇帝時噶爾丹干紀

天討立時殄滅本應直搗巢穴俾無孑遺蒙  
聖祖仁皇帝如天之仁念策妄阿喇布坦向與  
伊叔鈕語語情罪可原特沛鴻恩賞其部落撫  
綏周至再予生全是時伊力弱勢微小心恭  
順其後乃誘奪伊妻父之部曲萬餘戶輒敢  
驕肆妄行竟欲直驅青海擾其人衆又詭計  
發兵進藏荼毒生靈我

聖祖仁皇帝雖於兵致討仍賜包容遣使宣諭

再三冀其改悔而伊怙惡不悛冥頑如故及  
朕躬登大寶伊雖遣使求和而中懷詐僞以  
背恩大逆之罪卜藏丹津負罪潛逃伊輒敢  
容留抗違國法中外之人莫不忿恨朕本欲

於數年間命將興師向伊詢問不意策妄阿  
喇布坦遂伏冥誅其子噶爾丹策零繼立狡  
獪狂誕罔於其父昨違人陳義之際言辭傲  
慢心志姦邪似此逆賊渠魁父子濟惡若木  
及時翦滅實為衆蒙古之巨害且恐將來貽  
國家之隱憂用是特發兩路大兵聲罪致討  
爰命爾為靖邊大將軍統領滿洲蒙古綠旗  
大兵一切事宜爾與副將軍公巴賽都統候  
陳泰都統石禮哈散秩大臣公達福前鋒統  
領袁泰副都統戴豪費羅海蘭等酌定方畧  
公同計議而行勿謂已能而不納衆論勿當  
事會而致失機宜勿恃兵強而輕視賊寇密  
偵遠探備極周詳各路大兵及蒙古兵丁聽  
爾調遣凡遇有警即遣發官兵應援撲勦有  
能擒斬噶爾丹策零來歸者即行馳奏加恩  
優賞有情懇來歸者如意撫恤其不抗拒官  
兵者母加殺戮兵將所過地方須申嚴戒俾  
毋得騷擾百姓母得淫人婦女母得離散人

之父子夫婦毋得損壞人之墳墓。宜廬毋得強取貨物。毋得驅役平民。以副朕戡亂靖逆安民綏衆之意。其或有臨戰退縮。貽誤提亂軍機者。爾會同商議。文官四品以下。武官三品以下。即以軍法示衆。官兵有犯小過者。會同商議。徑行處治。毋得戎行之勞。績母寬縱。違法之弁。兵法紀務。極嚴明。賞罰。悉期公當。一切機宜。爾高的調遣。有應知會西路寧遠大將軍者。即行知會。一同辦理。將噶爾丹策賽。連行。獎勵。永靖邊陲。斯稱委任。爾等務宜殫心用力。早奏膚功。欽哉。欽哉。丙申。

上諭

恩佑寺行禮畢。寺圓明園。諭戶部。據怡親王奏。河西務河隄漫開附近之田。木廬舍。或有被淹傷損之處。朕心深為軫念。爾部速派賢能司官。帶帑銀二千兩前往。悉心查勘賑濟。務令各需實惠。諭刑部等衙門。聞得外間訛傳。六月二十四五將開屠宰耕牛之禁。回

子等俱欲齊來謝恩等語。又聞民間竟有私宰耕牛之事。此必姦人違為訛言。誘人犯法。以壞禁令也。凡朕所降旨禁約者。事事皆欲濟民之用。厚民之生。無一事為朕之私心。便用而設也。如禁用黃銅。所以裨益鼓鑄。流通國寶。朕豈到有需用黃銅之處乎。如禁賭博。所以端人心。而厚風俗。賭博之為害於人心。風俗朕已屢降諭旨。甚詳且悉。非愚頑不移之輩。無一人不以禁約為當也。至於禁宰耕牛。以耕牛為農田所必需。墾田播種。實藉其力。世間可食之物。甚多。何苦宰牛。以妨穡事乎。今朝廷所需。除祭祀。照例供用。其餘亦一舉不用牛肉。矣。年來自禁用黃銅之後。而錢價漸平。民用頗利。矣。自禁賭博之後。而開場聚眾者。亦畧知畏懼。斂跡矣。自禁宰耕牛之後。而農家向日。數金難得。一牛者。今已購買易。而畜牧蕃矣。可見利益民生之衷。亦既行之有效。為良民者。必皆知朕大公愛民之心。

爲良有司者必能實心遵朕愛民之政惟百姓中有回子一類以宰牛爲業試思貿運有無百工技藝何業不可營生而必欲爲此犯禁傷農之事國家亦豈肯因一二游手回民無理之營生而令妨天下萬民之生計夫朕所禁之事必審度再四均見其必應禁止然後見諸施行豈有投禁投開朝三暮四之理乎今訛傳宰牛開禁之語必係爲匪姦徒造作言語煽誘愚民使之犯法而於中取利甚屬可惡著該部步軍統領順天府府尹五城御史等通行曉諭京城直省並嚴行查訪如有違禁私宰耕牛及違爲種種訛言希圖煽誘者立即鎖拿按律盡法究治如該管官不實力嚴查致有干犯者定行從重議處○陞署盛京戶部侍郎內閣侍讀學士和善爲光祿寺卿仍署盛京戶部侍郎事 盛京考察滿漢各部官員不謹官一員罷軟官一員有疾官三員才力不及官一員分別處分如例

戊戌戶部議覆署直隸總督楊觀疏言直隸屬雍正七年錢糧蒙恩蠲免起運銀四十一萬七千餘兩今山西所屬之蔚州已經改屬直隸請一體核蠲查直省核蠲銀額在該州未經改屬之前今若將該州併入通融核算足全省所蠲不及原數請將蔚州糧額比照直隸蠲免分數另蠲銀六千七十五兩有奇從之○已亥陝西總督岳鍾琪疏奏陝屬設立社倉一事懇請特頒諭旨恭錄鐫石又擬列社倉條約並請刊刻木棧以昭程式得旨朕惟國家建立社倉原令民間自行積貯以百姓之資糧濟百姓之緩急其春貸秋償以滋生美息各社自易經營登記地方有司但有稽查之責不得侵其出納之權此社倉之古法也是以各省有請立社倉者朕皆令其聽從民便毋得強勒捐輸繩以官法以致便民之舉轉爲民累所以曉諭各省督撫者不啻至再至三矣從前岳鍾琪在京時請於通

者加二火耗內應行裁減每而五分之數且  
 暫行徵收發與民間採買穀石分貯社會俟  
 採買數足即行裁減是於暫收耗羨之中隱  
 寓勸輸之法實則應行酌減之耗羨即小民  
 切己之貨財而代民買貯之倉糧即小民自  
 捐之積貯此藏富於民之良法最為切實而  
 易行是以俞允所請令其辦理乃陝省官員  
 不知此項穀石本係民貨又未識從前岳鍾  
 琪奏請之由以為收貯在官即是公物不肯  
 付民經營而胥吏司其出納者遂有勒買勒  
 借之弊殊非數年以來朕之周咨詳畫多方  
 生養斯民本意矣今特降諭旨將朕允從岳  
 鍾琪之請并岳鍾琪陳奏原委明白曉示著  
 署督查即阿巡撫武格刊石頒布俾各州縣  
 鄉社小民咸知朝廷經營設法之蓋藏實百  
 姓自為欲散之資用儻地方官有於社會穀  
 石創議交官不交百姓或指稱原係公項預  
 為公事侵挪之地者俱以擾撓國政遺誤民

生論從重治罪具岳鍾琪所擬社倉條約著  
 戶部抄錄交與該督撫分發各州縣刊刻木  
 榜於各鄉社倉堅立以為永久程式○庚子  
 吏部議覆直隸布政使王慕泰言各省藩庫  
 俱設庫大使一員官秩雖微職掌甚重向例  
 以吏員銓選人品不一請照鹽大使例將候  
 選知縣州同州判縣丞等揀補給與八品職  
 銜與按察使知事等官較俸陞轉應如所請  
 從之○禮部議覆廣東總督孔毓珣疏言遵  
 羅載米船隻因風飄泊廣東已飭各屬加意  
 撫恤其揚回壓艙貨物仍請准其輸稅發賣  
 得旨遵羅載米船隻既遭風飄泊廣東其壓  
 艙貨物著免其輸稅○旌表山西永濟縣烈  
 女尚正基女尚氏守正不污拒姦被殺給銀  
 建坊入祠致祭如例○辛丑諭內閣據順承  
 郡王錫保以在軍前初力之謝濟世註釋大  
 學毀謗程朱參奏前來朕觀謝濟世所註之  
 書意不止毀謗程朱乃用大學內見賢而不

能舉兩節言人君用人之道借以抒寫其怨望排諱之私也其註有指諫飾非必至拂人之性駭奉甚矣等語觀此則謝濟世之存心昭然可見朕即位以來於用人之際至公無私不惟可以自信亦天下臣民所共知者即以田文鏡謝濟世二人之事言之田文鏡在聖祖仁皇帝時為內閣侍讀學士朕從未識其面亦并未知其姓名因雍正元年伊奉差祭告華山回京朕見將山西通省荒歉情形急切陳奏備極周詳朕以山西被災其時之巡撫德音身在地方區不奏聞而田文鏡以奉差經過之員念切民瘼直言無隱其忠君愛國之忱洵深屬可嘉遂令田文鏡前往山西撫按賑濟伊到彼果能盡心辦理於是將伊授為山西布政使令與諾岷協衷共濟嗣因河南請事廢弛調任河南布政使未幾擢為河南巡撫現今授以河東總督之任一二年間深加信任尚可謂之見賢而不能舉舉而

不能先乎又如李紱蔡珽與黃振國邵言翰汪誠等結黨行私營求報復而謝濟世姦惡狠戾聽其指使奏奉田文鏡貪贓納賄任意誣讒借直言敢諫之名行其排擠傾陷之計朕嘗謝濟世陳奏之時立即洞燭具姦孽文刑部審問朕尚未思置之重典著令革職發往軍前効力贖罪一時在廷諸臣無不以為至公至當似此尚可謂之見不善而不能退退而不能遠乎至於朕心并無私好私惡惟以其人之善惡為好惡以眾論之是非為好惡何嘗預存成見於胸中即如引見各官有見其才具似優者亦令該上司試看並諭令該上司秉公考課不必存迎合瞻顧之念是以各員莅任之後或朕昔曾獎其優而督撫奏劾者多有之或朕昔以為平常而督撫保題稱職者亦有之朕未嘗以一己之好惡令天下督撫以阿徇而各督撫亦能仰體朕意從

未嘗以朕之好惡漫爲迎合也。朕之用人惟期有益於國計民生者，可謂之好人之所惡，惡人之所好乎？謝濟世於公正任事之田文鏡，則肆行誣劾於婪贓不法之黃振國，以及黨護緝營之李斌、蔡璉，邵言、喻、汪、誠等，則甘聽其指使而爲之報復，乃直顯倒是非，紊亂黑白，好惡拂人之性者矣。天理國法所不能容，蓄已違身而猶不知省懼，何其謬妄至於此極。夫拒諫飾非之說，乃朕素所深戒，然必責難陳善，忠言讜論而後可以謂之諫。若乃糾濟傾陷之私言，姦險狡惡之邪論，豈可以直諫自居，而冀朕之聽受耶？試問謝濟世數年以來，伊爲國家數陳者何事，爲朕躬進諫者何言，朕所拒者何諫，所飾者何非，除處分謝濟世，重同伐異，誣陷良臣之外，尚能指出一二事，石乎謝濟世以應得重罪之人從寬，令其初及乃仍懷怨望，恣意誣訛，甚爲可惡。應作何治罪之處，著九卿翰詹科道秉公定議具奏。

○陞通政使王廷揚爲戶部右侍郎。○議政王大臣等議覆川陝總督岳鍾琪奏稱：噶達達廟宇移駐達賴喇嘛守護之兵，疎關緊要，查化林協額兵現有一千名，請以三百名留駐化林坪，另設都司一員，帶領千總一員，把總二員，以資彈壓；以二百名移駐打箭爐，令化林守備帶領把總一員，分防以五百名移駐噶達達，令化林副將帶領把總二員，再添設中軍都司一員，千總一員，前往防護。至噶達達之外，雅籠江上中下三渡俱屬要隘，請設千總二員，各帶兵一百名分守；上下二渡設守備一員，帶兵二百名防守；中渡又噶達達之西吹音堡，亦係雅籠江渡口，設千總一員，帶兵一百名分防化林所屬原有黎雅戍邊二營，今既移駐噶達達，將黎雅營就近改歸建昌鎮管轄，戍邊營就近改歸永寧協統轄。嗣後凡有藏內人來噶達達，令西藏協隆給發圖書路引，以便稽查，均應如所請。從之。



壬寅諭廣西省在京官員據廣西學政衛  
昌績奏稱粵省風俗浚清而紳士實爲倡首  
即該省鄉紳之在京居官候補者亦稱本地  
紳士庶民漸洗積習未能驟除應設觀風整  
俗使以司化導等語朕觀廣西乃邊遠小省  
通籍於朝者本不多人而其中即有謝濟世  
陸生楠者狂悖戕陵日無法紀則該省風俗  
之薄劣即此可見矣今御史陳弘謀等請照  
衛昌績所奏設立觀風整俗使獨不思爾等  
紳士乃此庶之觀瞻閭閻之坊表若爾等果  
能於忠孝禮讓之道身體力行以爲衆人之  
模楷而人各教訓其子弟各規勸其鄉黨則  
小民慕義嚮風觀感興起風俗自日歸於淳  
厚若不能端本澄源躬先表率而望秉鐸司  
教之官家喻戶曉使之改過遷善易俗移風  
所謂遠末而忘其本也爾等各思嘉惠桑梓  
貽福子孫當於己身自求之○免廿肅平涼  
縣雍正六年分電災額賦有差○添設陝西

河州協遊擊一員千總一員把總二員兵八  
百名駐劄薩拉地方把總一員兵八十名與  
原設之守備同駐保安堡地方俱屬西寧鎮  
統轄從川改總督安鍾琪請也○於設裁賊  
西鄯州三川驛延長縣千谷驛延川縣文安  
驛清澗縣石嘴驛綏德州義合驛吳堡縣河  
西驛驛丞各一員潼關縣遞運所長武縣傳  
口遞運所大使各一員○禮部題山西汾陽  
縣劉婦故民董科妻高氏於順治六年閏守  
志發居拒寇被害請照例給銀建塚入祠致  
祭從之

大清世宗敬天昌運建中表正文武英明寬仁  
信毅大考至誠憲皇帝實錄卷之八十二

大清世宗敬天昌運建中表正文武英明寬仁  
信毅大考至誠憲皇帝實錄卷之八十三

監修實錄王世傑大行皇帝實錄至誠憲皇帝實錄卷之八十三

監修實錄王世傑大行皇帝實錄至誠憲皇帝實錄卷之八十三

監修實錄王世傑大行皇帝實錄至誠憲皇帝實錄卷之八十三

監修實錄王世傑大行皇帝實錄至誠憲皇帝實錄卷之八十三

欽此

雍正七年己酉秋七月甲辰朔享

太廟遠平郡王福彭行禮○以山西大同總兵

官張善署陝西固原提督○乙巳命山東省

開局鼓鑄從署撫岳濬請也○丙午諭內閣

據順承郡王錫保奏稱在軍前効力之陸生

楠細書通鑑論十七篇抗憤不平之語甚多

其論封建之利言詞更屬狂悖顯係誹議時

政恭奏前來陸生楠由廣西舉人部送江南

吳縣知縣朕覽其履歷奏摺前惟頌聖浮詞

中間不過腐爛時文無一語近於直言規正

亦無一事切於國計民生而僞做誕妄之氣  
溢於言詞知其人必非醇謹及至引見之時  
舉動乖張朕將伊摺內之語詰問數條陸生  
桶總默然不能對但聞朕教訓特多情慙之  
色彼時將伊扣缺今以主事試用蓋以其人  
或小有才令其在京辦事學藝以冀悔改也  
後伊改授工部主事引見時不惟毫無敬畏  
且傲慢不恭顯然逆抗形於詞色夫主事職  
列部曹外任知縣歷俸多年或卓異行取始  
得陞補而陸生桶以邊方舉人筮仕之初即  
膺茲職尚何負於伊而伊竟敢慙及君父子  
伊係廣西人平日必有與李斌謝濟世結為  
黨援之處故敢如此是以將伊革職發往軍  
前與謝濟世同時効力一則令其觀滿洲尊  
君親上之心如此其謹凜一則令其觀我朝  
兵營之制如此其整嚴一則令其觀各蒙古  
部落熙皞淳樸之風如此其誠實庶冀伊等  
化去私軀勉於自新之路詎意陸生桶素懷

逆心毫無悔悟怙惡之念愈深恣惡之情益  
固借託古人之事幾誣引古人之言論以洩  
一己不平之怨怒肆無忌憚議論橫生至於  
此極也前錫保啟行之時朕諭以軍前効力  
之漢官等果能安靜守法自知罪過則皆可  
貸其前愆開予自新或有私自著作怨慙罔  
上者亦未可定今果得陸生桶所著之書悖  
逆之情盡行敗露其論封建云封建之制古  
聖人萬世無弊之良規廢之為害不循其制  
亦為害至於今害深禍烈不可勝言昏郡縣  
之故等語古人之有封建原非以其制為盡  
善而特創此以駕馭天下也洪荒之世聲教  
未通各君其國各子其民有聖人首出則天  
下之眾莫不尊親而聖人即各因其世守而  
封之亦眾建親賢以參錯其間蓋時勢如此  
雖欲統一之而不能也夏禹塗山之會執玉  
帛者萬國周武王孟津之役來會者八百侯  
國豈皆夏后周王之所封建乎孔子曰天下

有道則禮樂征伐自天子出孟子曰天下惡乎定定於一孔子孟子深見春秋戰國諸侯戰爭之流弊其言已啟一統之先幾矣至秦始皇統合六國制天下以郡縣自漢以來遂爲定制蓋三代以前諸侯分有土地天子不得而私故以封建爲公秦漢之後土地屬之天子一封建便多私心故以郡縣爲公唐柳宗元謂公天下自秦始皇蘇軾謂封建者爭之端皆確有所見而云然也且中國之郡縣亦猶各蒙古之有部落耳歷代以來各蒙古自爲酋長亦互相戰爭至元太祖之世始成一統歷前明二百餘年我

太祖高皇帝開基東土遐邇率服而各蒙古又復望風歸順咸震正朔以迄於今是中國之一統始於秦塞外之一統始於元而極盛於我朝自古中外一家幅員極廣未有如我朝者也至若賈誼晁錯欲削諸侯乃慮分封之失而欲一之非以郡縣爲失而欲分之也

李泌因藩鎮之兵連禍結思以封建爲自固之謀豈嘗謂三代之制必可復乎今六合成大一統之天下東西南朔聲教所被莫不尊親而陸生楠云以郡縣之故至於今害深禍烈不可勝言試問今日之禍害何在陸生楠能明指之乎大凡叛逆之人如呂留良曾靜陸生楠之流皆以宜復封建爲言蓋此種悖亂之人自知姦惡傾邪不容於鄉國思欲效策士遊說之風意謂封建行則此國不用可去之他國殊不知狂肆逞惡如陸生楠之流實天下所不容也又云聖人之世以同寅協恭爲治後世天下至大事繁人多姦邪不能盡滌詐僞不能盡燭大抵封建廢而天下統於一相既勞而不能深謀君亦煩而不能無缺失始皇一片私心流毒萬世等語同寅協恭固爲治之要至於知人任相惟在人君之明哲漢唐以來有賢君圖治於上則必有良相助治於下豈萬世無一知人之主乎且同

寅協恭之道於封建何與陸生楠肆意妄言  
支離膠戾至於如此其言建儲也借引漢武  
帝戾太子事發論云儲貳不宜干預外事且  
必更使通曉此等危機等語書有教胄子之  
文禮有文王世子之篇儀文明備教戒周詳  
凡以養成德性欲其學於古訓深知民情物  
理之微周知人間疾苦稼穡艱難之故豈可  
禁之不聞外事乎至於父子天性家國一理  
惟有至誠至敬可以爲事親之道危機之說

豈人子所忍形於言存諸心者乎設使江充  
掘蠱之時太子能居易俟命不詐出武庫兵  
發戈樂衛則決不至有湖城之難是戾太子  
之禍正由於曉危機也又陸生楠云有天下  
者不可以無本之治治之等語其意借鈎弋  
宮堯母門之事以譏本朝之不早建儲貳夫  
建儲之事乃宗廟社稷萬世之業所關天下  
蒼生萬民之命所係也儻不加慎重而所立  
不得其人其後不易之而不可欲易之而不

可以致激爲多故者前代史冊歷歷可稽孟  
子曰爲天下得人者謂之仁又曰爲天下得  
人難言主器之重必得其人足以承先啟後  
者然後可以付之也我朝

太祖高皇帝開創以來未嘗預建儲位而我  
太宗文皇帝繼位丕承恢弘大烈  
世祖章皇帝紹業膺圖撫有中夏

聖祖仁皇帝深仁厚澤御宇綿長凡我朝  
聖

聖相承皆未由先正青宮而後踐天位迺開萬  
世無疆之基業錫億兆臣民之洪庥逮朕繼  
登大寶承重熙累洽之盛統七年以來中外  
又安是我朝之國本有至深至厚者愚人固  
不能知也昔宋孝宗時虞允文請早建儲貳  
孝宗曰恐儲位既正人性易驕卽自縱逸不  
勤於學寔有失德所以來建者庶幾無後悔  
耳孝宗尚知立儲之不易况我朝

聖哲高遠之見十倍於孝宗乎如陸生楠借漢

武之事以譏刺者實爲彌天不可赦之罪人  
也其論兵制也則稱唐之府兵云李泌爲德  
宗歷敘府兵興廢之由府兵既廢禍亂遂生  
至今爲梗上陵下替又云府兵之制國無養  
兵之費臣無專兵之患等語唐初府兵之制  
本於北周蘇綽之議其後變爲驍騎乃府兵  
廢弛不得不出於召募也德宗之世召募者  
多市人不可用故欲復府兵之法然其時亦  
竟不能復孔子曰以不教民戰是謂棄之無  
事耕種之農豈能嫻於武備有事徵發之擾  
豈能兼顧農桑以此爲制不但棄其兵並棄  
其民矣古者六鄉六遂之法遠不可稽後世  
民以養兵兵以衛民彼此相資唐宋以來法  
制漸詳軍農實稱而便安有惜養兵之費而  
棄不教之民者乎本朝設立八旗京師重地  
禁旅雲屯又有巡捕三營以詰禁暴外者  
分設駐防將軍以及提鎮內外相維訓練甚  
備無事則分處什伍兵不擾民有事則整旅

出疆兵以衛民此萬古之良法今八十年來  
太平無事老者以壽終幼孤得遂長孰非兵  
防衛守之力哉民間雖有正供以佐軍糈然  
所出僅百分中之一耳其得養兵之利也多  
矣而陸生楠之爲此說者蓋其懷蓄逆亂之  
心勢不得逞故以圖無養兵之費以搖動人  
聽冀或更制以紊亂軍政所謂親左道以亂  
政言僞學非以疑衆者王法之所不宥也其  
論隋煬帝云後之君臣儻非天幸其不爲隋  
之君臣者幾希等語隋文帝以勤勞節儉爲  
治史稱其倉庫實而法令行至煬帝以驕奢  
淫佚自取敗亡非可諉之於天也後之人主  
不爲煬帝之行豈至有煬帝之禍又何爲而  
望天幸乎陸生楠之意又何所指也其論人  
主云人愈尊權愈重則身愈危禍愈烈蓋可  
以生人殺人賞人罰人則我志必踈而人之  
畏之者必愈甚人雖怒之而不敢洩欲報之  
而不敢輕故其蓄必深其發必毒等語人主

身爲天子富有四海自堯舜禹湯以來一人有慶兆民賴之豈有位尊而卽危禍者乎至於生殺賞罰人主皆奉天命天討以行之其生殺賞罰者皆其人之自取耳朕臨御以來日理萬幾皆奉若天道因物以付未嘗以己意生殺人賞罰人而陸生楠爲畏之怒之報之之說試問在廷諸臣朕自雍正元年以來曾以藩邸舊人而擢用者何人曾因當時宿怒而治罪者何人且朕從前與外廷之人毫無恩怨又何所庸其畏何所庸其怒何所庸其報哉且云蓄必深發必毒此陸生楠借阿其那等而言抑陸生楠自蓄此心也阿其那等各案內外臣工之所共知無俟朕再爲告諭陸生楠亦勇列仕籍豈無見聞而爲此論其狂悖惡亂不亦甚乎又云難怒之而不敢洩欲報之而不敢輕乃陸生楠自迷其心也明矣雖蓄怒而不敢顯言是以託於論列通鑑以微洩其情又怒而欲報欲報而不能但

以身危禍烈等語肆爲咒詛其逆謀發露公然形於紙筆矣其論相臣云當用首相一人首相森詔誤國許凡欲效忠者皆得密奏即或不當亦不得使相臣知之等語夫從來不廢密奏者原欲周知天下之利弊無專令奏揭相臣之理况尊賢之道最要在於去讒敬大臣之道在於官威任使君臣一德一心乃爲元首股肱之義是以擇相之道惟在得人若既得其人而又使人密奏且奏或不當而猶多方掩飾是窺伺挾詐教人以讒惡而招人以排陷也且相臣累屬檢邪便當露章宣奏而羣小故爲排沮或欲動搖大臣或從門戶起見人主自宜分別是非以定邪正豈可調停和處於其間乎又云因言固可知人輕聽亦有失人聽言不厭其廣廣則庶幾無壅擇言不厭其審審則庶幾無誤等語命令烏曰無稽之言勿聽弗詢之謀勿庸召公真告武王曰言以道接朕於人言必決之以理揆

之以情未嘗拒人之言亦未嘗輕聽人言此  
內外臣工所共知者陸生楠何爲而有此議  
議乎又云爲君爲臣莫要於知人而立大本  
不徒在政迹然亦不可無術相防等語君臣  
之間豈容絲毫權術乎三載考績必以政事  
爲據若不以政迹人亦何由而知耶其論王  
安石云賢才盡屏詔謀盡廢而已不以爲非  
人君亦不知人之非則竝聖賢之作用氣象  
而不知等語聖人廓然大公物來順應有何  
作用乎宋神宗銳意求治而安石任意更張  
其失在於作用明矣又云薦恭而天下平之  
言彼固未之見知天知人之言彼似未之聞  
也人無聖學能文章不安平庸鮮不爲安石  
者等語安石之誤國在於不引其君於當道  
非謂知天知人惟有端居深拱靜默無爲萬  
恭於無聲無臭之表而遂可使天下平也故  
夫薦恭而天下平者正由敬信勸戒之道而  
極言其效如此非百務盡廢上下踰絕而後

可爲治也其文詞議論險怪背謬無理之甚  
又其論無爲之治云雖有憂勤不離身心雖  
有國事亦第存乎綱領不人人而察但察銓  
選之任不事事而理祇理付託之人察言動  
謹幾微防讒間慮疎虞憂戚危明防微杜漸  
而已至若邊豆之事則有司存等語從古聖  
帝明王之道未有不以勤勞自勵而以逸樂  
無爲爲治者也是以治天下莫大於用人理  
財二端理財一事自應付之臣下至用人之  
權不可旁落今試以銓選之權付之大臣大  
臣敢膺此任乎無論稍存容私徇情之見者  
固不可一日當此重任即秉公持正之人於  
用舍黜陟之際不爲怨府卽爲福源矣至若  
懋昭令德克勤小物不泄邇不忘遠古訓昭  
然漢宣帝錄數名實治理一新光武務勤吏  
治唐太宗書守令姓名於御屏朝夕省覽古  
來賢主未有不本於勤勞者豈可以用人大  
卽爲邊豆之事置之不問也又云絳度數諫



異鑄順從是以陷於朋比而不知蓋有聖功  
即有王道使徒明而不學則人欲盛而天理  
微國不能有三代之事功至力衰而志慆未  
有能如其初等語夫嘉謀嘉猷入告於爾后  
乃朕所日望於大小臣工者即位以來時時  
諭令諸臣以忠言讜論面折廷諫凡內外諸  
臣條陳政務有當理而可行者必令廷臣詳  
議施行並未嘗拒諫諍而喜順從也至於人  
臣朋比歷代有之有以阿諛諂附為朋比亦  
有以傾險毒直為朋比如漢之梁冀唐之牛  
李宋之紹述明之門戶是也若唐虞之世益  
廷師濟一德一心謂之朋比可乎己上皆陸  
生楠論斷通鑑中語朕指出數條如此陸生  
楠生當盛世服習詩書身叨乙榜起朝選宦  
非若曾靜之僻處深山曠野不知天高地厚  
冥頑不靈之人也且觀其人未嘗不小有未  
謂宜感恩戴德勉思報効而乃懷不逞之邪  
心於進身筮仕之時肆無稽之橫議於政教

修明之日對越大廷則暴戾恣睢之氣形於  
詞色遠邊塞則猖狂怪誕之說任意發舒  
其意專以搖惑眾心擾亂政紀為務朕實不  
知其期望何自而生情憑何自而藉此其逆  
性由於夙成狡惡因之紛起誠不天命而  
不畏小人之尤無忌憚者也陸生楠罪大  
惡極情無可逭朕意欲將陸生楠於軍前正  
法以為人臣懷怨誣訛者之戒著九卿翰詹  
科道秉公定擬具奏○命工部額外侍郎馬  
爾春往江南辦理清查錢糧事務○署江南  
江蘇巡撫戶部左侍郎王瓌江南江蘇布政  
使趙向奎俱緣事革職以吏部右侍郎彭維  
新署江南江蘇巡撫調浙江布政使高斌為  
江南江蘇布政使司布政使以福建學政少  
詹事程元章署浙江布政使司布政使○陞  
浙江金華副將楊瑤為福建福寧總兵官以  
陝西西鳳副將董紹祖署陝西興漢總兵官  
○雲貴廣西總督鄂爾泰疏報貴州安順府

地方高耀等寨生苗猥狎等願附版圖輸誠  
供贓下部知之○丁未諭內閣今日御史楊  
保條奏內稱內外秋審緩決人犯若至三年  
請令該部查明請旨減等發落則各犯俱沐  
隆恩不至於監禁患病死亡等語從來殺人  
者死律有明條其有一時鬪毆殺人而非謀  
殺故殺或事涉謀故而其人非此案之首犯

尚有一線可生之路則於秋審之時細加商  
酌有可矜者減等發落餘皆從寬入於緩決  
之內此法外之仁也今楊保欲將緩決三年  
之犯悉行減等發落是欲將國家獄獄大公  
之典行一己沽譽之私心朕於衆人之前面  
詰云設爾之父兄子弟被毆致死不即抵償  
爾心能釋然乎且待至三年之後竟將兇犯  
減等釋放爾能無憾於心乎伊俯首自問亦  
云不能釋然無憾試思天下之人誰無父兄  
誰無子弟其戚屬爲人毆殺而殺人者竟得  
脫然無事不令抵償爲父兄子弟者孰肯甘

心縱令死者或無父兄子弟而魂魄有知能  
自解散乎年來秋審後朕亦令大學士九卿  
於直省緩決人犯中擇其情罪稍有可原者  
查出具奏朕詳加審慎降旨減等發落此皆  
揆情度理信其可以服死者之心然後見諸  
施行非可任意縱情概行末減以博寬大好  
生之名也我

聖祖仁皇帝臨御六十餘年慎重刑獄惜民  
命諄諄訓誨獄獄諸臣懲剛周孛朕即位以  
來又復時時戒飭體訪大抵各處命案俱屬  
應抵之人無屈枉之事夫彼既傷人之命秋  
決時不即抵償乃其幸也而監禁圍圉尚以  
疾病死亡爲苦乎夫獄多繆因原非德政然  
必天下化行俗美比戶可封普天率土皆安  
分守法無盜竊姦宄之徒聖仁講讓無關狠  
輕生之輩而後時雍風動實致刑措之風方  
爲至治若來能如是但將應行治罪之犯概  
從寬釋以博固圉空虛之譽吾誰欺欺天乎

朕實恥而不爲也况縱法實足長姦恐寬宥之後而犯者愈衆此更朕所不忍者也至於楊保秦中以州縣守獄褊狹而引八旗人犯築建高牆分禁以爲念其暑熱之苦恐染疾患此秦亦與朕之本意不符朕思犯罪之旗人非有異於犯罪之民人也特以民人牢獄之中俱係盜賊匪類慣行不法之重犯若令旗人同在一處監禁轉相煽誘漸染惡習將來愈難化誨悔改故今隔別分禁以防其煽誘勾通之漸非欲令其寬闊自在也且天下爲有身在縲絏之人而尚慮其不能舒展安閒者乎又焉有因守獄褊狹而輒因廢法以使其自如者乎度楊保條陳之意將以寬釋犯人爲陰德事耶豈知爲人臣而不肯秉公執法實心辦事乃欲枉法以沽長厚之名使百姓含冤負屈其造孽無窮必遭天譴尚何陰德之有楊保身爲御史有官之責朕屢次諭令條陳輒轉推諉及首行條奏又將此

必不可行之事希圖寬宥之稱而欲以刻覈之名歸諸君上其居心甚屬可惡著交部嚴加議處尋議楊保身爲言官混行條奏請照奏事許不以實之律革職杖徒得旨楊保著革職發往阿爾泰驛站効力○以左春坊左庶子戴瀚提督福建學政○工部議覆著兩江總督范時輝疏言鹽城縣小關子地方形勢偏窄請將守備衙署移駐草堰口以新設把總駐劄小關子應如所請從之○倉場侍郎岳爾岱疏報通州流水溝等處漕船漂沒得旨大雨時行之際河流驟長沿河空重糧艘依次停泊其適當法口之衝不及防範被水漂沒此非弁丁等有意疎忽之咎也所有損壞船隻漂失米石俱免其賠補湮米亦著交收免其更換被水淹沒及受傷之丁舵人等著倉場侍郎等查明如思艱險再將被水船隻每船賞銀五十兩濟其困乏凡此免賠頒賞之處均係特恩從不為例○戊申九卿

等議奏謝濟世批註大學肆行譏訕忠望毀謗怙惡不悛陸生楠編寫通鑑妄抒情愆憑猖狂恣肆悖逆已極俱應擬斬立法卽於軍前正法得旨陸生楠謝濟世二人議罪之本仍交與順承郡王錫保發與陸生楠謝濟世看本內所載諭旨各條伊等有何辨對著詢明確供具奏○戶部議覆雲貴廣西總督鄂爾泰疏言原任工部侍郎申大成條奏黔省軍田許照民田一體買賣每畝上稅銀五錢給契爲業經九卿議覆准行但黔省軍田一畝之價可買民田二畝應納糧賦一畝亦可抵民田二畝若再徵稅銀五錢於民生無益仰請豁免嗣後凡有軍田授受悉照常例報稅應如所請得旨從前申大成條奏朕發與九卿議覆而後施行今覽鄂爾泰陳奏與廷議迥異大凡發與九卿會議之案因朕不能深知原委及本地情形難以定其是非是以諮詢博採以期有益於民生吏治其本地熟習

風土之人及曾經作宦於其地者自當仰體朕心據實陳奏而九卿等亦當向深知灼見之人細加諮訪而後定議方爲實心任事之道乃年來廷臣定議而外間不能奉行又復奏請更改之案甚多此皆定議時草率臆慮而深知的見之人隨聲附和不肯直指其利弊也申大成所奏軍田一業既不可行則從前會議時有軍田省分之九卿官員何以不肯直言今朕既知其不可行若避朝更夕改之名苟且遷就以致貽累民生朕不忍爲也嗣後若有地方之事經本籍之人及曾爲彼地大員之人會同定議具奏僕事不可行該督撫等奏請更改者朕必加究問○署浙江巡撫蔡任和疏報鎮海等六縣開墾雍正六年分田地八十六頃有奇下部知之○已酉諭滿漢文武大臣等書曰兢兢業業一日二日萬幾蓋言爲君之難也又曰予違汝弼汝無面從逆有後言蓋言人臣之當匡贊其君

也朕之行事若有可議諸臣豈得漠然視之而全無相關之意乎縱不能如古直臣之面折廷諍而時常進見可以從容密奏朕樂於聞善不吝改過惟冀諸臣盡言規正以補其闕若面從心非豈朕所望於諸臣者哉朕即位之初或尚有不知朕心而不敢盡言無隱者今廷臣侍朕六七年矣豈於朕之居心行事尚不能深知而存猜疑之見乎至於朕每日訓飭諸臣者豈非但以責令而不求之於己也朕事事以身先之且深覺爲善之可樂循理之甚安書曰作德心逸日休孔子曰君子坦蕩蕩聖人之言確乎不易諸臣但試行之必有暢然自得之樂也○庚戌以左副都御史宗室塞爾赫署工部右侍郎○兵部議覆調任廣東總督孔毓珣言廣東虎門協屬之南山臺鰲灣佛子凹嘴頭角四水汛與該協相隔遠請就近改隸新安營管轄即以新安營撤回原防佛堂急水等處之兵派

撥防守再於虎門協左右二營抽撥額設船二隻戰守兵八十名配駕分防其虎門協屬左右二營汛差穿插巡防間隔請將右營現防之蘇涌濫尾二汛改歸左營管轄左營現防之龍灣離公石黃角左右等四汛改歸右營管轄均應如所請從之○辛亥諭內閣黃河隄岸乃運道民生所關最爲緊要年來彈心經理增卑培薄幸隄工堅固共慶安瀾獨是工程報竣例應歸汛修防而額設河兵僅夫只能修補水浪衝激之區防備臨險搶護之用至於隄身一年之內風雨淋漓車馬踐踏漸至侵蝕者亦勢所必有而隄遠工多不能責諸家軍兵役也朕留心訪察已久又復詢問通曉河工之人知故明總河潘季馴每歲派夫加高五寸載在河防一覽即從前河臣靳輔亦有每兵一名招募幫丁四名給以隄內空地耕種免糧歲令加土五寸之議與朕計慮之處實相符合朕思隄工雖十有

餘里若按丈每年加修五寸計費不過三四萬兩僅置之不議一年剝削四五寸合十年而計之其所費之多恐有不止於加修之數者况河流激漫不時難以預料何若逐年增修保固爲未雨綢繆之計也著南北兩河總督尹繼善嵇曾筠悉心商酌具奏至於州縣派夫銅弊久經嚴革而募丁給田之說亦不可行其每年歲修之費或動用藩庫帑金或於臨河州縣應解公用銀兩就近支給若

有不敷仍於藩庫撥補亦著河臣一併定議具奏

○又諭日今漕運擬通新漕即須料理漕運總督杜柱現著浙江總督事務其總漕印務仍著張大有管理

○癸丑

考懿仁皇后忌辰遣官祭

景陵○陞方通政張懋誠爲通政使司通政使

○吏部議覆廣東總督郝玉麟疏查查雍正五年定例各州縣管獄官監斃盜犯至五名者卽行革職其中有才堪驅使之員概行廢

棄殊屬可惜嗣後監斃盜犯除未經取供審

明及致死滅口者應照雍正五年定例議處

外如已經取供審明在監病故別無致斃情

事不論首盜夥盜俱請仍照雍正三年定例

監斃四人以下者管獄官免議其五人以上

者罰俸一年再承問官將盜犯取有口供未

經題結遽致監斃者亦令該督撫疏內聲明

無論首盜夥盜一案內監斃四人以下者免

議五人以上者分別議處其餘監斃各項人

犯仍照定例處分應如所請從之○敕封陝

西寧夏大渠龍神爲寧渠普利龍王之神○

甲寅以果親王允禮管理工部事務○陞太

常寺卿劉聲芳爲戶部左侍郎○命莊親王

允祿管理鑲白旗滿洲都統以正黃旗護軍

統領德成兼管鑲藍旗滿洲副都統鑲紅旗

滿洲副都統侯馬前恭兼管鑲藍旗蒙古副

都統○議政王大臣等議覆河東總督田文

鏡道咨議奏山東青州府爲道中要地內與

陸路各營勢聯絡外與沿海營汛呼吸相通設立滿洲兵駐防可以資彈壓而重保障查青州府北城外有古廢東陽舊城基址請建造城垣衙署營房可以駐兵數千應如所請青州城外建造新城後自京派撥八旗滿洲兵二千永遠駐防設將軍一員副都統一員管轄并設協領四員佐領十六員防禦十六員驍騎校十六員再添設理事同知一員隨印筆帖式三員鑄給印信關防其俸祿糧餉等項俱照各省駐防之例支給從之○乙卯以漕運總督性桂署浙江杭州將軍○丁政使為提調道員為副提調按察使為監試道員為副監試朕思藩臬二員乃通省錢糧刑名之總匯入場一月有餘將地方公事沉摺遲延於官民均為未便况場務既有道員二人則科場之事已有大員料理不必又用藩臬從今科始各省以道員一人為提調官

一人為監試官永著為例○以內閣學士任蘭枝為浙江鄉試正考官翰林院編修王峻為副考官侍讀楊炳為江西鄉試正考官編修徐煥然為副考官編修劉統勳為湖北鄉試正考官檢討張若涵為副考官○戊午中元節遣官祭

永陵

福陵

昭陵

昭西陵

孝陵

孝東陵

景陵○雲貴廣西總督鄂爾泰疏報都勻各寨苗民輸誠納賦編入保甲下部知之○己未以左副都御史陳良弼署鑲白旗漢軍都統○庚申雲貴廣西總督鄂爾泰疏報滇省廣南府城三月初七日日麗中天慶雲擁護自午至百萬眾歡呼下部知之○改廣東廣州

府理孫同知爲廣東理徭軍民同知陞府屬之連州爲直隸州兼轄陽山連山二縣從原任廣東總督孔毓珣請也○辛酉廣東左翼總兵官謝希賢緣事革職陞廣東虎頭門副將李順爲廣東左翼總兵官○壬戌諭內閣直省各營缺額馬匹例用朋扣銀兩買補自康熙十年山西河南陝西甘肅湖廣四川六省營馬缺額以招中茶馬撥給所有朋銀悉行解部其後四川湖廣停撥茶馬動朋銀買補陝甘晉豫四省仍領招中茶馬至康熙四十五年停止招中而四省督撫並未奏請給發朋銀遂致營馬凡有倒斃皆各兵買補前降諭旨令岳鍾琪將陝甘二省營馬缺額作何補給之處定議題覆現交部議其山西河南二省尚未降旨又聞河營馬匹亦係兵丁自行買補著該部一併查議具奏尋議嗣後征勦西藏竝安臺回營兵丁凡實在倒斃馬匹著該管提鎮核明咨部照康熙四十五年

西安甘肅西寧定價動支朋銀給兵買補足額其陝甘各營倒斃馬匹並准照直省營馬例開報不得過十分之三再山西河南二省以及河營每年亦應准報十分之三山西陝西馬價河南照該省驛馬價河標照山東營馬價各動支朋銀給兵買補至定例領馬五年方准免賒各省應一體遵行從之○癸亥賜大學士張廷玉蔣廷錫第宅各一區白金千兩賜張廷玉調梅良弼區額蔣廷錫鈞銜碩輔區額○以鑲黃旗護軍統領色爾璧署左翼前鋒統領○甲子諭內閣粵東三面距海各省商民及外洋番票攜資置貨往來貿易者甚多而海風飄發不常貨船或有覆溺全賴營汛弁兵極力搶救使被溺之人得全軀命落水之物不致飄零此國家設立汛防之本意不專在於緝捕盜賊已也乃沿海不肖之弁兵等利慾薰心貪圖財物每於商船失風之時利其所有乘機搶奪而救人之



事姑置不問似此居心行事更甚於盜賊其無恥殘忍已極豈國家兵弁忍爲之事乎廣東福建二省居多而他省沿江濱海之營汛亦所不免此皆該地方督撫提鎮等不能化導於平時又不能稽查懲究於事後以致不肯弁兵等但有圖財貪利之心而無濟困扶危之念也嗣後若有此等應作何嚴定從重治罪之條使弁兵人等有所畏懼儆戒著沿海督撫各抒己見議奏到時九卿再行會同定議此旨頒到之時著一面定議一面即行出示宣諭弁兵等知之○諭戶部向來奉天文職官員僅有俸銀而無俸米嗣後著照京官之例各按俸銀數日賞給俸米○添設河南河標營守備二員○雲南巡撫沈廷正疏報尋甸祿豐等三十一州縣開墾雍正六年分田地一千五百七十頃有奇下部知之○乙丑以故喀爾喀扎薩克輔國公丹凌巴爾子巴木丕爾多爾濟襲爵○丙寅命各省委

署試用人員在京命往者照委署職銜給與俸銀○丁卯正白旗蒙古副都統鄂密緣革革職陞原任鑲白旗護軍統領馬哈達爲正白旗蒙古副都統○戶部議覆湖廣總督邁柱條奏苗疆事宜一湖南地方民人往苗土貿易者令將所置何物行戶何人運往何處預報明地方官該地方官給與印照註明姓名人數知會塘汛驗照放行不得夾帶違禁之物如有官吏兵役借端需索者一併查究○苗人至民地貿易請於苗疆分界之地設立市場一月以三日爲期互相交易不得越界出入仍令該州縣派佐貳官監視一苗疆州縣請選擇諸苗說服之人立爲苗長以稽捕緝之事三年無過量爲獎賞其有生苗歸化者給以寨長千百戶執照三年無過亦予獎賞造冊彙報兵部一請照川省之例於苗疆州縣選安分勇敢之土苗每處用一二十名充當民壯以備差遣訪緝仍行文文武互相

覺察之法以防勾通推諉等弊均應如所請  
從之○添設山東兗州府督捕同知一員駐  
曹縣桃源集地方移原駐桃源集之曹州州  
同駐州治從署山東巡撫岳濬請也○改湖  
廣黃州府屬黃改縣德安府屬孝感縣俱隸  
漢陽府統轄從湖廣總督邁柱請也○戊辰  
陞河南布政使謝冕為太常寺卿仍著河南  
布政使司布政使○己巳禮部題遵羅國王  
森烈拍遣使齋表表文進貢方物請照例交  
送各該處查收得旨遵羅國王遣使遠來貢  
獻方物其見悃誠朕念該國遠隔海洋所進  
方物齋送不易欲酌量裁減以示恩恤遠藩  
之意但此次貢物既已齋送前來難以帶回  
本國著照往例收納其帶貢土物內有東香  
安息香聚裝布疋等在內府無須應用嗣後  
將此等免其入貢永著為例該部詳悉行文  
該國王知之○庚午以戶部員外郎馮祖悅  
為陝西鄉試正考官翰林院編修開泰高副

考官大理寺卿黎致遠為江南鄉試正考官  
編修李清植為副考官○署浙江總督桂  
毓報湖州府歸安縣民王文隆家有蠶二十  
七筐內有九筐萬蠶同織瑞蘭一幅長五尺  
八寸寬二尺三寸實為上瑞得奇朕聞養蠶  
之家或聚眾蠶於磁甌之中面上糊鋪一紙  
眾蠶於紙上盤旋往來如織紛紛凝結久而  
成片器圓者成圓器方者成方既成之後去  
其原紙究以人力織成以此推之器小者可  
成小幅則器之大者亦可以成大幅矣今浙  
江所進大抵多由人工造作如果係萬蠶同  
織而成必有確實證據可驗著明白查奏儘  
由人工造作亦將實情具奏朕每事必期核  
實况素性不言祥瑞豈可稍涉虛罔至於進  
筒之人不過微末鄉民希冀莫賞非作姦犯  
科者比亦不必嚴訊以致苦累○辛未諭兵  
部向例武舉在本省學習之後過有千把總  
缺出即在本省與兵丁一體拔補伊等希冀

得缺未免開鑽營侍進之端且該管官之秉公拔補與否亦無從考驗嗣後將隨標差操學習之武舉等令該督撫等看其材技優嫻晚習營務者照年滿千總例送部考驗分發別省遇有干把缺出即行補授則人材既可造就而拔補亦得公平將此永著為例○諭都察院凡人臣辦事務須秉公持正不可存一恐懼好樂之心若先有恐懼好樂之心則心既不得其正事必不能合中或太過或不及皆非中庸之道所謂中庸者本日用常行之事即至當不易之理而人每多習而不察也且人臣事君尤當至誠不欺若稍存欺心便是獲罪於天試觀大姦大惡之人天不遽加之顯報必俟其罪惡貫盈全體敗露然後降之災殃以昭著於天下後世爾等必先問心若果能不愧幽獨方可質諸大廷庶眾遇事又必須審定是非不可偏執已見自以為是如辨一事初信為是者寧可再加詳審將

他事比較並將他人議論斟酌或有未協之處必求至是而後行蓋天下自有公是非必心無私曲方能辨別是非凡被他人所惑溺愛不明其為害尚小蓋以人為憑可冀有時覺悟儻自身溺愛不明其為害也更甚而覺悟體察也尤難大心懷偏私則一己之是非已不能定又何能定他人之是非乎大凡立心行事必從根本上用力方能有濟若專務枝葉雖費盡心思於事無裨朕辨理天下事務廓然大公因事制宜實不預立成見爾等凡有條奏如果有益於國計民生朕自採納若預揣朕意曲為迎合或袒庇瞻徇畏首畏尾不惟於國家政事無補實難逃朕之洞察在國法何得寬貸也總之人情任勞曷任怨難任怨之事不獨在臣工即為君者亦然但存心合乎天理雖有一二無知之輩肆為惡謗久之天下後世自有公論爾等果能公忠為國日下即被小人怨尤日久自然消釋

上天必加垂佑人主必能體察爾等敬聆諭旨  
各思奮勉勿負朕教誨之至意○諭八旗都  
統等朕思八旗各佐領下既有副曉時校亦  
著添放副護軍校一員每月俱加錢糧一兩  
共給與五兩米石照舊給與頂帶補服仍著  
叢翎○調雲南鶴麗總兵官蘇大有爲貴州  
古州總兵官雲南開化總兵官南天祥爲雲  
南鶴麗總兵官以原任福建督標中軍副將  
仇元正爲雲南開化總兵官陞雲南督標中  
軍副將陳清爲雲南曲尋總兵官○壬申諭  
兵部西路一應軍需從前俱係岳鍾琪承辦  
今岳鍾琪出口衰齊督吏將謂接辦之督撫  
不能深悉底裏因而於造冊奏銷之時影射  
混淆不可不預爲防範督撫等受國家封疆  
重寄軍興錢糧是其職掌岳鍾琪出口之後  
著將軍需奏銷事件交與陝甘各該督撫查  
明正項公項應題應奏之件逐一察核陸續  
報銷但署督查即河巡撫武格許容俱係本

年到任恐司道以至州縣官員胥吏等因督  
撫到任未久不無乘機混淆或至希圖侵冒  
或以刻削累民二者均未可定著於軍務錢  
糧奏銷冊籍之外兼造簡明清冊令各司道  
將某州縣某項工料物料歷經詳議批定某  
等價值或因時估實在不敷改照某等價值  
某項下共用軍需若干共用公費若干照折  
中價節省若干或不敷若干逐件於奏銷時  
將奏銷冊送督撫覆核分晰題奏將簡明清  
冊却遞巴爾庫爾交岳鍾琪察實繕寫黃冊  
具摺奏聞朕將奏銷冊與簡明清冊一併交與  
該部查對若有舛錯不符之處該部分別駁  
查題參照例議處著將此番即行文與寧遠  
大將軍岳鍾琪著總督查即河巡撫武格許  
容等遵照辦理開陝甘隨習凡地方公事亦  
有於事後科派百姓者此次軍需等項悉用  
公項辦理絲毫不使累及官民著督撫再行  
曉諭使深山僻壤之人一體周知以杜猾吏

甚胥借名苛索之弊僅稍有派累浮冒之處該督撫卽行訪察糾參若督撫不行查參經他處發覺者一併嚴加議處○諸王大學士九卿等疏言滇省日麗中天慶雲告瑞仰見太平有象

天眷庥隆臣等不勝歡忭得旨朕思雲霞之氣時結時散今慶雲屢見於滇南地方自該省大臣官弁兵民有感格

上天之處始蒙錫此嘉徵以示恩獎但

天象之災祥由於人心之敬肆捷於影響呼吸可通朕每承

天貺益深虔惕夙夜靡寧惟冀滇省官民愈加遜勉始終一致以仰答

上天垂象之鴻恩○護軍統領七十疏言蒼震門乃禁禁內地請添派章京二員看守午門外請添蓋板房以資兵丁宿衛從之○改浙

江徽州協左營都司高中軍都司戴右營都司一員添設嘉興協中軍都司一員從浙江

提督陳天培請也

大清世宗敬天昌運建中表正文武英明寬仁信毅大考至誠憲皇帝實錄卷之八十三

大清世宗敬天昌運建中表正文武英明寬仁  
信毅大孝至誠憲皇帝實錄卷之八十四

聖祖皇帝御製實錄卷之八十四 聖祖皇帝御製實錄卷之八十四 聖祖皇帝御製實錄卷之八十四

教序

雍正七年己酉閏七月癸酉朔諭內閣九卿

等易經云立天之道曰陰與陽立地之道曰  
柔與剛立人之道曰仁與義仁義雖分而其  
理則一天下之人但知仁主於慈義主於斷  
仁主於寬義主於嚴以為仁義各有其用而  
不知其相資相濟而不可須臾離也蓋有仁  
而無義則姑息之愛不合於事理當然之則  
矣孔子曰惟仁者能好人能惡人蓋其所好  
所惡必合於事理之宜而後天下享仁人之  
福所謂殺一人以安千萬人義之善正所以

為仁之主也即如翦除盜賊義也盜賊既除  
則良善得寧豈非仁乎懲創兇頑義也兇頑  
既懲善者益勉於善而不善者且相率而遠  
於善豈非仁乎其餘互相為用之處皆可以  
此類推其分仁與義為二而不能融會貫通  
者則見理不達故也 禮部議覆雲貴廣西

總督鄂爾泰疏言貴州一省原轄十一府四  
十州縣每科鄉試額取文舉人三十六名五  
經二名武舉二十名近於四川湖南兩省內  
將十三州縣改隸貴州赴試人數較多請增  
貴州鄉試解額加中文舉人六名共四十二  
名武舉三名共二十三名庶不致人多額少  
黔省既經議加則四川湖南應行議減請將  
四川解額文舉人減四名武舉減二名湖南  
解額文舉人減二名武舉減一名應如所請  
從之 甲戌諭內閣凡外任文武官員因公  
註誤革職者朕恐其罷黜之由限於定例而  
人材尚屬可用不忍使之廢棄終身是以格

外施恩於部議革職之時往往酌量降旨令其交代後該上司出具考語送部引見此朕愛惜人材體恤下情之意惟是外官在任忝罰之案常多每有先經革職奉旨來京引見之員陸續又有別案革職者此等官員著交部查明若績恭之案情罪重於前案非係因公註誤則不應帶領引見若後案仍係因公註誤與初恭革職之案情罪相同仍著帶領引見於摺內將該員共有處分幾案之處聲明候旨

調江西巡撫張垣麟來京以太常寺卿署河南布政使謝旻著江西巡撫調福建布政使趙國麟爲河南布政使司布政使調湖南布政使趙城來京陞貴州貴東道楊永斌爲湖南布政使司布政使福建按察使潘體豐爲福建布政使司布政使福建驛鹽道孫國璽爲福建按察使司按察使○吏部議覆禮部尚書常壽條奏六部漢軍堂主事員缺向係小京官及有品革帖式論係推陞

不能盡得熟習繙譯之員嗣後漢軍堂主事缺出請令各該堂官於應陞主事之漢軍中書小京官及有品革帖式內將熟習繙譯者出具考語保送吏部每缺揀選二人擬定正陪引見補授再起居注主事職司繙譯諭旨載入史冊關係緊要亦請於應陞人員內揀選熟習繙譯者引見補授永篤定例應如所請從之○添設山西右玉縣之故虎昌嵐遠堡巡檢各一員左雲縣之高山城助馬口巡檢各一員平魯縣并坪城巡檢一員移沁水縣東瑪嶺巡檢駐端氏鎮從山西巡撫覺羅石麟請也○乙亥諭兵部訓練營伍之道必技藝精熟方有濟於實用聞直隸地方營汛中鎗手演習止放空鎗從未裝入鉛子打靶似此則信手高低漫無準則何由純熟而成必中之技直隸幾處如此則通省可知直隸一省如此則外省可知嗣後著通行直省督撫提鎮等轉飭所屬於練習火器之時用鉛

子打把演熟準頭則火器皆成利用於營伍實有裨益○以翰林院修撰彭啓豐編修吳應枚俱著日講起居注官○已卯諭內閣奏查

陵寢祭祀需用黍稷菜蔬是以設立圓頭莊頭給與地畝俾其種植灌溉按時供辦康熙三

年

聖祖仁皇帝於

孝陵設立莊頭圓頭共給地四百一十畝至康

熙三十九年又增給地一百五十三畝據禮

臣查奏此二項地畝已足供辦祭品朕伏念陵寢祀禮關係重大所需時獻品物必承辦之

人充實豐裕然後嘉穀珍蔬繁茂鮮潔庶可

展孝思而達誠敬今欲加增地畝若干賞給莊頭圓頭使之供應鏡裕者

三陵總管大臣詳悉查議到日文與該部議奏尋議請撥附近膏腴之地二百七十五畝增給莊頭圓頭令其辦理

陵寢祭品鏡裕鮮潔以達誠敬從之○貴州巡

撫張廣泗疏報貴筑等十三縣開墾雍正七

年分田地九千九百畝有奇下部知之○賑

江西大庾縣水災饑民○庚辰諭兵部駐藏

兵丁其家口在家者照出征兵丁之例給與

坐糧以爲養贍之資若家有喜喪事件亦照

出征兵丁例賞給銀兩○吏部議覆禮部侍

郎傅德條奏

天壇內犧牲所牧養犧牲關係祀典其所牧所

副等官向例揀選年老之護軍校馳騎技補

用以致管理不周漸生侵蝕等弊嗣後所牧

所副員缺請令八旗滿洲都統於拜他喇布

勒哈番拖沙喇哈番等官內揀選家道殷實

年富才優者咨送兵部引見補授專司牧養

如辦理五年稱職令太常寺堂官保題又與

該部以應陞之缺用應如所請從之○賑雲

南南寧縣水災饑民○辛巳喀爾喀輔國公

三濟扎卜故違官致祭○壬午吏部帶領各



督撫保舉之知府缺觀謨等引見

上諭曰知府一官承上接下以察吏安民為要務督撫統轄全省地方遠濶屬官多至百數十員察核賢否自難人人確當所賴者汝等府道耳一府所屬其多者不過十餘州縣耳目易於周知如能與督撫同心協力則舉劾悉當吏治自然肅清但不得背公違理迎合督撫之意如屬員果賢督撫或有苛求爾等須竭力保全不可搜求詳揭若係不肖之員

雖督撫密露庇護之意亦不可委曲順從蓋劣員貽誤地方即此時順從督撫曲為徇庇將來儻被新任督撫題參徒然貽累己身若秉公察吏獲罪上司即被參劾至於降革革職調來引見面加詢問果係情真理當必將誤恭之上司嚴加處分在汝等何害乎至秉公持正之督撫爾等又不得與所屬人員通同欺詐蒙蔽譬如督撫與朕必能一德一心方可整官方而清吏治若各懷欺隱之心朕亦

難於辨理矣從來人才難得朕欲爾等察吏竝非苛刻搜求細事以叅劾詳揭為能如屬員之過出於無心情有可恕務必盡心教訓莫其後改至再蹈前轍然後叅揭方不屈抑人才爾等皆有志上進之人若能協同督撫報劾國家撫綏百姓將來陞授大員時自有賢能屬員來相贊助也古語云使天下無一夫不獲其所實非人力不能之事一府之太或一人之力不能周到若一州縣得一好官則一方百姓自受其福庇推之天下州縣各得其人豈非匹夫匹婦各得其所之明驗乎所以治天下之道惟在察吏一事再近來外官多有視督撫之行事以為進退者如遇才守兼優不徇情面不避嫌怨之督撫即踴躍向前若遇中等督撫則凡事因循觀望不肯盡心殊非臣子竭誠供職之道爾等總宜改除陋習勉盡職守以圖上進若不忠勤慎報劾盡職不惟深負朕恩且有何顏面以對

保舉之人而思遺累於知己之上司耶爾等

赴任務期夙夜凜遵毋負朕諄切訓誨之至

意○朕未諭王大臣等向來覺羅佐領或有

或無俱未盡一今既將下五旗覺羅佐領由

各該王屬下撥出作為公中佐領朕意均派

八旗方為妥協前者宗人府設立宗學祇令

教習宗室未及覺羅覺羅人眾今若一概歸

併宗學教者勢難遍及應每旗各立一衙門

管轄覺羅或王或公派委一員統理令其於

各該旗覺羅內揀選老成練達品行端方者

一二人分管即於該旗衙門之旁各設一學

除情願在家學習者外擇其可教之人令其

讀書學射滿漢兼習所派出之管轄人員不

時訓誨稽察如內有行止不端不知守法安

分者即回明宗人府王等今在該旗衙門居

住學習禁止出門俟其改行運善之後再許  
出門年底彙疏具題如此則於覺羅少年子  
弟大有裨益而人人皆可成就若宗人府王

公等會同滿洲大學士六部尚書詳志議奉

尋議向設覺羅佐領共三十二分分屬鑲黃

正黃正紅鑲白鑲紅正藍鑲藍七旗今請均

勻移置八旗每旗定為覺羅佐領四分每八

旗各擇官房一所立為衙署旁設清漢各一

學八旗覺羅內自八歲以上十八歲以下子

弟俱令入學分讀滿漢書有願在家讀書者

聽之其十八歲以上未嘗讀書者於每月朔

望傳集公署宣講

聖諭廣訓每旗派出王公等為總管覺羅二人

為教長於筆帖式內揀選能繙譯者一人教

授清書禮部教習一人教授漢書兵部揀選

善射一人令其教射仍著宗人府不時稽查

每年春秋二季該王公親身考試登記檔案

覺羅內有取進文生員繙譯生員者將滿漢

教習支部議敘至一切支給公費等項俱照  
宗學之例行從之○諭內閣歷年各省貢監  
等赴部考職不過得一空銜在末人無選用

之期在國家無引見之例是以伊等相沿陋習託人代考習以爲常朕深知其弊曾經降旨申飭而此風仍未止息前年於考試後特令通行引見一則欲察其真贗如何一則欲廣收人材於稠人之中以備州縣佐貳之用不使至於遺棄也比時應試者一千二百餘人而報名引見者僅二百人朕就其中舉止從容應對明白者拔取數十人交與吏部陸續選用及後再加訪察此等引見得官之人仍有代人考試竝冒行引見者可謂惡不畏法之徒矣因思若逐一嚴查或致生事擾累於是特頒諭旨令本人自行出首酌量免其重罪竝令從前代考得官者亦准自首此格外矜全之恩也年來各省督撫題奏自前代考得官實由於捐納者朕俱開恩免其議處近聞外省地方官不問其人之得官與否概將歷年考職之人加以盤詰逼令自首甚至胥吏鄉約逐戶嚴查警家挾私訐告種種紛

擾多生事端此則有司奉行不善之所致也朕旨原言代考得官者而今則竝及遠年空銜之人朕旨原令本人自首而今則添官吏嚴查苛索之弊著該部行文各省通行覈諭凡考職人員止得空銜未嘗得官者其自行出首與否聽本人之意若得官之人應行自首而隱匿不肯者別經發覺自有國法再者前因纂修一統志書內載本朝名宦鄉賢孝子節婦一應事實行令詳悉查報以備纂修該地方有司自應確查記載採訪鄉評據實秉公咨送書館以彰直道今聞外省郡縣中竟有胥吏作姦借端生事向本家查取事實高下其手希圖賄賂者似此則有力者濫竊褒揚而無力者不能表見何以副國家彰善旌賢之典著各省督撫等通行嚴禁僅有仍蹈故轍者將該地方官即行查參論吏部朕見近來官員等彼此互揭之案甚多如上官揭報屬員而屬員隨即列款揭告上官知

縣揭報教官而教官隨即列款揭報知縣似此若果出於公道則何不控告於未揭之前而乃報復於既揭之後其馬扶警反噬情弊顯然但其中或有探知上官欲行揭報而先行詳揭者亦有逆料下屬必行揭報而先發制人者其情偽虛實種種不一總在督撫等悉心詳察秉公審理從庚戌年馬始凡挾私互揭之案如所揭款蹟附件審實則照定例歸結僅數款之中有一款審虛仍照誣告律

治罪者附件皆虛將挾私互揭之人嚴加治罪文武官員一體遵行著預行曉諭咸使聞知○辦理陝西寧夏渠工兵部侍郎通智疏報寧夏等屬修濬之大渠並六羊改渠一切工程告竣所有新築寶豐寧夏平羅四縣田畝均沾灌溉請定兩渠嘉名以垂永久得旨大渠著名惠農渠六羊渠改名昌潤渠○戶部右侍郎單疇書祭葬如例○甲申諭戶部各省解送錢糧差委離職領解此等微

末之員功名甚輕或有中途盜隱捏報劫夫之弊再夫鞘銀兩令地方文武官均賠亦未允協著查議具奏尋議各省領解錢糧例像巡檢典文等員遇有失事如但以革職處分恐其假劫竊之名行偷盜之弊嗣後夫鞘銀兩請令失事地方文員分賠一半其一半令解官分賠二分該省差委之夫員分賠三分僅解官實係微末窮員其二分亦著差委之大員賠補地方武員免其分賠至於解官不由通途不赴州縣掛號者其夫鞘銀兩責令解官全賠其州縣官照道路村莊失事例限年承緝將此永著為例並省一體遵行從之○又諭各省解部錢糧及各項物件俱有批迴向例解官於各部掣批之後即將所掣批迴赴科掛號原無六道掛號之例蓋既經各部查核其數目又經各科查驗其違違則事已完備矣乃近年泥於科道一體稽查之說因於六科掛號之後又赴御史衙門掛號

致令辭官多候時日。且聞不肯書吏需索之端。於事件甚屬無益。嗣後著將六道掛號之處概行停止。○克江南靖江縣雍正六年分。雹災額賦有差。○乙酉以翰林院編修吳應茶爲河南鄉試正考官。修撰彭啓豐爲副考官。戶部郎中潘允敏爲山東鄉試正考官。宗人府主事張鉞爲副考官。左春坊左贊善許王猷爲山西鄉試正考官。浙江道御史陳弘謀爲副考官。○江南江寧將軍采文緣事革職。調浙江杭州將軍鄂彌達爲江南江寧將軍。陞河南副都統阿里袞爲浙江杭州將軍。調湖廣荆州左翼副都統白清格爲河南副都統。陞署鑲白旗滿洲副都統阿克山爲湖廣荆州左翼副都統。調齊齊哈爾副都統額爾勤爲奉天副都統。陞齊齊哈爾協領卓爾海爲齊齊哈爾副都統。○丙戌。旌表廣東保昌縣烈婦甘作棟妻張氏拒姦不污。被刃殞命。給銀建坊入祠。欽奉如例。○丁亥。兵部議

覆川陝總督岳鍾琪疏言。陝西官兵馬匹。向例不報倒斃。嗣後請照各省之例。准其開報。不得過十分之三。甘肅等處。除番民貢馬。抵補外。其有不敷。亦照例給與馬價。買補。應如所請。從之。○戊子。解浙江提督陳天培。任陞廣東潮州總兵官。尚濛爲浙江提督。調廣東右翼總兵官馬紀勳爲廣東潮州總兵官。陞廣西潯州副將李萬倉爲廣東右翼總兵官。○己丑。改直隸石匣營遊擊爲順義營。遊擊石匣營中軍守備。爲順義營中軍守備。並添撥兵丁三百名。駐順義移漕河把總。駐牛欄山。順義把總。駐楊各莊。從署直隸古北口提督魏經國請也。○庚寅。諭內閣。科道乃朝廷耳目之官。專以進言爲職。朕令於露章之外。復行密奏者。蓋欲其時進諫言。臣朕之不逮。有益於吏治民生也。既係密奏。則當加意謹慎。不謀於人。不洩於外。方無忝於事君之義。而不隲言官之任。乃近見科道等之密奏。竝

無直言規諫及有益於吏治民生之處而沽名邀譽之習仍然未除如科臣卬尚志密奏崇文門餼銀一事公然露洩於外而御史李元直於未行密奏之先遍訪他人密奏之事而後入奏是昏不知其出於何心夫官言進言之意不過欲見諸施行也今卬尚志所奏朕已降密旨准行矣而彼仍然露洩於眾是彼進言之意專爲一己之名則何不見之於露章而乃隱之於密摺乎卬尚志於陳奏之事不肯慎密李元直察訪他人密奏之事而又捏造附會之言此即朋比黨援作威作福之漸也本應嚴加報究以儆流風姑念二人尚係初犯著分別罰俸以示薄懲嗣後儻有密奏之事朕未將本人姓名發出而本人自行露洩或私自存稿者一經發覺朕必嚴行究訊重治其罪○諭兵部滿洲准入武場考試原爲造就人材起見伊等中式武舉正宜策勵再試進士如有材藝出眾朕即挑選侍

衛加恩擢用今滿洲中式武舉後例以門千總補用未免小就卽將來陞補守備若係巡捕營尚可就近學習僅陞用外省恐伊等未諳外省營務不甚相宜嗣後滿洲由武舉補用之門千總併武進士或以京營守備用或以本旗護軍校駝騎校等缺用并將作何陞轉及以何項補用之處該部詳議具奏尋議嗣後滿洲武舉補授內九門千總者遇會試之年仍准入場考試平時令步軍統領時加考驗限以三年材技優長者補授巡捕營守備中平者補授木佐領下護軍校并本旗駝騎校等缺平常者留門當差學習有成再行保送至滿洲武進士除欽點侍衛外其餘武進士仍以京營守備與駝騎校護軍校等缺補授從之○辛卯陞直隸河間府屬之滄州爲直隸州管轄南皮鹽山慶雲東光四縣從原署直隸總督楊鍾請也○壬辰陞表直隸大名縣烈婦王三其景氏拒姦不污被刃殞

命給銀運坊入祠致祭如例○祭已諭內閣凡州縣官新舊交代如錢糧倉穀驛馬等項自應據實查盤秉公授受在上司不得徇庇前官抑勒交代在後官不得留難前任挾詐行私斯於理爲至當於法爲得平即以倉穀驛馬二事言之若粟米較紅朽糠粃不堪自當據實揭報但聞有刻薄之人恣意苛索於摘聽之時高下其手好米亦有虧折以致前任之官畏其摘聽勉強幫銀兩而後得以交代離任驛馬若果疲瘦不能應差自應退還前官著落賠補又聞有故意勒措者將好馬退還強令交銀又託言需馬應差以賤價買其原馬餘銀入己此等惡習各省州縣官每嘗有之朕曾經訪聞即督撫大臣亦以此入告請定例通行嚴禁者朕思前後交盤乃國家政治之所關亦本人考成之所係如果前任之人事事清楚豈後任者皆屬無良之人而好爲刻覈之事今接任之千係既重

而天不令其舒展盤查情理實未允協況不肖之員往往於將近離任之時百計侵蝕扣剋以貽後人之累則其過又不在接任之員矣是以前後之間寬嚴之際難以概論亦難以法律相繩惟在督撫大吏等於未交代之前推誠訓誡正交代之際留心察訪既交代之後體其情理即此可知屬員之立志爲人矣若過在前任則容處前任過在後任則容處後任不存成見不涉偏徇耳目能屬實罰悉當則吏治事事可望肅清矣至於訓誡屬員又當動以天良曉以利害儻前官欲貽累於後人後官欲苛求於前任是皆損人利己假公濟私目前之獲利有限暗中之造罪無窮天道好還國法具在惡究不能免於會刻之報著通行曉諭各省大小官員知之○以正紅旗蒙古都統特古楚署鑲黃旗蒙古都統○改雲南楚雄府屬之定遠縣歸蒙化府同知管轄裁知縣典史散諭訓導缺添設定

邊巡檢一員從雲貴廣西總督鄂爾泰請也  
○乙未免甘肅靖遠廳雍正六年分電災額  
賦有差○丙申諭內閣朕耕耨之初雍正二  
年三年惜田所產嘉禾一莖四五穗者實係  
瑞靛後來府尹等所進十餘穗及今所進二  
十四穗者乃未來多穗之穀名曰龍爪穀當  
日播種時不應將此穀種攪入其中著該府  
尹等知之嗣後不可被小人愚詐○諭吏部  
凡遠省烟瘴地方文武官員之缺例將本省  
熟悉風土之人調補朕思烟瘴地方大半係  
邊遠簡僻之缺若概行調補不令陞補未免  
強幹之員轉駐簡僻之所止圖揆係無所表  
見而才具可用有志上進之人或生苒且因  
循之念亦未可定嗣後凡遇烟瘴地方文武  
官員缺出向例調補者著該撫提鎮等於屬  
員內秉公酌量若有可以題陞之員即具題  
請旨陞授若係應調之員仍照舊調補陞調  
兼行不拘一格總期人地相宜材職相當以

副朕鼓舞裁成之至意儻有應行調補之人  
不願前往而該管上司聽其規避者或有不  
應題陞之人而該管上司徇情題陞者經朕  
察出定行從重議處○丁酉諭內閣八旗之  
首監生員已經考取小京官筆帖式若若願  
就鄉試俱准其與舉子等一同入場使片善  
寸長不致遺棄以副國家教養人材之典○  
吏部議覆雲貴廣西總督鄂爾泰條奏滇省  
建置事宜一元江府所轄之普洱地方請增  
置普洱一府設知府一員經歷一員其原設  
之普洱通判移駐思茅○普洱所屬之攸樂  
地方請設同知一員遊擊一員猛烏整董二  
處各設鹽課大使一員俱隸普洱府管轄○  
新設之普洱府應建立學校請於元江府學  
調撥訓導一員董率啟地入學額數照滇省  
小學例取進八名其從前附入元江府各生  
俱撥歸普洱府學○請裁元江協副將普威  
營恭將二缺另置普洱鎮設總兵一員分中



左右三營設選擊三員守備三員千總六員  
把總十二員改元江協爲元江營設選擊一  
員中軍守備一員千總二員把總四員共兵  
三千二百名分汛防守俱聽普洱總兵官統  
轄均應如所請從之○戊戌諭戶部各州縣  
之設立常平倉積貯米穀原以備地方一時  
緩急之需所關甚重朕爲此備極焦勞多方  
籌畫務期倉儲有備早潦無虞年來所頒諭  
旨亦深切著明矣夫收貯米穀必須倉廩堅  
固始可爲經久之計是以從前降旨將倉廩  
完整與否一併入於交盤之內以爲州縣官  
考成今聞各省中偏僻之邑竟有向來本無  
倉廩而有司苟且因循不行詳請督撫藩司  
等亦漫不查察致將養民備荒之具或守頓  
於寺廟或備放於紳士富戶之家而霉爛虧  
折生事滋擾之弊多由此起大非朕慎重民  
儲之意凡各省未有倉廩之州縣著督撫詳  
悉查明即行商酌建造已亥添設太醫院

七品御醫五員其原設文目三十員定爲八  
品吏目十員九品吏目二十員○以故蘇尼  
特扎薩克多羅杜楞郡王禮禮扎布子旺青  
齊斯隆襲爵○庚子諭前鋒統領榮前鋒營  
之前鋒長烏鎗長既賞穿補服戴頂戴翎者  
每月加賜銀一兩○吏部議覆御史張任遇  
條奏一各省候選雜職等員吏部銓選之後  
將文憑移送該省往往因病故年老繳憑闕  
缺再行銓選嗣後請將考授八品以下吏員  
令各該督撫府尹傳集秉公驗看年老者令  
其休致果係精壯可用之員俱造冊報部扶  
用至各館年滿供事仍照舊例銓選○各省  
官員充解罰俸銀兩向因各省督撫有單咨  
彙冊之不同以致銷案陞轉先後不齊嗣後  
請按定四季報明戶部戶部亦按季查核轉  
咨吏部選案查銷庶各員之陞轉得以均平  
○一各省候選雜職人員請令赴本地方官呈  
明祖籍開載赴選冊內吏部查明祖籍之缺

照例迴避其順天府處吏員及各館供事禮部儒士等冊結已經送部者取其同鄉官印結將應行迴避之處註明報部存案一品級考久未較訂其間添改裁汰處歷年重加酌定者請查明文與現修則例官員纂修成書以昭畫一俱應如所請從之○年卅諭戶部聞直隸地方有寄莊寄糧之弊往往地寄北處糧寄他處相隔百餘里或數百餘里之遠即如宣化府懷安一縣有人地俱在懷安而寄糧於宣化萬全者有人地俱在宣化萬全而寄糧於懷安者更有現在懷安納糧而寄地於順天府之寶坻豐潤三河相隔五百餘里者在徵糧者則鞭長莫及而寄地者則彼此無關脫漏欺隱之弊勢所不免地方有司實難稽察催徵著直隸總督詳查妥議吏更改隸再各省有似此寄莊寄糧者亦著該督撫斟酌辦理○諭禮部各省拔貢闈已陸續來京伊等既不能應本省之鄉試則當准其

應試北闈俾得觀光盛典凡拔貢之有貢單者俱著該部咨送順天府令其應試再修書各館內從前有外省生員在館効力者若情願入場考試著取同鄉官印結保送順天府亦准入場○戶部議覆本部左侍郎常撫壽條奏舊例錢糧歲內全完者定有議敘紀錄之條其中催徵等官希圖紀錄未免過於急進且多捏報之弊嗣後請將歲內全完議敘之例停止其奏銷以前通完者仍予議敘以示鼓勵應如所請從之○士憲加署山東巡撫山西布政使岳濬僉都御史銜調廣東布政使蔣洞為山西布政使司布政使寶復王士俊為廣東布政使司布政使○調廣東左翼總兵官李順為廣東瓊州總兵官廣東瓊州總兵官施廷專為廣東左翼總兵官雲南臨元總兵官印名揚為雲南普洱總兵官雲南南楚姚總兵官張應宗為雲南臨元總兵官陞貴州定廣副將官孫為雲南南楚姚總兵官

裁貴州平遠協遊擊一缺千總一缺把總  
二缺增設擺頂遊擊一員千總一員兵二百  
名龍場守備一員兵一百二十名擺羅千總  
一員兵五十名克坐克孟牛場夫若四處把  
總各一員兵各四十五名鼠場河打汪由亭  
三處外委把總各一員兵各二十五名俱聽  
擺頂遊擊管轄名爲歸化營從雲貴廣西總  
督鄂爾泰請也

大清世宗敬天昌運建中表正文武英明寬仁  
信毅大孝至誠憲皇帝實錄卷之八十四

大清世宗敬天昌運建中表正文武英明寬仁  
信毅大孝至誠憲皇帝實錄卷之八十五

聖祖高皇帝實錄卷之八十五

聖祖高皇帝實錄卷之八十五

聖祖高皇帝實錄卷之八十五

聖祖高皇帝實錄卷之八十五

秋修

雍正七年己酉八月癸卯朔秋分夕

月於西郊遣平郡王福彭行禮○正白旗漢軍

都統李國權綠事革職以江南京口將軍祖

秉衡爲正白旗漢軍都統陞正黃旗漢軍副

都統王欽爲江南京口將軍○甲辰

上回宮○諭兵部凡兵丁等承應官差養贍家

口專於糧餉是賴乃有射利之舖戶土豪人

等交結隊日廣放營儀以取重利兵丁墮其

術中借銀到手隨意花費及至領餉之時不

足以飽債主之餉空此實兵丁等暗中耗費

以致窘乏之由也向來旗人有故印子錢各色等弊今嚴禁之後兵丁漸覺從容著通行文武官員出示曉諭嗣後不許鋪戶土豪人等再放營債違者從重治罪其從前已經借給者著清還本銀不許收取利息將此懲債主之貪心以杜暗蝕兵糧之患其營伍兵丁彼此借貸者除朋情緩急通融外若有放債圖利剝削同輩者著該管官稽查嚴禁倘違禁不遵一經發覺將該管官一併議處○乙

已添設八旗都統衙門司務每旗二員從正紅旗漢軍副都統朱國極請也○改福建同安泉州長福邵武四營遊擊俱爲參將添設同安營所轄之灌口汛泉州州城守營所轄之安海汛守備各一員移泉州府糧捕通判駐安海汛連江縣城汛守備駐東岱汛東岱汛千總駐可門汛從福建總督高其倬請也○

敕封直隸通州倉神爲均調韻佑司倉之神左翼倉神爲豐儲裕餉司倉之神右翼倉神

爲佑農廣惠司倉之神新建倉神爲滋禧阜東司倉之神○丙午諭兵部佐領係四品副佐領品級著定爲五品再佐領係大員兼管者居多向來佐領遇有罰俸之案即照該員本身職銜定議似屬太過嗣後若兼管佐領之員在佐領任內有罰俸之案著照佐領品級罰俸永著爲例○丁未遣怡親王允禩祭先師孔子○諭內閣朕自御極以來時時以牖民覺世爲懷是以告誡臣工訓誨士庶化導兵弁者周詳往復不憚煩瑣無非欲其慕義嚮風遷善改過共遊於蕩平正直之途也凡此詔諭所頒皆以

皇考之心爲心以

皇考之政爲政繼志述事率由舊章當時聖諭之所啓迪包涵者朕則闡揚而詳發之其中間有因革損益先後不同者則因時制宜化裁變通之道也惟是歷年諭旨或因一省而發或因一事而發有司等照例宣示於該

管之處其別省遠地豈能一一周知且傳寫  
悉經書史之手字句之間往往錯訛遺漏夫  
欲使溥海之廣臣民之衆遵道遵路易俗移  
風必使天下之人備聞朕訓深知朕心庶幾  
感發奮興以爲進德修業之助今王大臣等  
合詞奏請上諭刊刻有裨益於人心吏治著  
照所請行朕亦不敢謂朕之諭旨可以有勞  
來匡直之功惟冀億萬臣民共知朕提撕儆  
戒之苦心耳○陞光祿寺卿翼棟爲宗人府  
府丞○吏部議覆內閣侍讀學士梁世微條  
奏各省理事同知通判缺專爲駐防官兵而  
設必須文義明通方能辦理事竣嗣後請於  
應行揀選之中書小京官筆帖式內令該堂  
官將通曉漢文兼通繙譯者保送吏部照月  
官之例考試漢字履歷能繙譯者兼考繙譯  
將試卷進呈引見記名遇有理事同知通判  
缺出將記名人員請旨補授永爲定例應如  
所議從之○福建巡撫劉世明奏報呂宋夷

船被風飄入閩廣地方得旨呂宋被風夷船  
既已開往廣東佛山著廣東督撫查照給與  
口糧加意撫恤聽其候風回國嗣後凡有外  
國船隻遭風飄入內地者俱著該地方官查  
明緣由悉心照料動支公項給與口糧修補  
船隻俾得安全回其本國以副朕恩恤遠人  
之至意○命湖南省開局鼓鑄從湖南巡撫  
王國棟請也○戊申祭

大社

大稷

上親詣行禮○以禮部左侍郎鄂爾奇爲順天  
鄉試正考官兵部左侍郎楊汝毅爲副考官  
○已酉

上御經筵講畢賜大學士九卿詹事及講官等  
宴○

上詣

恩佑寺行禮畢幸圓明園○諭兵部各省每科  
考試武舉例用該省巡撫爲主考官其間看

文字則用屬下舉人進士出身之間知州縣等爲同考官朕思各省巡撫多有未曾學習騎射技勇者何以評定舉子外場之優劣從今科爲始各省巡撫考試武舉時著就近省城之提督總兵一員同考外場秉公拔取若提鎮駐劄路遠或因公他出則令總督或提鎮派委副將一員代之○添設順天府大興縣屬之采育禮賢地方巡檢各一員從都察院左副都御史陳良弼請也○庚戌遣官祭關聖帝君○以鑲藍旗護軍統領侯馬蘭泰署鑲藍旗蒙古都統鑲紅旗蒙古副都統宗室哈爾吉署正紅旗護軍統領正白旗叅領二格署鑲白旗滿洲副都統○辛亥

太宗文皇帝忌辰遣官祭

昭陵○諭戶部向來

三陵俸工米石皆係截留漕米支給自康熙五

十年漕米不敷經直撫題請將不敷之數每

石給銀一兩令遵化薊州豐潤三州縣採買

支放州縣委之吏胥遂致吏胥串通兵役折銀代米私相授受雖經降旨嚴禁恐此弊未能盡除而州縣之運送本色者車脚之費不無賠墊且領銀採買或值米貴之時一時難以購辦官員兵役未免守候時日是折銀採買於官兵均屬未便著總理

三陵事務尚崇廉將

三陵官員太監兵役每年需給俸工米石分晰

白米移米粟米數目預行造冊咨報戶部戶

部行知倉場預行照數截留分貯遵化薊州

豐潤三州縣於庚戌年爲始所有俸工米石

均以本色給發如此則更無不敷之米

陵寢員役不至守候待支胥吏兵丁可免串通

折價之弊而州縣亦無賠墊脚價之累矣○

裁湖南黃堡蘭江府河桃源沅水五驛驛丞

缺歸各該州縣管理從湖南巡撫王國棟請

也○壬子諭刑部歸旗人員嗣後有逾限逗

遛在外應行枷號者著按其逗遛年月之多

寡以爲枷號之期若逗遛一年卽枷號一年照此計算倘另有生事犯法之處則從重歸結永著爲例○癸丑

太祖高皇帝忌辰遣官祭

福陵○諭內閣自古帝王之治天下設官分職不得其人則庶政莫由振舉而理財不得其道則國用不足雖欲減賦蠲租沛膏澤於萬姓其勢有所不能此自然之理也數年以來怡親王大臣等辦理戶部事務敬慎公忠風

清弊絕阜民裕國府庫充盈國家經費既數則蠲除惟正之供施恩常格之外使羣黎百姓俯仰有餘乃朕寤寐之至願也昨署山東巡撫費金吾奏稱今歲東省秋成大稔父老皆言二十餘年以來所僅見朕思此乃督撫之賢有以感名

天和也則凡爲督撫者宜何如之敬謹居心公忠奉職以不愧屋漏之誠爲感格

上天之本耶聞今年秦省西安一帶夏月甚旱

而地方文武大臣官員罔知修省此則封疆大臣之所當切戒者朕非卽責於臣子而屢頒此等諭旨也蓋實有見於天人感應之理纖毫弗爽而夙夜敬謹乾惕覺鑒觀之有赫而呼吸之可通倘朕心有一刻之懈弛而徒以訓誡之詞責諸臣下其又何以對越天地神明乎又據廣東督撫布按等奏稱今年粵東雨澤均調百穀順成合計通省米價自八錢至五六錢實粵省從來希有之幸朕聞之深爲慰悅此皆該省民人等革薄從忠醇厚良善之心

上天垂佑而錫以豐穰之所致也著將山東廣東二省庚戌年地丁錢糧各免四十萬兩以獎地方官民之善直隸陝西今年各蠲銀四十萬兩庚戌年著再各免地丁錢糧四十萬兩山西通省連歲皆獲豐收著免庚戌年地丁銀四十萬兩安徽等屬亦著免庚戌年地丁銀四十萬兩此六省共蠲免額徵銀二百

四十萬兩乃朕加惠閩之特恩該督撫等應轉飭有司仰體朕心敬謹奉行務使小民均沾實惠倘不肯官吏及紳士土豪等有侵蝕包攬等弊一經發覺定行重治其罪並將失察之督撫上司等嚴加議處○諭戶部近畿各府有八旗莊屯雜處其間有司難於清查且八旗罷黜之廢員及不能上進之子孫與多事不法之家人往往潛位其中結交遊手好閒之輩妄行生事或好勇鬪狠或酗酒賭博或與百姓爭訟告詐輾轉不休以致風俗日漸澆凌難以整理雖有理事同知一員亦相隔甚遠不過詞訟到案一爲判斷平時則無稽察約束之功也朕意欲於旗員及司官內遴選賢能者八員派往各府有莊屯之地方專辦旗人之事時加教誨申明禁約導其善念革其邪心小則分別懲戒大則據實糾參其有旗民互相爭訟之事仍聽該管衙門審理此差往之員以一年爲期更換一次

果能實心辦理化導有方一年內所管之處無旗人犯法之案將該員與以議敘倘或怠忽廢弛因循瞻顧或擅作威福多生事端著直隸總督與巡察御史即行奏參從重議處其如何分晰管理及如何定例之處著該部詳議具奏尋議臣等酌量旗莊之多寡復計地方之遠近約以三百里內外爲一路分作京東京西京北京南京北東京北西京南東京南西共八路揀選各部院司官及八旗官八員到彼專管莊屯旗人之事建立衙署鑄給關防准任後影善聲惡以化其澆凌之習並仿保甲之例設立屯日鄉長分任防閑糾舉從之○甲寅諭兵部盛京旅順地方雖設有水師官兵而俱不能諳練水師事務若無教習之員恐其有名無實著福建水師提督藍廷珍於千總內揀選數員於兵丁內揀選數名熟諳水師者令赴盛京交與該將軍令其教習旅順水師官兵其由福建起身之時



著該督撫照資助送往浙江湖廣弁兵之例給與盤費○陞山東登州總兵官萬階瑞爲浙江提督江南京口水師副將徐世龍爲山東登州總兵官○移廣西宜山縣縣丞駐柁柱從廣西巡撫金鉉請也○丙辰諭九卿等嘗見繼母於前母之子其相待之刻有在尋常情理之外若夫子之於繼母其奉養承順服制禮節一切與本生之母無異此倫常之道也則爲繼母者亦當視如親生顧復撫養方爲交盡其道乃有一等婦人悍惡性成不明大義常存分別之心偏愛其所生之子而薄待前母之子若己未有子者又或懷嫉妬之念而憎惡前母之子或顯加之以凌虐或陰中之以計謀以致其子不得其死甚至絕其夫之宗祀而不恤是不但母子之恩已絕竝視其夫如仇讎矣向以名分所在故律無擬抵之條事既出於情理之外所當酌量立法以防人倫之變朕意若繼母於前母之子

有凌逼謀害等情至於身死者將情由審訊確寃以其所生之子議令抵償若繼母未生子者則令歸其母家不得承受夫家產業如此庶使秉性兇悍不顧大義之婦人有所儆戒消其殘忍之心而保全其母子之恩誼似屬有益著九卿悉心詳議具奏尋議嗣後除繼母將前母之子毆殺故殺致令其夫絕嗣者仍照律擬絞外如有父故之後繼母將前母之子任意凌虐毆殺故殺者地方官務將情由審確不必坐其繼母以收贖之虛罪即將繼母所生偏愛之子議令抵償擬絞監候如肆行凌逼致前妻之子情急自盡者將繼母之子杖一百流三千里若未生子者勒令歸其母家不得承受其夫之產業所遺財產俱歸死者之兄弟及死者之子均分庶悍惡之繼母有所忌憚不敢肆爲殘忍之行矣從之○丁巳諭大學士九卿等朕於用人行政是非賞罰總視乎理之至公而未嘗稍存

成凡大學云心有所忿憤則不得其正有所恐懼則不得其正有所好樂則不得其正有所憂患則不得其正夫心不正則是非可否皆不得其當其弊有不可勝言者矣周子通書云無欲則靜虛動直靜虛則明明則通動直則公公則溥可見人之心必靜虛動直而後應事接物可得其平若一有所偏向則靜不能虛動不能直又安望其明通公溥哉夫有所者不過流於一偏而已足爲心之累至於有我則全是自私自利之心縈繞固結於中但知有己而不知有人其心之不正更甚矣古稱溺愛者不明凡人溺愛他人則於是非可否已不能辨而不免於惑况溺愛己身則但見其是而不見其非但見其可而不見其否況惑迷謀以至過咎日叢愆尤日積而全不知醒悟改悔其爲害尚可言哉又如人臣以忠言規諫其君則望君之虛懷採納而人君以正言訓勉其臣亦望臣之實心聽從

君不用臣言則加以拒諫之名若臣奉君之訓聽之兢兢清夜自思能安於心乎惟是君不聽臣言人人皆得而見之而臣之不能洗心易慮以從君之訓則在隱微之間人所難知是在爲臣者之捫心省察而已○戊午復設廣東省各府經歷一員從廣東布政使王士俊請也○己未諭內閣朕自御極以來凡文武大小官員進見時必諄諄訓諭以圖計民生之要務至於近日廷臣科道等官輪班條奏其實在可行者即降旨施行其似有可採者即發令查議其有言之未當者或局於一偏之見或失之迂濶難行甚至懷挾私心不顧大體數陳鄙瑣識見庸愚朕多召令入見面加訓誨剖晰其說諭以不可施行之故蓋朕意欲使其人曉然明白自知識見之淺鄙是以降旨之時周詳往復不憚煩勞倘其人退而錄記果能深會朕心詳釋朕旨一紀載畧無舛錯遺漏豈不甚善但其事有

甚難者彼於倉猝之際敬畏矜持或則錯會朕旨或則記憶不全又或書寫之間詞不達意或有意捏成顛倒朕諭所謂差之毫釐謬以千里者正復不少即如啓奏折本時大學士及學士滿漢多人皆每日進見素常熟習者而面奉諭旨退而繕寫進呈尚且未能悉協何況出於一人一時之奏對者乎前者科道翰林八九十人同奉面諭朕令其各書呈覽乃諸人所寫參差八九十員人皆互異且與朕旨多不相符可見理會記載之難矣設或漫自記錄謬相流傳有失降旨之本意則所關匪細從前屢經曉諭曾命在廷大臣與外省文武員弁等面奉之旨皆書寫進呈朕覽以防訛錯今再行申飭凡內外大小臣工著將所記面奉之旨呈奏方許存錄倘未經奏覽私自存錄一經查出照詐爲制書之律治罪著各部院衙門將此諭旨錄貼堂壁俾現任及接任官員共知之其各省文武官弁

等著該督撫提鎮將朕此旨每年通行曉諭一次倘屬員等有不知此旨者朕惟該上司是問○吏部議覆通政使司左叅議吳山條奏各省州縣官員於錢穀刑名事件未經閱歷不無遺誤服官未幾輒被叅革情屬可憐嗣後請將候選人員分派各部學習行走其能勝州縣之任者該堂官出具考語保送吏部照依科分班次銓用其不宜外任者分別以小京官及直省佐貳教職等缺改補應如所請從之○庚申諭內閣前據浙江署督性桂署撫蔡仕舛等奏進湖州居民王文隆家萬蠶同織瑞蘭一幅長五尺八寸寬二尺三寸父老皆稱爲從來未有之事朕恐小民圖利望恩或用人力造作而成因令性桂等詳細體訪務令確實勿爲所欺昨性桂蔡仕舛等於本地詳加驗看訪察實係自然成就並不由於人工具招覆奏廷臣等以蠶桑織紉乃衣被之大原養民之切務今浙省有此瑞

應則小民溫暖可期咸爲國家稱慶朕素不言祥瑞數年以來每遇休徵必倍加乾惕儆戒所頒諭旨至再至三朕愛育元元務期普天率土之人同霑實惠一時希有之物不足以禦饑寒倘蒙

上天俯鑒悃誠錫福黎庶蠶桑普盛衣食充盈乃朕心之所謂祥瑞也○陝西寧夏總兵官郭成幼年老休致調署陝西固原提督山西大同總兵官張善爲陝西寧夏總兵官以陝西安西總兵官潘之善署陝西固原提督○命浙江省開局鑄錢從署浙江巡撫蔡任舛請也○辛酉諭兵部寧夏副都統蘇圖現領寧夏兵丁前往軍營著伊暫行來京候旨其寧夏兵丁著副都統舒楞額馳驛連往暫行管轄俟蘇圖到時著舒楞額回京○陞正黃旗護軍統領德成爲正紅旗滿洲都統○封故鎮國公德普子恒祿爲輔國公○壬戌諭戶部直隸宣化府屬完運一事前經部議改

徵折色令各州縣照撥運之數每米一石折銀一兩解交受運州縣支給兵丁既免完運之煩又省輓輸之累是以降旨允行但查宣屬屯糧例於九月開徵而兵米例於季首支領今改徵折色恐百姓輸納不前兵丁支給領俟各州縣徵完之日解司還項至萬全縣及獨石張家二口地勢稍寒春夏之間米價不無增長過往員役口糧及兵丁季米折

銀一兩恐不敷採買之價亦著該管官於每年秋成米賤之時約計需求若干於藩庫領銀預先採買存貯各處倉廩以備支給俟州縣折徵完日解司還項庶百姓既免從前完運之累而兵米口糧亦無需待不敷之慮矣○以署工部右侍郎左副都御史宗室塞爾赫暫理吏部右侍郎事○癸亥遣官祭歷代帝王○遣官祭城隍之神○諭內閣據雲貴廣西總督鄂爾泰奏稱黔屬思州及古

州之梅得等處自七月初八日至閏七月十一日有五色彩雲光華燦爛疊秀爭華歷時經久一月之內七見嘉徵等語朕嘗言天人相感之理捷於影響督撫大臣等果能公忠體國實心愛民必能感召

天和錫嘉祥於其所轄之地即如鄂爾泰頻年駐節本省祥雲三見於滇南今年以公事前往貴州慶雲即見於黔者仰見

上天昭示顯然欲使君臣共知儆惕也朕從不因嘉徵而受慶賀而敬慎之念日益加虔想中外臣民亦共知之矣夫

上天示人君以災祥一如人君加臣下以賞罰也人臣受君上之賞固不可侈然自足故逸驕矜若竝無欣慰之心而不以為慶則受君上之罰亦不知畏懼悔改此非矯情違衆之合即胸無忌憚之輩矣人君之於

天其理亦復如是至於鄂爾泰之屢次奏報慶雲者蓋以滇黔地方有此瑞應萬目共覩在

人臣之心無不顧國家之蒙福兆庶之凝禧州縣申詳而督臣陳奏此皆出於情理之不能自己倘有心懷不肖之人或且譏其為迎合或且譏其為諂諛此皆藏幸災樂禍之邪心不止於春秋責備賢者而已惟是滇黔遠省荷

上天之垂象加恩如此則自大臣以及官弁兵民宜何如之敬謹虔恭以永承

天貽是則所當夙夜加勉者也○禮部議覆大學士陳元龍條奏一摺撫題奏事件本後貼黃務令融會全疏之始末節其繁冗損其緊要其慶賀陳謝及接到

上諭等奏章該督撫等學問夙嫻者或用四六體式若平素未諳文義及提鎮武臣不妨質朴宣達無容拘定四六至於繕寫本章必遵選善書之人照部本式樣繕寫以昭敬謹之意違者分別議處一起居住館記注訓旨而各省題奏本章講官不得預行評閱無從查

載嗣後請飭各省遇有題奏本章俱增寫揭帖一通送起居注館俟記注後將揭帖轉送內閣收貯永著爲例均應如所請從之○封故輔國公塞欽子齊智澤爲輔國公○甲子改陝西西安府管糧通判爲水利通判移駐涇陽縣之王橋鎮專管涇陽醴泉三原高陵臨潼五縣堤渠修濬事務從署川陝總督查卽阿請也○乙丑諭戶部京師大興宛平二縣知縣常以虧空被參朕體察其故二縣在輦轂之下每有一時速辦之公事不能遲緩者那移庫銀以濟用而支領還項未免遲延時日其上司察知庫帑有虧不得不行奉勅此等虧空實有可原之情朕體恤臣工不忍聽其因辦公而遭罷黜爲之思一備用之道著宛大二縣各領戶部銀一萬兩永遠存貯該縣遇有速辦之公事卽詳明府尹將此銀動支應用俟支領銷算之時仍復歸還原項於每年歲底報部查核如此則辦公有賴備

用有資再有虧空國帑或借名擅動備用之銀者定行重治其罪○陞山東沂州副將徐起鳳爲山西大同總兵官○吏部議覆正黃旗護軍統領德成條奏八旗文生員考取筆帖式者舊例俱以無品筆帖式補用嗣後請照監生考補筆帖式例投爲八品其由繕譯生員考補者亦照此例應如所請從之○裁湖北襄陽府大盪倉大使樊城縣稅課大使二缺從署湖北巡撫徐鼎請也○丙寅諭工部朕惟古聖人之制祭祀也凡山川嶽瀆之神有功德於生民能爲之禦災捍患者皆載在祀典蓋所以薦歆昭格崇德報功而并以勸人敬畏祇肅之心也雍正二年浙江海塘潮水衝決朕特發帑金命大臣察勘修築并念居民平日不知畏敬明神多有褻慢切諭以虔誠修省之道令地方官家喻戶曉警覺東廡比年以來塘工完整災沴不作居民安業蓋已默叨神佑矣今年潮汐歲長幾至泛

溢官民震恐幸而水勢漸退隄防無恙此皆神明默垂護佑惠我烝民者也茲特發內帑銀十萬兩於海寧縣地方敕建海神之廟以崇報享著該督遴委賢員度地鳩工敬謹修繕務期制度恢宏規模壯麗崇奉祀事用答明神庇民禦患之休烈且令遠近人民奔走瞻仰興起感勤相與服教畏神遠善改過永荷麻解則於國家事神治人之逸均有賴焉

○陞右通政史在甲爲光祿寺卿○丁卯兵部議覆雲貴廣西總督鄂爾泰疏言廣西柳

州慶遠二府地逼黔楚延袤二千餘里請因時變通酌定營制改柳慶協爲慶遠協專管慶遠一府並所屬州縣城汛移河池營官兵駐劄賓州改爲賓州營將就近之三里營歸賓州營管轄移慶遠協右營守備駐劄河池營添設柳州府城守營都司僉書一員千總一員把總一員兵一百五十名駐劄府城聽提督管轄柳州所屬州縣令提標五營派兵

防守其提標原防賓州各汛弁兵俱請抽調回柳應如所議從之○授故鎮國公揚福子富爾萬阿爲鎮國將軍奉國將軍索達塞子寶德奉恩將軍額爾圖子履德俱爲奉恩將軍○戊辰陞福建提標參將張起雲爲福建金門總兵官○復設山西汾陽縣黃蘆嶺巡檢一員移原駐運城之安邑縣典史駐縣城添設運城守備一員巡檢一員從山西巡撫覺羅石麟等請也○安徽巡撫魏廷珍疏報

潛山泗州等四縣衛開墾雍正六年分田地

七十頃有奇下部知之○旌表河南華縣烈婦王錫祥妻王氏拒姦不從被刃殞命給銀建坊入祠致祭如例○庚午諭內閣嗣後凡總督來京陛見其行走班次著在尚書之後○以正黃旗護軍統領花色著本旗護軍統領○辛未上回官○添設太常寺滿洲司庫一員庫使二員從太常寺少卿薩克素請也○予故工部

尚書兼大臣一等公李岱祭葬如例

大清世宗敬天昌運建中表正文武英明寬仁  
信毅大孝至誠憲皇帝實錄卷之八十五

大清世宗敬天昌運建中表正文武英明寬仁  
信毅大孝至誠憲皇帝實錄卷之八十六

恩佑寺行禮畢。幸圓明園。○癸酉諭內閣。向日  
由員外郎以下授為御史者。有試俸一年稱  
職。然後題請實授之例。若該御史奉差在外  
乃由揀選命往辦理公事者。自應與在京之  
御史一體題請實授。乃從前該衙門疎忽。未  
曾題請。遂致出差之御史試俸數年。而不得  
實授。深為未協。著將出差之御史試俸一年  
期滿者。與在京之員一同具題請各。永著為  
例。欽此。  
○諭。內閣。御史。李。岱。奏。請。祭。葬。如。例。一。事。著。禮。部。議。奏。欽。此。

教 修 雍正七年己酉九月壬申朔

上 詣

恩佑寺行禮畢。幸圓明園。○癸酉諭內閣。向日  
由員外郎以下授為御史者。有試俸一年稱  
職。然後題請實授之例。若該御史奉差在外  
乃由揀選命往辦理公事者。自應與在京之  
御史一體題請實授。乃從前該衙門疎忽。未  
曾題請。遂致出差之御史試俸數年。而不得  
實授。深為未協。著將出差之御史試俸一年  
期滿者。與在京之員一同具題請各。永著為



例○調湖南巡撫王國棟來京陛署湖北巡撫四川布政使趙弘恩為湖南巡撫署四川按察使高維新為四川布政使司布政使○添設福建鹽驛道衙門庫大使一員從福建總督高其倬請也○甲戌諭內閣山東泰安州神廟奉祀東嶽泰山之神歷代相傳靈顯昭著佑庇萬民俾國家享昇平之福若明神之功德其來久矣遠近人民感荷默佑之恩焚香頂禮罔不虔肅其廟宇重修於康熙十二年距今五十餘年該據署巡撫費金吾奏稱廟宇盤道有傾圮頽壞之處應加繕葺山路亦當修整著發內帑銀兩命內務府郎中丁皂保赫達色前往督工敬謹修理務使廟貌輝煌工程堅固速行告竣以副朕為民報享之至意○諭戶部據寧遠大將軍金鍾琪奏稱自西安起程歷西鳳平臨以至甘涼等處小民承辦軍需莫不踴躍惟呼趨事赴公爭先恐後而靖逆衛也民於應辦卓東之外

情願另備餘草運赴大東梁站所堆積以佐軍需等語靖逆遠處邊外人民無幾而自備刳運草束輸力勿識可見師以義行統領大臣又能承辦軍需各區無絲毫扣起是以與情鼓舞相率辦公朕心深為嘉悅著將靖逆衛庚戌年應徵正糧馬糧四百六十石零大草五千三百八十八束全行蠲免以示加惠邊民急公之至意○工部左侍郎張保燾事革職實授馬爾泰為工部左侍郎○鑲黃旗漢軍副都統尚承恩錄事降調陞一等侍衛宗室色布肯為鑲黃旗漢軍副都統○乙亥陞福建興泉道李玉鑑為貴州按察使司按察使○議敘陝西平定青海功在事官員兵丁等陞賞贈卹有差○賑浙江江山縣水災饑民○丙子刑部議覆浙江按察使方觀脩奏一盜賊為害全在窩家舊例窩家兩鄰俱有杖責之條而同居親屬未經定擬治罪殊為遺漏嗣後強竊窩家同居之父兄伯叔

與兼除自首免究外其知情不首者請分別擬杖以示懲儆一各省積匪積賊爲害最甚嗣後凡遇緝獲審實不論曾否刺字俱照應發遣之例發邊衛充軍一舊例盜賊同居父兄等不知情分贓者俱照斬絞之犯減等擬流似屬可矜嗣後除強盜爲首傷人問擬斬決者其同居親屬照例杖流外其餘夥盜未曾傷人行劫未至三次問擬發遣者親屬請減等杖徒竊盜滿貫擬絞并罪止流徒杖責者親屬各減二等發落永著爲例均應如所請從之○戊寅諭內閣數年以來各省民人屢有拾金不取之事朕以人心風俗漸有歸於醇厚之機深爲慰悅皆加賞賜以示獎勵今據直隸巡察御史郭昌等奏報文安縣居民盧尚義之妻梁氏拾金不昧告知伊姪給還本人及謝以布疋姑婦堅辭不受等語以貧家婦女織簾營生乃能謹讓興廉一門向善爲人情所難之義舉甚屬可嘉着賞給米

十石布疋足該地方官給與匾額以旌良淑○命將甘肅西寧大同歷年軍需各案應賠倒斃駝隻銀兩全行豁免○戶部議覆監察御史晏斯盛條奏各省州縣設立社會原爲通有無濟豐歉之用嗣後如有貧民不過荒歉借領倉穀者請准其給發每石止收息穀十升過小數免取其息仍如木數還倉以廣惠濟窮黎之意應如所請從之○順天府府尹陳良弼疏言查八旗滿洲蒙古漢軍武鄉試凡考中之武生及中書部院衙門之七八品筆帖式已上朝未上朝之磨生以至監生馬甲護軍領催執事人等俱准其入場考試今八旗咨到副統騎校前鋒馬甲等與例不符仰請加恩照直省綠旗兵丁鄉試之例准其一體入場考試從之○庚辰以刑部左侍郎杭奕祿爲鑲紅旗滿洲副都統仍兼刑部左侍郎○辛巳諭內閣步軍統領衙門事務繁多所有刑名事件應派部院堂官一

員協同辦理參酌律例以期允當將此永著爲例侍郎鄂爾奇著協辦步軍統領衙門事務○諭戶部外任大小官員罰俸之例如罰俸一年者則將本年應領俸銀扣抵若再有罰俸之案則勒限一年退出俸銀解部如一年不完又罰俸一年展轉增加常有因一二年罰俸而積至數年或數十年者此例不甚妥協在罰俸多案之州縣與力薄難完之微員深爲可憫著該部通行各卷凡有此等罰俸之員儘力不能完即將伊任內應得之俸逐年扣抵不必勒限追繳又定例凡有休致革職病故之官員其應追罰俸銀兩俱行豁免惟江南等省有休革等事只將虛俸豁免其在罰俸以前食過之俸仍行追出直省例不盡一今著將休致病故官員食過之俸概行免追其革職之員則追其食過之俸以示懲儆直省一體遵行○賑湖南遭州臨湘等七州縣岳州等三衛旱災饑民○壬午禮部

議履歷任獲軍統領德成條奏十八旗文生員舉人進士考試騎射關係大典嗣後請令禮部於四個月以前行文該旗移取名冊該旗於文到日限兩個月內移送禮部禮部會同兵部查對○包衣佐領下莊頭子弟住屯鄉臨考之時包衣參領不能識認易滋頂冒等弊嗣後考試請每旗派參領一員每參領下派章京一員令本位領本內管領下派頭目領催各一員帶領應試之人送參領等識認並將派出之參領等職名與應試之人名冊一并移送禮部禮部會同兵部傳集查對○舊例十五歲以下應考童子俱令騎射其中力不勝馬者甚多嗣後十五歲以下年未及壯之童子請停止馬射祇令考試步箭其有情願兼試者聽均應如所請從之○刑部道旨議履歷類切奪因犯情罪可惡嗣後行劫獄囚應不論曾否得固有無傷人俱將爲首之人從重定擬夥犯分別治罪其中途

劫因因而殺人者將動手夥犯並爲首之犯  
分別從重定擬從之○癸未諭諸王文武大  
臣等自古帝王之有天下莫不由懷保萬民  
恩加四海膺

上天之眷命協億兆之懽心用能統一寰區垂  
庥奕世蓋生民之適惟有德者可爲天下君  
此天下一家萬物一體自古迄今萬世不易  
之常經非尋常之類聚羣分鄉曲疆域之私  
衷淺見所可妄爲同異者也書曰皇天無親  
惟德是輔蓋德足以君天下則天錫佑之以  
爲天下君未聞不以德爲感孚而第擇其爲  
何地之人而輔之之理又曰撫我則后虐我  
則仇此民心向背之至情未聞億兆之歸心  
有不論德而但擇地之理又曰順天者昌逆  
天者亡惟有德者乃能順天之所與又豈因  
何地之人而有所區別乎我國家肇基東土  
列聖相承保又萬邦  
天心篤祐德教宏敷恩施遐暢登生民於衽席

徧中外而尊親者百年於茲矣夫我朝既仰  
承

天命爲中外臣民之主則所以蒙撫綏愛育者  
何得以華夷而有殊視而中外臣民既共奉  
我朝以爲君則所以歸誠効順盡臣民之遭  
者尤不得以華夷而有異心此揆之

天道驗之人理海隅日出之鄉普天率土之衆  
莫不知大一統之在我朝悉子悉臣固敢越  
志者也乃逆賊呂留良兇頑悖惡好亂樂禍  
假援彝倫私爲著述妄謂德佑以後天地大  
變亘古未經於今復見而逆徒嚴鴻遠等轉  
相附和備極猖狂餘波及於曹靜幻怪相煽  
恣爲毀謗至謂八十餘年以來天昏地暗日  
月無光在逆賊等之意徒謂本朝以滿洲之  
君入爲中國之主妄生此種彼界之私遂故  
爲誣謗詆譏之說耳不知本朝之爲滿洲猶  
中國之有籍貫身爲東夷之人文王爲西夷  
之人曾何損於聖德乎詩言戎狄是靡荆舒

是懲者以其借王猶夏不知君臣之大義故  
替其罪而懲父之非以其為戎狄而外之也  
若以戎狄而言則孔子周遊不當至楚應昭  
王之聘而秦穆之霸西戎孔子刪定之時不  
應以其誓列於周書之後矣蓋從來華夷之  
說乃在晉宋六朝偏安之時彼此地醜德齊  
莫能相尚是以北人詆南為島夷南人指北  
為索虜在當日之人不務修德行仁而徒事  
口舌相讖已為至卑至陋之見今逆賊等於  
天下一統華夷一家之時而妄判中外諍生  
忿戾豈非逆天悖理無父無君蜂蟻不若之  
異類乎且以天地之氣數言之明代自嘉靖  
以來君臣失德盜賊四起生民塗炭疆圉靡  
寧其時之天地可不謂之閉塞乎本朝定鼎  
以來掃除羣寇寰宇永安政教興修文明日  
盛萬民樂業中外恬熙黃童白叟一生不見  
兵革今日之天地清寧萬姓沾恩超絕明代  
者三尺之童亦皆洞曉而尚可謂之昏暗乎

夫天地以仁愛為心以覆載無私為量是以  
德在內近者則大統集於內近德在外遠者  
則大統集於外遠孔子曰故大德者必受命  
自有帝王以來其揆一也今逆賊等以冥頑  
狂肆之胸不論

天心之取舍政治之得失不論民物之安危疆  
域之大小徒以瑣瑣細曲為阿私區區地界  
為忿嫉公然指斥以遂其味葉彝倫滅廢人  
紀之逆意至於極盡狂吠之昏竟敢指天地  
為昏暗豈

皇皇上天鑒觀有赫轉不如逆賊等之智識乎  
且自古中國一統之世幅幘不能廣遠其中  
有不向化者則斥之為夷狄如三代以上之  
有苗荆楚獫狁即今湖南湖北山西之地也  
在今日而目為夷狄可乎至於漢唐宋全盛  
之時北狄西戎世為邊患從未能臣服而有  
其地是以有此疆彼界之分自我朝入主中  
土君臨天下并蒙古極邊諸部落俱歸版圖

是中國之疆土開拓廣遠乃中國臣民之大幸何得尚有華夷中外之分論哉從來爲君上之道當視民如赤子爲臣下之道當奉君如父母我朝之爲君實盡父母斯民之道殫誠求保赤之心而逆賊尚忌肆爲誣謗生疾怨而行其悖逆乎從前康熙年間各處姦徒竊發動輒以朱三太子爲名如一念和尚朱一貴者指不勝屈近日尚有山東人張玉假稱朱姓託於明之後裔過星士推算有帝王之命以此希冀鼓惑愚民見彼步軍統領衙門拏獲究問從來異姓先後繼統前朝之宗姓臣服於後代者甚多否則隱匿姓名伏處草野從未有如本朝姦民假稱朱姓搖惑人心若此之衆者似此蔓延不息則中國人君之子孫遇繼統之君必至於無類而後已豈非姦民迫之使然乎况明繼元而有天下明太祖卽元之子民也以綱常倫紀言之豈能逃篡竊之罪至於我朝之於明則鄰國耳

且明之天下喪於流賊之手是時邊患肆起倭寇騷動流賊之有名目者不可勝數而村邑無賴之徒乘機劫殺其不法之將弁兵丁等又借征勦之名肆行擾害殺戮良民請刃以充獲賊之數中國人民死亡過半卽如四川之人竟致靡有孑遺之歎其偶有存者則肢體不全耳鼻殘缺此天下人所共知康熙四五十年間猶有目覩當時情形之父老垂涕泣而道之者且莫不慶幸我朝統一萬方削平羣寇出海內外之人於湯火之中而登之衽席之上是我朝之有造於中國者大矣至矣至於厚待明代之典禮史不勝書其藩王之後實係明之子孫則格外加恩封以侯爵此亦前代未有之曠典而胸懷叛逆之姦民動則假稱朱姓以爲搆逆之媒而呂留良輩又借明代高言肆其分別華夷之邪說冀遂其叛逆之志此不但爲本朝之賊寇實明代之仇讎也且如中國之各輕待外國之

入承大統者其害不過妄意詆譏盡惑一二  
匪類而已原無損於是非之公倫常之大體  
若外國之君入承大統不以中國之人爲赤  
子則中國之人其所托命乎况撫之則后  
虐之則仇人情也若撫之而仍不以爲后殆  
非順天合理之人情也假使爲君考以非人  
情之事加之於下爲下者其能堪乎爲君者  
尚不可以非人情之事加之於下豈爲下者  
轉可以此施之於上乎孔子曰君子居是邦  
也不非其大夫况其君乎又曰夷狄之有君  
不如諸夏之亡也夫以春秋時百里之國其  
大夫猶不可非况我朝奉  
天承運大一統太平盛世而君上尚可誇議乎  
且聖人之在諸夏猶謂夷狄爲有君况爲我  
朝之人親被教澤食德服疇而可爲無父無  
君之論乎韓愈有言中國而夷狄也則夷狄  
之夷狄而中國也則中國之歷代以來如有  
元之混一區宇有國百年幅輳極廣其政治

規模頗多美德而後世稱述者寥寥其時之  
名臣學士著作頌揚紀當時之休美者載在  
史冊亦復燦然其備而後人則故爲貶詞概  
謂無人物之可紀無事功之足錄此特懷挾  
私心識見卑鄙之人不欲歸美於外來之君  
欲貶抑淹沒之耳不知文章著述之事所以  
信今傳後著勸戒於簡編當平心執正而論  
於外國入承大統之君其善惡尤當秉公書  
錄細大不遺庶俾中國之君見之以爲外國  
之主且明哲仁愛如此自必生奮勵之心而  
外國之君見是非之不爽信直道之常存亦  
必愈勇於爲善而深戒爲惡此文藝之功有  
補於治道者當何如也僕故爲貶抑淹沒者  
其善而不傳誣其惡而妄載將使中國之君  
以爲既生中國自享令名不必修德行仁以  
臻邦隆之治而外國入承大統之君以爲縱  
能夙夜勵精勤求治理究無望於載籍之褒  
揚而爲善之心因而自怠則內地蒼生其苦

無有底止矣。其爲人心世道之害可勝言哉。況若逆賊呂留良等不惟於我朝之善教善教大經大法概爲置而不言而更鑿空妄撰憑虛橫議以無影無響之談爲惑世誑民之具。顛倒是非。紊亂黑白。以有爲無。以無爲有。此其誕幻誇張誑人聽聞。誠乃千古之罪人。所謂惡不畏死。凡民罔不惡。不待教而誅者也。非孤獲罪於我國家而已。此等儉邪之人。胸懷思亂之心。妄冀僥倖於萬一。曾未通觀古今大勢。凡首先倡亂之人。無不身膏斧鑕。遺臭萬年。夫以天下國家之鞏固。豈烏合鼠竊之輩所能輕言動搖。即當世運式微之時。其首亂之人。歷觀史冊。從無有一人能成大業者。如秦末之陳涉項梁。張耳陳餘等。以至元末之劉福通。韓林兒。陳友諒。張士誠等。雖一時跳梁。究竟旋爲灰燼。而唐宋中葉之時。其草竊之輩。接踵疊跡。亦同歸於盡。總之此等姦民。不知君臣之大義。不識天命之眷懷。

徒自取誅戮。爲萬古之罪人而已。夫人之所以爲人。而異於禽獸者。以有此倫常之理也。故五倫謂之人倫。是闕一則不可謂之人矣。君臣居五倫之首。天下有無君之令。而尚可謂之人乎。人而懷無君之心。而尚不謂之禽獸乎。盡人倫。則謂人滅天理。則謂禽獸。且天命之以爲君。而乃懷逆天之意。焉有不遭夫之誅。姦者乎。朕思秉彝好德。人心所同。天下億萬臣民。共具天良。自切尊君親上之念。無庸再爲剖示。宣諭。但儉邪魯亂之小人。如呂留良等。胸懷悖逆者。普天之下。不可言止此數賊也。用頒此旨。特加訓諭。若平日稍有存此心者。當問夫捫心各發。天良詳細自思之。朕之詳悉剖示者。非好辯也。古昔人心淳樸。是以堯舜之時。都俞吁咷。其詞甚簡。逮至殷周之世。人心漸不如前。故殷盤周誥。所以誥誡臣民者。往復周詳。批誠剴切。始能去其蔽。銅覺其惡。蒙此古今時勢之不得不然者。若



呂留良嚴鴻逵曾靜等逆天背理惑世誣民之賊而晚以天經地義綱常倫紀之大道使愚昧無知平日為邪說陷溺之人豁然醒悟不致遭天譴而罹國法此乃為世道人心計也著將朕諭旨通行頒布天下各府州縣遠鄉僻壤俾讀書士子及鄉曲小民共知之○甲申諭兵部嚮導章京行走差違之處甚多著賞給雙俸嗣後凡補授之嚮導章京俱給與雙俸○管理旗務王大臣等議覆鑲紅旗蒙古副都統富昌條奏八旗蒙古遊牧地方所有捕盜六品官嗣後請文與各該總管等視其効力勤慎五年無過者填註考語保送該旗記檔遇伊等應陞缺出該旗指名行取與在京之驍騎校護軍校等一體引見補用其効力不勤與有過者分別題參議處○應如所請從之○改廣西東蘭土知州缺為東蘭土州同駐劄鳳山管理鳳山芝山運喇長里泗孟四苟六哨裁原設州同缺添設東蘭流

知州一員吏目一員駐劄東院哨土州舊治撥柳慶協左營千總一員添兵五十名駐劄東蘭州從雲貴廣西總督鄂爾泰請也○乙酉○聖祖仁皇帝治河方輒編纂告成內閣進呈御覽得旨朕惟聖祖仁皇帝軫念民生而於黃運兩河尤屢聖懷自甲子以迄丁亥六次親歷河平指授方略一切修築堵塞事宜無不出自宸衷現畫數十年來聖謨睿訓備載此畫凡有河防水利之任者皆應悉心詳閱奉為法則著繕寫三部發給河臣孔毓珣曾筠尹繼善令其敬謹閱看必於河務大有裨益但河性遷移或今日情形與昔年有不同之處著孔毓珣等三人會同商酌具奏又當年或有奉旨案件此書未經載入而該衙門有檔可稽者

亦著查明具奏。丙戌諭內閣上年直隸通省收成豐稔惟宣化府屬之宣化懷來保安三處交界之地廣約四十里長約百里獨愆

雨澤頗覺亢旱今據直隸巡撫御史舒喜奏稱京畿一百四十州縣築場納稅百穀咸登各府州縣之收成冊報八分九分十分不等老幼得所共慶有秋惟宣化府屬宣化西寧蔚縣三處今年六七月間有水雹之傷禾稼稍損朕思天人感應之理纖毫不爽連年以來直隸通省雨澤應時而成豐稔而宣化府屬之數州縣地方兩年之內有亢旱水雹之災此必地方官民政治有缺風俗不淳是以上天顯示儆戒欲其警醒悔悟翻然悔改於將來也官斯土者宜敬謹修省以免過愆著通行曉諭勸導令所屬百姓消亢戾澆漓之風敦和睦忠厚之行共為良善以迓

天庥而此數州縣之紳衿士庶尤當深感上天垂象示儆之恩各捫心自問若有幾微匪

僻乖戾之念即猛加省改竝交相勸勉俾比閭族黨與仁講義共成親避良善之俗則以和名和雨暘時若之應

天必錫之以福矣。丁亥陞鑲紅旗參領趙弘濟為正黃旗漢軍副都統。戊子陞福建按察使孫國璽為山東布政使司布政使調貴州按察使李玉鑑為福建按察使司按察使以貴州學政翰林院侍讀徐本為貴州按察使司按察使湖南按察使郭朝祥緣事革職調直隸按察使張瓌為湖南按察使司按察使陞直隸通永道姜穎新為直隸按察使司按察使。改廣西思恩府屬之鎮安土府為流府設知府一員裁原設通判缺留知事一員管轄歸順上睦都康向武小鎮安五土屬奉議州一州裁歸順土吏目缺改設州同一員添設千總一員兵五十名駐劄歸順添設賓州直隸州州同一員駐劄三里營地方從雲貴廣西總督鄂爾泰請也。旌表四川保

縣烈婦郭呈王妻郭氏孀居拒姦被毆頤命給銀建坊入祠致祭如例○己丑諭內閣年來用兵西藏勦撫苗蠻一切辦理軍需皆動支公帑而糧餉轉輸不無資於民力朕心深為軫念是以降旨將甘肅四川雲貴廣西五省廩戍年地丁錢糧全行豁免查甘肅之河西四府如寧夏西寧及甘涼肅以至嘉峪關外之靖逆赤金柳溝等衛所歷來額徵俱係糧料草束與各省額徵折色無異今當用兵之際雖綠毫未派及民間而黎民踴躍急公之意大將軍岳鍾琪屢次奏聞甚屬可嘉著將額徵本色加恩豁免以示惠愛邊民之意○陞正藍旗護軍叅領巴雅爾圖烏銀白旗蒙古副都統○以山西道御史晏斯盛提督貴州學政○大學士等遵旨議覆內閣侍讀學士王以異條奏嗣後八旗襲職官員引見奉旨之後請令該部統將該員應給數書緣由移送吏部轉咨內閣定限辦理轉送該

旗面傳本人齋領如有遲延日期及香役需索之弊照例叅處再外省督撫提鎮等官所有應領傳教坐數其給發之處亦應立定期以防怠忽應如所請從之○庚寅諭兵部賞給兵丁營運生息銀兩原係特恩期於永遠周給有資若定以數月之限即行支賞則生息無多不能接續將來恐有不能普遍之弊著行知各省將軍督撫副都統提督等見在不必定以賞給限期俟營運豐裕之日再行給與○禮部議覆正藍旗漢軍副都統劉汝霖條奏漢軍子弟宜學習清書請每旗各設義學一所令該旗滿洲都統會同漢軍都統於滿洲間散官並筆帖式或因公降革人員內擇其精通清文者充補教習於漢軍本旗內揀選善射者一二人教習弓箭其教習人員每月給與公費銀米仍令該旗派章京一員稽查課業其肄業子弟如有文理精通願考繙譯者不拘間散俱准赴吏部考取筆

帖式其文理粗通弓箭可造者聽其在本旗  
挑補領儀兵丁三年之內教習勤謹者將教  
習人員分別議敘應如所請從之○雲貴廣  
西總督鄂爾泰摺奏臣曾祖圖們蒙恩入昭  
忠寺得與祀典竊念臣高祖屯太由汪欽地  
方率領七村親族人等效順歸誠蒙

大祖高皇帝賞給全位領又一拜他拉布勒哈  
番臣曾祖圖們於擒勦諸役屢著勳勞及大  
凌河被圍圖們領兵首先殺入敵陣又力擊  
張理兵奮勇陣亡今既叨列昭忠寺牌位僅  
書位領伏乞將臣苗疆議敘之案准予銷免  
照臣職銜賞給誥封俾臣曾祖圖們得以贈  
官位列大臣之末奉

上諭此奏朕實欣悅俟朕恩命○著廣東巡撫  
傅秦疏言廣州府理雅同知朱振基於前任  
連州知州任內私置逆賊呂留良牌位設祠  
奉祀連州學正王奇勳勒令閩學生員奔走  
趨奉茲據連州生員陳錫等合詞呈首相應

題參究治得旨朱振基王奇勳俱革職等聞  
其私置呂留良牌位奉祀情由該督嚴審究  
擬具奏連州生員陳錫等深明大義不為邪  
說所惑據實出首以彰名教著將今年該州  
應試完場之舉子交與該學政秉公道選學  
問優通者四人賞作舉人送部一體會試以  
示恩獎如今科所取副榜內有連州生監亦  
准作舉人○辛卯正紅旗蒙古副都統馬起  
達以老病乞休允之○壬辰諭工部直隸山  
東江南查勘道路事宜著行文三省督撫等  
令動正項錢糧乘此農隙之時派委賢員作  
速興工務於明春而水前告竣朕仍遣員往  
查其修過橋梁道路等項著交與各該地方  
官隨時修整并令新舊交代永著為例○癸  
巳旌表河南武陟縣烈婦王星妻李氏拒姦  
不污投繯殞命給銀建坊入祠政祭如例○  
甲午雲貴廣西總督鄂爾泰疏言附近雲南  
之南掌國王烏孫向化

天朝翰誠納貢備象二隻蒲絨全字表文一道轉乞奉聞情詞懇切相應具題請旨得旨南學國遠在西南徽外從來未通職貢今翰誠向化甚屬可嘉旗省起送來京之時著沿途地方官護送照看應用夫馬食物著從厚支給以示朕加惠遠人之至意 乙未

上詣

恩佑寺行禮畢回宮（以故一等公夸岱子納穆圖襲爵）丙申以原任國子監祭酒孫嘉淦爲順天府府尹 戴河南陝州甘肅驛驛丞缺添設硤石驛驛丞一員從河東總督田文鏡請也 丁酉添設四川雅州府同知一員 溘定橋巡檢一員裁京壩驛驛丞一員從理任四川布政使趙弘恩請也 戊戌

孝慈高皇后忌辰遣官祭

福陵 乙亥調江蘇學政詹事府少詹事鄧鍾岳提督廣東學政陝西學政加翰林院侍講 街米曙孫提督山西學政河南學政大理寺

少卿于廣提督雲南學政浙江學政翰林院侍讀學士王蘭生提督安徽學政廣東學政翰林院侍講學士顧仔提督浙江學政以詹事府詹事張廷錕提督江蘇學政原任詹事府詹事王圖炳提督陝西學政翰林院編修吳應棻提督河南學政提督順天學政左春坊左庶子楊超曾提督湖南學政翰林院編修習窩提督廣西學政江南道御史衛昌績俱仍留任 庚子喀爾喀澤卜尊丹巴胡土克圖遣使進九白年貢宴奏如例 辛丑諭戶部據奉天將軍多索禮奏稱今歲盛京秋成大稔禾稼瓜菜等項俱獲豐收米糧價賤朕思米穀者乃

上天恩賜以養育萬民者也若人人存心敬愛天賜隨時得節常留有餘崇儉去奢謹身節用則 天心必垂默佑雨暘時若俾常享盈寧之福若暴殄天物輕棄五穀不思稼穡之可寶罔念

農事之艱難則必上千天怒而水旱災稔之事皆所不免此從來天道人事之斷然不爽者奉天地方百穀順成已八年於茲矣今歲收成又慶豐稔穀價之賤自昔罕聞朕心深爲慰悅感戴

上天賜佑之恩則本地官民人等宜敬謹愛惜以仰承

天恩向來奉天居民有以米穀飼養豚豕之陋習此即暴殄天物之一端已令地方官勸諭禁止今不可因米穀饒餘復蹈前轍積貯乃王政之要圖民生之切務奉天地氣乾燥不比南方潮濕之區正當乘此豐收之時以爲儲蓄之計著該地方官員通行曉諭勸導所屬民人若有穀之家果能留心積貯至於穀多價賤難於出糶者著大臣官員等即行奏聞朕當發官價糶買或從海道運至京師俾積穀之家實獲利益必不使有穀成傷農之歎也一喀爾喀車臣汗冊卜登拜音珠爾邁

使進九白年貢宴春如例

大清世宗敬天昌運建中表正文武英明寬仁信毅大孝至誠憲皇帝實錄卷之八十六

大清世宗敬天昌運建中表正文武英明寬仁  
信毅大孝至誠憲皇帝實錄卷之八十七

雍正七年八月二十二日。聖祖仁皇帝御製。聖訓。卷之八十七。聖訓。卷之八十七。聖訓。卷之八十七。聖訓。卷之八十七。

數修

雍正七年己酉冬十月壬寅朔享

太廟

上親詣行禮遣官祭

永陵

福陵

昭陵

昭西陵

孝陵

孝東陵

景陵 額雍正八年時憲曆 喀爾喀瓦齊額

雍正七年八月二十二日。聖祖仁皇帝御製。聖訓。卷之八十七。聖訓。卷之八十七。聖訓。卷之八十七。聖訓。卷之八十七。

巴圖士謝圖汗旺扎爾多爾濟遣使進九白

年貢宴奏如例○癸卯以湖廣總督邁柱兼

理湖北巡撫印務○免雲南南寧縣本年分

水災額賦有差○乙巳吏部奏本月初一日

夜文選司失火延燒房屋十數間所有檔案

被燬應將值宿書辦文刑部嚴審當月司官

議處臣等疎忽之咎請敕部察議其所燬檔

案於號件簿內查明行文內外各衙門將原

案造冊送部得旨吏部近來諸事肅清官吏

人等亦無可作之弊所失檔案仍可於他處

查取校對倉役妄竄舞文弄法事亦難行該

部堂官總理大綱豈能時刻稽查不必交部

察議當月司官及值宿書辦著交部照例歸

結嗣後各部院衙門存貯檔案之處應委筆

帖式等官輪班值宿巡查至內閣本章及各

衙門檔案皆應於正本外立一副本另行收

貯如本章正本係紅字批發副本則批墨筆

存案其他檔案副本或另用鉛記以分別之

如此不但於公事有益且可杜姦胥猾吏隱

藏改換之弊其如何詳悉定例之處著大學

士步軍統領會同九卿議奏尋議在京各衙

門卷牘收貯之所應派筆帖式輪班值宿巡

查各省督撫題奏事件例有副本送通政司

嗣後應令一併送閣俟奉旨後內閣將副本

遵照紅本用墨筆批錄另貯皇史宬其在京

各部院覆奏本章亦照此辦理至部覆正本

向來兼寫清漢全錄案呈不免稽遲時日嗣

後所辦副本應無庸全錄案呈只以漢字繕

寫又各部院一切檔案應另立一冊將全案

備錄印信鈐蓋按次編號其存貯之所亦酌

派筆帖式值宿巡查從之○陞貴州大定州

爲大定府改威寧府爲威寧州與平遠縣西

二州畢節一縣俱隸大定府管轄移威寧之

知府通判經歷司獄教授駐大定大定之知

州吏目學正駐威寧從雲貴廣西總督鄂爾

泰請也封教漢台吉固山額駙羅卜藏爲

輔國公丙午

上御太和殿視朝諸王及文武陞轉各官謝恩

總理

陵寢事務領侍衛內大臣尚崇虞奏言

景陵

聖德神功碑亭儀柱之右座瑞芝一本於石上

長六七寸光華煥發實屬奇祥得旨朕從來

不言祥瑞屢頒諭旨曉示臣民惟是建立

景陵

聖德神功碑甫經勒石告成而瑞芝即產於碑

亭之右仰見

上天特賜嘉祥以表揚我

皇考功德之隆盛朕心不勝慶慰○丁未怡親

王大學士九翰翰詹科道等遵旨訊問曾靜

合詞公奏將曾靜張熙照大逆不道律即行

正法

上御乾清宮召入諸臣等竝令李紱隨入諭曰

今日諸臣合詞請誅曾靜張熙伊等大逆不



道實從古史冊所未有以情罪論之萬無可赦但朕之不行誅戮者實有隱衷上年冒靜之徒張熙說名投書與岳鍾琪岳鍾琪倉猝之間忿怒驚惶不及審算即邀巡撫西琳景司碩色坐於密室將張熙嚴加根究問其指使之入張熙不肯供出真實姓名爰即加以刑訊而張熙甘死不吐岳鍾琪無可如何越二三日百計曲誘許以同謀迎聘伊師與之盟神設誓張熙始將姓名一一供出彼時岳鍾琪具奏前來朕披覽之下為之動容岳鍾琪誠心為國家發姦擒伏假若朕身曾與人盟神設誓則今日亦不得不委曲以期無負前言朕洞鑿岳鍾琪之心若不視為一體實所不忍况冒靜等僻處鄉村為流言所惑其捏造謗言之人實係阿其那塞思黑門下之兇徒太監等因犯罪發遣廣西心懷忿怒造作惡語一路流傳今已得其確據若非因冒靜之事則謠言流布朕何由聞知為之明白

剖晰俾家喻而戶曉耶且從來國家之法原以懲一儆百如冒靜等之悖逆諒宇宙內斷無第二人即後世亦可斷其必無有與之比者何必存懲一儆百之見可以寬宥其罪並非博寬大之名而廢法也一切朕另有諭旨又諭前謝濟世在阿爾泰軍前供出昔年參奏田文鏡實出於李紱蔡珽之授意朕今刑部訊問李紱蔡珽今刑部將口供呈覽其語仍復含糊希圖掩飾是以令爾等帶李紱進見將蔡珽李紱始末宣示爾等知之朕在藩邸懶於交接人所共知竝不知蔡珽李紱之姓名因馬爾齊哈通曉醫理常在府中行走後補授清江理事同知朕問明於醫理之人馬爾齊哈舉蔡珽以對朕因令其來見而蔡珽辭以職居學士不便往來王府且醫理租淺不能自信朕聞其言深為嘉許後年羹堯來京力稱蔡珽塞爾圖二人才守識見實超羣類朕告以招之未來之故年羹堯因見

蔡珽面言而蔡珽仍堅辭如前朕是以史器  
重之次年蔡珽補授四川巡撫時朕從遊  
暑熱河蔡珽以身屬外官遠行在即向年照  
轉求欲到朕園中一見朕相見時蔡珽則極  
稱李紱才品操守爲滿漢中所少是時朕方  
知李紱之姓名也朕御極之初延訪人才以  
資治理因起復李紱原官旋授侍郎又命辦  
理漕務旋授爲廣西巡撫伊具摺密奏黃國  
材收捐積弊且稱黃國材廣通聲氣其子弟  
親戚布滿朝列今臣盡發其私必謀傾害朕  
諭以獨但公忠爲國朕必加恩保護豈料伊  
在朕前如此陳奏而暗中則爲黃國材事事  
周全其巧於欺妄如此至署理直隸總督徇  
私廢公沽名邀譽倉穀虧空則代爲隱免竊  
史貪庸則曲爲庇護以致吏治廢弛人心玩  
愒又如塞思黑從西大通調回朕令暫住保  
定候各省督撫提鎮回奏到日再降諭旨未  
幾李紱奏稱塞思黑患病不數日奏報病故

而姦邪黨與及庸愚無知之人遂有朕授意  
於李紱而戕害塞思黑之誣語今李紱在此  
試問朕曾有示意之處否乎在塞思黑之罪  
原無可赦之理其從前之所以將伊暫留保  
定者蓋因阿其那允禩俱在京師其事未嘗  
定案而邪黨衆多人心叵測不得不留意防  
範豈料伊遂伏冥誅而李紱竝不將塞思黑  
自伏冥誅之處明白於衆以致啟匪黨之疑  
議則李紱能辭其過乎至田文鏡之在河南  
公忠爲國而李紱蔡珽以其叅劾黃振國汪  
誠等遂極力陷害朋比爲姦指使謝濟世捏  
款誣容欲令言臣挾制朕躬必遂其私怨而  
後已此風何可長也李紱蔡珽著交刑部訊  
取確供償再支吾掩飾卽加刑訊吏部議  
覆雲貴廣西總督鄂爾泰疏言貴州長壩地  
方瘴癘難居兵丁多致病亡請將文武衙署  
營房移建琉球仍於長壩設百總一名兵丁  
三十名按季更番防守今琉球遊擊不時巡

察應如所請從之。添設八旗都統衙門左右二司。每旗於叅領副叅領內揀選二員。引見補授。掌管關防。從正紅旗滿洲副都統宗室鄂齊請也。已酉諭莊親王允祿等。騎射乃兵丁最緊要技藝。八旗大臣與章京等。皆係率領兵丁出師行圍之人。理應親率各官操演。騎射嗣後。遇平常較射之日。俱著學習。騎射。若年逾五十五歲者。聽之將朕此旨。徧行曉諭。吏部議覆。四川巡撫憲德疏。言川省州縣。先因地廣人稀。政事簡少。將雙流等縣裁併。今生聚日繁。應復設縣。治熙蕃分理。成都府復設雙流縣。崇寧縣。彭縣。綿州復設彰明縣。羅江縣。重慶府復設大足縣。璧山縣。定遠縣。夔州府復設大寧縣。新寧縣。潼川州復設安岳縣。眉州復設彭山縣。青神縣。嘉定州復設威寧縣。各設知縣一員。典史一員。其羅江驛驛丞。應請裁汰。驛務歸併知縣管理。至各縣叅職。俱設訓導一員。以司學校。均應

如所請從之。庚戌諭內閣。大學士尚書侍郎。都御史。副都御史。各大員。有子孫在京。闈及本省。鄉試未經中式。年二十以上者。各舉文理通順。可以取中者。一人。開送內閣。請旨。尋開列大學士。蔣廷錫。子蔣溥。吏部尚書。稽曾筠。子稽璜。都御史。唐執玉。子唐少游。吏部左侍郎。史貽直。子史奕。詹戶部右侍郎。王廷揚。子王鏐。禮部左侍郎。錢以墮。子錢鏞。禮部左侍郎。鄂爾奇。子鄂倫。兵部左侍郎。楊汝毅。子楊綏。刑部左侍郎。繆沅。子繆樞。工部右侍郎。張大有。子張鴻。運使。即署理倉場事務。涂天相。子涂士炳。副都御史。謝王。寵。子謝升。等具奏。得旨。俱賜舉人。戶部侍郎。劉聲。芳。子劉俊。邦。因病。未應鄉試。亦賜舉人。准一體會試。諭詹。詹科。道等。自古朋黨之患。必至害於而家。凶於而國。而已身亦並受其毒。爾等。多由科目出身。讀書明理。當以此為切戒。務為端人。為正士。為國家倚賴之大臣。不可誤

入於小人之一途蓋小人有小人之器局識見小才氣亦小恃其小忠執其小信行其小惠縱有微長適成其爲小人而已大人有大人之器局識見大才氣大大忠大義大仁大智凡所作爲皆有關於國計民生此等大人實能公忠體國迨無沽名邀譽之心而名譽自至是以爲臣子者凡事爲國起見所成自大若爲一身起見則所成必小甚至卑污苟且實緣請託瞻徇情面黨同伐異流弊不可勝言朕在藩邸四十餘年於人情世態無不洞悉此等陋習實所痛惡朕於

聖祖仁皇帝前從無揣度意旨探聽信息及邀名沽譽之事朕兄弟輩則多蹈此轍朕惟以禮處事和而不流一生心迹仰邀

皇考聖明洞鑒可見天下之結黨營私者徒自壞其心術品行耳欲求纖毫之利益不可得也即如康五瑞本欲袒護李斌而究不能掩其惡李斌蔡琿本欲傾害田文鏡而適以自

害其身豈不可爲衆人之炯戒哉夫人才力各有不同在朕之用人實係因材器使爾等安分循理各盡職業自然識見日開閱歷日進今日之小臣即他日大臣之器何必存躁妄之心以自限也至於閉門謝客以示孤介亦矯情之舉如在京之大臣外省之督撫平日果不見一人不聞一語又何以周知人之賢否事之利弊爾等新進小臣亦不必以師生同年往來相投爲諱但當和衷共濟勸勉箴規以道義相砥礪此則君子之朋朕所望於爾等者也蓋

天地神明之所佑者誠所惡者僞果能去僞存誠於處心積慮之間爲朝廷爲國家爲社稷爲蒼生此即爾等所以自爲其身家不但己身榮顯子孫亦必受其福矣爾等將朕諭旨時時體認清夜自思躬行實踐朕言自必有驗勉之勉之解廣東按察使樓儼任以廣東鹽運使黃文煒署廣東按察使司按察使

直隸馬蘭口總兵官特恒祿事羊職權福  
建提標遊擊傅爲宿爲直隸馬蘭口總兵官  
移雲南永善縣典史駐烏蒙井底汛從雲  
南巡撫沈廷正請也 辛亥琉球國中山王  
尚敬遣陪臣毛鴻基等表謝賜教書銀燧玉  
器思并貢方物得旨琉球地處重洋之外奉  
表修貢遠涉風濤朕心深爲軫念是以從前  
降旨令將雍正四年該國王謝恩所貢儀物  
准作雍正六年正貢以示恩眷今該國王以  
六年正貢之期仍遵定制遣使航海遠來奉  
表進貢情詞懇切具見悃忱著將六年進貢  
之物准作八年正貢若八年貢物已經遣使  
起程即准作十年正貢著行文該國王知之  
議欽四川官兵勦撫歸德番族軍功原任  
京城北營參將宋可進等各陞銜加級紀錄  
有差兵丁等賞奏賜卹如例 壬子而江總  
督范時繹奏原任戶部郎中王國煒縱容  
家人張象九夾帶私鹽王國煒及革率審詳

之道府知縣等均應交部察議得旨凡督撫  
大臣之考察屬官惟公正無偏賞當其功罰  
當其過則屬吏知感知畏相率而奉其訓導  
遵其約束苟賞罰不當不但過於寬縱屬員  
生玩愒之心即過於嚴厲屬員亦起詭忽之  
念蓋以其賞罰不足憑而寬嚴無定準也朕  
思王國煒係世宦之家奴僕衆多豈能保其  
無一生事爲非者曠王國煒平日或係知情  
或事發之後將家人縱放藏匿不令質訊則  
當竝治其罪今張象九於未事之先王國煒  
早已責逐有案可據而范時繹乃稱刑訊之  
後改供是明係小人畏刑三木之下勉強承  
認未可爲信讞况即照張象九所改之供在  
王國煒亦無通同作弊之處何至將王國煒  
及審詳各官一併叅奏范時繹之察吏如此  
何以使屬員畏威而懷德奉令而承教于王  
國煒及審詳之道府知縣等官俱不必交議  
癸丑以直隸閩關參將傅爲斗署理河南

河北總兵官印務。甲寅以兵部右侍郎胡  
煦爲順天武鄉試正考官太僕寺少卿魯圖  
華爲副考官。陝西西安左翼滿洲副都統  
尼馬善緣事降調陞直隸保定城守尉陸寶  
爲陝西西安左翼滿洲副都統。命西安將  
軍常色禮移駐涼州以署川陝總督查郎阿  
兼理西安將軍印務。八旗王大臣等議覆  
署副都統參領阿魯條奏八旗漢軍餘丁已  
立義學教訓其滿洲蒙古旗分亦請設立學  
舍於每旗前鋒護軍領催馬甲內擇二人爲  
師長涂大臣官員子弟情願入官學義學讀  
漢書及在家學習外佐領下十二歲以上餘  
丁俱令教訓清文清語其蒙古旗分並教以  
蒙古語每甲喇派出或章京或駝騎校一員  
令其教導騎射該旗大臣參領等不時稽察  
每年考試一次分別勤惰以示勸懲應如所  
請從之。○寧遠大將軍岳鍾琪摺奏噶爾丹  
策零使臣特磊於十月初五日前至陶賴大

坂斥候臣隨派理藩院員外黑色前往於初  
六日將來使特磊等十一人帶至巴爾魯爾  
軍營據特磊云原解送羅卜藏丹津前來行  
至伊爾布爾和卻地方遇逃回蒙古三人稱  
總督令帶兵二萬從哈密一路前來是以壽  
示噶爾丹策零將羅卜藏丹津仍回伊里輕  
騎減從齋摺前來等語臣以特磊之言實難  
憑信撥參將劉廷球等將特磊伴送至肅州  
加謹防範得旨著劉廷球伴送特磊赴京  
乙卯雲貴廣西總督鄂爾泰題廣西慶遠府  
忻城土知縣莫振國故請以其子莫景隆承  
襲下部知之。丙辰革喀爾喀扎薩克多羅  
郡王達瑪林多爾濟爵以其違誤採買軍需  
駝隻也。丁巳正黃旗蒙古副都統明白綠  
事革職陞  
福陵總管王常爲正黃旗蒙古副都統著正黃  
旗護軍統領花色爲正紅旗蒙古副都統仍  
署護軍統領。設立五城舖司巡檢各一員

戊午加戶部郎中潘允敏翰林院編修銜提督陝西學政添設熱河遼東八溝地方通判一員巡檢一員從署直隸古北口提督魏經國請也己未諭禮部朝鮮國王世篤恭順虔修職貢普蒙

世祖章皇帝軫念藩封特頒

敕諭所有應進

聖壽冬至元旦表儀俱准於元旦併貢以彰柔遠之至意近見該國王於領受賞賽等事皆

特遣使臣齋表奏謝朕念該國距京三千餘里貢使往來未免勞費嗣後凡屬謝恩本章俱著與三大節表一同齋奏不必特遣使臣永著爲例該部即行文該國王知之又諭

雲貴廣西總督鄂爾泰忠誠體國經理苗疆勦績懋著伊曾祖圖們於開國時奮勇陷陣効命疆場忠節炳然垂光行慶積於其孫鄂爾泰爲不世出之良臣祖孫忠良後先輝映朕甚嘉焉今鄂爾泰奏稱曾祖圖們與祀昭

忠寺牌位列銜佐領請將苗疆議敘之案移賞曾祖祖父誥封等語著將鄂爾泰之曾祖祖父俱照總督加內大臣兵部尚書職銜給與一品誥封其昭忠寺牌位改書新贈之銜入於大臣之列鄂爾泰苗疆之案仍著議敘

庚申諭理藩院禁城內蒙古王等著照在京王例騎馬貝勒貝子公等年六十五歲

以上者亦著騎馬添設刑部左右現審司滿漢郎中員外主事十二員筆帖式十員專

理現審事件從刑部額外侍郎收可登請也辛酉諭內閣外省地方常有緊要事件及

查拏要犯之處聞令王大臣等密寄信與該督撫此乃慎重機宜俾地方大臣易於辦理

之意該督撫接到密札自應加意慎密其有應行文於所屬及轉行鄰省者或仍用密札

加以印信或密行文書謹密知會若有應遣人者則遣的當人前往於事務方有裨益慶

降諭旨甚明近聞外間接到密札竟用文書

照抄轉行所屬其移會鄰者亦然全無慎重防範之意伊等既為督撫大臣豈有見不及此之理嗣後儻有將密旨寄信之事顯然通行文書者經朕聞知定行從重議處○又諭雲貴廣西總督鄂爾泰以雲南趙州白崖地方平地忽湧甘泉二股摺奏內外臣工皆以滇省醴泉歸美於朕朕實不居也夫君臣上下本為一體設人君有又安百姓之心而其臣不能宣布德意以成善治或上官有撫字羣黎之念而其民不能感化以成善俗皆不足召

天和而徵瑞應也鄂爾泰以公忠之心行撫綏之政至誠所感能使吏服其教民懷其惠所屬之境康阜恬熙而滇省官民又實能率從鄂爾泰之訓導風移俗易和氣致祥是以數年之中疊見慶雲醴泉之瑞此蓋

上天恩賜以表著賢臣之善績也昔張堪之麥秀兩岐魯恭之蝗不入境彼郡邑守令有循

良之化尚足感召嘉祥况節制三省化民成俗者乎又如范仲淹之治青州廣施惠政漢澤忽湧醴泉此皆載在典籍信而有徵者非朕褒揚鄂爾泰為創見之論也凡督撫大臣加惠一方以致感格

天心賜以上瑞此皆督撫之力朕不敢以為功而任用之得人與否則朕之責也諸臣將慶雲醴泉之瑞歸功於朕實於朕無涉若謂朕能推心置腹以信用鄂爾泰使得盡展才猷悉心教養以成風俗之美受

上天之恩此則朕所不解者○授貝子弘春妹為縣主塔德壽為多羅額駙○工部議覆倉場侍郎岳爾岱疏言北新海運南新舊太富新興平祿米等七倉應建堆房三十三處給原設倉官兵居住其太平萬安二倉應建堆房八處至原設倉章京兵丁應酌留章京八員兵丁八十八名餘俱撤回其城上原設倉官兵已有着城官兵可令巡邏亦應



撤回俱應如所請從之 設立八旗前鋒統領護軍統領等公署從署護軍統領花色請也 壬戌諭內閣科場乃國家取士大典關係甚重數科以來鄉會試主考同考官皆凜遵功令屏除弊端與論毫無異議朕亦屢加獎許然又恐其久而生玩故習復萌未嘗不隨時訓誨儆戒提撕也今年順天鄉試榜發後有人密奏闈中有頂替夾帶等弊朕令諸生自行出首今果有自首頂名者一人夾帶者四人此則外廉疎忽之咎已降旨將稽察官員嚴加處分又密奏今年場前有房考一二人與士子往來者夫以科場久已肅清之時不應尚萌暗通聲氣之想凡科甲出身之官員自知有銜文之分便當遠避嫌疑杜絕干謁何至以文遊形跡啟人議論之端況士子應試之先預懷鑽營倖進之念此即行止不端之人一旦忝竊科名豈能成有用之材為國家分猷宣力乎為房考者又何為收隤此

等儉邪之輩豈但不能得其相助之益且必至敗己身之聲名于朝廷之憲典亦惡甚矣今歲外間雖有浮言却無實據姑免深問來春會場在即各省舉子雲集京師凡在京官員有考官之責者各宜預先儆惕慎小心防微杜漸勿以小不檢點被人指摘致貽科甲之羞况國法具在朕不能曲為寬假也思之慎之 甲子諭內閣朕夙夜孜孜以吏治民風為念惟蘇松所屬擅賦浩繁民欠累積官吏借此侵漁姦徒肆其已攬若不徹底清查則吏治難以整肅民風無由淳厚是以特命大臣總理清查之事又遴選大員分查州縣協理令將官侵吏蝕民欠三項明晰清釐不得絲毫朦混又屢次降旨將蘇松等七府太倉等五州歷年帶徵地丁漕項錢糧一概暫停徵比俟釐剔清楚之後再降諭旨并令該督撫通行出示曉諭是朕於清查一案已申示再四可謂明白詳備矣乃承命之員奉

行不善其始以爲官侵無幾遂將紳矜所欠帶徵之項指爲官侵以致姦胥靈吏借端挾詐如松江候選州同朱榮椿者積欠錢糧九百餘兩而爲靈書記詐亦至九百餘兩此其明驗也又聞不肖州縣有以里圖櫃書侵蝕之項將來難於歸著議令官戶富戶分派攤賠者又有將帶徵錢糧加增火耗以補官虧者其說雖未足盡信然人言藉藉總理其事者寧未聞之耶此皆由於承命之員不能深體朕心而以徵比爲清查之誤也設朕欲藉此爲催徵錢糧之計從前又何以降旨停徵乎其有自願完納仍令地方官收受者緣浙江總督李衛奏京陛見時奏稱江南舊欠錢糧自奉諭停徵之後凡有願完者州縣官恐涉先後後吐之嫌概不收受於民情頗有未便等語朕以民間凡有隱匿錢糧尚准其自首豈有願完舊欠而不准其輸納之理是以諭令戶部行文該總理清查大員知之乃不

意奉行者遂借此爲由將停徵之項概行催徵名曰勸輸差役追呼甚於嚴比近見各員所奏有稱已完一百餘萬者有稱旬餘之內州縣完三萬餘兩者而溫而遞奏云此番清查首在勸其完納不徒在於造冊又聞未滿緒告人云鎮江一府舊欠二年內必令其全完是各員俱以完納錢糧爲重而以清查官侵吏蝕民欠置之度外矣與朕旨不大相違庭乎著將未完積欠概行停徵其中或有官吏侵蝕今自首完納贖罪者聽其交庫外其餘民欠即有情願交納者亦不准收受該總理之員務令分查協理各員恪遵前旨將官侵吏蝕民欠分別清釐無得絲毫朦混儻仍有私行徵納及將民欠內之官戶富戶掩蓋官吏侵蝕者該督撫及總理大臣即行指叅從重治罪儻隱徇不舉或失於覺察經朕訪聞定將該督撫等一併交部嚴加議處又聞分查之員令各戶自行首報夫前旨之准

令自首者乃侵蝕錢糧之官吏此等侵蝕之人本有應得之罪朕不忍其盡罹國典是以令其據實自首則從寬免其治罪至於歷年積欠前已分年帶徵今又一概停徵伊等又有何罪而令其自首乎總之各員不知朕澄清吏治惠養小民之心而惟以錢糧為重朝廷之德意不能宣究於下司其事者寧無愧乎諭到著督撫布政使即刊刻頒發所屬凡遠鄉僻壤悉行張貼使官吏紳衿軍民人等咸知朕意○吏部議覆給事中吳德慎條奏八旗文移稿案由由管檔領催繕寫伊等多係兵丁出身於滿漢文理不能通曉不無草率舛錯之處請嗣後八旗監生員官學生內有通曉滿漢文理情願在卷領處効力行走者令該都統等按旗揀選滿洲每卷領下酌派二員蒙古漢軍每卷領下酌派一員校為貼寫筆帖式辦理一切檔案事件五年期滿該旗咨送吏部考試繕譯取中後以部院

衙門筆帖式補用應如所請從之○己丑諭內閣記載之失實人多忽而不知覺察朕侍皇考聖祖仁皇帝數十年時時祇聆聖訓今觀臣工記載者舛錯踈漏之處甚多朕動輒訛舛自張廷玉為大學士聽朕諭旨悉能記憶繕錄呈覽與朕言相符蓋記載一事良非易易覺釐千里之差不可不慎是以諸臣欲記朕諭者朕皆令繕寫進呈之後方許存稿恐其失實以傳訛也朕因科甲積習有關世道人心屢進翰詹科道諸臣而面諭之旋令翰詹等百餘員記錄所聞繕摺以進朕一一披覽則人人各殊有與諭旨全不相符者有數語偶合而記憶不全者又有詞句鄙俚意義家晦者以一日同奉之諭旨而至於百其人者百其說不亦舛謬之甚乎其中若有能文之士私自存錄傳流於後遂以為朕當日之訓旨固然也其貽誤不淺矣朕觀前

史所載未可全信每滋後人之口實如漢文帝見賈誼問以鬼神至夜半前席一事李商隱則爲詩譏之曰可憐夜半虛前席不問蒼生問鬼神夫賈誼入見時文帝方受蘆坐宣室因感鬼神之事而問之此固非問蒼生時也如欲問蒼生之事隨時可以召對又何必夜半哉至於坐久前席亦尋常事耳且文帝漢之賢主也恭儉仁厚移風易俗閱歷世務深矣視賈誼之疎狂少年才識相去何嘗什伯蓋知其不足與問蒼生故姑問鬼神耳賈誼經濟具見治安策中不獨論當世之務迂澗難行其於堯舜之治道亦未窺見本原也賈誼之策僅託諸空言文帝之功已見諸實事文帝豈棄才之主哉而王勃又謂在賈誼於長沙非無聖主竄梁鴻於海曲豈乏明時朕以爲屈賈誼於長沙必須聖主竄梁鴻於海曲正待明時鴻之說激自棄於肅宗之朝誼之狂疎未足以佐文帝之治安得以是爲

二君譏議哉孔子嘗言爲君難即此可見說有一夫私議妄自記載非惟庸主無由剖析雖明哲之君亦何從聞見而正其是非其流傳失實受誣於後世者不知凡幾矣孟子曰盡信書則不如無書誠以記載未可盡憑而欲杜好議論者之口也人情厭常喜新稗官野叢好事者流無端撰成一說娓娓動聽按之皆子虛烏有此其荒唐誕幻無足論者若夫記言記事國之大典將以徵信後世烏可或忽今乃新承提命而記錄多舛尚足當哉筆纘言之任而無忝乎用是蒼萃翰詹諸臣奏摺細加揀汰其與朕之諭旨間有符合者採摭聯綴融會成篇付諸剞劂人賜一帙俾各朝夕觀省是訓是行以祛科甲之積習并知記載失實之非庶乎憬然惕然歷久而勿忘也夫○諭科甲出身官員等國家設科取士原欲得讀書明理之人列於庶位俾皆公忠體國實心任事於國計民生均有裨益此

科甲之所以可重也乃科甲出身之人不思秉公持正以報國恩相率而趨於植黨營私之輩實緣請託朋比袒護以至顛倒是非排陷報復無所不為風俗人心之害莫過於此朕御極以來多有人論科甲中人不可信朕於爾等科甲諸臣推心置腹期待甚厚以為用人者若捨爾等讀書之人則將以何等人為可用然使爾等積習相沿惟以黨護師生同年為事實緣朋比貽害於人心風俗將使為君上者雖欲用科甲之人而有所不可則科甲諸臣抑何自暴自棄貽笑於天下以至此也朕早夜孜孜欲使萬民各得其所措天下於久安長治何事不加整頓釐飭務令秩然就理豈容爾等科甲中黨援積習為世道生民之害而不望其愈然不變乎夫以科甲流品相誇高其風自唐宋以來即有之至前明而流弊已極不知讀聖賢之書惟以致君澤民為責不在科甲之名也古之臯夔稷契

誰為科目乎科目中人遇不從科目出身者即鄙薄而非笑之不知彼之非笑科目者更甚此如江浙人譏山陝為粗魯山陝人亦謂江浙為懦弱何關人品之輕重乎國家用人行政惟責至公有人因科目而營私黨護即有非科目之人偏愛其害如點涉之際不肯者或以科目之黨援而陞擢必有賢才因而屈抑矣賞罰之間有罪者或以科目之黨援而幸免必有無辜因而冤濫矣科甲之器一日不革則天下之公理一日不著爾等當器然醒悟庶可使歷代相沿之弊習廓然頓除也且爾等亦思朕之不惜煩瑣諄諄誥諭必欲爾等覺悟改易者豈惟上為國而下為民乎蓋以爾等品行之邪正於此分爾等名節之成敗於此判而爾等切身之利害更即於此而辨若使請託公行毫無顧忌則地方官員皆得任意作姦戕虐百姓惟其害者非爾之至親族屬即爾之鄉黨鄰里爾亦何所利

馬況爾等以黨援袒護爲利者不過圖一時門度之烜赫而已獨不思身後子孫能必其世世常爲科甲子一朝失勢則爾等子孫不即轉受科目之欺凌傾陷乎目前之利甚小日後之患害甚大朕爲爾等計之熟矣爾等乃不自猛省乎朕非禁絕爾等師生之分誼欲其不相往來也誠使師生同年平時互相規勸勗以道義勵以公忠各爲國家分猷宣力雖日相親近奚害焉且爾等素以師生之誼情同父子則爲父兄者自當教子弟以正豈可使之夤緣請託而不知恥乎爲子弟者自當事父兄以禮豈可與之夤緣請託而不知非乎從來請託營求甚屬無益如州縣選得地方有求部院大臣作書囑託上司者在公立大臣自必不應設或應其所請而致書彼督撫大吏遂首徇情曲庇乎徒使其人恃有與援之請託遂至放佚怠惰不自檢束以極於貪污狼狽難免督撫之奉劾彼請託者

能挽救之乎不如無所請託其有才守者不患無以自見即中材之人亦以冒無倚仗皆警勉砥礪不敢爲非而得以自全然則科目中人爲其子弟親屬鑽營請託者亦愚之至矣朕之訓誨聞學至再至三亦似爲從古君臣之際所最罕得之遺遂爾等皆讀書明理之人果能深體朕懷服膺朕訓幡然洗心滌慮盡改其積習有何不能辦理之事百僚師師和衷共濟何患政治不臻上理乎且人無不可改之過亦無不可化之氣質孔子云雖愚必明雖柔必強惟在其人自勵耳爾等聽朕訓旨不但責於心悅誠服要在身體力行不可一時面從過後輒忘須時時警惕常若在朕前親受提撕方不虛朕諄切訓誨之至意也爾等翰林自以文章爲職業但須爲經世之又華國之文一切風雲月露之詞何所用之若既改官則各有當盡之政務人之心思才力難以兼營不可自負文人荒其職

守蓋文章政治理本相通事無旁貸急所當務方爲盡職至於賦詩飲酒自附於晉人風流此種惡習所當深戒而痛絕者也翰林科道乃國家所賴以轉移風化之人朕所以屬望爾等者甚爲切至朕觀初次訓誨時爾等領會者數十人中數人而已二三次覺領會者過半今則不能領會者大約不過四五人誠知朕所以再三訓諭不惜煩勞者實爲國計民生之休戚實爲人心風俗之安危實爲爾等身家子孫之利害爾等各有天良自應人人覺悟感奮奮然丕變盡去其黨援朋比之積習爲朝廷殫竭忠誠秉公持正辦理庶務將見君臣上下一德一心治道自此而日隆世風自此而日厚我國家億萬年長享昇平爾等于孫亦世蒙其福如此而謂科目之取士固足重也豈不美歟爾等共勉之○朝鮮國王李昫遣陪臣李增等齎表恭謝加賞及賜祭恩並貢方物下部知之○丁卯吏部

議慶監察御史劉吳龍條奏吏部稽俸廳所管事件向令各司帶管實無專責查吏部四司惟稽勲驗封二司事務稍簡請將稽俸廳歸併稽勲司管理至八旗承襲事件向例由吏部滿司官按旗辦理該員或奉差委勢必久需時日請歸驗封司辦理應如所請從之○戊辰諭內閣數年以來治親王及內外大臣中數人協贊朕躬忠誠宣猷爲國家辦理政務勤慎奉職甚屬可嘉治親王之儀仗著增一倍大學士張廷玉著加少保大學士蔣廷錫加太子太傅刑部尚書勵廷儀加太子少傅靖邊大將軍公傅爾丹寧遠大將軍公岳鍾琪雲貴廣西總督鄂爾泰俱加少保河東總督田文鏡加太子太保浙江總督李衛吏部尚書查即阿寧夏將軍席伯俱加太子少保○禮部議覆監察御史高山條奏直省鄉試各房分經校卷之時其佳卷多者應盡數呈薦不得以本房額滿強抑英才其實

無佳卷者不得濫取充額主考官統閱通場  
之卷拔其尤者分經取中後將呈薦佳卷多  
者分給少者之房會試亦照此例應如所請  
從之 己巳諭理藩院嗣後每歲換班來京  
之王貝勒貝子公台吉等俱令按班行走萬  
壽令節不必來京其喀喇沁土默特離此甚  
近往來行走之處令其自便○庚午

萬壽節停止朝賀筵宴 遣官祭

福陵

昭陵

昭西陵

孝陵

孝東陵

景陵 遣官祭真武東嶽城隍之神

大清世宗敬天昌運建中表正文武英明寬仁  
信毅大孝至誠憲皇帝實錄卷之八十七



大清世宗敬天昌運建中表正文武英明寬仁  
信毅大考至誠憲皇帝實錄卷之八十八

世宗憲皇帝實錄卷之八十八

世宗憲皇帝實錄卷之八十八

世宗憲皇帝實錄卷之八十八

世宗憲皇帝實錄卷之八十八

世宗憲皇帝實錄卷之八十八

教修

雍正十年己酉十一月辛未朔○癸酉冬至

祀

天於

團丘

上親詣行禮○遣官祭

永陵

福陵

昭陵

昭西陵

孝陵

孝東陵

景陵○諭滿漢文武大臣今日冬至祀

天於

團丘天氣清明和藹迥異平時朕御極以來時

時默禱凡遇

壇

廟祭祀典禮所關皆求

上天賜以晴和天氣而齋戒之日朕必虔誠敬

謹以為昭格之本不敢絲毫怠忽乃數年之

中蒙

上天鑒察朕心每逢祭祀典禮或先期風雨或

過後陰寒而本日行禮之時必晴霽澄如此

萬耳萬目所觀瞻歷歷不爽者天道至公惟

佑善人一念善天錫之福一念不善天降之

災且天道至近時刻照臨於前後左右帝王

有帝王之天臣工有臣工之天即匹夫匹婦

亦有匹夫匹婦之天舉首即是動念即是不

以貴賤殊亦無須火離也善惡之報全視乎

其人之自取即如播種者種稷生稷種黍生黍又如擊器者擊金則爲金擊石則爲石擊此一定之理無可疑者然其善惡之分又必視乎其心之公私所謂私者不但徇情枉法禁臧受賄然後謂之私有沽名邀譽之念亦是私有計較利害之念亦是私有迎合君上之念亦是私必將毀譽得失全不計及只一念順理而行以俟天命此乃所謂誠也然必敬而後能誠古之聖賢以主敬爲本惟其主敬是以念茲在茲不愧屋漏無漸於影處處可以對天則不善之念何自而萌乎既無不善之念則是一身之中方寸之內有獲福之基無招禍之理焉有不荷神明之默佑而順適暢遂者乎爾諸臣試遵朕言而行自然覺悟自有效驗也總之爲君爲臣之道只有敬天勤民二端而用人行政即在敬天勤民之內爾等每當頒祿受賞之際咸感朕恩不知朕之所以自奉與遠及大小臣工者皆

百姓之脂膏也君若臣共受百姓之奉養而於教民養民之道漠不關心聽其失所清夜捫心何以自安尚云可以對

天地而無慚乎吾君臣當共勉之○停止次日

朝賀○陞浙江按察使方觀爲陝西西安布政使司布政使調江南安徽按察使劉樞爲浙江按察使司按察使陞江南江蘇糧道馮景夏爲安徽按察使司按察使仍留糧道任管理清查錢糧事務以太僕寺少卿魯國華

暫署江南安徽按察使司按察使○甲戌諭

內閣朕思治河之道惟有使黃水暢流無所壅滯則水慶安瀾然欲黃水無所壅滯必須保固高家堰堤工使清水力能敵黃且以助

其暢流之勢則河工永遠無慮從前齊蘇勒雖將石工稍加幫修而朕以爲不若多費帑

金於堤工險要之所及單薄之處俱加修石

工務令堅固高厚以爲久遠之計前孔毓珣陛見時朕以此諭之伊亦深以爲然可見高

堰堤工乃必應加增修理者也著發戶部帶銀一百萬兩交與孔毓珣尹繼善董畫相度有應豫備物料之處即於歲內採買早為豫備再者汪澄對琳張垣麟吳昌祚前往淮上協同河臣等悉心辦理○貴州巡撫張廣泗進呈黔省瑞穀得旨朕從來不言祥瑞是以從前降旨自雍正五年以後各省所產嘉禾俱停進獻今據貴州巡撫張廣泗奏稱新聞苗疆風雨應時歲登大有所產稻穀粟米之屬自一莖兩穗至十五六穗不等稻穀每穗四五百粒至七百粒之多粟米每穗長至二尺有奇特將瑞穀呈覽並繪圖附進朕覽各種瑞穀碩大堅好迥異尋常又據廣西巡撫金鉉摺奏粵西通省豐收十分者十之九九分者十之一穀價每石自二錢以至三錢二分乃粵西未有之事朕思古州等處苗蠻界在黔粵之間自古未通聲教其種類互相讎殺草菅人命又常越境擾害鄰近之居民

劫奪往來之商客以致數省通衢行旅阻滯迂道然後得遠而內地犯法之匪類又往往逃竄藏匿其中此實地方之患不得不為經理者今總督鄂爾泰董書周至調度有方巡撫張廣泗敬謹奉行殫心奮力地方寧謐和氣致祥感召

天和黔粵二省歲登大稔而黔省碗瘠之區苗夷新聞之地又蒙

天賜瑞穀顯示嘉徵以表封疆大臣之善績朕

心實為慶幸若歸美於朕朕不居也著將張廣泗所進瑞穀圖文與武英殿繪畫刊刻頒賜各省督撫俾觀覽之共知勉勵○議政王大臣等遵旨議覆喀斯地方為準噶爾通青海西藏之要口理應撥兵駐守其辦理軍需已奉旨派張廷棟葛森蕭滿儀傅寧等奉酌定軍營事宜恭候欽定○派撥官兵京城八旗挑選兵二百名派前鋒參領護軍參領前鋒侍衛副護軍參領護軍校等共二十四員

管領歸化城挑選兵三百名派參領佐領護軍校驍騎校等共十員管領科爾沁等四十三旗挑選兵一千名派台吉都統副都統參領佐領驍騎校等管領青海等三十旗挑選兵一千五百名派台吉官員等管領其分別支給跟役口糧馬匹器械賞養糧餉等項悉照北路大兵之例一官兵起程日期京城八旗兵明年正月起程歸化城兵三月起程科爾沁青海等旗兵酌量明年青草發生時沿途遊牧前往柴旦木至嘉峪關中間應設臺站以便遞送文書噶斯地方狹小可駐兵百名餘俱在柴旦木駐牧柴旦木之西為得布特里應駐兵六百名又西為察罕烏蘇應駐兵四百名二處皆有水草牧放吏覺擊援聯絡矣從之○兵部議覆雲貴廣西總督鄂爾泰疏言廣西右江鎮向設左右二營左營遊擊守備同總兵駐劄峽右營遊擊駐劄百色右營守備駐劄泗城府治查峽樂形

勢低窪微有煙瘴兼非適中扼要之區百色地方人煙稠密實黔滇之門戶請將右江鎮總兵官及左營遊擊弁兵等移駐百色留左營守備一員把總一員兵一百五十名駐峽樂右營守備亦撤回百色移右營遊擊帶千把總各一員撥原防百色汛兵一百名合泗城舊設兵二百七十八名駐泗城府治均應如所請從之○乙亥陞山西按察使葛森為陝西甘肅布政使司布政使辦理噶斯軍需甘肅布政使孔毓璣仍留原任陞巡察山西兵科給事中宋筠為山西按察使司按察使○丙子諭內閣前因北路軍需須用駱駝鞍屨諭令山西地方製辦聞該省民人凡有羊毛繩料之家各出所有赴官領價工匠亦一時爭先應募共計二十餘萬件之物料工作不勞而集於月餘之內此皆該省大吏平日善於訓導民人其製辦器物備募人工又照數給與價值而該省民人又懷尊君親上急

公趨事之心是以備辦軍需靡情歡躍剋期告竣甚屬可嘉巡撫石麟布政使蔣泗著文部議敘凡委派辦理之員亦著議敘再將該省辛亥年額徵地丁銀蠲免二十萬兩於辦理鞍厄之各州縣按畝均派使小民共霽實惠以示朕恩獎官民之至意○怡親王允祥奏辭增加儀仗得旨數年以來朕於怡親王有加恩議敘者王多再三奏辭情詞懇切朕勉從所請者有之王忠誠敬慎輔弼朕躬為國家宣猷効力之處甚多昨朕降旨加恩於內外公勤任事之大臣數人因念王之勲勤較之諸臣為最若不錫以獎功之典朕心實有未安是以增加儀仗一倍以表觀瞻稍示朕嘉予賢王之意在王領受竝非越等逾分之事已頒諭旨不必固辭○以兵部尚書路振揚為鑾儀衛鑾儀使陞湖北巡撫署陝西肅州總兵官馬會伯為兵部尚書仍辦理軍需兼管肅州總兵印務○陞山東布政使費

全吾為湖北巡撫○丁丑議政王大臣等遵旨議奏京口福州廣州三處漢軍將軍標下設有綠旗官弁原以彈壓地方應援全省今綠旗兵丁僅供使令從不差操又據浙江總督李衛條奏鎮江重地宜添兵防守應請行令京口將軍於左右兩營內撥兵三百二十名歸入鎮江城守營分派巡防其京口福州廣州將軍標下綠旗兵丁俱令照額募補不得私自役使得旨當日各省設立漢軍駐防固人數不敷是以添設綠旗兵丁今該將軍管轄今漢軍生齒日繁駐防之餘丁日漸蕃行足供差操之用嗣後將軍標下綠旗兵缺出即將漢軍餘丁頂補仍食綠旗糧餉但綠旗兵丁內有祖父食糧年久若其缺既今漢軍頂補則伊等子弟不得食糧未免衣食無着於本省督撫提鎮標下并同城附近營汛內有開除名糧即將此等之人充補○戶部議覆翰林院編修吳應筭條奏州縣民壯

多寡不一多者五十名少者三十名因各省  
司道府廳等官每於州縣壯丁內派撥為隨  
身健下以致銜繁之地不敷差遣嗣後請將  
銜要州縣之民壯俾其派撥其簡僻之處照  
舊派撥應如所請從之○改江南漕標徐州  
營副將一員守備二員千總二員把總四員  
兼轄蕭營守備一員把總一員兵一千名宿  
遷營遊擊一員守備一員千總二員把總四  
員兵六百九十三名歸江南河標管轄從署

江南河道總督尹繼善請也○咸京刑部侍  
郎兼署奉天府府尹王朝恩疏報遼陽海城  
等八州縣開墾雍正六年分田地二百五十  
頃有奇下部知之○戊寅諭內閣從來開國  
之初必有從龍之佐或開疆拓土茂建宗廟  
或陷陣衝鋒捐軀殉節至於承平之後伐叛  
討逆其行誠宣力之臣壯猷忠節並足以垂  
光竹帛流譽無窮為人上者無不存篤念忠  
懇之心於本身厚加贈卹尤切望其子孫克

紹前歲永受優待功臣之澤為之子孫者自  
當謹守家風努力奮志砥礪廉隅世世為國  
家有才之材以繼述先烈即或貧寒不能自  
振國家自必加以恩澤周恤其身家而不亞  
於困苦無依也乃功臣之後往往有不肖子  
孫自甘敗類或謀私結黨欺君誤國或貪贓  
壞法虧空國帑陷身刑辟以致發遣遠邊妻  
子入辛者庫在國家之法雖宗室懿親亦不  
能曲為寬宥豈能於忠節之子孫別開寬假  
之路乎此等之人不念先人之心跡以致深  
負國恩非惟不忠更兼不孝其祖父有知亦  
應深惡而痛絕之且國家遇此等人寬之以  
恩則法有所不伸置之於法則情有所不忍  
為君者實處兩難之地其人之罪尚可言乎  
然伊等思於冒濫而并忘其先人朕豈忍不  
念舊勳而不推恩及其後裔上年降旨令各  
旗將功臣之子孫內有犯法問罪及虧空地  
欠者一一查出具奏今年各該旗陸續查奏

前來朕詳加披覽斟酌情罪或其中勲節之後嫡派止此一二二者如施世驊等共六十二員名下應追未完銀共五十四萬六千九百五十五兩金五百兩米一十七百二十一石此各項錢糧俱係國家公帑非朕所得私自用恩詔免者著將內庫銀兩照數撥補代為伊等完項其或擬以充發監候及妻子家屬入辛者庫等罪者舉行寬釋凡此邀恩宥貸之人皆當捫心自愧刻骨銘肌并勉其子弟遠善達孝母或仍蹈故轍儻有過犯豈能再選倖免凡屬忠節之子孫皆當以此為戒共加奮勉儻因此次格外之恩或生玩法之念是朕之加恩不能勸人為善轉至導人為非矣豈不重負朕念舊褒忠之至意乎凡此寬宥人等儻有貧乏不能自給者准其於該都統處具呈俟該都統奏聞朕當另加恩恤以存養之○裁四川打箭爐沈村二驛驛丞各一員其驛務就近歸併雅州府同知及瀘定橋

巡檢管理從四川巡撫憲德請也○己卯諭內閣管理阿爾泰臺站內大臣克什圖寧夏將軍席伯俱係軍前効力勞績茂著之人著各賞給拜他喇布勒哈番世職○戶部等衙門議覆原任湖南巡撫王國棟疏言岳州府屬之澧州距府遠請陞為直隸州將安鄉石門慈利三縣并將九澗永定二衛改為一縣俱歸澧州管轄其新設縣治請於永定衛原駐之裴家河地方建立衙署應設知縣與史教諭訓導各一員縣學取進童生十五名九澗衛舊治應設巡檢一員稽查盜匪至二衛守備俱請裁缺均應如所請從之尋定新設縣曰安福○壬午行聖公孔傳鐸奏請捐貲建立

聖廟碑亭得旨行聖公孔傳鐸來京朕本欲召見面降諭旨因伊步履艱難不能進見特命大學士傳旨慰問頒賜食饌以示眷懷其應建碑亭二座著欽差留保等動支正項錢

糧鴉工興造孔傳鐸所請捐貲之處不必行

○癸未

聖祖仁皇帝忌辰遣官祭

景陵○甲申調福建福州左翼副都統高岫回

京陞廣東惠州副將鄧鼎為福建福州左翼

副都統○乙酉論內閣原任都統馬齋昔年

征勒吳逆時著有勞績伊子常春在外任居

官尚無貪贓款蹟祇因與石禮哈阿克敦官

違等朋謀排擠楊文乾又在朕前奏事不實

以致罹於重譴今朕念伊父之功將伊免罪

釋放另有降旨錄用之處○定滿漢科道品

級六科給事中俱為正五品各道御史滿洲

例由員外郎陞授漢軍例由郎中陞授俱為

正五品漢御史由內閣侍讀翰林院編修檢

討各部郎中員外郎補授者為正五品由主

事中行評博行取知縣補授者為五六品○

賜朝鮮國陪臣李增等宴賞賚如例○丙戌

諭內閣私販硝磺禁約甚嚴聞湖廣永順之

八三

耶里等處與川省連界地方素產硝磺土人

以前熟為業外省小販多以布鹽雜物零星

換易運至梅樹地方分發而私販者即於此

處僱船裝載分往各處發賣以致附近之苗

人得以偷買私製火藥此皆州縣有司疎忽

怠玩之故著四川湖廣該督撫等轉飭該地

方官嚴行查禁備有犯者按律治罪若地方

官仍玩忽疎縱著即題參議處○命甘肅布

政使孔毓璞前往甘涼一帶地方就近辦理

軍需○調山東按察使公元來京陞山東鹽

法道唐紹祖為山東按察使司按察使○丁

亥諭內閣前據靖邊大將軍傅爾丹摺奏統

領北路大兵出口已到阿爾泰駐劄所過沙

碛地方從來無水草之處今歲青草暢茂清

泉湧溢士馬飽騰且冬月天氣和暖晴明眾

心無不歡忭又○外料理臺站之內大臣克

什圖來京所奏相同又據寧遠大將軍岳鍾

璣摺奏統領西路大兵出口已到巴爾庫駐



劉所過沙磧地方水草並無缺乏道遠坦適  
天氣晴和軍旅歡悅以為神助等語自兩路  
大兵啓行以來邊塞長遠深繫朕念仰蒙神  
明默佑士馬安寧且於沙磧從無水草之區  
顯賜靈應朕心實為感慶應於北路西路各  
建廟宇虔誠展祀以答神貺○移湖北武昌  
守道駐黃州府城安陸府同知駐沔陽州之  
黃蘆山從湖廣總督邁柱請也○戊子諭內  
閣西路軍需前經寧遠大將軍岳鍾琪悉心  
經理善畫周詳一一妥協今岳鍾琪領兵出  
口乃地方巡撫大吏有司之專責自應竭力  
遵照辦理而許容在任凡事推諉馬會伯但  
以潔己為務不肯據實查即阿武格又係新  
任諸凡未諳上司屬員彼此猜疑推卸明年  
乃進兵之期間係最為緊要伊等之身家注  
命猶其小者耳應命在京大臣前往稽察督  
理方於軍務有益著兵部尚書查弼納往陝  
總理稽查軍需諸務常德壽常會俱著各給

印信并令來驛往來遇有分辦之處即分任  
其事仍聽查弼納調度凡關係軍需事件俱  
著查弼納等相機派委該督撫料理其有應  
行續辦者即令地方官動支錢糧辦理奏解  
若地方官有侵欺擾民者一面革職等因一  
面奏請審擬其怠忽遲延者自督撫以及文  
武員弁俱著即行題參如有指稱軍需名色  
擾累民間之棍徒胥役著即題請正法○調  
戶部右侍郎王廷揚為工部左侍郎工部左  
侍郎汪潑為戶部右侍郎以太僕寺少卿阿  
弼署戶部左侍郎事○停止勾決直省秋審  
情實人犯其有可矜者酌議俱減等發落○  
旌表直隸鉅鹿縣烈婦史有邦妻譚氏拒賊  
不辱被刃殞命給銀建坊入祠致祭如例○  
己丑以翰林院修撰彭啟豐編修吳應枚俱  
充日講起居注官○戶部議覆原任戶部侍  
郎王璣條奏山西蒲州府屬分縣治河增兵  
事宜三款一臨晉縣之虞鄉鎮請分設縣治

增置知縣典史巡檢各一員其臨晉縣現設  
教諭訓導各一員額取童生二十名請將訓  
導一員撥管新縣儒學事務童生各分取十  
名一涑水一河經臨晉縣之東界猗氏縣之  
西界地處窪下時有侵溢請於東西兩岸各  
建水門木閘二座以時啓閉○蒲州府城內  
請添設千總一員兵一百六十七名該府之  
永樂鎮添外委把總一員兵十名臨晉縣城  
內添兵十名該縣之角杯村添把總一員兵  
二十名其虞鄉鎮新設縣治添外委把總一  
員兵十名均應如所請從之尋定新設縣曰  
虞鄉○以故杜爾伯特扎薩克固山貝子巴  
圖子班珠爾襲爵○庚寅陞正藍旗護軍參  
領吳爾澤爲

福陵總管○刑部議覆尚書德明條奏律內向  
無竊盜証良治罪之條故兇惡之徒肆行扳  
害嗣後竊盜有將良民詐陷或指稱窩贖妄  
行扳害者應加等比依三犯竊盜分別贓數

多寡治罪如地方官故行徇縱照失察証良

例誣扳致死者革職未經致死者降四級調

用再強盜扳害良民較之竊賊誣扳被害尤

甚請嗣後除首盜殺人及傷人夥盜并行劫

三次者俱例應正法無庸加等外其未傷人

之夥盜有誣扳良民者加等照夥盜傷人例

擬新立法均應如所請從之○裁直隸古北

口監督其稅課歸密雲縣徵收從戶科給事

中巴圖請也○辛卯免浙江江山縣本年分

水丈額賦有差○癸巳諭兵部開省武職等

官多長於水師而未諳陸路著各省督撫於

千把總內挑選人材壯健弓馬嫻熟者咨送

閩省交與該督撫以備題補之用其應作何

酌量咨送名數之處著該部議奏尋議江南

湖廣應各揀選千總五員把總四員浙江應

揀選千總三員把總二員江西應揀選千總

一員把總一員行令各該督撫等給咨赴部

引見恭候欽定命往閩省該督撫等遇有陸

路守備員缺將揀選之十總補千總員缺將把總扶補從之○江南崇明總兵官林秀緣事革職調廣東左翼總兵官施廷專為江南崇明總兵官陞福建延平副將李維揚為廣東左翼總兵官○兵部議覆雲貴廣西總督鄂爾泰疏言粵西營制惟撫提及左右二鎮標設有馬兵其餘桂林等六協全州等十三營因馬匹久經裁汰以致兵丁騎射生疏請復設戰馬共四百匹各按營制地宜酌量分撥其馬兵即於各協營步戰兵內挑補按期操演應如所請從之○旌表滿洲正藍旗烈婦故五品典儀官張寶妻唐氏守節不污拒姦被殺給銀建坊入祠致祭如例○乙未諭內閣凡文議條陳事件其原條陳之大臣亦著入班會議○署川陝總督查郎阿疏言招往安西沙州等處屯墾民戶統計共有二千四百零五戶所種小麥青稞粟穀糜子等項計下種一斗收至一石三四斗不等其餘

各色種植亦皆豐厚家給人足莫不歡忻樂業臣恐口內姦販囤戶聞糧多價賤與販射利已令總兵道員嚴行查禁竝傳諭民戶按一年所需扣存外其餘即在本處糶青以濟兵丁商民口食得宜安西屯墾地畝今年人力既勤天時復稔各種糧穀俱獲豐收朕心深為慰慶今查郎阿禁止姦徒與販射利辦理甚是惟是飭令民戶多餘之穀只許在本處糶賣尚未妥協朕思民戶盈餘之穀原期糶價以為日用之資若本地糶穀者必剛出糶未免艱難不可不為計及著該地方官酌量本地情形不必相強若有籽盈餘之穀情願出糶者著勒支官銀照時價糶買存貯公所明年僅有需用之處聽辦理軍餉之大臣及該督撫行文支撥安西現有備用銀兩即可動用採買再於西安藩庫撥補運項此朕體恤民戶俾糶穀得價用度豐裕之至意著地方官善於奉行不可勒令糶賣生事滋擾

○以故青海尼魯特扎薩克輔國公冊凌子色卜騰達什襲爵○旌表直隸開州烈婦王坤妻劉氏拒姦不污投繯殞命給銀建坊入祠致祭如例○丙申諭內閣密親王允祜安葬著賜祭一壇遣禮部堂官一員前往致祭○諭理藩院八旗遊牧地方甚屬繁要近來總管等仍有貪婪勒索屬下之事蒙古等雖欲陳訴情由因無巡察之人即有令克受抑者亦無處控告著於每年或部屬司官或監察御史派出一員令其巡察如有此等之事即著據實奏參備拘庇隱匿被接任之員查出將巡察官一併從重治罪其歸化城亦照此派往○陞署戶部左侍郎太僕寺少卿阿山為內閣學士兼禮部侍郎仍署戶部侍郎事○工部奏泰華道員吳應龍修造威寧城工逾限應照例治罪得旨凡官員居官聲名不姪有員任使者聞令於該地方工程効勞以示懲儆非其人犯罪甚重應籍沒家貲者

可比也為督撫者於此等人員之身家有餘不足豈無聞見自應審度伊等之力量分別工程之大小派令辦理若不量其力而驟與以重大之工程則伊等自度力不能完即使竭度從事仍不得免於罪謫勢必觀望遲延并其所有之力亦退縮不前矣於工程有何裨益嗣後凡有此等効力人員著該督撫等詢問本人情願如何効力再察其力量果與所認相符然後派撥工程具奏請旨倘有欺誑推諉不肯據實承認者著該督撫題參再行治罪吳應龍既稱有產可變著該撫詢問令伊將實在力量據實供出即照伊力量派委工程令其遵行修理○丁酉諭內閣大學士孫柱雖素餐多年生平尚無大過且年已八旬

先帝舊臣在朝者甚少著將伊名下應追銀兩俱行豁免其侍俸案件亦著開復以昭朕優恤老臣之至意○工部右侍郎法保緣事革

任陞都察院左副都御史宗室爾赫為工部右侍郎以署鑲白旗滿洲副都統二格為都察院左副都御史仍署副都統事○敕封京都雲師為順時普蔭雲師之神雷師為資生發育雷師之神○署福建總督史貽直奏言原任臺灣叅將林子龍前被陳倫炯揭報經高其倬據揭題叅今審得縱兵聚賭廢弛營伍二款毫無憑據即招會婪贓一款亦歷審並未入已查林子龍從前効力戎行頗著勞績訪其在任頗得兵民之心若遽令放棄甚為可惜可否令其來京引見量加委用得旨林子龍從前引見時原經朕記名係武弁中壯健材能之員後被陳倫炯揭報會芳款蹟因將伊革職究案今據史貽直一一審訊各款皆虛是陳倫炯之揭報實為屈捏凡為文武大臣者秉公舉劾屬真乃職任中第一要務今陳倫炯將材能歷練之林子龍枉加彈劾而所特薦之遊擊洪繼龍則甚屬庸常

高其倬亦言其不勝臺灣之任是陳倫炯之舉劾顛倒實與公是非相反又何以使所屬員弁共知勸懲乎陳倫炯受聖祖仁皇帝多年教養之恩朕又加任用乃伊不思至誠報効仍復苟且營私返之於心何以自問著該署督傳旨詢問確取口供具奏林子龍著仍留閩著文與該署督以叅將副將酌量題補○己亥諭內閣各省兵丁於糧糈之外給以季餉所以撫養士卒令得仰事俯畜以為地方捍衛所關甚重而朔銀一項於俸餉內扣留貯庫為各營買補馬匹之用亦國家恤兵至意也近聞直隸布政司衙門查吏於請領朋銀時每匹扣陋規二兩至二兩五錢不等直隸如是他省大約皆然夫倒馬立有限年報銷復有成額空糜器費弊弊侵扣嗣後著各督撫及布政司查照定例按期給發如有查吏增減克扣遲延等弊各該督撫即行究按律重處儘督撫失於覺察

布政司不能差別弊端朕有訪聞定一併嚴  
加議處至兵丁歲底預借春餉及支放季餉  
亦聞有不肖餉書於放餉則需索李規於借  
餉則科歛借費此種姦弊深可痛恨著各該  
督撫一併嚴查禁革務須按季給發不得遲  
延該部通行直省督撫布政使將朕諭旨刊  
刻曉諭俾官吏兵弁等咸知之○諭兵部常  
色禮患病著加謹調養將軍印務著泰布管  
理副都統蘇圖回至軍前著在叅贊上行走  
舒穆額不必來京○庚子諭內閣奉天地畝  
向來多有隱匿每有三四畝止報一畝者是  
以弊以上則徵科民力輸將甚為寬裕後因  
有隱匿積弊民間互相爭競紛紛計訟官民  
不便前歲朕遣大臣官員清丈漸次釐正田  
畝皆得實數今若按畝俱照舊則徵糧恐小  
民輸將無力著盛京戶部侍郎會同奉天府  
府尹確查田畝之肥瘠分別上中下三則起  
科酌定成額永著為令○以都察院左都御

史三泰著兵部尚書事○以正白旗漢軍副  
都統公慶復著鑲白旗漢軍都統○議政王  
大臣等議覆署廣東巡撫傅秦疏奏暹羅國  
進貢方物并請採買京弓銅線應否採買賞  
給之處請旨遵行得旨暹羅國遠隔重洋輸  
誠向化恭順修職歷有年所其所請採買物  
件著行令該撫採買賞給以示朕嘉惠遠人  
之意

大清世宗敬天昌運建中表正文武英明寬仁  
信毅大孝至誠憲皇帝實錄卷之八十八

大清世宗敬天昌運建中表正文武英明寬仁  
信毅大考至誠憲皇帝實錄卷之八十九

教條

雍正七年己酉十二月辛丑朔山西巡撫覺

羅石麟疏言軍需所用駝鹿等項皆省士民

情願自備車驛運送歸化城踴躍爭先似難

禁阻得旨前因軍前需用駝鹿鞍鹿今皆省

製辦三萬副該省人民急公趨事朕已降旨

蠲免該地方辛亥年額徵銀二十萬兩以示

嘉獎今因運送鞍鹿該省士民等又復歡欣

効力甚屬可嘉著該撫等傳旨獎勵仍令各

領應得之腳價不必回解○看封哈密鎮國

公額敏為圓山貝子○裁山東濟南府屬之

譚城安德昌平太平魚邱在山六驛驛丞各  
一員從署山東巡撫撫費金吾請也○壬寅諭  
大學士等朕之本意原欲於

孝陵

景陵之旁卜擇將來吉地而堪輿之人俱以為  
無可營建之處復經選擇九鳳朝陽山吉壤  
具奏朕意此地近依

孝陵

景陵與朕初意相合及精通堪輿之臣工再加

相度以為規模雖大而形局未全穴中之土

又帶砂石實不可用今擬怡親王總督高其

倬等奏稱相度得易州境內泰寧山太平峪

萬年吉地實乾坤聚秀之區為陰陽和會之

所龍穴砂水無美不收形勢理氣諸吉咸備

等語朕覽所奏其言山脉水法條理分明洵

為上吉之壤但於

考陵

景陵相去數百里朕心不忍且與古帝王規制

典禮有無未合之處若大學士九卿詳志會議具奏毋議謹按帝王世紀及通志通考諸書歷代帝王營建之地遠或千餘里近亦二三百里地脉之呈瑞關乎天運之發祥歷數千百里蟠結之福匪自非一方獨擅其靈秀

谷泰寧山太平峪

萬年吉地雖於

孝陵

景陵相去數百里然易州及遵化州皆與京師

密邇實未為遠遠又泰寧山雄高厚嶽抽脉

自管涔恒嶽而來襟帶百川分水以拒馬滹

沱為界相其形局既屬大地之凝麻稽之典

章又合三代而同揆伏乞欽派大臣遵照定

制敬謹辦理自集統擬於萬年流嘉祉於奕

葉矣得旨大學士九卿等引據史冊典禮陳

奏朕心始安一應所需工料等項俱著動用

內庫銀兩辦理規模制度務從儉樸其石像

等件需用石工浩繁須勞人力不必建設著

該部遵行諭內閣百官章服皆有一定之

制所以辨等威昭品秩也近來服色頂帶及

坐褥頂馬胸纓之屬每有不按定例任意僭

越者御史有稽查部院之責而各御史中即

有參差不齊之處是已身先有逾分違禮之

咎又何以彈劾他人嗣後紫禁城內著派三

旗侍衛稽查大城內著步軍統領稽查外城

著五城御史稽查倘有違例僭越之人該侍

衛提督御史不行參奏別經發覺者將稽查

之員一併處分江南河道總督孔毓珣摺

奏清口引河工程俟明年水汛時相度舉行

奉

上諭相度妥確然後試行猶非探本尋源之策

若能使淮強黃弱勢可相敵即不行挑濬亦

必暢流無滯不然徒恃此數道引河恐湖水

未必能應手濟用也惟速行湖南一帶石工

加高增厚一例修砌堅固俾湖水無涓滴漫

溢之虞其勢自強自當從清口暢流而出可



免於淺之患矣宜急為斟酌籌畫毋因慎重錢糧區區小見貽誤河防要務改山西潞州屬之襄陵太平二縣隸平陽府解州屬之垣曲縣及平陽府屬之絳縣聞喜縣俱隸絳州從山西巡撫覺羅石麟請也 奏懇諭內閣從前據兩淮鹽政噶爾泰與運使何世瑛奏稱兩淮鹽商因沐皇恩政省運費各項每年省費百萬餘金而臣等又不受其規禮是以各商公送鹽院銀八萬兩送鹽道銀四萬兩但臣等蒙恩已各給養廉實無需用之虞請解部以充公用朕以各商年來省費已多而鹽院鹽道又各有養廉因允所請將此項解京交與內務府為修理道路及各項工程之用至次年噶爾泰與運使張坦麟接照前例復將銀十二萬兩奏請解部此時適因預備軍需因令交與江南織造為製辦綿甲等項之用今噶爾泰與運使高淳又將銀十二萬兩奏請解京現今高淳奏案有需索商人

各款伊若米係用度不足何不即於此四萬兩中支用乃捨應得之項分外貪取於商朕因此於從前之事亦不能無疑矣著將此十二萬兩交與噶爾泰或給還各商或伊有需用之處即將此支用倘伊實無需用之處各商又不願領回噶爾泰現署安徽布政使印務著與魏廷珍確查上江地方有實在無著之虧空將此銀預補以完本地公項 又諭有人條奏內稱廣東諸務廢弛弊端種種如火耗提解收米折色及漁鹽各種稅務俱較昔加增至於盜賊公行誣告不息一切禁令不遵賭具仍賣地方有司並不過問等語朕覽此奏深為駭異朕宵旰焦勞無刻不以民生為念其准令督撫提解耗羨並稽查稅課贏餘者無非除弊止貪均平畫一使官民並受其福也所頒諭旨至數十次天下大小臣工無不共知朕心恪遵朕訓矣何以粵東地方尚有如此情形因提解耗羨而火耗轉致

加增因清查稅課而有司轉行苛索因禁止私販而漁戶益受苦累是以朕愛養百姓之善政而奉行顛倒以濟其貪營巧取之私而置除暴安良移風易俗之政於度外該省從前督撫受朕倚任之重身在地方焉有朕已聞知而伊等漫無督察之理郝玉麟傳奏到任未久嗣後宜整頓經理勿蹈前轍此旨到日著悉心確查嚴行禁約倘不肖有司仍有不知悔改者著參革等因請旨正法如督撫等再有徇隱失察等情經朕察出定行從重治罪○又諭朕即位以來屢有臣工條奏各處地方官徵收落地稅銀交公者甚少所有贏餘皆入私橐雍正三年又有人條奏廣西梧州一年收稅銀四五萬兩不等止解正項銀一萬一千八百兩潯州一年收稅銀二萬兩止解正項銀四千六百兩應令該撫查核據實奏聞并令各省抽收稅銀之處俱據實奏報等語隨經九卿議令各省督撫遵委幹

員監收一年之後視其贏餘若干奏聞俟旨朕思孟子言治國之道首稱取於民有制所謂有制者即一定額徵之數也若稅課之屬無顯然額徵之數則官吏得以高下其手而閭閻無所遵循即如從前各處稅課經地方官徵收有於解額之外多數倍者且有多至數十倍者既無一定之章程則多寡可以任意其弊不可勝言屬員既已貪取上司必致苛求官員既已營私胥役必至橫索日積月累漸有增加之勢而難於稽查豈非民生之隱患乎朕是以允從條奏所請及九卿所議令各省督撫委員監收以定科則其徵收不及舊額者亦令奏聞降旨裁減年來報出贏餘之處朕皆令留於本地或作各官養廉之需或為百姓公事之用使官員用度有賴自不妄取民財使地方公用有資即可寬恤民力無非以小民之財物仍用之於民間不令飽貪官污吏之慾壑而已若該督撫等果能

督率有司奉行盡善將一年所收者悉行奏聞不及額數者請旨減免則賦有常經萬民共受其福矣乃聞外省中多有奉行不善者以朕愛民除弊之善政而庸劣有司借歸公之名或肥身養家或爭多鬪勝以致肩挑背負之微物皆徵收稅課而該督撫等又不悉心稽查民間苦於擾累或起朝廷加稅之疑獨不思朕愛養斯民如江南浙江江西三省額徵錢糧則永遠豁免六十餘萬各省每年蠲免之正賦又一二百萬不等而發帑為地方興修工程者又不下數百萬豈有於數千百萬之帑盒並不吝惜而轉與小民爭此蠲頭之利乎至於提解火耗乃均平通便之道官員有養廉之資民間無苛派之擾上司無得受饋遺徇情瞻顧之私下屬無請託鑽營暗通賄賂之弊屢頒諭旨甚明從前督撫中有請將耗羨歸公者朕切加訓飭蓋此項乃民間之物惟有用之於本地若將餘羨歸公

是朕利其所有矣朕必不為也著各直省督撫將朕此旨刊刻頒布自諭到通行之後倘仍有加添重耗者一經發覺將經徵之員於本地方即行正法其該管各上司失於覺察者亦必從重治罪決不寬貸○陞山東文登營副將曾謙為山東登州總兵官○署川陝總督查郎阿疏言肅州附近嘉峪關一應軍需兵馬俱由嘉峪關出口必先頓歇肅州遂致本地米豆草束昂貴肅鎮標兵額食糧餉本色少而折價多不敷糴買之用請酌量督為加增後不為例得旨朕前因寧遠大將軍岳鍾琪之請特念哈密為軍需往來之地將駐防兵丁增給口糧鹽菜今肅州為大軍出口要道辦理軍務之員咸集其地食指繁多未免物價昂貴著將肅鎮兵丁折支米豆每石於折中一兩之外增給銀五錢每草一束增給銀一分自雍正七年秋季起至大兵凱旋之日俱照增加價值每季按名給發毋得

扣剋侵漁。統入該年奏銷冊內。報部查核。以示朕軫念。遵兵至意。○甲辰諭內閣。十五日。御門辦事。奏事大臣。及引見官員等。俱著用補服。嗣後朕臨御前殿。與應用朝服之日。照常服用。外至御門理事。只用補服。遇應服蟬祀之日。亦著補掛蟬袍。永著為例。○又諭。凡爲人子者。於親喪之禮。不得備盡其心。實爲隱痛。朕親身閱歷而知之。故於內外大小。臣下有不得已令其在任守制者。乃因辦理政務。從權之道。未嘗不體其哀戚之情也。如大學士朱軾。將廷錫丁母憂。皆給與假期。回籍料理。及來京之後。仍令素服辦事。不穿朝服。不與朝會筵宴。俾得盡其守禮之心。其外任官員。或特旨留任。或經督撫題留者。皆著給與假期。令其回籍料理伊親之事畢。而後回任。不强其心之所不安也。嗣後內外大臣官員。若有奉旨。在任守制者。皆准其素服二十七個月。以盡人子之心。若遇朝賀筵宴。祭

祀典禮齊集之處。外省督撫提鎮司道府大員。則委屬員代行。州縣等官。則委佐貳代行。再如直省文武官員。遇朝賀典禮齊集之處。倘偶遇風寒之疾。或肢體等患。亦不宜勉強從事。有承調攝之道。亦著屬員代行禮。其代替之處。督撫提鎮。則報明禮部。司道副叅以下等官。則報明督撫提鎮。著將此旨通行各直省知之。○程表。江南江都縣烈婦張三。選妻吳氏。拉姦不污。服毒殉節。給銀建坊。入祠致祭。如例。○乙巳諭內閣。國家設兵衛民。所以安良除暴。雖尚武勇之力。然必謹守法度。顧惜廉耻。不爲犯法干紀之行。始不負朝廷養養之恩。可以有上進之望。八旗兵丁。國家所以養之者。甚厚。倘有差違。征罰之事。復加意體恤。賞給各項銀兩。行禮之外。復給坐糧。所以蓄畫其用度。養贍其身家。若至周至。渥矣。爲兵丁者。自宜感戴國恩。兢兢奉法。共知自愛。以選爵賞。而沐寵榮。况朕之訓飭。教

導者至再至三豈伊等尚不知猛醒痛改惡習乎乃自藏回陝之八旗兵丁四百名仍有沿途騷擾居民之事經撫臣憲德兩次奏奉共一百三十餘件似此負恩犯法無知無恥朕實為伊等深愧之且其所恃有限乃一時率其犷悍之性不知檢束以致身投法網罪無可逃能不愧悔况損人利己者天理之所不容強奪橫取者國法之所不宥爾兵丁等奈何惟利是貪而不顧天理不畏國法為此可羞可媿之行乎今將該撫所奏各款一一開出並降此旨著交與八旗及各省駐防管兵官員等各抄錄一道每月傳集兵丁敬謹宣讀令其觸目警心時時檢束恪謹遵奉禮部議覆河南學政于廣條奏學政事宜一學臣考試之期提調官例用知府責任甚重嗣後或知府有外委公事請令申詳督撫另委州縣正印官代理不得以佐貳做員塞責一候補廩增豫省舊例雖考列三等亦得新

舊開補硃非鼓舞人才之意嗣後必考居一二等方准與新考上等者開補食餼均應如所請從之○移江西南康府同知駐吳城吳城地方歸星子縣管轄撥九江營弁兵駐防移長嶺巡檢駐青山左蠡巡檢駐渚溪吳城巡檢駐三江口柴棚巡檢駐周漢鎮從原著江西巡撫張坦麟請也○丙午  
孝惠章皇后忌辰遣官祭  
考東陵 廣東學政顧仔疏奏原任連州知州朱振基私供逆戕呂留良牌位經生員陳錫等呈首按察使元展成參奏欽奏諭旨朱振基等著革職嚴審其連州生員陳錫等深明大義不為邪說所惑據實出首以彰名教見士習淳良甚為可嘉著將今年該州應試完場之舉子交與該學政秉公遴選學問優通者四人賞作舉人送部一體會試以示恩獎○世道旨將連州完場硃卷細加覆閱選定盧伯善陳錫吳奇徽戴雲等四名送部會試

以副

皇上獎勵特典下部知之○丁未諭兵部鄂善  
著前往涼州協同秦布辦理事務其駐劄太  
原兵丁著石麟暫行管理○調陝西西安副  
都統卓鼎為陝西寧夏右翼副都統○吏部  
議奏內外文武官員有恩允所請封其曾祖  
祖父者應准並封其曾祖母祖母與母封其  
曾祖母祖母與母者應准並封其曾祖祖父  
從之○授宗室錫錫女為縣君塔羅卜藏西  
拉布為同山額駙○戊申諭內閣廣東益業  
繁多民俗獷悍應設觀風整俗使一員化導  
訓飭令風俗人心漸歸醇厚又該省督撫奏  
稱粵東士習未能端謹請設學政二員一司  
文衡一飭士行以為造就人才之地朕思文  
行本屬相關不可離而為二况廣東地方遼  
闊若司文司行分屬兩員仍各過虛通省耳  
日聞見恐有未周著設學政兩員按該省地  
方分管考試督察廣東觀風整俗使著右通

政焦祈年補授通省教職士子令其兼行稽  
察又諭康熙五十九年陝省解送駝馬進

藏文武官五十員每員借支贛州公庫銀五

百兩為行裝路費之資本係應給之項因當

時該督撫未經題報不敢作正項開銷是以

各員回陝之時仍於各名下著退補項至今

尚有未完銀一萬六千八百兩朕念伊等効

力戎行遠涉藏地雖非銜銓破敵者比而聞

聞行役亦屬可憫著將未完銀兩察行豁免

其已完者悉給還本員或交伊之的屬如該

員有別項虧欠應追者即准其抵補以示優

恤勞役之至意○以順天府府尹孫嘉淦著

工部左侍郎○兵部議覆四川提督黃廷柱

疏言夔州協屬達州太平二營距夔遠難

於控制請就近歸隸川北鎮統轄應如所請

得旨依議近來提鎮等每於到任之後將營

伍事宜條奏更張以為盡職伊等身在地方  
敷陳時事其允協與否部臣不能遠度其情

形每多議准即朕亦以伊等身為本地大員必籌畫周詳然後陳奏是以照議准行者有之乃細加察訪竟有扞格難行或於該地方毫無裨益者是伊等陳奏之時或誤聽人言或苟且塞責豈非確有所見計出萬全之舉也嗣後該提鎮等若於營伍地方事宜果有深知灼見斷不可不更改者方許具奏倘有逆行陳請經部議准而究不可行者定將條奏之人嚴加議處○又議覆重貴廣西總督鄂爾泰疏奏黔省新闢苗疆立營設官事宜一八寨去都勻郡城僅九十餘里實為都黎總隘請將都勻營參將裁去改為都勻協除舊有守備一員千把總六員外應設立副將一員駐劄八寨增建營二員守備一員安兵一千六百名分為左右二營以遊擊一員分駐府城一員隨副將駐劄一丹江逼近凱里營汛山勢陡峻素為生苗盤踞請增立一營將凱里營都司裁去歸併丹江營管轄除凱

里舊有千把三員外丹江應設參將一員守備二員千總一員把總二員安兵一千六百名分為左右二營名丹江營於大丹江駐一員千名鷄講駐三百名小丹江駐二百名餘為凱里汛防一九股在鷄講清水江之中稟稱強悍請將黃坭營遊擊移駐龍東舊縣安兵三百名又有地名鴉賣者乃九股出沒咽喉應駐兵二百名以資控制一清水江有南北兩岸寨分稠擊應於清水江居中設立一協名清江協增副將一員遊擊二員守備二員千把總六員分為左右二營安兵二千名於適中之公塹駐一千名對江北岸駐四百名柳傍駐四百名羊冬駐二百名至鎮遠一協原因防禦清水江九股等處生苗而設今清水江已安營汛應將鎮遠協改為一營將副將裁去其兩營遊守除鎮遠應留駐遊擊一員守備一員千把總六員外所餘遊擊一員守備一員千把總六員即歸入清江協副將

標下一天柱營向以附近生苗故設立恭將  
今既分設營汛應將天柱營恭將改為都司  
存千把總三員所餘守備一員千把總三員  
歸入丹江一古州地方戶口極多乃都黎適  
中要隘應設一鎮名爲古州鎮增總兵一員  
遊擊三員守備三員千總六員把總十二員  
分爲中左右三營安兵三千名將黎平協改  
爲一營副將改爲遊擊此所設協營并下游  
舊制一帶協營俱聽古州新鎮統轄一營汛  
既定應設文官分治請於都勻府添設同知  
通判各一員以同知分駐八寨以通判分駐  
丹江鎮連府添設同知一員分駐清水江黎  
平府添設同知一員分駐古州俱加以理苗  
同知字樣一所設同知通判專駐苗疆有綏  
理地方緝捕姦頑之責不可護衛無人應照  
湖南乾鳳二廳之例於同駐之官兵內各撥  
給把總一員兵一百名以爲親標一施秉舊  
縣既將遊擊移駐同城不便無文員請添設

施秉縣縣丞一員分駐均應如所請從之  
添設廣東潮州府惠來縣蔡潭鄉巡檢一員  
從署廣東巡撫傅春請也○裁駐防昌平順  
義良鄉寶坻固安米育東安霸州雄縣九處  
筆帖式各一員○已酉振武將軍順承郡王  
錫保奏報鄂爾昆集爾府恭團拉三處屯田  
收穫大麥小麥糜子共七千五百五十石有  
奇下部知之○庚戌左副都御史陳良弼緣  
事革職以原任詹事府詹事王圖炳爲都察  
院左副都御史○辛亥諭內閣據署山東巡  
撫費金吾等摺奏疏濬山東濟寧嘉祥等縣  
及江南沛縣徐州等處水道使歸宿於海則  
山東江南二省歷來被水州縣皆成樂土朕  
思此項工程既於民生大有裨益則舉行不  
宜稽遲應先期派出官員前往專司督修之  
事以便備辦物料早動工程原任侍郎阿克  
敦前在廣東署事任內尚無貪職犯法等情  
今著寬免釋放命任水道工程効力以贖前



德再著原任巡撫陳世倌廿汝未前往與阿克敦同司督修之事一切辦理機宜悉聽田文鏡稽曾筠孔毓珣尹繼善籌畫調度其工料等費悉動帑金支給至在工差委人員聽阿克敦等酌量派用有應從京師帶往之員准其奏請帶往具湖廣平糶糧道王恕著交與阿克敦等帶往辦事効力 吏部議覆雲貴廣西總督鄂爾琿奏疏言雲南開化一府接壤交趾地方邊濶雖設有同知通判經歷三員俱非印官不能分理正務請將通判一缺裁去增置一縣設知縣一員於地方有益應如所請從之尋定新設縣曰文山、改貴州汛番土司地方歸定番州汛官管轄從貴州巡撫張廣泗請也 壬子署山東巡撫岳霖摺奏修理東省南北大路工程奉

上諭諸凡工作惟勤查確勘屬員吏胥方不取舞弊若少涉疎慢必致有名無實濬孽草菅須選委誠實人員不時催督看驗務俾修築

堅固以利便行旅至於帑項第不令無貪侵蝕耳何可吝惜果能錙銖皆用於工內即較原估稍多亦朕所樂聞也 癸丑大學士九卿等奏據督修

孔廟工程通政使留保山東巡撫岳濬等奏報十一月二十六日午刻正當

孔廟上樑之前二日慶雲見於曲阜縣環棟日輪歷午未申三時之久仰惟

皇上尊禮

先師孔子典大周簡又特頒發帑金興建闕

里

文廟凡殿門廊廡悉倣帝王宮殿之制易蓋

玩瑞黃瓦是以天心昭格顯示嘉祥於

孔廟告成之日慶雲呈見實從古未有之上瑞伏請宣付史館垂示萬世得旨朕平素每

奉先師至誠至敬雍正二年闕里

文廟不戒於火彼時廷臣援明代弘治前事  
為言而朕心悚懼不寧引過自責親詣太學  
文廟虔申祭告特發帑金命大臣等督工修  
建凡殿廡制度規模以至祭器儀物皆令繪  
圖呈覽朕親為指授遴選良工庀材興造度  
恪之心數年以來無時稍間今  
大成殿上樑前二日慶雲見於曲阜卿等歸  
美朕躬之詞朕不克當或者

上帝

先師鑒朕悚惕誠敬之心見茲雲物昭示瑞  
應朕不敢誇言祥瑞但能功過相抵朕之幸  
也應擇日躬詣太學

文廟發告以申感慶之衷朕躬被

先師之福佑普天士子備法服膺同受

聖人之澤著將明年會試取中額數廣至四  
百名壬子科各省鄉試每正額十名加中一  
名共十名之外有零數者亦加中一名此朕  
體奉

先師樂育之盛心特行造就人材之職典諸  
士子具各興文教行益加勉旃宣付史館著

照所請行 甲寅實授岳溶為山東巡撫程  
元章為浙江布政使司布政使以翰林院  
修撰陳惠華提督廣東學政 下嫁鎮

白旗和碩額駙保金恭之邵王致選官致祭  
○乙卯陞四川建昌道劉應鼎為四川按察  
使司按察使 吏部議覆四川巡撫憲德疏

言黎大所地方為西南孔道漢夷雜處千總

一員不足以資彈壓請將千總裁去改置一

縣添設知縣一員再設典史一員分駐泥頭

俱隸雅州府管轄又建昌之寧番衛已改為

冕寧縣該衛之冕山所千總一員應行裁汰

均應如所請從之尋定新設縣曰清溪 史

部等衙門議覆河東總督田文鏡疏言東昌

等府幅員太廣宜設立直隸州以分職守請

將東昌府屬之高唐州為直隸州分轄濟南  
府屬之高城平原陵縣臨邑四縣兗州府屬

之東平州爲直隸州轄東阿平陰壽張陽穀四縣東昌府屬之濮州爲直隸州轄觀城范縣朝城三縣青州府屬之莒州爲直隸州轄日照沂水蒙陰三縣。至從前所改直隸濟寧州仍歸兗州府管轄其濟寧州原轄之鉅野嘉祥二縣改隸曹州鄆城一縣仍隸兗州均應如所請從之。○丁巳順天府進春。○諭內閣天津水師營兵丁錢糧前經部議每月定爲一兩五錢朕近聞兵丁用度稍有不敷已降旨加爲每月二兩浙江乍浦水師營兵丁亦應一體加恩其新拔之兵丁等每月支銀一兩五錢者亦著照天津之例加爲二兩。○禮部議覆甘肅巡撫許容疏奏寧夏西寧涼州肅州四鎮慶靖二協平涼武威二縣冊報陝甘各標陣亡官員康海等共三十九員兵丁任政等共二千一百一十八名應請照例設位入昭忠寺致祭從之。○工部議覆浙江總督李衛疏言海寧沿塘東自尖山西至翁

家埠綿亘百里皆臨大海今南岸湖頭直射北面葭沙洗刷無存一線草塘不能抵敵全海潮勢若非向裏添砌石工難以保固請於西塘內荆照廟起至草巷止就舊有草塘收進二三丈砌築石工東塘於陳文港小文前薛家壩及念里亭等處分築挑水盤頭大草壩五座堵禦頂衝使水勢稍緩可引漲沙漸聚其連年塊石各塘酌量加高培厚俱應如所請從之。○內閣學士兼禮部侍郎桑格以疾乞休允之。○班表河南祥符縣烈女郭竹襄女郭氏拒姦不污投繯殞命給銀建坊入祠致祭如例。○戊午四川巡撫憲德題夔州府石碛宣慰司馬宗大緣事革職請以其子馬光裕襲替下部知之。○己未調工部右侍郎張大有爲刑部右侍郎陞內閣學士何國宗爲工部右侍郎。○宗人府及滿洲大學士尚書等議覆監察御史覺羅義禮博隆奏宗室覺羅等每年所生之子除宗室之子則宗

室狹長，查送宗人府覺羅之子，則覺羅稽查子頭目，查送宗人府宗人府即據造入冊。恐無可以為憑之處，請將宗室族長覺羅稽查子頭目，每人給與印記一方，以為憑據。應如所請。文禮部鑄造，送宗人府分給。嗣後若宗室覺羅等日漸蕃昌，至有增添狹長人等之處，即照此例鑄給。從之。○議敘陝西進勦卓子山、根子山、青海等處在事有功支職官員，原任涼莊道今陞山西布政使蔣洞等，各加級。紀錄有差，病故之西寧道趙世錫等，各准與一子入監讀書。○辛酉。

上以闕里

文廟告成，親詣國子監致祭。

先師孔子。○諭內閣，朕御極以來七年之中，未遇日食之異。今據欽天監奏稱庚戌年六月初一日，日食九分二十二秒，朕心深為畏懼。想由朕之政事有關，用人敷治之間，未為允當。或內外臣工不能敬謹奉職，民情尚未

舒暢，以致上干

天和。垂象示儆，朕寤寐之中，時刻修省。內外臣工等，各宜悚惕，恪盡厥職，共相勉勗，以禦天戒。但期各矢誠心，不必以空言回奏。○雲南巡撫沈廷正奏報新平營祥雲捧日得旨，連年以來，雲南地方屢有慶雲禮象之瑞，蓋因總督鄂爾泰公忠體國，以善政化導官民，人從其教，和氣致祥，是以仰蒙

上天疊昭瑞應。朕之所以宣諭臣民者，蓋欲使天下之人共知天人之道，有感必通，覲勉為善，以共受

上帝之福佑也。今覽沈廷正所奏，朕言益可徵信。朕從來不言祥瑞，如尚崇廉奏報道化州天台山有鳳凰翔集，鄂爾泰奏報都勻府苗疆有石芝叢生，朕皆未宣示廷臣，天下之人勿誤以朕為誇張祥瑞而忘自修之道也。○鑲白旗漢軍副都統梁永禧緣事革職，陞刑部郎中補熙為鑲白旗漢軍副都統。鑲藍旗

漢軍副都統高應魁緣事降調陞一等侍衛  
常昇爲鎮蓋旗漢軍副都統 以福建南澳  
總兵官許良彬著福建水師提督福建金門總  
兵官張起雲署福建南澳總兵官福建臺灣副  
將康陵署福建金門總兵官 吏部議慶廣西  
巡撫金鉞疏言粵西全州所屬之西延司徭徭  
雜處巡檢一員不足彈壓請移本州州同駐劄  
將巡檢裁汰其全州仍添設州判一員以資協  
理賓州所屬之武宣縣順流直達潯州不過四  
百里而距賓州地遠路險應將武宣縣歸潯  
州府管轄庶公務不致稽遲均應如所請又  
稱馬平雜家二縣正印雜職等官俱應仍照  
舊俸陞轉查州縣雖處煙瘴尚有火耗足以  
養廉雜職官員俸銀無幾實堪憐憫嗣後州  
縣以廢俸陞轉雜職仍三年卽陞從之 禮  
部議覆福建巡撫劉世明疏言臺灣府屬應  
試生儒原有另編字號取中之例後因臺地  
士子半係泉漳二府之人希冀多中故有撤

去另編字號之請今冒籍者俱已改歸本籍  
海外誦讀之士競切觀光請仍照舊例另編  
字號於閩省中額內取中一名以示鼓勵應  
如所請從之 改廣西西隆州西寧縣歸泗  
城府管轄移西隆州治駐僑牙州同駐八陽  
從雲貴廣西總督鄂爾泰請也 補行奉天  
雍正五年分軍政罷軟官二員有疾官五員  
年老官十七員分別處分如例 壬戌諭內  
閣元旦朝賀凡三品以上之大臣年逾七十者  
不必隨班行禮俟百官朝賀後朕回乾清宮  
伊等至乾清門請旨 刑部等衙門議奏陸  
生楠借詢通鑑妄抒讞訕謝濟世批點大學  
肆行毀謗悖逆已極經臣等審明定罪奉旨  
交與振武將軍順承郡王錫保將陸生楠謝  
濟世逐一嚴訊茲據順承郡王錫保參奏陸  
生楠謝濟世自知罪不容誅一字無能置喙  
應將陸生楠謝濟世俱擬斬立決於軍前卽  
行正法妻子給付功臣之家爲奴財產查明

入官其陸生擒父母祖孫兄弟流二千里安  
置至要行註釋之書俱著嚴查燒毀得旨陸  
生擒著文與該將軍於軍前即行正法其父  
母祖孫兄弟俱從寬免其流徙謝濟世從寬  
免元交與順承郡王錫保令當苦差勸力贖  
罪其妻子家產免其入官餘依議 甲子予  
故福建福寧總兵官顏光旰祭葬如例 乙

丑

孝莊文皇后忘辰遣官祭

昭西陵 丁卯諭內閣定例正月上辛日祈穀  
於

上帝若上辛在正月初五日以前則於次辛行  
祈穀之禮雍正三年五年俱以次辛祈穀辛  
由舊章但元旦朝賀者朕躬之禮儀上辛祈  
穀者祀

天之大典也明年五月初二日上辛禮部題請  
於十二日次辛行祈穀禮朕思若以正月而  
論則十二日為次辛若以立春後而論則十

二日為下辛矣元旦朝賀筵宴而辰祈穀  
之期朕心深有所未安著定於初二日上辛行  
禮先期照例敬謹齋戒停止朝賀筵宴嗣後  
若元旦逢上辛之期則於次辛祈穀如在初  
五日以前或值初七日

世祖章皇帝忘辰著該部兩奏請旨 署川陝  
總督查郎阿招奏據四川提督黃廷桂咨稱  
護理重慶鎮標遊擊保璠於委著黔彭營遊  
擊任內與酉陽冉土司書便往來節次勒索  
人口驛馬等物又冉土司之子冉廣烜姦佔  
董昌瓊之妻為妾一寨餽送保璠銀兩禮物  
土司冉元齡又有川省姦徒楊承勳等結黨  
一寨據賊黨供稱楊承勳家有金銀玉印劉  
伯溫碑記伊弟楊七必要為王送在酉陽司  
等語俱應嚴究奉

上諭各省土司朕皆一視同仁莫不欲其滋生  
樂業共享昇平之福是以屢降諭旨令該督  
撫訓飭官弁加意撫綏無得借端滋擾若有

苛虐生事者必重治其罪但管轄苗疆之官弁等往往不能仰體朕心屏除私念若土司等有不敢書使往來者則加以傲抗之名撫拾小事申報土司若私相往還有所餽贈則上司訪知又加土司以行賄鑽營之名究治其罪如此則土司豈不處於兩難乎即如該督叅奏丹元齡之納賄於保璠朕知丹元齡必有屈抑難中之情也前據查郎阿奏稱四川姦徒楊承勳等謀為不軌假稱家有金銀玉印其弟楊七必要為王送在酉陽司去等語朕批諭查郎阿云酉陽土司素稱恭順必無藏匿重犯之理若果楊七逃往酉陽地方則丹元齡亦無不嚴緝解送者如楊七未至酉陽而強向丹元齡索獲則丹元齡不更寬抑乎總之各處土司承祖父之遺業受朝廷之厚恩苟有人心執官作姦犯科自罹罪戾惟是姦民匪類等播弄搆釁希圖獲利於官弁之前則假控土司不法事端而在土司地

方又肆行恣嚇恣德之詭計為督撫大吏者安可不詳加審察而輕信屬吏之浮言為姦徒所愚弄乎此案內需索受賄之保璠著該督撫嚴加審訊照所定苗疆之例定議其奏丹元齡悉從寬免不必查究至於賊黨所供金銀玉印之語尤屬荒誕夫民間所謂金銀玉印即歷代傳國璽也當日元順帝將此璽攜歸沙漠是以明代求之未獲我

太宗文皇帝天聰九年察哈爾林丹汗之母將

此寶迎獻至今藏於大內今楊承勳家安得又有金銀玉印即使有之亦係偽造無用之物耳賊黨謀逆之罪不在此印之有無也何必深究著查郎阿黃廷桂憲德等將該諭旨一併批諭酉陽土司丹元齡知之以和碩和惠公主下嫁多爾濟塞卜勝投為和碩額駙一戊辰歲暮給祭

太廟

上親詣行禮遣官祭

永陵

福陵

昭陵

昭西陵

孝陵

孝東陵

景陵○遣官祭太歲之神○己巳諭內閣昨據

山西巡撫石麟奏報本年十一月初二日保

德州慶雲呈瑞今又奏報十二月初一日臨

晉縣慶雲麗日歷午未申酉四時又據布政

使蔣洞摺奏從前汾河形勢惟文水縣地勢

低窪河身淤淺是以議開引渠二道正河一

道今年六月內汾河水發河道改流文水縣

自青高村至伊家社各開引渠二道舊時漫

流已為沃壤而東城村欲開之河現今寬闊

十餘丈或數十丈衆水會同河身長二十五

里經年累月人力不能成之功天然疏濬等

語朕思晉省民風由來醇樸是以感召

天和歲歲皆登豐稔即如近日預備軍需民情

踴躍爭先恐後悉出至誠觀此尊君親上之

念則其孝親敬長克敦行誼可知而地方官

員平日訓導有方亦即此可見是以仰蒙

上天昭示瑞應以獎官民之善朕心深為慰悅

著照河南省之例通行所屬府州縣將人材

品行可備任使者不拘人數資格秉公舉出

該撫再行詳加遴選具題奏聞送部引見并

令各州縣於常例歲舉老農外再各舉一人

給以八品頂帶以示朕褒嘉善俗廣沛恩膏

之至意○程表八旗節婦滿洲順哥妻李佳

氏等一百四十五人蒙古存住妻吳氏等二

十三人漢軍來聘妻何氏等二十五人貞女

查哈克氏一人孝子王積善一人直隸各省

節婦王承貴妻劉氏等四百五十人貞女林

氏等十八人孝子曹大聲等二十六人孝婦李

一原妻董氏一人孝女蔣氏一人各給銀建

坊如例○是歲人丁戶口二千五百七十九



萬九千六百三十九又永不加賦滋生人丁  
八十五萬九千六百二十田地山蕩吐地八  
百七十三萬二千二百一十五頃八十畝有  
奇徵銀二千九百九十三萬五千六百五十  
七兩有奇米豆麥五百一十七萬六千八百  
三十六石有奇草四百九十九萬六千六百  
三十一束茶三十二萬一千八百三十引行  
鹽五百一十四萬五千三百四十四引徵課  
銀三百九十萬一千八百三十八兩有奇鑄  
錢七萬四千八百四十八萬有奇

大清世宗敬天昌運建中表正文武英明寬仁  
信毅大孝至誠憲皇帝實錄卷之八十九

大清世宗敬天昌運建中表正文武英明寬仁  
信毅大考至誠憲皇帝實錄卷之九十

秋份

雍正八年庚戌春正月庚午朔

上於宮中拜

神以祈穀致齋命於初六日御殿○辛未祈穀  
於

上帝

上親詣行禮○青州巡撫張廣泗疏報普安州  
農田收獲之後遺留柏根重長青苗漸致茂  
盛爲從來未有之瑞得旨黔省土薄性寒而  
普安州乃有稻孫之瑞皆因地方大吏勤稼  
重農而該省民人力田務本是以感格

上天昭示瑞應嗣後當益加題勉以承  
天眷○廣東布政使王士俊指奏各州縣蓋  
詐偽等罪犯請令地方官榜列姓名揭於通  
衢以示懲警奉

上諭蓋詐偽匪類欲以木榜書名感發其愧  
悔之心恐未必能然朕意果過橫逆不法之  
輩鄉里必不敢書其名以籍其罪無非將良  
懦鄉民之小過填罵一二以塞責而已有名  
無實恐徒爲百姓之笑具耳○乙亥

上御太和殿王以下文武各官外藩王及使臣  
等上表朝賀停止筵宴○朝鮮國王李吟連  
陪臣金東弼等表賀冬至元旦

萬壽節及進歲貢禮物宴賚如例○丙子  
世祖章皇帝忌辰遣官祭

孝陵丁丑授總理

陵寢事務領侍衛內大臣尚崇應爲盛京五部  
尚書以原任鑲白旗漢軍都統范時掇爲散  
秩大臣總理

陔寢事務。○湖廣荊州將軍吳納哈年老休致。調寧古塔將軍哈達爲湖廣荊州將軍。陞奉天將軍多索理爲寧古塔副都統。調黑龍江將軍那蘇圖爲奉天將軍。陞齊齊哈爾副都統卓爾海爲黑龍江將軍。調正黃旗蒙古副都統王常爲齊齊哈爾副都統。白都納副都統塔爾馬善爲歸化城左翼副都統。熊岳副都統圖爾賽爲白都納副都統。奉天副都統額爾勒爲熊岳副都統。鑲藍旗漢軍副都統常昇爲奉天副都統。四川成都副都統黑色爲鑲藍旗漢軍副都統。陞陝西潼關城守尉吳和圖爲四川成都副都統。○戊寅。諭內閣。雍正六年內。湖南布政使趙城摺奏。湖南現貯倉穀共計六十餘萬石之多。又有收捐穀石。本省可云有備。但楚南地勢卑濕。積貯既久。無霉爛之虞。請分撥別省。令其來楚運往。以免霉變等語。朕將此摺發與戶部議奏。經戶

部議稱。應行文江浙督撫。令其詳酌。如有應需穀石之處。即委員往楚轉運。朕降旨。俞允。隨據兩淮巡鹽御史噶爾泰摺奏。據兩淮商人黃光德等具呈。情願出資。將湖南積穀三十餘萬石。照依原買之價。交納湖南藩庫。領運。隨地隨時售賣。仍將所售價銀。交納運庫等語。隨經王圖棟題明。將雍正三年勦努所買穀一十六萬二千餘石。照原價每石三錢四分九厘。給商文價運售。此湖南巡撫布政使及兩淮巡鹽御史前後具摺辦理之業也。今據湖廣總督邁柱奏稱。今年湖南岳常二府之臨湘武陵等十州縣。徵欠雨澤。臣等豫爲綢繆。動用公項銀一萬兩。買米備糶。而貯倉之現穀。與其照原價以給商。不若留俟來年春夏。照原價平糶。以濟本地之民食。似應飭商暫停領賣。俟明年無需用之處。仍聽該商領運等語。朕思向同湖南撫藩。皆言地方積穀甚多。難以久貯。奏請分撥別省運售。以

免需變是以兩淮商人有赴楚領運効力意  
公之請。今商人既已交價而運柱又稱楚南  
需米備糶。應請飭商暫停領賣。是湖廣督撫  
藩司前後自相矛盾也。湖南現貯穀六十餘  
萬石之多。欲分撥別省。以免需變。則本省府  
縣有需米之處。正可將此奏聞。平糶以濟民  
食。而運柱乃云正在勦用公項銀一萬兩買  
米備糶。是運柱之奏。又自相矛盾也。且運柱  
又稱此時飭商停運。俟楚省不需米穀之時

仍聽該商領運等語。是米貴之時。則令商人  
停運。而米賤之時。則令商人領賣。亦甚非情  
理之平。朕意此米穀中。必有虧空情弊。至於  
噶爾泰既代商人具奏。而又不為伊等行催  
楚省歸結其事。亦屬不合。查從前噶爾泰代  
衆商具奏領運之時。原有隨時隨地售賣之  
語。今江浙俱獲豐收。米價甚賤。湖南既有需  
米之州縣。若該商仍照前議領米。即於湖南  
需米之處。照時價糶賣。不許地方官抑勒商

人亦不許商人高抬價值。僅僱商人糶有餘利  
聽其自取。不許交官。如此則淮商領米得以  
貿易。而楚省積穀仍得流通於商民。均有裨  
益。湖廣督撫等即遵諭行。○諭兵部天津乍  
浦兵丁其錢糧原照潼關例支給。今二處既  
經添給潼關兵丁亦著每月每人各添給錢  
糧銀五錢。○以錄蓋旗蒙古副都統欽已著  
正紅旗護軍統領。○己卯孟春享

### 大廟

上親詣行禮。○遣官祭太歲之神。○江南河道  
總督孔毓珣。蘇州巡撫尹繼善。摺奏修理高  
堰大工事。宜奉

上諭。朕不惜百萬帑金。以衛民濟運。工程當務  
久遠堅固。一勞永逸。此外即再增數十萬兩  
亦不爲多。若因省小費。致誤大計。則所費百  
萬。仍屬虛用也。隄工卑矮之區。固應增高。而  
單弱之所。尤宜加厚。可再詳加相度。勘視切  
勿習存小見。凡有卑薄。以及傾圮處。悉將隄

身折砌務令自頂至底一律堅實則於永久  
獲益所需錢糧不必限定此數 辛巳諭內  
閣昌平州明代十三陵每年朱之建前住致  
祭今朱之建病故其襲封侯爵之人尚未請  
吉日前將屆仲春祀典不可間缺著該旗大  
臣定議詩音令其弟姪內一人代行致祭  
諭八旗都統等京城佐領越旗移置者甚多  
因命大臣等均勻派定外省駐防八旗滿洲  
蒙古漢軍亦有隨京城佐領越旗移置者其  
移置之旗人丁既多則移出之旗人丁必少  
是以人丁數目不均如何令其不致移動之  
處著八旗大臣等會議具奏尋議詩令各省  
將軍副都統等將各該處官弁人丁數目查  
明不論在京之本佐領惟視彼處之丁數均  
勻分派四旗駐防之處即在四旗內均派八  
旗駐防之處即在八旗內均派另造清冊以  
備查核凡遇補授官員挑取兵丁即在所均  
置之旗揀選其京城之本旗本佐領仍記檔

實每編丁之年照常咨送各該旗報部至五  
年十年後或有生苗多寡不同之處令各該  
將軍副都統等奏開再行均置從之 封和  
托輝特扎薩克多羅貝勒博貝子班第為輔  
國公 壬午  
上詣  
恩佑寺行禮畢幸圓明園 諭內閣從來左道  
妖言如讖緯圖記禍祥禍福之屬皆足以惑  
世誣民為人心風俗之大患自古帝王皆深  
惡而嚴禁之苟有犯者必置重典雖赦不宥  
所以為世道民風計者至深遠也朕觀陝西  
之人秉性直魯凡好為誕妄之說者多至此  
省搔惑人心年來屢有其事已降旨切加訓  
誡矣觀滿洲漢軍人等亦每易為此等邪說  
所惑如延信之聽信道姑王氏年美克之聽  
信鄒魯與淨一道人允禔之聽信星士張性  
皆借怪異荒唐之說以助其妄亂悖逆之心  
又如伊禮布為江寧將軍時信一風繼令伊

子易衣皆往扣面從此江寧之弁兵等皆發  
爲靈驗其門如市今此人已牽連入於大逆  
業中矣可知僧道醫卜星相之類往往爲姦  
究之所潛藏不可不慎也昨總督范時輝又  
於江南人家查出違禁圖識之書是草野之  
間妖言惑衆之風未嘗止息地方官負僕不  
能化導禁約轉從而崇信之是竟以身爲庶  
民之倡又何怪閭閻無知之人沉溺其中而  
不知覺悟耶凡造爲災異禍福之說者其言  
不驗則爲害尚小僕天時氣數偶與其言相  
合一二則信者愈衆而爲害愈大甚至心懷  
不軌之徒借此妖言妄興兵革荼毒生靈不  
可不防其漸也滿洲八旗大臣弁兵等皆國  
家干城腹心之寄況我滿洲忠義之氣技勇  
之才實爲人所莫及果能安分循理盡忠孝  
之道無邪僻之行自然上邀

天地之恩永愛國家之澤書曰惠迪吉從逆凶  
又曰作善降之百祥作不善降之百殃爾等

但當於己身求之爲善必獲善報爲惡必獲  
惡報所謂如影隨形也奈何舍可以獲福之  
正理而信從姦民無稽之言被其牽累輕則  
罹於刑罰重則喪及身家不亦可憫之甚乎  
大凡爲欺人惑衆之說者皆市井兇頑無賴  
之輩或冒懷不軌冀以搖動人心或貧困無  
依欲以騙取財物爾等誠思之天下苟有修  
道前知之人不遊跡於清淨寥廓之鄉而奔  
走紅塵與世俗相徵逐者乎凡我滿洲漢軍  
官弁兵丁等世受國恩共奉君親上之素  
志豈肯聽姦人妖妄之言而遂爲其所撓動  
但恐漸染日久有邪說在其意中而遇有妥  
用使令之時或稍存疑貳之念則所關匪細  
故不得不訓誨開導之於平時使之恍然醒  
悟也著將此旨通行曉諭八旗及各處駐防  
弁兵等共知之○以原任湖南巡撫王國棟  
辦理刑部侍郎事○陞正白旗漢軍副都統  
公慶復爲正藍旗漢軍都統○癸未諭議政

大臣等乍浦地方駐劄滿洲兵一千六百名爾等原議挑選杭州餘丁八百名江寧餘丁四百名京城餘丁四百名令其披甲前往駐劄朕近詢問將軍鄂彌達據稱江寧餘丁披甲者可得八百名今京城不必揀發即著鄂彌達於江寧餘丁內酌量挑選八百名令其披甲前往乍浦駐劄至於管轄官員甚屬緊要務將年富力強龜勉任事者揀選補放著將軍鄂彌達於江寧應補人員內揀補現任

官員內應行調補者揀選調補如江寧應補之員不能足數即於杭州應補人員內揀選補授現任官員揀選調補之處著將軍鄂彌達與將軍阿里哀互商派委此兩處補授員缺著各該將軍題補償兩處不能足數著將數目開明報部該部請旨由京城揀選人員補授發往甲申上元節賜外藩科爾沁敕漢萬壽忒扎魯特土默特喀爾喀翁牛特鄂爾多斯阿霸孩兵喇忒烏朱穆泰蘇尼特克

西克騰喀喇沁巴林四子部落厄魯特青海厄魯特圖爾古特奈曼扎賴特毛明安阿祿科爾沁河霸哈納杜爾伯特鄂爾羅斯王貝勒貝子公額駙台吉塔布囊等及內大臣大學士侍衛等宴丁亥諭內閣山東青州府設立滿洲駐防官兵所有建造城垣營房工程著御史偏武候補道員陳豫朋前往會同地方官監督修造其一應如何修造之處著天津都統拉錫前往青州相度經畫定議交與偏武等辦理拉錫仍回天津地方拉錫有素知可以辦工之人准其帶往工所交與偏武等派委辦事偏武所管倉工交與御史北華益修再著內務府總管常明兼管稽查諭盛京五部尚書尚崇虞

三陵事務關係重大爾同將軍管理包衣三位領亦著爾管理其調補官員等事爾須詳慎揀選以鑲黃旗漢軍都統石文燭兼管鑲白旗漢軍都統己丑調陝西寧夏總兵官

張善為陝西西安西總兵官汪湖廣黃州副將  
李繩武為陝西寧夏總兵官 乙未大學士等  
疏言雍正七年十月奉旨內閣本章各於正  
本之外立一副本另行收貯以備查對臣等  
伏查各部院議覆事件副本內不載等呈日  
後案牘繁多難以查核應將各部院議覆副  
本與通政使司送遊原題副本聯合一處專  
派滿中書二員漢中書四員敬謹收掌但漢  
中書舊額三十六員於康熙三十八年裁去  
八員今存二十八員分派票籤房本房以及  
稽查各部院註銷案件繕錄抄寫各項事務  
人員不敷請復設漢中書四員以數分派辦  
事之用從之○禮部議覆四川巡撫憲德疏  
言新設建昌府蒙夷雜處請於漢境內擇大  
村堡照義學例建設學舍選取本省文行兼  
優之士延為塾師令熟番子弟來學俟學業  
有成俾任教生番子弟應如所請從之 丙  
申行聖公孔傳鐸疏言克州府屬屯莊集稅

銀兩舊充尼山書院及林麓歲修之用今各  
省清查稅課請將此項報明歸公充餉得旨  
日今他省有清查稅務之事蓋因稅課一項  
向無定額地方官吏每多侵蝕欺隱高下其  
手刻剝小民是以令將實數查出凡舊額之  
外所有贏餘即留為本地官民之用並未將  
絲毫歸入公項也克州屯莊集稅銀兩向充  
書院林麓歲修之費正是闕里之公用而孔  
傳鐸忽請解部充餉是將此項稅銀視為私

案也朕於

文廟工程敬謹辦理一切動用帑金所費不  
下數十萬孔傳鐸寧不知之而為此卑鄙之  
陳奏甚屬不合嗣後著將此項集稅銀兩核  
實支給為書院林麓之用 丁酉諭內閣北  
運河青龍灣修築減水壩並挑濬引河工程  
據怡親王等奏請交與侍郎何國宗督理監  
修朕思原任侍郎牛紐在北運河管工年久  
於地方情形甚為熟悉著與何國宗協同辦



理其一應錢糧工程等項令都統莽姑孟耿  
化祥副都統佛保副都御史二格會同何國  
宗辦理稽查其減水壩金門及所開引河或  
應寬二十丈或應寬四十丈及運河西岸可  
否另開減水壩並何國宗查議各條是否妥  
協有裨河工之處爾等可詳悉詢問牛鈕會  
同定議辦理諭八旗都統等凡署理副都  
統事務之參領若仍令辦理參領任內事務  
一應行走之處悉屬不便嗣後凡署理副都  
統事務之參領員缺著揀選副參領奏請署  
理其副參領員缺亦著揀選應行署理之員  
奏請署理○陸翰林院侍讀學士俞兆晟為  
內閣學士兼禮部侍郎○戊戌  
上回宮○著直隸總督唐執玉疏報正月二十  
日鳳凰見於房山縣石梯溝山峯侍旨朕素  
不言祥瑞屢降諭旨甚明上年據散秩大臣  
尚崇煥處稱天台山民李萬良等呈報十一  
月十三日黎明見山中有一種鳥高五六尺

毛羽如錦五色俱備所立處羣鳥環繞此尚  
飛鳴等語朕以邊地居民所見事屬渺茫鮮  
所奏發還未嘗宣示廷臣昨據總理石道事  
務散秩大臣常明侍郎宗室善奏稱石工  
監督司官田周呈報正月二十日在房山縣  
石梯溝山中見瑞鳳集於峯頂五色俱備文  
采燦然工匠樵牧居民人等約千有餘人莫  
不共見又據總兵官管承澤及順天府府尹  
孫嘉澐等所奏亦皆相同朕亦俱未宣示廷  
臣可以知朕心矣今據署總督唐執玉繕奏  
具奏朕思古稱鳳鳥乃王者之嘉祥朕撫躬  
自問功德涼薄不足以致鳳儀之上瑞此事  
猶疑而未信也○己亥諭內閣向因鋪墊倉  
廩需用松板令各省糧船隨帶到倉交納續  
經該部定議在木之省如江西湖廣及江安  
糧道所屬地方則全解十分本色其不產木  
之浙江蘇松等屬則解三分本色七分折色  
此便民利用之意也今聞該地方所交三分

本色亦於抵通之時始行採辦以致通州木  
商與胥役勾通包攬每板一片較折色之數  
用銀多至四五倍運丁不免若累查京通各  
倉一年支放俸米甲米空出版座應鋪墊一  
百五十座其湖廣江西安徽三處所解松板  
已足備用即有應需採辦者諒亦無多所有  
不產木之浙江蘇松等屬應解三分本色松  
板著俱改徵折色令各該糧道彙解通濟庫  
以備採辦之用其湖廣江西安徽等處全解  
十分本色者著倉場侍郎嚴行稽查不許收  
板官吏勒索使費俟各倉版鋪墊完日將應  
徵本色若干之處具奏請旨諭八旗都統  
等數年來荷蒙  
天眷米價甚賤爾等八旗米局係將兵丁所關  
之米發賣若米價甚賤不能賣完則積貯日  
久米色易變朕以為此等米石宜俟下季發  
米之時視各伍領下兵丁分內應領之米將  
局內米照數給發即行文倉場衙門照數坐

扣則兵丁既可就近得米而局內積貯之米  
亦不致變色糜爛矣○思給國子監肄業貢  
生每年銀六千兩為衣食膏火之資其六堂  
助教等官命九卿於進士舉人內各舉所知  
候旨揀補

大清世宗敬天昌運建中表正文武英明寬仁  
信毅大孝至誠憲皇帝實錄卷之九十

大清世宗敬天昌運建中表正文武英明寬仁  
信毅大孝至誠憲皇帝實錄卷之九十一

此錄世宗實錄卷之九十一係記世宗皇帝御製之實錄卷之九十一  
係記世宗皇帝御製之實錄卷之九十一係記世宗皇帝御製之實錄卷之九十一

此錄世宗實錄卷之九十一係記世宗皇帝御製之實錄卷之九十一  
係記世宗皇帝御製之實錄卷之九十一係記世宗皇帝御製之實錄卷之九十一

秋序

雍正八年庚戌二月庚子朔諭內閣我國家

雍正八年

膺圖受命則有任命元臣際會風雲開拓疆

宇至於承平之世亦有勞臣宣力緩靖不庭

凡厥鴻猷駿烈焜耀旂常於是酌庸獎功錫

以公羅分為一等等至三等以第其勲勞

表其闕闕比於古者河山帶礪之盟爰及苗

裔永久勿替甚盛典也朕考古封爵之制漢

唐以來公侯皆繫以郡縣之名而漢世功名

顯著者則加以美號如信武冠軍建忠定遠

之屬拉以榮名垂光史冊本朝封王者選用

嘉美字樣其嗣王襲封皆因之而公爵則但  
分等次未有封號字樣朕意欲考其當日勲

庸錫以嘉名追加為某公使勲勞之臣顯功

不績常赫赫在人耳目聞而其子孫承襲封

號亦皆顧名思義共知奮勉世為國家功臣

抒厥期踵美前人之光以副朕懷念勲舊之

至意至於宮室外戚則做古恩澤侯之例命

為奉恩公或承恩公以昭朕錫其如何命名

定制茲將歷來功臣勲戚加錫美號之處該

部詳查定議以聞○移廣東定海縣青寧司

巡檢駐太平汛儂州安海司巡檢駐薄沙汛

崖州把歲司巡檢駐樂安汛添設瓊山縣水

尾司巡檢一員萬州實停司巡檢一員載儂

州大豐倉大使一員瓊州府司獄一員從廣

東總督郝玉麟請也○壬寅春分朔

日於東郊

上親詣行禮○癸卯。以內閣學士俞兆晟協理  
戶部侍郎事○以銀黃旗漢軍副都統宗室

色布青著銀白旗滿洲副都統 陞陝西  
安協領陳良棟爲陝西西安左翼漢軍副都  
統○兵部議覆福建觀風整俗使劉師炘疏  
言福建世襲海澄公向以管轄兵馬支銷錢  
糧給與印信後營伍裁汰印信未繳今海澄  
公黃應鑽多有親戚族人請託干求濫給印  
信文書混行文武衙門殊屬非宜查海澄公  
既無兵馬錢糧之責又無地方民社之司請  
令海澄公黃應鑽將印信交與該督總部查  
銷向後承襲之時俱給與敕書以昭憑信再  
外省世襲武職之員年及二十以上者請令  
各該督撫撫咨部引見或留京學習或分發各  
省督撫提鎮標下効力三年後果能弓馬嫻  
熟諳練營伍照伊應得之品級補用共有行  
走懶惰者奏明回籍行止卑劣者題參革退  
將應襲之人另請承襲俱應如所請從之○  
以故喀爾喀輔國公三濟扎卜子密瓦扎卜  
襲爵○甲辰。

上御經筵講畢賜大學士九卿詹事及謀官等  
宴○乙巳諸王大臣等疏奏本年正月二十  
五日  
景陵寶城山上產有靈芝三本仰見  
聖祖仁皇帝深仁厚澤錫祚垂光  
皇上大孝純篤以  
聖祖之心爲心  
聖祖之政爲政是以誠敬感孚儲英  
陵寢請宣示史館永紀鴻庥得旨  
景陵寶城山上昔春產瑞芝三本請王大臣等  
恭爲朕純孝之所感孚朕撫躬自問生平事  
我  
皇孝不敢當純孝之名但誠敬之心數十年如  
一日自御極以來不但一言一事仰體  
聖心而後見諸施行即夢寐之中一念舉發從  
無有如其不合  
聖意而敢存於胸臆者諸王大臣等稱朕以  
皇考之心爲心此實朕之惆恍至云朕以

皇考之政爲政狀之才力遠不逮我

皇考舉凡宣猷敷治之間雖通龜效法究不能企及於萬一何能致芝草之嘉祥諸臣以此

歸美於朕朕不居也實因我

皇考之聖德神功際天蟠地深仁溥澤積厚流光

上天特欲顯示天下臣民是以數年之中三見

芝莢於

陵寢以今之歷霜雪而挺生當首春而呈瑞稽

諸史冊更屬罕聞朕感

上天昭示之洪恩叨

皇考貽謀之景福慶幸歡欣不敢不宣布於衆

應使天下後世臣民知

上天之眷祐

皇考與

皇考之垂裕萬年者即瑞芝一事明顯昭著信

而有徵固如是也著照所請宣付史館○諭吏部爲政之道務在得人朕加意旁求惟期

賢才奮庸布列庶位百職修舉嘉惠民生凡

所以遴選而登進之者亦多方矣雍正六年十月間以各處需員甚多而赴部銓選之人

不敷揀用特降諭旨令京官大學士以下皇

事以上外官督撫以下知縣以上每人各舉一人送部引見今行之既已年餘而內外官

員未經舉報者尚多則其平日必無深知灼

見之人倘復輟轉遲延必致人萌奔競之心而滋黃緣請託之弊所當酌量變通者也現

今會試中額廣至四百名其中必有可供任

使之人而直省選拔貢生陸續來京亦可教

導而成就之以備庶官之用著將各保一人

之例停止若有已經到部者仍准其引見該

部即行文在京各衙門併直省地方知之○

諭直省督撫提鎮等兵民各有職業是以分

隸文武管轄不使混雜難於約束致生事端

聞得廣東瓊州遠隔海外其弁員等竟於額設兵丁之外另召掛名兵丁乃係無賴之徒

千把等員利其飽送即准附名投充而此輩  
居然以營兵自居不服地方官拘管在營弁  
則以原非兵丁又無糧餉不行約束在州縣  
則以名列戎行非同編戶不便置問以致介  
在兩歧恣行不法欺壓良善聚集匪人甚爲  
居民之累瓊州一處如此恐他處與此相類  
者不少著各省督撫提鎮等悉心確查嚴行  
禁革○以大學士蔣廷錫爲會試正考官禮  
部左侍郎鄂爾奇署工部左侍郎順天府府  
尹孫嘉淦內閣學士任蘭枝爲副考官○調  
廣西布政使張元懷爲江南安徽布政使司  
布政使陞廣西按察使元辰成爲廣西布政  
使司布政使貴州貴西道張鏡爲廣西按察  
使司按察使○調福建福州右翼副都統董  
朝衡回京陞福建福州協領顧弘譽爲福建  
福州右翼副都統○丙午戶部議覆雲南巡  
撫沈廷正奏南寧縣水災地畝豁免錢糧迨  
水退之後補種有缺請仍舊徵收應不准行

得奇部駁甚是凡被災免賦之處若地方官  
民詳報之時以熟作荒冒濫蠲免則當從重  
治罪若從前實係水淹已照例蠲免後因涸  
出地土小民補種禾稼仍欲徵收錢糧殊屬  
不合沈廷正所見卑小著飭行○署護甯統  
領青保疏言大清門天安門端門係下五旗  
護軍輪派看守其應備之長鎗搬袋弓箭等  
器械向係本身帶入嗣後請照內門看守之  
例俱令官道給發從之○丁未遣大學士陳

元龍祭

先師孔子○以鑲白旗滿洲副都統博第著  
正藍旗蒙古副都統陞鑲黃旗前鋒叅領滿丕  
爲正黃旗蒙古副都統調正黃旗漢軍副都  
統佟時茂爲正白旗漢軍副都統○戊申祭

大社

大祝

上親詣行禮○己酉復原任輔國公額士爵○  
授輔國公星尼子都隆額爲奉恩將軍○以

正白旗蒙古副都統圖克善著鑲白旗滿洲副都統庚戌

孝康章皇后忌辰遣官祭

孝陵○以故喀爾喀輔國公沙克都爾扎布弟

巴爾桑襲爵辛亥

上親耕耤田詣

先農壇致祭畢更服至耕所仍行四推禮畢

上御觀耕臺命莊親王允祿裕親王廣祿信郡

王德昭行五推禮吏部左侍郎宗室普泰戶

部倉場侍郎岳爾岱禮部右侍郎蘇世遠兵

部右侍郎永壽刑部尚書德明工部右侍郎

宗室塞爾赫都察院左副都御史王圖炳通

政使司通政使張懋誠大理寺少卿巴德保

行九推禮各以次耕如儀

上御齋宮順天府官員率耆老農夫行禮畢至

耕耤所農夫終畝王以下各官行慶賀禮賜

茶停止筵宴○

上幸圓明園○壬子恭刊

聖祖仁皇帝御纂書經傳說告成

御製序文頒行天下○以鑲藍旗滿洲副都統

在內閣學士袁行德禮通政使張懋誠俱著

工部侍郎事○癸丑以翰林院編修李清植

檢討張若溫俱著日講起居注官○喀爾喀

輔國公敦多布額林陳故遣官致祭○甲寅

諭內閣向以微員無級可降偶遇降級處分

即議以革職○屬未當是以降旨令吏部兵

部酌議隨經該部議奏凡處分止於降三級

者准其革職留任三年無過與以開復狀已

降旨依議今朕細思若照此例則有級可降

者已至調用轉不如無級可降者得以仍留

原任立法未爲允協著吏部會同兵部再加

詳議以聞尋議嗣後從九品未入流等官無

級可降遇應行降調之案在三級以內者如

到任已歷數月著該督撫將居官如何之處

聲明到部居官好者議以革職留任三年無

過開復平常者議以革職或甫經到任尚未

定其賢否亦著該督撫聲明到部議以暫行留任俟試看一年能勉効力准其三年開復平常者照例叅革至各部院筆帖式例應降調者亦令各該管官聲明送部照例定議從之○轉刑部右侍郎張大有為左侍郎實授王國棟為刑部右侍郎○旌表河南獲嘉縣烈女董明緒女董氏拒賊不污被刃殞命給銀建坊入祠致祭如例○乙卯吏部議覆甘肅巡撫許容條奏移設州縣事宜一靜寧州屬之安定監地方請改歸通渭縣管轄其通渭縣治移駐安定監城一寧夏府屬之花馬池請添設州同一員屬靈州管轄一蘭廳同知請改為河捕同知專司河橋稅茶法暨捕盜案件其平涼府屬之固原廳併固原州管理一鞏昌府屬之岷州廳改為岷州設知州一員吏目一員靖遠廳改為靖遠縣設知縣一員典史一員其岷州廳原管之茶務改歸洮岷道管理一岷州屬之勇家等五里

及鐵谷溝等二處地方請就近歸併漳縣管理均應如所請從之○河東總督田文鏡疏言武弁養贍家口僕從名糧之外別無所資若但給以步糧恐不敷用請自提督至守備馬步各半千總馬一步四把總馬一步三者為定額各省一體遵行從之○改撥雲南互扯營歸雲益州撥諾紅當磨戈舌採羅營東屯耿屯田地歸宣威州管轄從雲南巡撫沈廷正請也○丙辰遣官祭

歷代帝王○遣官祭

闕聖帝君○諭內閣從來察吏之道莫先於獎廉懲貪蓋貪贓之風不息則上虧國課下剝民膏其為吏治人心之害者甚大不止關係錢糧而已我

皇考聖祖仁皇帝澄發官方深惡貪墨之蠹國病民所以警戒訓飭之者至矣祇以

聖心寬大慈祥未嘗將優蝕國帑貪取民財之人置之重典姑且包涵望其餘徐感化此實



如天之仁也乃不肖官員等不但不知感激  
悛改勉爲廉吏且恃有寬大之恩心無畏懼  
將侵盜貪墨視爲固然數十年來日積月累  
虧空婪贓之案不可勝數朕若不加懲治仍

容此等貪官污吏掠厚資以長子孫則將來  
天下有司皆以侵課納賄爲得計其涼藥何  
所底止是以數年來加意整頓若米人心知  
儆舊習漸除今朕得施寬大之政乃朕之至  
願也此意於元年二年間即屢向左右大臣

等密言之者近觀各省吏治雖未必能澈底  
澄清而公然貪贓犯法及侵盜錢糧者亦覺  
甚少是衆人悛改之象與朕期望之意相符  
亦可遂朕寬宥之初心矣今欲大沛恩膏酌

免遠年承追之項將各直省官員名下應追  
贓銀及侵欺挪移流抵分賠代賠銀兩凡事  
在雍正三年以前已經發覺者該部查明情

由具奏候朕酌其情罪降旨免追其自雍正  
四年五月以後犯罪之案乃屢經訓諭而不

悛改者不准寬免至於軍務錢糧關係重大  
其昔年西寧肅州阿爾泰軍需等案內應追  
銀兩雖在雍正三年以前亦不准豁免此次  
特恩乃朕仰體

聖祖仁皇帝寬大至意爰施法外之仁豈但本  
人及其子孫免追比之苦獲再生之慶即承  
追之地方在官員則得免於處分在吏胥亦  
得免於杖責案牘減卷事簡刑清莫不受國  
家寬大之賜咸當感激激警者互相勸勉以循  
良爲楷模以貪墨爲鑿戒則大小官吏永遠  
共沐國恩倘因適格寬宥轉敢玩法之心復  
蹈從前之轍則端典豈可再選國憲豈能再  
免且替天逆理莫此爲甚亦斷不能逃

上天之誡責也○子路北路軍營河南河北總  
兵官閃文燾奏莫如例賞銀一千兩○丁巳  
清明節遣官祭

永陵  
福陵

昭陵

昭西陵

孝陵

孝東陵

景陵

上諸

恩佑寺行禮○晉封誠郡王允祉為和碩誠親

王貝勒允禩為多羅愉郡王貝子允禔為多

羅貝勒封二十一阿哥允禧三十二阿哥允

祜俱為固山貝子二十三阿哥允祹為鎮國

公○戶部議覆浙江總督李衛疏言嘉興秀

水二縣有義田餘租 項係從前民間捐置

之田自康熙二十八年學臣周清源題歸官

徵備賑租有定額窮佃不勝其累間有逃亡

並累及原捐之後萬請將此項田租除五六

七年未完分年帶徵外所有年久未完銀米

粟予豁免並請將此田分別給還歸社永免

官徵應如所請從之○賑湖南澧州臨湘等

七州縣岳州等三衛旱災饑民社免雍正七

年分額賦有差○子故鑲紅旗滿洲副都統

亨特登墓如例○旌表直隸元城縣烈婦孫

月樸妻謝氏拒姦不淫投繯殞命給銀建坊

入祠致祭如例○戊午陞陝西西安按察使

碩色為陝西西安布政使司布政使湖南糧

道楊韶為陝西西安按察使司按察使○陞

直隸山水副將胡傑為河南河北總兵官前

往北路軍營統領綠旗兵丁○已未諭內閣

滿漢內外兵丁朕皆一視同仁冀其俯仰有

資吉凶用度不致匱乏為此拳拳於心久矣

但經理區畫之方不得不由近而遠次第舉

行以期無弊是以首及在京之八旗上年則

通行各省駐防及督撫撥督標下按其兵丁

之數分別賞銀之多寡令各該管大臣商酌

營運取息以備兵丁支領之用至於各省鎮

標則擬漸次及之今見各處督撫提督具奏

前來亦有經理得宜可收實用者亦有布置

未當難於舉行者可見料理此事之難矣至於鎮臣之才又不及提臣等則料理愈覺繁難倘因朕此時加惠兵丁而敢將來爭競以致弁兵上下之間互相詛譎則是恤兵之美意轉生營伍之事端非所以愛之也著各該總兵官通行詢問標下兵丁等若朕賞銀後伊等聽該管官措置出納不生貪得冒領之心即或措置失宜甚至有侵蝕虧缺者伊等亦不忍爭怨望致生事端如此一一出具甘結令該總兵官具疏保題至於營運經理之法著該省總督巡撫提督會同總兵官悉心商酌如何料理可以常久遵行無弊茲令督撫提督酌量該總兵能否辦理此事具疏保題到日朕當降旨如恩若該省無總督提督即令巡撫確議保題其每年出入查核及接任交代等事俱照督撫提標之例行○諭戶部從前歷手戶部虧空庫銀至二百五十餘萬之多怡親王曾奏請將本部餘平飯銀陸

續代為完補朕思歷年該管之堂官庫官所司何事若不責令賠補無以示儆因令孫渣齊東公聞報著追乃孫渣齊聞報時高下其手甚屬不公以致追完之數甚少拖欠之項甚多累年不能清結今朕念孫渣齊之祖舊日忠勤已將伊免罪釋放茲免伊名下應追銀兩其餘應追未完人員亦一體施恩悉行免追仍照怡親王所請將所存餘平飯銀代為完結○庚申銀白旗漢軍副都統巨名世緣事革職陞正藍旗參領星額為鑲白旗漢軍副都統○辛酉免直隸薊州武清玉田三州縣雍正七年分水災額賦有差○壬戌江南江蘇按察使馬世瑋緣事革職調貴州按察使徐本為江南江蘇按察使司按察使廣西按察使張錢為貴州按察使司按察使陞廣西蒼梧道張體義為廣西按察使司按察使○理藩院遵旨議奏外國進貢米使俱有館舍安置惟回紇未經置館請撥官房一

所立爲回館並擇在京回民頭目二名居住看守從之○茲表江南陽湖縣烈婦馮繼冉妻薛氏拒姦不污投縲殞命給銀建坊入祠致祭如例○甲子移浙江寧波府同知駐鄭縣之大嵩定海縣岑港司巡檢駐岱山鄭縣四明驛驛丞駐江干添設定海縣沈家嶼巡檢一員從浙江總督李衛請也○服江南壽州合肥二州縣廬州衛旱災饑民○乙丑孝昭仁皇后忌辰遣官祭

景陵○諭內閣向來外省各標營沙唬趕繒等船原令道員會同副將監督修造道員遠委同知通判承修副將遠委營都司守備監修副承修之員備辦物料必經監修驗看自千把以及遊副逐層需索及如式修造赴各標營文收又有驗看勒捐之弊迨交收之後一任船隻棄置河干雨淋日曬船中器械繩索爲頭舵等人盜竊變賣而該管將弁靡不追究夫始則借端勒索後則聽其毀棄豈非以

承修之責專在文員而監修之武弁置身局外遂至視同陌路乎此等銅弊聞各處皆然而京口將軍標下爲尤甚嗣後修造標營船隻著道員副將會同領價道員遠委丞倅副將遠委都守協同辦理修造如係將軍標下船隻即遠委條領以下等官同領同辦其船隻交收之後在汛停泊責令頭舵管蓋克先每歲令該管將弁出具印結遠督撫查核如有阻違事故今其結交代至於修造船隻

有小修大修拆造之不同是以工料多寡懸殊今聞船未發廠頭舵人等已將在船什物私行盜賣即屆小修亦必令其拆換添備甚屬不法嗣後著將什物一併具冊移交如有短缺將該管將弁及頭舵人等分別參遠總之各省船隻每當修造之時及交收之後其中種種弊端難以枚舉今就朕所聞頒發諭旨在各省將軍督撫提督等悉心商酌時加訪察以除該弊倘諭旨中有難於奉行之處

亦著據實陳奏 丙寅添設山東莒州石埠

集巡檢一員從河東總督田文鏡請也 丁

卯兵部議覆浙江總督李衛條奏一步兵內

有食水師營之糧者查令改歸水師倘不能

駕駛船隻另募補足嗣後如有混食查出照

冒支糧餉例治罪一內外洋面大小船隻令

於蓬上書爲某處某號并船戶姓名刊刻船

尾以別姦良并通行沿海各省督撫提鎮一

體遵行俱應如所請從之 予故正紅旗滿

洲都統蘇丹祭墓諡勤僖 予故廣東潮州

總兵官尚濬祭墓如何 戊辰諭陝西督撫

等安西沙州等處招民屯墾原爲惠養邊民

之計是以累年以來備極籌畫經營期其得

所今從雍正六年民戶到齊之日計算至辛

亥年例當輸賦之期但念小民甫經安插公

私兼顧爲難著寬期二年於於五年陞科俾

民力寬裕俯仰有資以副朕格外加恩之至

意 加福建總督高其倬爲太子太保 陞

鑲紅旗蒙古副都統泰布爲陝西西安將軍

○南掌國王烏孫遣使以猛花等奉表朝賀

並請永定貢期得旨南掌國遠在西南徼外

從來未通職貢今遣使前來奉表修貢具見

悃忱朕心深爲嘉悅所請著禮部議奏尋議

嗣後南掌國酌令五年進貢一次今年初次

納貢應照蘇祿國初次進貢之例頒賜敕諭

一道令該使臣恭捧還國以示嘉獎從之

敕諭南掌國王朕惟翰誠効順遠人昭嚮慕

之忱錫命褒庸天室懋撫柔之典矧茲殊域

遊聽風聲既約蓋誠宜加眷予爾南掌國屬

在遐邇克抒丹悃恪恭遣使梯航直達於神州

懇切陳詞琛寶並將其方物允堪嘉尚用錫

褒榮茲特降敕獎諭並賜王文綺器皿等物

王其祇受益天虔恭以副朕眷至王所請貢

期朕念爾國遠在西南往來迢遞已較禮臣

定議酌俟五年之外一修歲獻之儀若王有

所敷陳則可隨時上達故茲敕諭 謹表江

南合肥縣烈婦蔡機妻金氏夫亡殉節從容  
自盡寶應縣烈女刁改沃聘妻朱氏未婚夫  
亡投繯殉義各給銀建坊入祠致祭如例

大清世宗敬天昌運建中表正文武英明寬仁  
信毅大孝至誠憲皇帝實錄卷之九十一

大清世宗敬天昌運建中表正文武英明寬仁  
信毅大孝至誠憲皇帝實錄卷之九十二

臣等謹將各省官員年滿七十以上者請旨開缺以節糜費等因欽此

事。各省官員年滿七十以上者請旨開缺以節糜費等因欽此

臣等謹將各省官員年滿七十以上者請旨開缺以節糜費等因欽此

教修

雍正八年庚戌三月己巳朔諭內閣朕愛惜  
人材不忍聽其限於考成遂至放棄而外任  
各官案件繁多往往罹於劾罰是以數年來  
因公呈誤之員例應降革者多於覆本之內  
降旨令該上司出具考語送部引見若其才  
善才長亦不肯輕棄也今思在京部院司官  
及旗員等雖參罰之案不多然亦有因公呈  
誤者所當一體加恩與以贖過自新之路嗣  
後在京文武各官有因公呈誤至於降革而

任內無錢糧不清及治罪之案者准照外員之例令該堂官該旗大臣出具考語奏聞帶領引見或將該員仍留原任或另行試用或照例降革候朕降旨裁奪。又諭朕聞有數省督撫藩臬不能約束書吏者其胥役人等狐假虎威無惡不作而督撫衙門為尤甚其名有內外班之分內班總管案件外班傳遞信息朋比作姦種種嚇詐飽其貪婪則改重為輕拂其所欲則批駁不已即如廣東各案盜犯未獲無論年月遠近不拘盜犯多寡總督書辦驟於冬季寫票差提承緝之吏日典史巡檢齊至肇慶示期比責其陋規則有院房年節禮每員到彼各送書辦銀三四十兩遂准回任若撤員無力覩送則差押不放甚至稟請杖責此粵省之弊端也至於各省督撫書役則有承合旗牌等名皆自號為差官該督撫給票差遣亦用差官字樣而通省吏民遂莫不以差官目之平日踞坐班房包攬

詞狀每於府州縣官謁見督撫之便私行囑託濫准枉斷及差往他處則肩與逾分馬掛臂纏儼然官長沿途拜會司需索夫馬餽送此輩狡猾性成或以小忠小信趨奉本官得其歡心間或委其訪察屬員事跡則假公濟私作威作福其害更不可言矣從來胥吏之為患有闖吏治在精明廉察之督撫自能覺照而防範之而庸懦之督撫為所欺而不知受其累而不悟者正不少也又如藩司掌通省之錢穀果司掌通省之刑名案牘如山不得不仗熟練之書役為之辦理而其中百弊叢生舞文弄法之處不可悉數朕素知此輩之情狀已經定例嚴申禁約今再行訓諭是在督撫藩臬等約束於平時訪察於臨事不因熟悉條例而輕聽其言不因善承便令而誤墮其術東公駕馭用意防閑一有見聞即加懲治不存姑息之見不留回護之心如此則若輩雖欲舞弊而不能雖欲玩法而不

敢矣儻任封疆各收之寄於一二管轄之書

更不能使之安分守法革面洗心又安能察

吏安民誥姦禁暴成移風易俗之治乎朕深

為庸懦之督撫蕩泉耻之○改江南奇兵瓜

洲二營歸督標江寧副將管轄從署兩江總

督范時輝請也○雲貴廣西總督鄂爾泰題

廣西太平府信倫土知州馮朝憲故其子馮

時昌承襲年幼請以其妻黃氏協理下部知

之○庚午免直隸天津靜海二州縣雍正七

年分水災額賦有差○辛未諭內閣向來朕

閱

福陵前面水法稍更故道祇以未得精通地理

之人未敢輕議上年福建總督高其倬陞見

朱京伊素精堪輿之學特命率同主事管志

寧等前往奉天敬謹相度據奏

陵前水法因夏日溢口而流太近在畔山脚弓

把之勢微覺外張應即行修理石工俾循故

道則水把沙圓益增吉慶等語朕覽其俾

等奏指及所繪圖樣甚為明晰惟是

祖陵工程關係重大著將奏摺圖樣發與滿漢

文武大臣等公同閱看將應否修理之處敬

謹定議奏聞○命江西省開局鼓鑄從江西

巡撫謝吳請也○改浙江象山協昌園石浦

二汛守備一員千總一員把總一員為水師

以定海標石浦淡水二洋汛歸昌園汛分管

從浙江總督李衛請也○壬申諭內閣牧令

為親民之官一人之賢否關係萬姓之休戚

自古以來慎重其選而朕之廣攬旁求訓勉

告誡冀其泰循良之績以惠我蒸黎者亦備

極苦心矣惟是地方事務皆發端於州縣頭

緒紛繁情偽百出而膺斯任者類皆初登仕

籍之人未練習於平時而欲措施於一旦無

怪乎傍徨瞻顧心志茫然即採訪咨詢而告

之者未必其盡言無隱此古人所以有學製

美錦之數也向以大學士朱斌左都御史沈



令二臣商酌規則以爲州縣之指南乃書未就緒而沈近思物故適年以來未賦復時多疾病此事遂至遙延去年始降旨令總督田文鏡李衛各抒所見繕錄諸條以進朕親加披覽在二臣各就其所聞歷者而言禁簡同異之間不必一致而慎守官方勤恤民隱其大指則一而已矣爰付剞劂頒賜州縣官各一帙俾置几案間朝夕觀覽省察提撕治教未臻必思所以勉之弊端未革必思所以去之本之以實心行之以實力母始勤而終怠毋靜言而庸違如此則不但國家得司牧之賢草野有父母之頌而爲牧令者從此身膺顯耀名標史冊豈不美歟○癸酉以原任光祿寺卿趙之垣爲通政使司通政使○甲戌命西藏辦事內閣學士僧格統兵一千五百名至騰格里腦兒駐防○河東總督田文鏡疏報詳符縣開墾雍正七年分田地一百七十頃有奇下部知之○乙亥諭內閣六科史

書錄書每年著派出滿漢翰林各二員悉心稽查專司其事○以湖廣荊州將軍哈達爲內大臣兼正黃旗護軍統領原任湖廣荊州將軍吳納哈暫管荊州將軍事務○丙子署廣東巡撫傅泰疏言瓊州府屬生黎誠心向化願附版圖請照例編入保甲准其輸納丁糧得旨朕念生黎無田可耕本不忍收其賦稅但伊等傾心依嚮若將丁銀全行豁免恐無以達其抒誠納貢之悃忱著將每名情願輸納丁銀二分二釐之數減去一分二釐止收一分以作強賦該地方文武大臣應時時訓飭所屬有司弁員等加意撫綏悉心教養務令安居樂業各得其所以副朕胞與萬方之至意○鑲紅旗護軍統領七才以老病乞休允之○旌表烈婦江西建昌縣胡治臣妻范氏因夫逼寬守節投繯陝西涼州鎮兵張兆斌妻李氏夫殞還疆赴井殉死烈女江西永豐縣周天賜聘妻吳氏安福縣彭隆祖聘

妻謝氏俱未婚夫亡捐軀殉節各給銀建坊

入祠致祭如例○丁丑陞右翼前鋒統領蒙

春爲鑲藍旗蒙古都統仍留軍營以鑲藍旗

獲軍統領侯馬蘭泰著鑲藍旗蒙古都統輔

圖公伊爾登管理鑲紅旗護軍統領事務○

戶部議覆著福建總督史貽直疏言請自雍正

八年爲始每於春冬動撥臺粟十六萬六

千餘石運赴廈門今福興等府屬廳縣按積

穀之數派運入倉易換舊存倉穀平糶給兵

永著爲例應如所請從之○旌表烈婦直隸

元城縣鄭國器妻宋氏適嫁不從赴井完節

貴州安順府紳民羅廷勝妻馮氏適嫁不從

投繯完節各給銀建坊入祠致祭如例○戊

寅諭內閣各省駐防官員嗣後有効力年久

因老辭職者著該將軍等將伊食俸披甲之

年及在行間効力之處聲明咨送兵部奏聞

候朕閱看其應加恩者照在京旗員例加以

恩施○庚辰諭內閣寧夏地方萬民衣食之

源在大清漢唐三渠水利是以定例每年疏

濬修理使水流暢足民田均沾灌溉自歷年

官員疎忽忽玩以致閘道壞岸塌壞衝決日

見淺窄而三渠之中惟唐渠爲尤甚近來其

口過低其梢過高水勢不能迸流而上多誤

小民耕種之期雖每春定有歲修之例然不

能以一月之工程整十數年之荒廢也現今

兵部侍郎通智閩憲惠農昌潤二渠於寧夏

水利自然明悉著會同光祿寺卿史在甲即

行查議今歲預備物料明春動工修補務令

三渠堅固俾邊境黎元灌溉有濟永享益寧

之慶○賜江南下第舉人顧成天進士一體

殿試○移福建福清縣丞駐平潭從署福

建總督史貽直請也○辛巳給直省下第舉

人路費銀兩有差○旌表河南熱河洛陽縣

張景齡妻韓氏夫亡殉節絕粒捐軀汝州姚

紀妻喬氏適嫁不從自刎殞命各給銀建坊

入祠致祭如例○癸未四川巡撫憲德題租

州把抵安撫使慎白利故請以其子囊索承襲下部知之○甲申予故刑部右侍郎王承烈祭葬如例○旌表山東濟寧州烈婦白何義妻陳氏拒姦不污投井完節給銀建坊入祠致祭如例○乙酉諭內閣從前陝甘各標及松潘鎮出征兵丁添補衣裳據大將軍岳鍾琪奏明動支各兵家口夏秋二季一半餉銀製備令總督查郎阿等奏報俱已製辦運送軍前託兵丁等効力行間逸征屢塞朕心深爲軫念此所添補衣裳銀兩着加恩賞給不必扣除伊等家口月餉即行文陝甘川三省該大將軍處曉諭兵丁知之○以鑲藍旗參領雅瑚署正紅旗蒙古副都統陞正黃旗參領趙德沛爲本旗漢軍副都統○以故三等精奇尼哈番陳福孫陳益襲職○宴南掌國進貢使臣於禮部○旌表河南復嘉縣烈女司三女司氏強姦不污投殲殞命給銀建坊入祠致祭如例○丙戌

上詣

恩佑寺行禮○諭內閣凡官員始初被參革職發審及審係全虛例應准其開復該部往往但免其罪而以己經革職無庸議含糊歸結非情理之正又有原參重罪審虛而該員尚有輕罪應以降級罰俸歸結者則應開復其官按其所犯與以降級罰俸之處分方於情法允協其應如何明晰定例俾內外通行遵奉著九卿會議具奏尋議嗣後官員被參革職發審者審係全虛照例准其開復如該員先經別案革職者本案審虛止將審虛之案開復其從前降革之案不得概與開復其先經別案降革留任者本案審虛亦將審虛之案開復俟補官日仍將從前降革留任之案帶於新任至原參重罪審虛而該員尚有輕罪例應降級罰俸者將原參革職之案准其開復按其所犯輕罪分別議處永著爲例從之○又諭直隸水利營田工程怡親王辦理

多年實心任事各官遵其訓示罔敢怠玩今  
王偶抱微恙朕令靜養調攝不宜復以繁瑣  
之務使之縈懷著將水利衙門一切大小事  
件應敕知怡親王者俱稟知大學士朱軾定  
奪辦理有應行奏聞者朱軾即請朕旨俟怡  
親王全愈之日再行通知其在工官員等勿  
以怡親王不事督率稽遲遂生玩愒之念嗣  
後工程重大事務有調度失宜者則朱軾之  
責至於修築不堅防護不慎管束不嚴與息  
惰疎虞推諉遲誤等弊朕皆於分理之官員  
是問儻少有不遵或經朕訪聞及怡親王全  
愈之後查出題參定行從重治罪○諭戶部  
湖南新設永順一府所轄永順龍山保靖桑  
植四縣應徵秋糧向係土司交納實不從田  
畝徵收每年雜派任意輕重至於肥饒之田  
土官自行收穫餘復爲豪強分佔民間祇有  
零星碗碗之地自改土歸流以後有司因田  
畝未經清丈或仍照舊冊攤派在無田之民

陋規尚未盡除而隱佔膏腴者不納田賦殊  
非任土作貢之義著將永順一府秋糧豁免  
一年令有產之家自行開報准其永遠爲業  
按田肥瘠分別起科一切雜派和徵派行禁  
革是在督撫等督率有司善爲經理儻奉行  
不善致土民不免疑懼則各有攸歸矣○丁  
亥命大學士張廷玉蔣廷錫俱督理三庫事  
務○戊子添設四川保寧順慶夔州三府同  
知各一員寧遠雅州二府通判各一員敘州  
府照唐一員趙萬衛經歷一員順慶重慶二  
府司獄各一員嘉定潼川達令四州州同各  
一員嘉定潼川眉印資梓潼忠己劍十州州  
判各一員成都華陽巴壘江寧天竹宜賓富  
順隆昌永寧奉節梁山萬平武西昌榮遠寧  
德陽保十九縣縣丞各一員富順南溪綿竹  
三縣主簿各一員建始梓潼汶川三縣典史各  
一員邛州之火井瀘州之嘉明鎮遠州之  
麻柳場簡州之龍泉驛會理州之苦竹壩瀘

縣之白沙河新都之彌牟鎮巴縣之木洞鎮銅梁之安居縣涪南克之東觀場岳池之黎梓衝南部之西河口廣元之百丈關朝天鎮昭化之白水通江之椽壩開宜賓之橫江宜化屏山之石角營萬縣之市郭里雲陽之雲安鳳平武之中壩場捷高之牛花溪射洪之大度凌蓬溪之蓬萊鎮敘水廳之古蘭州等巡檢各一員裁太平縣明通巡檢一員移建武通判駐屏山縣之新鎮從四川巡撫憲德請也○庚寅諭吏部查例載官員失察衙役犯贓十兩以上者革職朕思衙役眾多一官之耳目難於周遍僅知而故縱自當從重處分若但失於覺察即附本官罷黜刑罰員因此置誤者不少矣情有可原而處分太重轉易滋隱匿之弊此應加通變者該部具悉心詳酌另行定例具奏尋議嗣後直省衙役犯贓本管官除知情故縱照例革職外其止於失察者請照在京部院司官之例十兩以

上將該管官降一級留任不及十兩者罰俸一年今該督撫於疏內詳悉聲明交部分別議處從之○諭兵部各省鎮標兵丁原欲給與生息銀兩資其吉山家事之用現今各省督撫提鎮公同酌議俟回奏到日再降諭旨朕念安西一鎮遠在口外與他處不同應先沛恩澤查鎮標屬沙協共兵丁六千四百名著賞銀二萬兩為生息之本○著江西巡撫謝旻疏報近辦南昌吉安等三十八州縣衙所開墾雍正七年分田地四百九十八頃有奇下部知之○裁廣東武寧大陵二驛驛丞各一員其驛務歸各該縣管理改欣學平山平政蘇州四驛驛丞缺俱為巡檢從著廣東巡撫傳泰請也○旌表順天府密雲縣烈婦張顯妻姚氏拒姦不污被刃殞命給銀建坊入祠致祭如例○辛卯諭內閣午門外朝房之南科房之北有碑亭一所供奉皇考聖祖仁皇帝御製臺省歲碑文理宜恭敬

嚴肅洒掃潔清以昭儆恪之誠聞朝會之期各官齋集往往列坐碑亭之內談笑喧譁箕踞傲慢又或書吏奴僕等抱贖出入無人禁止甚為不敬查此地與六科相近即著六科輪班撥人護守每日掃除潔淨虔敬閉門官史人等仍敢擅入視為愆息之所著輪班之科衙門即行奏奏如科員不行查察經朕訪聞定行交部察議其碑亭建立已久如有應行修理之處著工部敬謹修理○裁湖北荆中荆南孫黃漢江鄖城五驛驛丞各一員其驛務歸各該州縣管理從湖廣總督逸柱請也○旌表廣東宜白縣烈女劉氏強姦不污被刃殞命給銀建坊入祠致祭如例○壬辰諭內閣凡兵丁等支給糧餉原高仰事俯育之資不容絲毫扣克朕聞陝西興漢鎮有加米部費一項每年兵丁公湊銀三百兩同奏銷銀兩一併交送部科名曰部費又如慶賀表箋每年給值規銀四十兩齋送冊籍每

年給值規銀二十四兩與漢一處如此則各省與此相類者不少矣此皆內外胥吏等彼此串通巧立名色借端科派以飽私囊并兵等力量幾何安能供此旁出之使費若通行各省營伍若有似此陋規即嚴行禁革如部科書史人等仍前需索或於文移冊籍中故意搜求著該管大臣等具摺奏奏○予故刑部左侍郎繆沅祭葬如例○甲午解兩江總督范時輝任調著福建總督吏部左侍郎史貽直署兩江總督陞監察御史伊拉齊為江西布政使司布政使江西按察使胡濂諒事降調以原任廣東按察使樓儀為江西按察使司按察使○著古北口提督魏經國疏言各省提鎮等官蒙恩給親丁名糧馬步各半但各處額設不齊其馬兵甚少之處請以二步一馬抵算得旨提督等官親丁名糧前降旨准其馬步各半各省通行皆乃朕體卹武弁俾得養贍從容之意今覽魏經國所奏有

不得不同地制宜之勢著將此奏通行直省  
令該督撫提鎮各就本地營伍情形悉心妥  
議具奏○乙未諭內閣昔年

聖祖仁皇帝駐蹕熱河時凡商民貨物往來俱  
不輸稅嗣後著嚴行稽查無論滿洲綠旗兵  
弁僕有需索商民者即指名題參治罪○丙  
申

上回宮○諭內閣昨據署理南澳總兵官張起  
雲摺奏雍正六年六月內南澳鎮巡海哨船  
遭風飄爛淹溺弁兵一案其實在淹沒者係  
把總一員兵丁十四名被淹而幸獲生全者  
兵丁九名其餘兵丁三十七名並未上船隨  
行乃冒開姓名希圖領賞皆由千總蔡文祚  
守備林甲俊等冒濫報詳等語隨據署提督  
許良彬摺奏與張起雲所奏相同朕念江海  
之中風濤不測凡官兵兵丁因公事差者遭  
風受困者著照軍功加恩僕有不幸至於身  
故者著照陣亡之例優加賞卹此朕軫卹弁

兵之特恩亦料其不忍欺誑冒濫也豈意舉行  
伊始即有南澳鎮巡海哨船遭風冒開兵丁  
三十七名之事經張起雲查出參奏許良彬  
亦即據實奏聞著將張起雲許良彬交部議  
欵近有條奏內稱粵東三面環海例應遊奕  
巡查而公事差遣往來亦必經由海道遂有  
無賴營兵視卹賞之特恩為射利之捷徑或  
值行船攔淺偶爾擦傷或船已停泊近岸撞  
碎是皆駕船不謹之故而船內兵丁惟恐責  
令賠修轉捏報人船飄溺各營代詳請賞甚  
至有將戰船暗地毀損希圖朦混邀賞者即  
如上年龍門協把總張寶帶兵巡海遭風壞  
船而弁兵多人均扶蓬登岸又如百總徐禮  
帶兵護送鹽船偶爾被風損船人俱登岸無  
損此皆濫竊恩賞者况粵東各汛水師無不  
熟識水性乘波出沒事屬尋常若一經被風  
飄溺並未淹斃遂准領銀三十兩彼善於泗  
水之兵丁得一次之賞較二年之餉而有餘

難免乘機作弊應請嗣後若有遺風身故之  
兵弁仍照例優卹外其被溺而仍獲生全者  
可否停其賞給等語朕覽條陳所奏合之張  
起雲許良彬所奏是閩廣濱海之區事同一  
轍竟以從優卹費之恩起小人貪利冒賞之  
念將來或至暗傷船隻濫弊作姦公事轉至  
貽誤俱未可定况閩粵二省於沛恩之初即  
有此等之弊則其他濱江沿海之地倣效而  
行亦勢所不免矣著各省督撫提鎮通行曉  
諭水師弁兵等嗣後若有遺風受困者務據  
實開報該管營弁確查轉詳勿以一時圖利  
之念忘朝廷格外之恩而蹈欺罔之罪晚諭  
之後該管大臣等益當仰體朕心稽查核實  
儻有不應賞而賞與應賞而不賞者經朕訪  
聞皆於該管之大臣是問○免直隸寶坻縣  
雍正七年分水災額賦有差○丁酉諭內閣  
教職一官陶成士類聞係甚重凡科甲出身  
之知縣有准督撫題請改教之例蓋以該員

才具不足以治民而學品尚堪以訓士故丹  
以師儒之席俾得展其所長以爲國家興賢  
育材之助茲非以縣令改教使不才者可借  
以藏身而爲督撫者可以濫行題請也朕恐  
改補之員心志褻類怠息職守從前所降諭  
旨甚明嗣後如有不堪課士之員祇令勒令  
休致儻仍瞻顧苟且題請必將該督撫議處  
著通行各直省知之○戊戌改雲南宣威州  
雷益驛務歸該州管理可渡驛務歸州屬之  
倘塘驛丞管理從雲南巡撫沈廷正請也



大清世宗敬天昌運建中表正文武英明寬仁  
信毅大孝至誠憲皇帝實錄卷之九十二

大清世宗敬天昌運建中表正文武英明寬仁  
信毅大孝至誠憲皇帝實錄卷之九十三

臣等謹將世宗憲皇帝實錄卷之九十三內所載各事恭摺具奏

臣等謹將世宗憲皇帝實錄卷之九十三內所載各事恭摺具奏

臣等謹將世宗憲皇帝實錄卷之九十三內所載各事恭摺具奏

臣等謹將世宗憲皇帝實錄卷之九十三內所載各事恭摺具奏

臣等謹將世宗憲皇帝實錄卷之九十三內所載各事恭摺具奏

教習

雍正八年庚戌夏四月己亥朔享

大廟

上親詣行禮○賜廣東舉人盧伯蒼為進士一

體殿試○策試天下貢士沈昌宇等於

太和殿前制曰朕紹續洪基撫臨區宇勤求

治理旣食育衣罔敢暇逸深惟耶隆之世朝

寧有喜起之風臣鄰矢公忠之誼司民社者

樹懋績列庠序者砥純修朕與中外諸臣諄

復詰誡庶幾迓勉恪恭各殫厥心臻茲盛軌

易曰天地交泰言明良之慶也書曰推賢讓

能庶官乃和言師濟之美也蓋堂陸孚於一德而後謨明弼諧克贊其猷條采合爲一心而後撫辰裝績共收其效朕推心置腹一本至誠冀百爾臣工抒誠啟沃以襄治化而在近諸臣果能精白乃心夙夜獻替無愧薦菑之義歟抑羣策羣力固將俞受敷施何以俾同朝共事之臣和衷交勉以躋膺歌鸞拜之盛歟人臣職內職外皆朕股肱耳目之寄必也忠以居心公以涖事然後能與君爲一體苟黨援互結而懷溺情阿比之私文貌相承而扶矯詐沽名之術何以稱靖共匪懈無忝厥職也今欲使內外諸臣相勉於古大臣公忠體國之誼欽乃攸司無戴爾僞勵匪躬之節而濼勿欺之忱果何道之從歟至於牧令爲親民之官一人之賢否萬姓之休戚係焉而初登任藉之人未嘗試之以事何由知其勝任與否而用舍之歟天下州縣繁夥有一官即需一人銓補既不容以稍緩而又欲酌

繁簡之宜使人稱其富才符於職其道安在夫課吏者督撫之責也務爲姑息必長廢弛玩愒之風稍涉苛求又非爲國家愛惜人才之道何以勵其操守作其志氣冀其不逮宥其過愆使羣吏承風率教鼓舞奮勉以奏循良之績歟國家造士之典至渥所期於士者至原非專以文詞相尚也必崇實學敦實行處則爲經明行修之彥出則爲通方致遠之材始克副長育造就之至意乃海內之士或馳驚於聲華或緣飾於巧僞而爲野模魯之質又拘迂固陋而無適於用將欲使之洗滌積習相與進德而修業其何以漸摩陶淑因材造就以儲譽髦之選歟夫君臣上下一德一心斯庶官有所表率而各殫厥職矣內外官僚克勤克慎斯羣材莫不奮勵而各端其習矣爾多士留心經濟有素具各抒所蘊以對朕將親覽焉○庚子和碩淳親王先祐薨輟朝三日賜祭二次造墳立碑諡曰度○陞

翰林院侍講學士德齡爲內閣學士兼禮部侍郎○調鎮藍旗漢軍副都統黑色爲正紅旗蒙古副都統○癸卯傳臚賜殿試貢士周霽等三百九十九人進士及第出身有差○以正黃旗獲軍統領兼內大臣哈達爲右翼前鋒統領○復設直隸邢臺縣西黃村巡檢一員移行唐縣兩嶺口巡檢駐上碑村從署直隸總督唐執玉請也○甲辰諭內閣據署理川陝總督印務查郎阿摺奏川省墊江忠州等屬姦徒楊成勳王可久等捏造妖謠吹角嘯聚匪謀敗露楊成勳自縊身死今拏獲黨犯陳文魁楊成祿等搜出訴狀怨白等稿言詞雖鄙但不經而其中指稱忠州地方丈量田地科派需索騷擾累民等事則曰禍寬起於戊申年奉旨清丈民田又曰上憲愛民如子察寬如神等語查四川清丈之舉始於馬會伯之奏朕惟恐不便於民諭令憲德悉心酌議以定行止隨據憲德奏稱蜀省昔年

兵火以來人民稀少田地存在荒蕪及至底定歸復祖業者從未經勘丈是以多所隱匿迨歷年既久人丁繁衍姦猾之徒欺其界畔無據遂相爭構訟今應明白曉諭令將所管田畝分立地界各報本名立戶載入版籍每年納糧俱以串票爲據如此則欺隱侵奪之患可以悉除矣又川省詞訟爲田土者十居七八率爲界址不清亦非勘丈無以判其曲直清其田畝等語憲德之奏如此朕又詢問岳鍾琪據岳鍾琪所奏與憲德之言相同隨將諸人前後所奏發與九卿會議九卿亦以應當舉行合詞覆奏朕於是慎選科臣高維新等前往辦理而於伊等陸辭之時諄切訓諭務期剷除積弊安插善良俾閭閻共享寧靜之福並非爲加增賦稅起見又復頒發諭旨若丈量業內百姓果有冤抑下情准其十數人同到督撫或欽差官員衙門控告但不許聚眾喧竄其呈狀著督撫欽差接受

秉公審理此從前違官清丈之始末也其勛  
丈造冊等費俱令動支帑金各官供應等項  
俱令從公支給無非體恤閭閻不使畿微煩  
擾之意上年冬月丈量之事將竣朕又念川  
省各屬徵糧科則輕重懸殊其田土肥瘠不  
等則賦稅自難畫一又復降旨凡隱瞞科則  
等處止據實按則更定至於額糧稍重之州  
縣即比照就近適中地方之科則令其核減  
以紓民力今年正月憲德以清丈事竣具本  
代達川民謝恩之詞通省士民咸稱川省數  
十年輕徭薄賦近日荒蕪漸闢而土著流民  
各居其半邊界不靖總由田土未丈以致豪  
強占象捏告無已今蒙清理疆界使強無兼  
併弱無屈抑又荷鴻慈將田不敷糧之戶悉  
予開除疆界既已分明額賦尤為公溥下符  
民志上契

天心等語朕亦以為經理得宜於民生風俗大  
有裨益矣豈意姦民嘯聚為匪竟引清丈苛

虐以為言雖預兇暴之人本不足信然彼

怨白中公然寫為奏旨清丈者豈非該撫憲

德等但以清丈之事稱為奏旨至於已身奏

請之處並未曉諭於眾耶陳文魁訴狀內稱

上憲愛民如子察寬如神等語伊既稱頌川

省上司是必憲德等有沽譽於民之道何不

將朕之德意廣為宣播而乃朦混含糊使姦

民得以藉口耶又怨白中所言需索騷擾等

弊朕之差委人員俱令給與夫馬食用之資

而一應勘丈造冊等項又悉令從公支給絲

毫不可擾朕之諭旨既詳且備如果奉行

不善經理失宜則封疆大臣之責安得以此

歸怨於上耶憲德既稱通省士民懽呼感戴

異口同聲何以尚有陳文魁揚成謀此等匪

類暗結邪黨肆行誹謗可見平日地方大吏

化導之未周董戒之不力則深山窮谷之中

安保無似此險邪之小人惑於妖言而妄為

私議者乎凡督撫所施行於地方之事自然

皆係奉旨之事然其發端之始各有不同有由於內外諸臣條奏者有由於本省督撫題請者有朕特旨施行者朕屢屢訓諭督撫等即朕特旨令行之事該督撫等身在地方若果有不便於民之處即據實密奏朕即降旨改易如鄂爾泰田文鏡李衛於朕降旨施行之事復行陳奏而朕即爲中止者甚多憲德獨不聞之乎四川清丈一事既曾奉旨朕豈肯推卸於臣工但其舉行之緣由始於該撫之陳奏而非朕本意君臣之間同辦政務是非得失不容歧視朕尚不肯推卸於臣工則臣工又安可轉推卸於朕耶數年以來朕以清丈之事時爲屢念但有誠訓之言從無獎許之旨昨據合省謝恩之奏而論似於地方有益其功亦憲德之功若果如嘉民所言有需索擾累之事則該撫失於覺察豈有攸歸朕在九重之上萬里之外安能代爲之謀耶若憲德將朕此旨通行刊布曉諭川省士民

務令遠近皆知之○丙午

上詣

恩佑寺行禮畢幸圓明園○巡察湖廣史料給事中王璜奏言各省兵制有督標撫標提標鎮標協標各名目督撫提標之兵差事簡少駐劄省會地方習於驕肆欺壓良民短價強買藐視同城文宦不加禮敬且動輒影衆干求以勢挾制倘或因公調遣即多方求懇借貸以致鎮協標兵聞風藉口臣見聞所及用敢奏聞得旨從來教練兵丁之道固在乎技勇優長尤在明曉禮義謹守法度聖賢所以著有勇知方之訓數年以來朕軫念兵丁屢加恩卹其該管官弁若有扣剋糧餉者必嚴加懲治又爲督撫提標兵丁等籌畫生息之策濟其吉凶之用無非望其循理奉公以受國家之恩養也但聞有數省兵丁騷擾之習難除傲慢之風未改而湖廣爲尤甚今見給事中王璜所奏甚爲詳悉切中兵丁之弊此

實該管官員之責著直省督撫提臣切加訓誨嚴行約束倘有生事不法者即重治其罪毋得姑容以長惡習如徇隱寬縱經朕訪聞必將該管官從重議處該路事中雖稱鎮協之兵不若督撫提標之甚然兵志易驕難分優劣該管官亦應時加訓飭倘蹈故轍咎有攸歸著通行曉諭督撫提鎮等標共知之○丁未諭內閣古稱黃河之神上通雲漢光啟圖書禮曰三王之祭川也皆先河而後海惟神澤潤萬國福庇兆民自古及今功用昭著我朝自定鼎以來仰荷神庥尤為彰顯或結為冰橋以濟師旅或淤成沃壤以惠黎元或湧出沙洲作天然之保障或長就堤岸屹水固之全湯他如濟運通漕安瀾順軌有禱必應無感不通至於澄清六省之遙閭庶七旬之久稽諸史冊更屬罕聞神之相佑我國家者至矣朕敬禮之心至為誠切因念江南河南等處皆有廟宇虔奉展祀而河源相近之

處向來未建專祠以崇報享典禮亟宜舉行查河源發於崑崙地隔遙遠人稀境僻其流入內地之始則在秦省之西寧地方朕意於此地特建廟宇專祀河源之神敬奉丞當以答神貺其如何加封神號及度地建廟一應典禮著九卿悉心詳議具奏尋議史冊所載漢祀河於臨晉宋令澧州置河清廟進號顯聖靈源公明以河清發源崑崙澤被中土特行致祭本朝順治三年封黃河神為顯佑通濟金龍四大王之神康熙三十九年加封為顯佑通濟昭靈致順金龍四大王之神查黃河發源西番結爾坤山經河州之長寧驛流入中國應令該督委員於河州口外擇地建廟設立神像春秋致祭其加封神號內閣撰擬從之○又諭各省會試舉人向例給與盤費銀兩所以體恤士子助其資斧之需從前俱赴該省布政司衙門領取道途跋涉守候需時吏胥又多勒索扣剋之弊士子所得無

魏嗣後著在本州縣衙門照數領給該州縣取各舉人領狀申詳布政司於奏銷冊內報部查核庶免胥無侵扣之事而士子亦免跋涉守候之苦若州縣稍有扣剋需索而督撫失於覺察若經朕訪問將督撫一併議處○命改定大學士尚書品級大學士為正一品尚書為從一品○戊申陞江南江寧協領查爾都為浙江杭州左翼滿洲副都統○禮部議覆四川巡撫憲德疏言陣亡建昌冕山營遊擊周玉麟志存克敵授命疆場請照例立傳設位入昭忠寺致祭應如所請從之○兵部等衙門議覆正黃旗漢軍副都統趙弘濟奏言外任文武旗員因奴僕用事營私以致本官婪贓虧空及緣事離任後或扶短飽颺或出資贖身或代本官隱匿營運影射為民歸旗時僅將無用家人冊報請嗣後令該員將所帶管事家人姓名來歷到任限三月之內冊報督撫提鎮更換者准其續報事發分

別治罪應如所請從之○工部議覆四川巡撫憲德疏言官兵移駐打箭爐凡噶達與三渡吹音堡各處設有營伍自應安塘置舖以便遞送公文鹽詰姦宄計共五十五塘并請修理塘房烟墩哨樓等項應如所請從之○正藍旗漢軍副都統徐仁奏言八旗武職官員於朝會處並不佩刀止令家人攜持殊違舊制得旨徐仁所奏甚是官員兵丁佩刀乃係定制凡朝會之處理應佩刀行走既係武職乃刀劍櫛於佩帶令家人代為攜持甚屬非理此皆由該管人員不行教誨之所致也嗣後應帶刀之官員兵丁人等凡朝會及行走之處俱令佩刀○已酉諭內閣今年三月京師一帶雨澤愆期朕衷甚為憂慮齋心默禱至三月二十五日得降時雨似覺霽足朕心稍慰昨據直隸署總督唐執玉奏報各屬得雨情形畿輔雨澤尚未周遍朕志心彈思推求體察朕之用人行政朝乾夕惕之念實

八年如一日此朕可以自信仰邀

上天垂鑒即在朝滿漢文武大臣等亦皆勤慎供職無貪殘不法之人忝竊高爵以致上千天和者惟是政務中有清查旗地寬免積欠二件乃近來降旨施行之事查國家定制旗人地畝不許民人典買倒禁甚嚴乃無藉之徒不遵禁約彼此私相授受以致諧毀叢生姦偽百出爭訟告訐大爲人心風俗之害實有不得不清查釐正者朕又念此等積弊沿習多年按律究治有所不忍於是特降諭旨寬其違禁典買之罪且命動支內帑給價歸贖使旗地仍歸旗人不至爲民人巧佔民人仍得原價不至資本子虛永息爭端革除弊實此朕格外之恩也或者差往清查之人奉行不善以致民心怨抑上干

天和斷諡雨澤乎又如查免積欠之旨乃今年二月中旬頒發者自是以後京師一帶風多雨少有微旱之象想此等拖欠錢糧之劣員

上虧國帑下剝民膏爲天理所不容國法所難宥或者

上天以朕查免之旨涉於邀譽市恩而非殫惡懲貪之道是以昭垂此象以示微乎近來舉行之事祇此二端而

天象如此朕心不能無疑著內閣九卿悉心詳議具奏倘此二事之外有應行陳奏之處亦著據實具奏毋得隱諱尋大學士等議奏清查旗地寬免積欠二事慮周惠溥輿情歡洽無可擬議但臣等辦事實多過愆有忝職守當益加省勉以仰副

皇上敬

天勤民之至意得昔人情自以爲是者多而能自省者少是以古昔聖賢莫不以箴規匡諫爲責朕以誠心接待諸大臣若諸大臣偶有過愆朕即面加詰誡冀其速改若朕躬稍有過失則當隨時匡正以輔朕之不逮此乃切望於諸臣者也近聞京師雨澤愆期朕默加



修省悉心體察一切政務皆與內外大臣等商酌而後舉行惟有清查旗地寬免積欠二事出於朕心之獨斷並不由於臣工之條奏亦未諮詢商度於廷臣今見

天象如此朕心不能無疑是以降旨詢問至於諸大臣之供職尚屬勤慎小心若有應行教導校改之處朕自隨時指示諭吏部道員有盤查錢糧審緝命盜案件之責是以州縣有虧空遲延等事該道與司府一例處分聞四川所屬州縣刑名錢穀等事竟直詳藩臬該道並不與聞若有處分則將該道一併奏罰甚為屈抑且非設官本意若吏部行文四川巡撫令該省四道於所屬州縣每年巡歷一週如有虧空那移韓盜等事即咨牌兩司詳報巡撫確查題奉其地方詞訟該道亦得聽受審斷凡各州縣案件俱從該道申轉以專守巡之職○添設雲南師州州同一員駐劄印北地方從雲貴廣西總督鄂爾泰請

也庚戌大學士等會議福建總督高其倬等奏言恭聞

福陵形勢其龍興

永陵共祖同源分宗抽幹高山天作瑞氣特鍾發自長嶺之西行於渾河之北萬峯拱照敏秀鍾靈聲水滄泗流輝祕慶惟是

陵前左畔水法因夏日溢口流行以致稍更故

導弓抱之勢微覺外張必須順導河流方稱

盡善臣等伏思高其倬所奏應修之處適與

聖意相符應如所奏將河身淤淺之處挑濬深

寬興修石工三百六十二丈則水抱砂圍益

增吉慶矣得旨是著平郡王福彭前往會同

尚崇廩敬謹督理其監修官員交與內務府

總管揀選二員奏請派往興工吉期著欽天

監選擇以鑲白旗漢軍副都統倭星額協

理本旗蒙古副都統事務兵部議覆雲貴

廣西總督鄂爾泰遵旨查議廣西學政衛昌績條奏營汛事宜查廣西一省幅輿遼闊兵

單汎廣應爲增添桂林協改爲桂林營裁去副將改設遊擊一員添兵三百名慶遠協添兵五百名潯州協添兵一百名鎮安營添設遊擊一員原設守備改爲中軍守備並添設把總一員兵二百四十名永寧營添兵八十凡名上林營添設把總一員兵一百名賓州營添兵四百名全州營添兵八十六名柳州府羅城縣添設千總一員兵一百二十名新泰營改爲新泰協裁去參將一員設副將一員其提標及左右兩江鎮標恩協協防各汛之守備千把兵丁俱令撤回本處均應如所請從之○又議覆山西巡撫覺羅石麟遵旨查議山西巡察宋琦條奏防汛事宜查呼縣地當衝要應撥東路營外委把總一員帶兵二十名駐防興縣應撥鎮西城千總一員帶兵三十名駐防嵐縣僻處山陝應撥興縣之外委把總一員帶兵二十名駐防再偏關縣之鄆家山神池縣之甘河梁俱請調兵防

守均應如所請從之○辛亥聖鑲紅旗蒙古副都統宗室哈爾吉爲正黃旗護軍統領○以故喀爾喀輔國公敦多布額林陳子邑內襲爵○壬子以原任吏部尚書福敏協理兵部侍郎事○戶部議覆雲貴廣西總督鄂爾泰疏言四川忬都一帶地方在金沙之南與米貼井底壘相連距川省窺遠且隔大江應歸滇省管轄其屠坡等處諸彝居江之西北請撥歸川省管轄應如所請從之○旌表江南高郵州烈婦謝爾玉妻蘇氏守正拒姦忿激自縊給銀建坊入祠致祭如例○癸丑實授收可登爲刑部左侍郎解工部右侍郎宗室塞爾赫任仍以內閣學士兼吏部侍郎行走調禮部左侍郎鄂爾奇爲工部右侍郎刑部左侍郎杭奕祿爲禮部左侍郎○甲寅以理藩院尚書持古忬爲內大臣○兵部議覆原署兩江總督范時鐸等遵旨查議江南狼山總兵官王安國條奏標下右營遊擊守備

職司巡洋合同駐通州城內似屬未協請將右營遊擊移駐呂四場守備移駐餘西場應如所請從之 乙卯

上禱雨於

大高殿行禮畢回宮

孝端文皇后忌辰遣官祭

昭陵 兵部議覆國子監司業文保奏言諸王貝勒貝子公等間有行文該旗之事並無印信關防不無刑改錯誤之處嗣後請將長史辦理家務之人列名用已衣恭領關防送至

該旗查看照例轉行若無關防不准收接應如所請從之 丙辰工部議覆江南河道總督孔毓珣等疏言河道工程奉旨酌議逐年

加修相應因地制宜次第興舉請於險要頂衝復身單薄之處先加五寸增高培厚次年再於次險之工鏡加五寸再次年將可緩者

一例增修以後總酌分緩急輪流加培約計每年黃河堤子需銀二萬餘兩運河堤子需

銀七八千兩除每年歲搶各工仍照例估銷外所有黃運兩河應行加高各工逐一確勘將地名工段高寬丈尺以及需用銀兩數目應動款項俱據實分晰具題應如所請從之 ○戊午諭吏部庶吉士金相等教習已久今加考試應分別授職除彭啟豐已授修撰鄧啟元已授編修外其庶吉士金相王興吾王丕烈于辰王泰銜郭一桂劉復李重華林聰錢本誠余棟原衷戴王寔銘楊嗣環俱授為編修隨人鵬劉東寧周祖榮李貴黃李直張鵬昫李學裕呂熾世臣張乾元常保住郭石渠俱授為檢討舒明學閻荒疎若華退 戶部奏請太平峪建立紅椿之內撥換田房遷移寺廟一切事宜得旨風水地內所有民間田畝按其墾糧科則照應得之價加倍賞給已經耕種者俟收成後再令交官村莊廬舍悉照房屋間楹加倍先給銀兩俟其將遷居之處收拾周備再令搬移各村舍所種樹木

亦著給與價值一應寺廟於風水地紅椿之外照式官爲蓋造如該寺廟有香火田地亦著將新建寺廟附近地畝加倍撥給至所有墳墓悉照地之大小從厚賞給地價俟卜有平穩之地再令遷移務使民間從容寬裕各需實惠其應需各項價值悉於內庫支領○工部議覆江南河道總督孔毓珣疏言宿遷縣黃河南岸鈔關前堤根坍塌挑源縣沈家莊亦屬險要俱請下埽修築以資捍禦應如所請從之○予故正藍旗漢軍都統一等侯朱之璉祭墓如例○已未諭內閣朕澄清吏治整飭官方時時訓勉大小臣工實心供職以熙庶績而惠兆民又恐職官甚多優劣不等或視誥戒爲具文不知儆惕是以遇有奏處之案率按例處分不稍寬貸蓋欲其謹小慎微時時檢束自不至踰閑蕩檢干犯重罰也而外省督撫等亦皆遵本法紀察吏嚴肅不肯寬假姑容內外之考課如此竝非苛刻

以待臣下也近年以來朕留心體察內外文武大小官員雖不盡大法小廉而奉公守法各勤職業者多朕心深爲嘉悅但從前恭罰之案累積漸重擬於今歲秋冬之間開恩寬免以示獎勵曾向大臣等言之今者京師雨澤愆期朕處加修省竝推求政事之闕失而不得其由因思朕原有寬免各官恭罰之心而未嘗降旨或者內外數百人員之中國有罰當其罪者亦有限於成例情屬可原者應即頒諭旨廣沛恩施咸予以自新遷善之路除特旨永停俸祿者不行開復外著將內外滿漢文武大小官員一應革職降級留任及罰俸停墜之案悉行寬免准其開復倘此降革人員開復之後將來有犯貪贓侵蝕不法重罪者著於本內聲明具奏○工部議覆河東河道總督嵇曾筠疏言黃河北岸封邱縣荆隆口大溜頂衝應開引河一道自黑堽口起至柳園口陡厓河尾止計工長三千三百

五十文請動帑興修應如所議從之○庚申論內閣向因各省員缺需人朕於部選之外特旨命往甚多恐其中賢愚不等或有倚恃特用而生縱使恣肆之心者又或該管上司不知朕心以其為特用之員而存瞻徇姑容之見者是以曾有特用人員深負朕恩則加倍治罪之旨蓋欲其知所儆惕以圖上進也然必其所犯之罪果係貪婪不法不可寬宥方行加倍懲治非謂因公註誤一切參罰案件皆以其為特用之員而概行加倍也從前屢降諭旨甚明近來該部及各省督撫尚有不問事之輕重概以加倍議罪者甚非朕立法之本意至於盜案越獄亦曾有加倍治罪之旨蓋因朕整飭吏治於地方事務不許隱匿是以有司不敢諱盜諱命每有案件即行詳報以致監禁之犯未免較多而姦究兇惡之徒往往乘間越獄冀脫重罪又有罪本不至於死亦乘機越逃者尤為逞姦玩法藐視

憲典是以有加倍治罪之條以懲頑惡又恐罪犯等不知此例誤蹈重辟特令各地方官刊本榜置於獄中使身繫囹圄之人莫不知悉免致一時誤犯以上加倍治罪二條係朕曾經降旨者乃內而法司外而督撫往往比照此例以加倍定擬具題又有將本犯輕罪議以加倍而抵之於死者尤非平允之道且國家立法原一定而不可易其有應行從重加倍者亦必待朕酌其情罪特頒諭旨非臣工所可擅定者也嗣後凡有議處議罪之條俱照本律定擬其有負恩犯法情罪重大應從重定擬者必須折衷平允不得擅用加倍字樣開蒙混苛刻之端負朕立法牖民警者防閑之至意○授一甲進士周喬為翰林院修撰沈昌字梁詩正為翰林院編修○命著直隸古北口提督魏經國卽制直隸各鎮總兵官後不為例○辛酉論內閣古稱螭蚡生於水澤之中乃魚子變化而成者是以江南

淮揚之州縣地接湖濼往往易受其害蓋蝗之所生多因低窪之區秋雨停集生長小魚交春小魚生子水存則仍復爲魚若值水涸日晒入夏之後即化爲蟪不待數日便能生翅羣飛即被富之家亦莫知所自蓋以其地寥廓荒涼人跡罕至平時忽而不察及至鼓翼飛颺則有難於撲滅之勢所當審視體察防之於早者也凡直省地方向有蝗蟪之害查該督撫大吏應轉飭有司通行曉諭附近居民於大熟久晴之後週歷湖濱窪地及深山窮谷無人之處見有萌動之機無分多寡即行剪除消滅倘民力或有不敷即稟報該地方官督率人工協同助在更令文武官弁派出誠實兵役會同里長者民等留心察視不可疎忽怠玩如此則人力易施蟲災可杜於禾稼大有裨益但小民愚昧無知又復苟且備愴其曉諭開導防患於未然者有司不得辭其責實心任事之良吏必不肯於此等

事膜外視之也○旌表河南項城縣烈婦李賢相妻聶氏拒嘉不污抱忿投繯給銀建坊入祠致祭如例○壬戌調江南京口左翼副都統吳如譯爲鎮藍旗漢軍副都統陞浙江杭州協領簡照爲江南京口左翼副都統○賑雲南南寧縣水災饑民○旌表廣西全州烈女徐應俊女徐氏年幼拒姦被刃殞命給銀建坊入祠致祭如例○癸亥諭內閣據直隸地方文武各官報雨奏摺稱今年三月及四月初旬兩次得雨今於四月二十四日又得時雨四野雪足二麥茂盛秋穀皆可播種等語據此則四月以前竟有未種之田可知矣夫農事貴乎及時二月土膏初動三月即爲播種之期况已得雨二次何以遲延觀望直待四月下旬方始播種倘小民怠惰偷安爲民父母者則當開導勸課使之踴躍趨事於南畝又或籽種牛力稍有不敷則當留心體察設法相助不使有後時之歎即以今歲

論之若從前三月得雨之時早先播種目今  
又得甘霖豈不更為優渥假若霖雨逾期務  
惶觀望則從前之急情遲延豈非小民自誤  
生計自荒恒產耶西北寒冷之鄉布穀或不  
宜大早若畿輔可以早種之地又當甘雨既  
零之時而乃袖手道途以待時雨之再沛不  
亦愚昧之甚乎况直隸地方春夏之交常積  
雨澤豈可不及時努力致虛

上天甘澍之賜乎此皆愚民習於懶惰而地方  
有司又不以民事為念漠然不加董率之故  
著該督傳朕諭旨通行申飭倘再有牧民之  
官輕視農事不實心化導任百姓之悠悠有  
誤播種之期者必從重議處○以吏部尚書  
河東河道總督嵇曾筠署江南河道總督河  
東總督田文鏡兼管河南山東河道總督○  
工部議覆江南河道總督孔毓珣疏言瓜洲  
運口堤岸塌卸江流商民漕運均屬可虞應  
於青蓮卷尤家碾等處挑挖趙河一道并建

築草壩一座收束水勢請即勒帑興修應如  
所請從之○河東總督田文鏡摺奏豫省各  
處河渠以及旁流支派共計二百七十餘道  
羣趨競赴於淮皆有助清敵黃之力必一律  
深通方能合流奏效今查上源各水悉屬暢  
達若下源之在江南境內者亦支支暢流則  
趨匯湖中其勢可以併力敵黃仰請敕下江  
南河督諸臣將淮水出湖之處並境內一切  
歸淮各河委官勘查速治深通則以之制黃  
而河流順軌以之刷口而積淤咸除矣奏

上諭朕覽田文鏡所奏自是治河善策但眾水  
本皆入淮今又加以疏濬之功使各處停蓄  
之水無不宣通流暢則其勢較昔更大淮河  
能容納於高堰堤工有無妨礙亦不可不  
善畫萬全著將田文鏡奏抄錄發與嵇曾  
筠尹繼善會同悉心酌議○增陝西榆林神  
木府各吳堡靖邊安塞保安等七處鄉試中  
額一名另編木字號取中從陝西巡撫武格

請也

大清世宗敬天昌運建中表正文武英明寬仁  
信毅大孝至誠憲皇帝實錄卷之九十三

大清世宗敬天昌運建中表正文武英明寬仁  
信毅大孝至誠憲皇帝實錄卷之九十四

臣等謹將世宗憲皇帝實錄卷之九十四內各條開列如左  
臣等謹將世宗憲皇帝實錄卷之九十四內各條開列如左  
臣等謹將世宗憲皇帝實錄卷之九十四內各條開列如左

敘修

雍正八年庚戌五月戊辰朔翰林院選拔

庶常原以作養人材今科進士特加考試並

命諸臣保舉除顧成泰胡宗緒即授編修外

選取鍾衡倪國璉孫人龍周乾蓮陶正晴沈

魁祖楊廷棟袁肇煦吳士琦曹一士吳履泰

嚴樹基王廷鴻蔣濟鹿邁祖徐景曾吳學孫

瀨朱鳳英柏謙徐以垣陳其凝任應想程咸  
修阮學浩嚴遜孫倪城吳華孫王文璠林蒲  
封毛之王商盤鄂敏陳亮世修孫王宗燦孫  
璜林令旭李敏第劉元燮陳中張先璠高璠



富敏慮東純韓彥曾許希孔薛經楊秀額爾登額李賢理袁思錄色通額等五十三人俱著改爲庶吉士並修撰周霽編修沈昌宇梁詩正分別滿漢書教習 調江南安徽巡撫魏廷珍爲湖北巡撫陞浙江布政使程元章爲安徽巡撫調江南安徽布政使張元懷爲浙江布政使司布政使以兩淮鹽政噶爾泰兼理江南安徽布政使司布政使事務 已已調錄藍旗漢軍副都統伊都善爲錄紅旗蒙古副都統 以原任兩江總督范時輝協辦河東河工事務 喀爾喀輔國公根敦故達官致祭 于故陝西布政使加大常寺卿衍方觀祭一次 庚午

孝誠仁皇后忌辰遣官祭

景陵 辛未

上聞怡親王病篤幸王親比至王已薨逝

上親臨視悲恸不已左右大臣等懇請節哀乃

回宮報朝三日 壬申

上親臨怡親王喪次奠酒舉哀悲恸逾時回宮

○發百調刑部尚書德明爲戶部尚書陞刑部右侍郎海壽爲刑部尚書以原任雲南巡撫常養爲刑部右侍郎陞安徽布政使噶爾泰爲戶部右侍郎專管三庫事務 調福建總督高其倬爲兩江總督陞福建巡撫劉世明爲福建總督河南布政使趙國麟爲福建巡撫以河南按察使陳世倬署河南布政使司布政使以浙江按察使劉枬署江南安徽布政使司布政使正黃旗泰領劉章署浙江按察使司按察使河南驛鹽道張建德署河南按察使司按察使 甲戌 諭內閣朕因怡親王薨逝中心悲愴雖強自排遠而飲食俱覺無味寢卧皆不能安蓋王之事朕誠敬忠愛之心八年有如一日自古以來無此公忠體國之賢王則朕所以待王之禮亦應在常例之外今朕素服一月以積展思慕不釋之情此一月之內朕既素服則在廷諸臣過朝

服之期亦著仍穿常服一切宴會俱不必行  
凡朕如恩於王之處皆不足以酬王之碩德  
豐功而在朝之諸王大臣官員等愛國家之  
恩必念國家失此賢王同深悲痛昨日朕親  
臨奠醊之時見滿漢文武諸臣悲切之狀人  
有同情朕心甚慰益見王之素行感人者深  
也○署安徽按察使魯國華條奏回民居住  
內地不分大小處不論閏月以三百六十日  
爲一年私計其日爲歲首羣相慶賀平日皆  
戴白帽設立禮拜清正等寺安立祀齋名目  
違制喪衆應請嚴行禁革恪守典章違者照  
律定擬如地方官容隱督撫徇庇亦一併議  
處得旨回民之在中國其來已久伊既爲國  
家編氓即皆爲國家赤子也朕臨御天下  
視同仁豈忍令回民獨處德化之外是以曾  
頒諭旨訓以興孝勸忠望其型仁講禮服教  
慕義共爲善良即數年來亦未見回民作奸  
犯科逞兇肆惡者且其中有志上進者甚多

應試服官同於士庶而以文武科名出身治  
登顯秩爲國家宣力効忠者常不乏人至回  
民之自爲一教乃其先代相沿之土俗亦猶  
中國之大五方風氣不齊習尚因之各異其  
來久矣歷觀前代亦未通行禁約強其畫一  
也魯國華此奏甚屬奇刻怪誕回民何嘗不  
遵正朔而祇以其私記時日即加以不遵正  
朔之名回民何嘗不遵服制而祇以其使用  
冠巾即加以不遵服制之罪至於禮拜清正  
等寺名亦不過如各省村邑廟奉其上俗之  
神皆爲祀典之所不載何獨於回民刻意吹  
求指爲罪案乎若回民果有干犯法紀之處  
國憲具在自當按律懲治並無曲宥回民之  
條向後倘回民本無過愆而大小官員等但  
因其習尚少有不同以此區區末節故意苛  
求妄行責暴者朕必嚴加處分魯國華此奏  
非有挾私報復之心即欲惑亂國政著將魯  
國華交部嚴加議處○乙亥夏至祭

地於

方澤遠顯親王行漢行禮○諭大學士九卿等  
茲因怡親王之事朕心悲感爾等請朕賜哀  
再三陳懇朕每事保惜精神不肯為勉強之  
舉時時以此訓諭臣工蓋至今日而遂忘之  
但以王之事朕一片忠赤之心至誠至敬王  
之年齒小朕八歲不但賴王翼贊朕躬且望  
王輔弼於將來豈料王竟長逝耶王顯名厚  
德為宇宙之全人垂休光於竹帛固不以壽  
算之修短計而國家失此股肱心膂之賢王  
在朕躬則甚苦矣因廷臣等請安奠慰畧將  
朕意宣諭知之○丙子諭內閣怡親王忠孝  
性成端方清直當年事我  
聖祖皇考敬謹恪恭克盡子臣之道深蒙  
皇考慈愛而王慎密有加小心安分此中外所  
共知者逮朕御極之初命王總理事務王夙  
夜匪懈公爾忘私精白一心無欺無隱其殫  
竭忠誠贊襄於密勿之地者八年有如一且

至於軍務機宜度支出納興修水利督領禁  
軍凡宮中府中事無鉅細皆王一人經畫料  
理無不精詳妥協符合朕心無煩朕之指示  
其有關於吏治民生之利弊有聞必奏每語  
必詳而為國家保釐善類培養人材一片篤  
摯真切之念形於寤寐王之懿德美行從不  
欲表著於人而人亦無從盡知之朕即知王  
最深而亦口不能宣筆不能述也是以雍正  
四年特書忠敬誠直勤慎廉明八字以賜彼  
時降音朕深知王之德洞悉王之心覺此八  
字實不能盡王之美善不過就王事朕之大  
端而言耳蓋王實能佐朕治安天下朕實賴  
王翼贊昇平偏觀自古史冊所載賢王懿戚  
從未有可與王比倫者且王居心之和平公  
正行事之寬厚仁慈皆足以享遐齡而綿壽  
算豈意王遽舍朕而溘然長逝耶自去年冬  
月王抱病以來朕繫於懷無刻稍釋高瞻醫  
藥照禱

神祇以冀沉痾頓起乃今醫藥罔效祈禱不靈

天何奪我忠誠輔弼之賢王若此之速耶王

抱恙時居住交輝園與圓明園相近朕聞欲

親往看視王再三懇辭而於一句半月之間

必力疾入圓明園與朕相見及王病勢漸加

力不能支惟恐朕心憂頓則稱交輝園乃起

病之所暫且移避遂養疾於西山無非欲與

圓明園相遠令朕不深悉其病狀可以安慰

朕心也及王回城中府第朕以祈雨回宮前

月得雨之後王屢次奏請朕幸圓明園是王

但恐以病狀煩勞朕心而於己身之生死全

不計及也及聞病勢沉篤朕方欲命駕臨視

乃王聞知即脫屣而去蓋王不欲以永訣傷

朕之懷是以顯此剛決之概其於去留之際

明白超脫若此在王成一忠孝正直賢智慧

覺之全人而朕頓失此柱石賢義感痛悲哀

何能自己耶王之德行功績難以枚舉從來

豐勳偉烈必膺國家崇報之典惟王爲

聖祖皇考之

列祖之功臣

太廟列於從

功德相對

列祖

皇考在天之

於萬一且

士九卿衆

王功在社

皇上篤念忠

大廟實與王

儀禮部另

次外加祭

文碑文由

得音依議

議但恐一

賜之美懿

慎廉明八

於該統之上加此八字取古人申錫美號之義著大學士九卿會議具奏、大學士等議覆寧遠大將軍岳鍾琪四川提督黃廷桂遵旨酌議松潘總兵官張元佐條奏潘州移駐營汛事宜一潘州兩河口原設守備一員把總一員兵三百名但兩河口與黃勝關相近達建寺地方在黃勝關與潘州適中處請將原設兩河口之弁兵移駐於達建寺其兩河口地方止於黃勝關駐防內抽撥分隸下黃勝關向上額設漳臘營汛兵五十名未免單弱應於分防流沙東勝等處之兵添撥一百五十名將漳臘營守備移駐黃勝關下南坪營地方險要原設兵三百名應增兵防範請將小河營遊擊再帶兵一百五十名移駐南坪下漳臘營所管之包坐五寨等處請統歸潘州管轄流沙關汛等處請歸松潘鎮中營管轄雄溪紅花等堡請歸松潘鎮右營管轄則軍勢聯絡約束緊番足資控制均應如所

請從之○旌表河南黃縣烈婦龔良翰妻陳氏守節孤姦忿恨自縊給銀建坊入祠致祭如例○丁丑諭大學士葉準噶爾噶爾丹策零截匪負罪潛逃之羅卜藏丹津抗違國法因特發而路大兵擊罪致討期於今年進發直搗伊里今噶爾丹策零遣使特肅奉表陳奏銷已將羅卜藏丹津解送天朝因聞進兵之信暫行中止若天朝俯念愚昧赦其已往即將羅卜藏丹津解送等語朕欲將特肅遣回并差大員至準噶爾諭以受封定界殺放睦鄰速將逃匪送出伊若一一聽命朕當寬宥其罪其進兵之期暫緩一年俟特肅起身之後若寧遠大將軍岳鍾琪靖邊大將軍傅爾丹參贊大臣陳泰蘇圖來京其靖邊大將軍印務著副將軍巴賽護理并令署振武將軍順承郡王錫保就近協理所有應行事宜著馬爾賽張廷玉蔚廷錫等詳議具奏尋議靖邊大將軍傅爾丹來京大約在九月間

應令於起身之前行文知會寧遠大將軍岳鍾琪先後到京以便會同商酌得旨兩路大將軍於九十月間起身來京則到京之期已在冬底未免太遠著兩路大將軍在九月十五日前後到京現今差侍郎杭奕祿衆佛保同特磊往諭準噶爾岳鍾琪俟特磊回過軍營之後即將起程日期知會傅爾丹酌定起程靖邊大將軍印務已命副將軍巴賽等護理寧遠大將軍印務應令何人護理著岳鍾琪奏聞其陳泰所統官兵著查克丹署理蘇圖所統官兵著舒楞額署理再者副都統圖克善黑色前往軍前交與傅爾丹酌量派管軍營事務○命大學士朱軾總理水利營田事務理藩院左侍郎莽鵠立內閣學士對琳工部右侍郎何國宗協同辦理○以協理兵部侍郎福敏兼辦戶部侍郎事務○以正黃旗漢軍副都統趙弘濟鑲紅旗漢軍副都統尚崇煥俱署鑲藍旗漢軍副都統○戊寅諭內

閣崇德報功圖有令典懷恩慕義人有同階凡在京文武官員平日曾受佑親王教訓知之美善者許其各詣王府致奠中哀○已卯莊親王允祿內大臣佛倫等奏恭奉命辦理佑親王喪事所見齊集人員無不銜哀垂泣獨誠親王允祿當

皇上親臨回宮之後遲久始至迨宣讀

皇上諭旨之時衆皆嗚咽悲淚而誠親王早已回家且每日於輿哀之時全無傷悼之情視

同滿膜請交與該衙門嚴加議處得旨誠親王允祿性情乖張行事殘刻是以

皇考屢降諭旨宣示於衆今據爾等奏恭奉宗

人府諸王貝勒貝子各入旗大臣九卿詹事

科道會同定議具奏○裁山西陽曲縣汾汾

驛徐溝縣同戈驛祁祿賈令驛臨汾縣建雄

驛洪洞縣普潤驛靈石縣瑞石驛霍州霍山

驛聞喜縣涇川驛長子縣漳澤驛七留縣余

吾驛平遙縣洪善驛介休縣義棠驛鳳臺驛

太行驛永濟縣河東驛臨晉縣樊橋驛大同  
赫寬城驛平定州平潭驛忻州九原驛代州  
鴈門驛驛丞各一員其驛務歸各該州縣管  
理從山西巡撫覺羅石麟請也○庚辰  
皇后千秋罷停止行禮筵宴○遣官祭

關聖帝君○壬午

上賜怡親王蘇莫酒舉哀畢回宮○諭內閣朕  
名及諸兄弟之名皆

皇考所賜朕即位之初允社稷科多等以諸王

之名上一字與朕相同奏請更改朕不允行

而伊等援引往例陳懇再三朕不得已奏聞

太后勉強許之今怡親王薨逝朕回思昔日與

王同事

皇考家庭孝友之情宛然如昨凡告

廟典禮所關有書王名之處仍用原名以誌朕

思念弗釋之意○諭戶部年采甘肅地方辦

理軍需雖一切動支公帑絲毫不可取於民而

輓運轉輸不無資於民力朕心軫念特將雍

正八年額徵錢糧悉予蠲免以示恩恤今聞  
該撫許容以兵餉無抵將歷年舊欠勒限一

年全完民間甚為擾累以致不法之徒借端

生事許容才具短淺識見鄙陋辦理此事甚

屬錯誤大本年錢糧統經豁免而仍嚴比舊

欠大非朕加恩沛澤之意若云兵餉無抵自

可具題請撥何得於豁免之年而行催徵之

舉除生事民人應秉公懲治外著將徵比舊

欠之處即行停止○甲申

上幸圓明園○雲貴廣西總督鄂爾琿奏疏報雲

南永善縣開墾本年分田地六十四頃有奇

下部知之○丙戌諭內閣怡親王為朕辦理

大小諸務無不用心周到而於營度將來吉

地一事甚為竭力殫心從前在九鳳朝陽山

經畫有年後因其地未為全美復於易州泰

寧山太平峪周詳相度得一上吉之地王往

來審視備極辛勤又恐隨從人等煩擾居民

將飲饌之屬俱不令前驅預備常至昏夜始

進一餐其所擇古壞寶由王親自相度而得而臣工之精地理者詳加斟酌謀命而且以爲此皆王忠赤之心感格神明是以具此慧眼卓識也其相近山水迴環形勢聯路之處又有中吉次吉之地狀以王經營吉地實爲昔功歛以中吉者賜之王驚悚變色惶懼固辭朕鑒其誠心遂寢其事已而在六十里外深水縣境內得一平善之地曰此庶幾臣下可用若奉請賜給朕彼時遲回未嘗降旨王於病中令侍郎劉聲芳懇切轉奏朕不得已允其所請王得旨喜極至於踴躍忭舞云皇上待我隆恩異數不可枚舉今茲恩賜則子孫世世俱受皇上之福於綿長矣即日護衛前往起土越數日護衛呈看土色王取一塊捧而吞之蓋王知朕眷王之深惟恐瑩域未定將來仍以前所欲賜之地賜之也其用心之謙謹周密至於如此王薨逆後朕詢問王府管事之人知王病中將身後之事一

一指示特書親王靖瑩圖一幅與其王妃及諸子曰我身後登地之制悉照會典所載親王之禮行毋得稍有踰越如或稍違則汝等違我之治命矣昨王府之人以圖進呈朕覽僅有門三間享堂五間此國家經常之制非所以待有大功之賢王者但思王之生平謙抑退讓朕每加恩禮王必再四懇辭朕鑒其一一實皆出於至誠往往俞允今若身後獨不從其言朕心有所不忍然以豐功碩德不世出之賢王而寢園僅循常制則褒德顯功之典禮實爲缺畧朕心又有所不忍今如何使朕心之輟轉不忍者得以大慰而揣度王心亦愛之而安且揆之於禮適爲合宜允協著大學士九卿等悉心詳酌定議具奏○戶部議覆江蘇巡撫尹繼善疏言蘇州府屬之常熟昭文二縣舊有弓戶不得列於四民遇來化行俗美深知愧恥欲添前污請照樂籍情民之例除其弓籍列於編氓應如所請從



之。戊子吏部題一等阿思哈尼哈番又一拖沙喇哈番李鑄因罪革退銷去年次恩詔所得拖沙喇哈番餘三等阿思哈尼哈番以其姪孫李景唐襲替從之。己丑諭兵部怡親王圖寢在涿水縣水東村現在興工修造著設立守備一員千總一員把總二員兵丁五十名永遠守護供隸太平峪副將管轄。吏部議覆廣東總督郝玉麟疏言廣東肇高廉羅道駐劄肇慶府控制千里以外之高廉二府雷瓊道所轄雷州府在海之北瓊州府在海之南供艱長莫及請添設巡道一員駐劄高州分轄高雷廉三府改肇高廉羅道爲肇羅道雷瓊道爲海南道併請將高雷廉道海南道及原設之惠潮道俱加兵備道職銜以樹聲威均應如所請從之。移江南望江縣楊灣河巡檢華湯鎮從原署兩江總督范時繹請也。庚寅

孝恭仁皇后忌辰遣官祭

景陵。辛卯宗人府等衙門議奏允祉性情乖張行事殘刻

聖祖仁皇帝屢降諭旨宣示於衆

皇上御極以來時加訓誡多方保全乃伊下愚不移罪惡日稔臣等謹就其罪之大者言之

允祉事

聖祖仁皇帝諸事違逆罔知愛敬

聖祖仁皇帝聖躬道和允祉毫無憂戚且懷冀幸之意又如恭謁

陵寢允祉並不早集行禮使請王大臣候至已時始至

昭西陵午時方至

景陵任意恣怒有年典禮其於母妃也肆行忤逆又敬敏皇貴妃薨逝允祉服制未滿即行剃頭此其不孝之罪一也當二阿哥薨葬之際允祉居然以儲君自命見廷臣吏正東宮儀仗輒忿然謾罵此其妄亂之罪一也允祉

素日包藏禍心希冀儲位與逆亂相偽之陳

夢雷親昵密謀遂將陳夢雷逆黨周昌言私藏家內妄造邪術拜斗祈禳陰爲鎮魔及事跡敗露允社罪在不赦我

皇上法外施仁不忍加誅迨後在

皇上之前抗傲無禮諸王大臣合詞劾宗人府議以禁錮復蒙

皇上從寬止將伊降爲郡王薄示懲儆而伊毫不畏懼今年又蒙特恩復伊親王之爵而伊仍不知感戴此其狂悖之罪一也允社向日

與阿其那塞思黑允禩等交相黨附時切覲視比雖匪類肆無忌憚及至阿其那塞思黑逆跡敗露允社乃密請交伊暗置死地意在歸過

皇上此其黨逆之罪一也我

皇上宵旰勤勞每於允社進見之時賜坐優禮諭以勤政憂民諸事而允社漫不樂聞但以伊開居散適之樂婉婉陳述此其欺罔不敬之罪一也滿漢文武大臣皆受

聖祖仁皇帝教養深恩又蒙

皇上加意委任而允社視梓試壹力者如仇敵愾邪不軌者爲腹心此其奸邪之罪一也從前皇貴妃喪事允社當齊集之期俱說稱有另交事件推諉不前及前年八阿哥之葬允社欣喜之色俗於平時此其惡逆之罪一也允社之子弘晟免頑放縱助父爲惡倚蒙皇上鴻恩從寬禁錮允社反以此銜恨於心時行怨望此怨懟不敬之罪一也允社在

聖祖仁皇帝時侵帶婪贓盈千累萬又恣意需索所屬仍從遁欠蒙蒙

皇上深用體恤特賜帑金俾其饒裕而允社毫不感激每以催迫之項恣忿噴奏此其貪黷負恩之罪一也怡親王忠孝性成誤獻顯蕪允社心懷妬忌值怡親王薨逝並不懇請成服又不躬請

皇上聖安且於怡親王府齊集之所每日遲至早散當眾哀時全無悲泣之情及有慶幸之

意此其背理蔑倫之罪一也至於殘忍刻薄徇私狹詐之處難以枚舉情罪重大應將允社削去和碩親王革退宗室卽行正法伊子弘晟允碩故縱助父爲惡亦應革退宗室卽行正法再伊子鎮國公弘景應革去公爵並伊諸子及孫俱革退宗室交與該旗編入佐領更名披甲當差允社之女有品級者革去品級其妻妾並弘晟之妻妾俱交與弘景允社所屬佐領應令該旗作爲公中佐領所有家產並伊子家產俱係大內分給應交與該旗查明交內務府得旨覽請王大臣官員所議若照議施行朕心有所不忍姑從寬曲宥將允社革去親王其如何拘禁之處候朕另降諭旨弘晟秉性兇頑助父爲惡從前散禁於宗人府今著嚴加拘禁弘景爲人心性未定尚不似其父凡之悖亂著仍留公爵以徐觀其後允社所屬人等作何派撥之處朕另行降旨○壬辰湖廣安陸府知府凌九敘等

恭請

聖訓

上諭曰知府一官有承上率下之責關係吏治民生最爲緊要爾等勿視爲傳舍但務謹迎上司以圖陞遷高榮身之計果能容史安民實盡其邁即使終身不得遷轉亦足留名譽於將來若一味請託鑽營希圖保薦縱一時倖獲寸進而公論難免何能掩人之耳目哉刑名事件知府尤爲上下關鍵務期明允公賞地方始無冤民不可聽屬員懇求亦不可畏上司駁詰而革率苟且以致訟獄顛倒下結民怨上千天和若依科一節固有考成果遇水旱災荒自當據實申詳加意撫恤不可隱匿以圖省事亦不可捏報以滋弊端夫寬大惠愛者乃爲政之要道朕非令爾等嚴厲苛刻以從事也但古人云養狼者傷禾稼惠奸宄者賊良民若保全貪官污吏以博長厚之名縱容地

視上豪以治安靜之舉此大有害於人心吏治者也沽名邀譽乃居官之大患大凡在任時貼德政之歌謠離任時其保留之呈牒皆非真正好官也惟去任之後紳衿百姓思念不忘則不愧古之循良矣知府與知縣不同知縣爲一邑之宰果能殫竭心在使四境之內民人樂業便是良有司至於知府則有統轄屬員之職若各屬之內有一人居官不善在知府分內卽爲一分贖職不可云潔已謹守遂可無忝牧守之任也天下人才難保儻過於苛刻摧殘則固細故微瑕而至於故廢終身者不少矣總之遇好官則當受重保護之遇中材則當勸導扶掖之遇劣員則當懲治罷黜之以此督課屬員有不觀感興起者無此情理也至於參罰案件外官必不能免朕從不肯以情有可原之案廢棄賢員常有因公參處之州縣官朕見其人才可用而適格加恩遠擢者爾等勿存見小之念顧惜功

名局於庸衆之規模而無遠大之器量也將此諭查吏部通行天下之知府直隸知州知之○○祭已諭內閣禮記曰聖王之制祭祀也法施於民則祀之以勞定國則祀之能禦大災大患則祀之此崇德報功之典千古之不易者而人心懿好之公感恩追慕有功於一鄉則一鄉祀之有功於一郡則一郡祀之有功于國則一國祀之此又緣人情而制禮自古及今名賢碩彥享俎豆而奉養嘗者不可勝數吾弟怡親王忠孝兩全智仁兼備嘉謀懿猷溥澤安民此朝野所共知者古稱聰明正直之謂神王之靈爽在天不泯著通行內外直省有欲爲王建立祠宇歲時展祀者著奏聞准其舉行具不能深知王之功德者不必行○調署廣東巡撫傅泰來京陞貴州布政使鄂彌達爲廣東巡撫調雲南布政使張允隨爲貴州布政使司布政使甘肅布政使葛森爲雲南布政使司布政使據吏部員外郎諾穆圖爲陝西甘肅

布政使司布政使前往噶斯辦理軍需以使  
西西安驛傳遞趙挺元署甘肅布政使司布  
政使○命湖廣提督馮允中以提督銜管理  
陝西西大道西寧兩處總兵官印務寶授岳  
起龍爲湖廣提督陞湖廣沅州副將花甌鶴  
爲直隸天津總兵官署河南河北總兵官○  
乙未諭宗人廕朕之諸幼弟朕向來不能深  
知從前曾據怡親王奏稱二十一阿哥允禧  
立志向上且深知感朕之恩恭敬之念出於  
至誠朕從前降旨將伊封爲貝子著晉封貝  
勒公允禩仍封爲郡王理郡王弘晷著晉封  
親王公弘景受朕寬宥之恩深知感激著晉  
封貝子○諭理藩院前往岳鍾琪處頒射阿  
寶帶領該旗兵五百名目今行至何處著行  
文阿寶即於彼處駐劄候岳鍾琪帶領鄂爾  
多斯兵五百名亦著行文緯奉就近揀水草  
住處駐劄候查此一千兵著行文詢問大將  
軍岳鍾琪或今年調往巴爾庫爾或俟明年

進兵之前調往二者孰爲有益並兵丁錢糧  
足與不足俱著大將軍岳鍾琪定議具奏再  
派往噶斯之京城兵歸化城兵共五百名此  
時將及到彼著格爾爾帶領在噶斯駐劄富  
寧亦著前往噶斯與格爾爾一併管理達鼐  
著來西寧仍與鼐滿岱辦理事務所有扎薩  
克蒙古等兵著交與達鼐管理或在錫薩他  
拉地方或在從前額駙阿寶奏請駐劄之烏  
蘭穆倫等處相視形勢駐劄俟明年文到之  
日前往噶斯其青海之一千五百兵相近噶  
斯今年只在各遊牧處預備亦俟明年文到  
之日前往噶斯達鼐既到噶斯管理之後富  
寧著回西寧辦理事務○兵部議覆福建提  
督石雲倬疏言提標中營所轄之徐州墟桃  
州隘二汛在萬山中瘴氣薰蒸官兵病故者  
多請將駐防徐州墟之守備調回府城其原  
汛改設長坑地方以桃州隘千總一員移駐  
防守再派外委一員步兵一百一十名居中

扼要至徐州墟。杭州隘舊地各設兵十名。即於長坑汛內按月輪派。以均勞逸。應如所請。從之。○丙申。以鑲藍旗滿洲都統緯哥。署右翼前鋒統領。○吏部題。二等精奇尼哈番智勇。因罪革退。銷去恩詔。所得拖沙喇哈魯餘三等精奇尼哈番。以其子延福襲替。從之。○議。敘攻取臬子山。恭子山。軍功喀爾喀扎薩克台吉巴爾漢等。賞賚有差。○丁酉。甘肅巡撫許容。疏報文縣松坪寨等三十九處番民輸誠歸化。編里納糧。下部知之。

大清世宗敬天昌運建中表正文武英明寬仁信毅大孝至誠憲皇帝實錄卷之九十四

大清世宗敬天昌運建中表正文武英明寬仁  
信毅大孝至誠憲皇帝實錄卷之九十五

乾隆元年八月二十一日奉旨命內閣纂修世宗憲皇帝實錄卷之九十五

乾隆元年八月二十一日奉旨命內閣纂修世宗憲皇帝實錄卷之九十五

乾隆元年八月二十一日奉旨命內閣纂修世宗憲皇帝實錄卷之九十五

較修

雍正八年庚戌六月戊戌朔日有食之戶

部議覆署直隸總督唐執玉疏言永平府屬

喜峰口倉存貯灤州盧龍遵安撫寧昌黎樂

亭等州縣竝永軍廳分運米石各州縣應賠

虧折米二千五百餘石請照通州中西二倉

例一體豁免查歷年奏冊俱稱實在存倉應

著落接受交代之員賠補得旨喜峰口倉糧

積貯年久難免蒸變折耗况歷任各官更換  
多人更難責令賠補所有未完米石著從寬  
豁免 四川巡撫憲德疏言噶達上中下三

渡吹音僅等處新駐官兵口糧前經化林協

副將楊大立請給本色而一路山徑險峻輓

運艱難懇敕督臣查郎阿提臣黃廷桂再行

酌議得旨噶達等處兵丁口糧據該副將等

稱彼地米價甚貴商販每斗須八九錢一兩

不等從前所定折色之價不敷買米之用請

永遠供運本色而憲德等則以民夫挽運艱

難奏請會同督臣再加酌議等語兵丁遠駐

邊方朕心深為軫念彼地米價既貴自當格

外加恩著憲德等就近酌量竝詢問弁兵等

或即照商販之價給與折色令兵丁自行採

買或多添腳價給與民夫運送本色散給兵

丁著該撫等悉心定議務令兵糧富足民力  
不擾○二等阿思哈尼哈番明全因罪革退  
以其親伯之子德克精格襲替○已亥諭內  
閣今科進士除選拔庶吉士外曹繩柱係現  
任中書以六部主事用其馬兩等五十八名  
著在六部額外主事上學習行走該部按各

部司分多寡掣籤分派具奏三年之後如能稱職該部堂官題補如不能稱職該部奏聞其內若果有才猷出衆明練政治之員於一年之後該堂官將情由聲明保奏帶領引見請旨此各部行走學習之員俱著照額外主事之例給與俸祿○又諭今科外用進士著就伊等本籍鄰近地方掣籤派往交與各該督撫分派藩臬衙門令其學習伊等中式之後原須候選數年始能得官今著學習三年委署試用一年約計四年之後題補實授與伊等候選之期相仿而又得學習吏治較之間居在家豈不大有裨益此三年之內若該地方需用人員仍著奏請另行揀選命往不必於新科進士內選就委用儻進士中果有才具出衆平日熟練吏治不待學習者該督撫格外委署題補即於本內聲明具奏若才具庸常難以練習吏治情願改補教職者不拘三年之期准其具題改補其學習之員每

年公費若干該督撫於公用銀兩內酌量給與著行文各督撫知之○工部尚書李永陞緣事革職陞刑部左侍郎張大有爲工部尚書調盛京刑部侍郎兼理奉天府尹王朝恩爲刑部左侍郎庚子以原任副都統高峒爲鑲藍旗漢軍副都統○吏部議覆雲貴廣西總督鄂爾泰疏言廣西富川賀縣僻處邊隅猺蠻盤踞應添設官兵防守請於富川賀縣適中之麥嶺地方專設同知一員爲平樂府捕盜同知并添設守備一員千總一員兵一百五十名同駐麥嶺再牛巖小水峽應每汛添設把總一員兵五十名長州村龍窩村各添設一汛每汛設兵二十名賀縣屬之開山崗應添設一汛以外委把總一員領兵二十名防守聯絡會哨總歸平樂協統轄均應如所請從之○移江南潁州州同駐方家集地方從調任安徽巡撫魏廷珍請也○贈故吏部尚書馬爾漢太子太傅賜祭一次○



辛丑以大理寺卿黎致遠爲奉天府府尹兼理盛京刑部侍郎事務。壬寅敕封陝西河州口外河神爲開津廣濟佑國庇民昭應河源之神。大學士九卿等遵旨議奏本朝定例親王之誼一字郡王之誼二字而大戴禮檀弓注云古者以生號爲沒後之稱原不必一定也。伏稽歷代史冊懿親爲輔弼者有矣。至於怡親王奉公體國精白一心孰如王之忠者夙夜恪恭始終無斁孰如王之敬者蓋忱篤棊一念不欺孰如王之誠者事必當理言必由衷孰如王之直者經理百度而不以爲勞宣贊機宜而不著其迹孰如王之勤慎者清潔之操一塵不染洞達之識纖悉無疑孰如王之廉明者可爲生前之寵錫即可爲身後之休光。以此加於謚號之上洵合人心之至公請將御書忠敬誠直勤慎廉明八字加於怡親王謚法之上其一字之謚交與宗人府議奏得旨

覽奏怡親王申錫美號之典與古禮相符庶足表王平生之美善朕心深慰若依議行其一字之謚著宗人府會同大學士定議具奏。尋宗人府等衙門擬謚請旨命謚曰賢。癸卯內閣學士張坦麟緣事革職陞詹事府少詹事鄧鍾岳爲內閣學士兼禮部侍郎。青海厄魯特扎薩克郡王色卜騰扎爾故遣官致祭。甲辰諭內閣周書洪範言人身五事若有得失在天之休徵咎徵即各以其類應之。此即朕每日所諭天人感應之理捷於影響者也。夫所謂修人事以感召天和者必須君臣上下各盡其道各殫其誠以爲昭事上天之本。若人君有朝乾夕惕之心而大臣官員不能承流宣化或君臣有移風易俗之念而民情士習不能革薄從忠則偏而不全不克成會極歸極之盛而欲冀上天俯垂默佑普錫繁祉也豈不難乎是以爲

君而存推諉於官民之心者非賢君也爲臣  
爲民而存推諉於君上之心者非良有司良  
百姓也惟當各盡其道以待

天恩近見直省各處奏報雨澤頗覺均調麥秋  
亦屬豐稔朕心深慰但聞江浙雨水稍多田  
禾間有澇溢之患朕悉心推求其故想因今  
年春夏之交京師雨澤愆期朕爲歡輔祈禱  
並憂慮及於江浙地方已而京師得雨而朕  
心則專爲江浙祈求至南方多雨情形朕未  
曾聞知但少雨爲懼所以朕屢諭外省大  
臣凡覺有水旱之機即當速奏朕知之若正  
爲此也南方旣已多雨而朕心仍復祈求或  
因此一念以致

上天賜雨過多浙省有澇溢之處乎又考之洪  
範曰狂恒雨若浙省素稱人文極盛之區今  
年會試朕加恩取中至七十名而一甲三人  
悉登浙士或者士子之心不免矜驕之氣如  
洪範之所謂狂者致于恒雨之徵此朕就目

前之

天象人事而推測之有不能無疑者朕每遇雨  
暘不時即撫躬自省不敢玩忽况古聖人之  
垂訓千古爲昭惟願浙之多士過登進之榮  
即凜盛滿之戒見示儆之象益深敬畏之心  
必能仰邀

天眷於方來矣○以故一等阿思哈尼哈番又

一拖沙喇哈番英壽姪班第襲職○乙巳子

故福建水師提督藍廷珍發葬贈太子少保

謚襄毅○丙午大學士等議覆廣東總督郝

玉麟等遵旨議奏粵東更改營制事宜○左

翼鎮標右營遊擊請移駐蘆苞口汛○新會

營遊擊請改爲參將添設守備千總各一員

把總四員兵六百七十七名同原設之守備

千總把總營兵等分爲左右二營統隸參將

管轄其添設之守備駐防崖門向有將軍督

撫三標貼防該縣兵丁俱行撤回一河頭汛

請添設都司千總各一員把總二員兵四百

名兼防甕筒石窩龍運各汛歸羅定協統轄  
向有督標原防各汛弁兵俱行撤回回龍門  
營請改隸增城營管轄其增城營遊擊改爲  
參將一抽調廉州營把總一員兵九十名再  
添募兵三十名一併歸入化石營一崖州營  
遊擊請改爲參將添設千總外委各一員兵  
一百十八名一請移原防市橋之虎門協右  
營都司一員帶兵一百二十名駐南村並移  
番禺縣丞一員同駐其地以司巡查一廣  
州春江二協請即以副將專營無庸仍隸左  
翼鎮標管轄並添設廣州協千總外委各一  
員兵一百四十五名其三水管亦添兵二十  
八名一左翼鎮標二營右翼鎮標三營及增  
城一營俱無守糧應酌量改戰爲守與通省  
畫一並添設右翼鎮標兵三百四十五名一  
香山縣請添設縣丞一員駐劄前山寨城藉  
查分管調原駐之守備防守縣城均應如所  
請從之○旌表陝西鄠縣烈婦楊性妻李氏

守節拒姦被毆殞命給銀建坊入祠致祭如  
例○丁未諭大學士等從前怡親王常在朕  
前奏稱白家疍一帶居民忠厚善良深知感  
激朝廷教養之恩今王薨逝而彼地居民人  
等感念王之思德願自備資本建立祠宇歲  
時致祭與情懇切足徵王之遺愛在人而民  
風醇厚亦即此可見朕欲將白家疍數村地  
丁錢糧永遠蠲免以爲將來祭祀香火之資  
並使良民均霑恩澤爾等確議具奏尋議白  
家疍等十村莊具呈建祠之鄉民共三百餘  
戶內有田土者甚少查得此地附近有入官  
田土三十餘頃需人耕種不若將此數村人  
口酌量多寡添撥地畝令其世世管業每年  
除辦祭物外俾得均霑餘潤所有應納錢糧  
永遠蠲免庶於鄉民俱有裨益從之○以正  
黃旗漢軍都統金以坦正紅旗漢軍都統伯  
李林俱暫行兼理鑲紅旗漢軍都統事務○  
戊申擢內務府郎中海望爲內務府總管○

雲貴廣西總督鄂爾泰疏報黔省黎平都勻等處生苗共二百七寨歸化供賦下部知之○壬子吏部題三等伯富達禮緣罪革逮銷去恩詔所得拖沙喇哈番餘一等精奇尼哈番又一拖沙喇哈番以原立職之石廷柱孫慶德襲替一等阿思哈尼哈番巴錫故銷去恩詔所得拖沙喇哈番餘二等阿思哈尼哈番以其親伯之二世孫穆爾泰襲職從之○甲寅陞太常寺卿署江西巡撫旻爲大理寺卿仍署江西巡撫印務○二等精奇尼哈番根敦查布因罪革退以其親兄達克薩哈襲替○乙卯山西巡撫覺羅石麟奏言六月初一日太原等處日食之期濃雲密而未見虧蝕紳民稱瑞理應奏賀得旨從前欽天監奏今年六月初一日日食九分二十二秒朕心深爲畏懼特降諭旨令內外臣工等悚惕勉勵各盡厥職以凜天戒今石麟以山西省城當日食之時濃雲密

雨及雨霽之後日已復圓具本題賀宋嘉祐時日食入雲不見時議稱賀司馬光云京師不見四方必有見者今晉省陰雨豈能概論天下乎石麟所奏殊屬不合著將本發還○旻表山西朔州烈婦王善教妻劉氏夫亡逼嫁投井全節給銀建坊入祠致祭如例丙辰諭內閣凡內外大小事務必據實辦理始得其是非之正合乎人心之公若有扶制之弊及苟且遷就之情則事不得其正而違乎人心之公其爲吏治風俗之患不小矣至於文武雖屬兩途然同爲朝廷之官同辦國家之事實爲一體所當和衷共濟據實秉公以盡勿欺之道聞得外省有文官已申文書而武員恐其干碍或於中途掣回者或勉強令其更改者武既可以施之於文則文亦可以施之於武似此扶制成風苟且遷就何以得事之實情除事之弊竇況目前雖草率結局而嫌障自此而生文武不和實始於此著督

撫提鎮通行曉諭嚴加禁約僮所屬有犯此等情弊者即據實奏奏毋得姑容○河東總督田文鏡奏言豫省紳衿感戴

皇仁恭建

萬壽碑稟得旨朕以實心實政訓示天下臣民如稱功頌德建立萬壽碑亭鏤金刻石之舉皆屬粉飾虛文朕所不取前以豫省官方整肅民俗醇良感召

天和屢豐有慶是以特加恩賜用示褒嘉該省官民紳士感激朕恩惟有益加勉勵永為循吏良民以承

上天之眷佑至於撰文建碑稱揚功德不過外觀之虛文耳嗣後他省若有倣效而行者著該督撫先期諭止之○丁巳廣東總督郝玉麟奏言瓊州府等處於本年三月十八日祥雲朗見五彩繽紛自卯達辰經兩時之久得旨年來各省奏報慶雲者甚多朕竝未以為祥瑞該地方官民宜各修職業益加勉勵以

還

天麻○以故三等河恩哈尼塔番富來子舒通河襲職○旌表江南縣烈婦劉天元妻查氏拒姦不污自刎殞命給銀建坊入祠致祭如例○戊午予故江南河道總督孔毓珣祭墓謚溫僖○予故原任奉天副都統納秦祭墓如例○己未諭戶部甘肅地方雍正八年地丁錢糧前已降旨蠲免其河西四府州縣暨各衛所額徵糧料草束又經一體免徵朕念新歸內地番民嚮慕義願附版圖其地畝額徵本色糧草與河西等處賦稅相同亦應一體蠲除俾令同霑恩澤著將雍正八年河東之河州廳洮州衛歸德所河西之西寧涼州府屬應徵番糧共一萬二千有奇俱加恩蠲免該督撫即督率所屬有司敬謹奉行俾番民均霑實惠○諭兵部上年派令滿洲兵五百名駐劄晉省都統鄂善約束嚴肅兵民頗覺相安今鄂善奉差陝西覺羅石麟接

受管理甚爲疎縱兵丁之中有聚飲酣醉恃衆毆打民人若有醉後混入民家者又今年六月初二日有兵丁之馬二十餘匹至東門外將民田喫損八九畝踏傷十餘畝次日鄉民聚集百餘人拴帶馬五六匹擁至巡撫衙門擊鼓喊叫撫臣始差官查究朕所聞者如此凡差往各省官兵丁朕每諄諄訓誨望其奉公守法與百姓聯爲一體休戚相關今派往晉省之兵恣意妄行嬉遊放肆不遵法令擾累居民甚屬可惡目今晉省已不須滿兵駐劄若護軍統領宗室哈爾吉前往太原府將滿洲官兵丁俱行撤回并會同巡撫覺羅石麟將生事不法之兵丁一一查出重加懲治即於太原府通衢枷號示衆其該管章京亦查出據實糾參毋得稍有疎縱徇隱覺羅石麟身爲巡撫不能約束兵丁若交部嚴加議處 湖廣鎮守總兵官周一德奏報白沙及明溪等處五月十一日慶雲麗天霞

光萬道自辰至酉萬日共覲得旨朕不以慶雲爲祥瑞湖南地方民多刁悍俗亦頑梗該省官員果能實心化導使之奉守法度化驚悍爲循良易澆漓爲醇厚此則朕心之所謂祥瑞也 辛酉大學士等遵旨議奏怡親王瑩制宜用享堂七間享堂之外中門三間內圍牆一百丈中門之內建焚帛亭祭器亭中門之外建神厨五間神庫三間東西廂及宰牲房各三間碑亭一座其外爲大門三間圍牆二百九十丈大門外設奉祠房二十間再加石橋二石牌坊一擊天柱二神道碑一俱斟酌典禮允合輿情得旨怡親王有遺言身後殯殮只用常服一切金玉珠寶之屬槩不可用王妃及諸子遵其遺言只以常服爲殯即平日所束之帶亦未曾用朕親臨其喪亦祇以血淚巾帕及所佩香囊附棺中示含玉之意誌永訣之哀蓋王天性節儉一生服食之需愛惜物力不肯多費緣粟故拳拳於

身後如此且識見高明深凜古人寶玉送死之戒是以附身附棺之物皆從其遺言不忍違其素志至於園寢之制則關係國家之典禮德懋懋官功懋懋賞乃古今之通義恐非朕所得私亦非王所可讓者今大學士九卿等詳明定議悉與典禮符合甚愜朕懷著依議行○癸亥諭內閣禮部尚書石文焯原係庸才內陞以來每事退縮毫無踴躍奮勉之心著革任以原品在八旗井田効力行走兵部尚書馬會伯在肅州委辦軍需以來諸凡推諉貽誤措置顛倒著革職仍令在甘肅署理總兵官事務効力贖罪○陞禮部左侍郎錢以壇為禮部尚書左都御史署直隸總督唐執玉為兵部尚書仍暫署直隸總督吏部左侍郎署兩江總督史貽直為左都御史仍暫署兩江總督詞倉場侍郎劉於義為吏部左侍郎實授徐天相為總督倉場侍郎○戶部右侍郎汪澄緣事革職陞內閣學士俞兆

嚴為戶部右侍郎實授孫嘉淦為工部左侍郎仍管順天府府尹國子監祭酒事以左副都御史謝王寵為宗人府丞陞宗人府府丞冀棟為都察院左副都御史擢監察御史顧琮為太僕寺卿辦理水利工程事務○以工部右侍郎鄂爾奇內閣學士任蘭枝署戶部侍郎阿山教習庶吉士○山西太原總兵官袁立相因病解任陞浙江嘉興副將王緒級為山西太原總兵官○乙丑諭宗人府怡親王第三子弘暇朕指配富察氏尚未婚娶而弘暇病故富察氏聞信即慟哭截髮至王府懇求持服守制彼時怡親王不允富察氏於門外跪哭以夜繼日王始終未允并未遣人與彼一語王之意以王子已故不忍再誤富察氏之終身也乃富察氏歸至母家持服守節二年以來之死靡他今年吾弟堯逝富察氏又至王門悲慟啣哀懇求服孝從前之事吾弟並未奏聞今王之管事人員以應否

准其服孝奏請朕始知之遂降旨准伊服孝  
令進王府諭王妃收以爲媳富察氏以幼年  
之能知大義矢志栢舟其情可憫其行可  
嘉弘曠身後一應禮儀俱照貝勒之例著於  
弘曠親姪內以一人爲弘曠之嗣卽襲封貝  
勒令富察氏撫養俾其無子而有子以彰節  
女之厚報焉○移江南定遠縣主簿駐北壇  
橋東地方從署兩江總督江蘇巡撫尹繼善  
請也○丙寅諭內閣尚書舜典云欽哉欽哉  
惟刑之恤哉朱子曰所謂欽恤者欲其詳審  
曲直令有罪者不得免而無罪者不濫刑也  
吾弟怡賢親王嘗奏朕云今法司衙門凡有  
審問事件並不究其情之虛實動以夾訊夫  
聽斷之下求之於辭氣耳目以察其情設誠  
以待之據理以鞠之未有不得其實者何庸  
夾訊儻有証佐確據情罪顯著而本犯猶狡  
獪不以實供則不得已而用刑若並不詳鞠  
其情而槩用重刑嚴訊三木之下何求不得

此重寔之未免有寬抑牽累也吾弟之言如  
此是以八年以來凡朕交王承審數十件繁  
難大案皆以誠敬用心以情理感格簡孚聞  
實愚頑自將罪犯委曲招吐從未曾夾訊榜  
楚一人而諸寔情罪無不允當吾弟之存心  
忠厚如此今外省有司既不能聽辨五辭無  
明決折獄之才每遇重大案件至期限將滿  
之時慮及處分則連用重刑該犯欲緩須臾  
之命凡官吏訊問之語靡不承認遂據其供  
招鍛鍊成獄且凡過命盜案件其中牽連之  
人有司亦明知其無辜而欲爲開釋恐致上  
司之翻駁遂有非夾訊不能歸結之論夫欲  
保全一己之功名彌縫上司之查駁無論情  
之虛實罪之輕重輒用三本以訊每致未結  
而有刑斃之人此其居心尚可問乎吾弟怡  
賢親王存心仁恕固不待言而其本懷總不  
欲使天下有一寬抑之人俾國家受濫刑之  
議此其忠君愛國之心出於誠懇篤摯是以



凡有聽斷歸乎至當能使摩議帖服刑章式欲也今吾弟薨逝之後凡啟靈大祀之日

上天必賜以清和景象而羣工黎庶各致其哀

慕深情天之報吾弟亦云厚矣吾弟嘉謨入

告之事不可勝數偶因戒飭問官輕用三木

一節將吾弟數奏之言宣示於眾且布告各

省有司令咸以吾弟怡賢親王之聽訟居心

奉爲按鞠之規範則明慎用刑庶幾咸中有

慶矣著凡掌刑名衙門將此諭刊榜永示於

堂署○丁卯諭內閣江寧織造郎中隋赫德

具摺奏稱本年六月初一日日食之期江寧

地方先期陰雨至午後則天色晴明萬物共

見日光無虧地方咸以爲瑞特行奏賀等語

朕彼時即批諭切責隋赫德此並非爾職掌

應奏之事且以識見庸鄙之人而輕言

天象尤屬誕妄又山西巡撫覺羅石麟奏稱太

原等處濃雲密雨日食不見朕亦降旨切加

申飭矣從來

天象之災祥由於人事之得失若

上天嘉佑而示以休徵蓋欲人之知所龜勉永

保令善於勿替也若

上天譴責而示以咎徵蓋欲人之知所恐懼痛

加修省於將來也凡爲人者受天嘉佑而或

驕矜縱肆怠惰前修則將轉福爲災矣受天

譴責而或戒慎悚惕省改前愆則將化災爲

福矣此天人感應呼吸相通之理朕所日日

訓示天下臣民者况天之錫福降災即如人

君之賞罰也凡爲臣者受賞一次則終身當

有奮勉感激之心受罰一次則終身當有懺

惕抱愧之意安有過後即淡漠置之俟再有

賞罰之時而復知感懼者乎雍正八年六月

初一日之日食乃

上天垂象以示儆所當永遠敬畏勿忘兢業之

心詎可以偶爾觀瞻之不顯而遂誇張以稱

賀乎山西地方偶值陰雨不可以概天下至

隋赫德所稱江南日光不見虧缺朕推求其

故蓋日光外向過午之後已是漸次復圓之

時所虧止二三分是以不顯虧缺之象昔年

過日食四五分之時日光照耀難以仰視

皇考親朕同諸兄弟在乾清宮用千里鏡四

週用夾紙遮蔽日光然後看出考驗所虧分

數此朕身經試驗若果虧蝕不及分數則

係欽天監推算之誤又豈可因此而怠忽

天戒稍存縱肆之心乎康熙三十六年二月初

一日日食是時我

皇考降旨日食雖人可預算然自古帝王皆因

此而戒懼蓋所以敬天變修人事也若庸主

則諉諸氣數矣去年水潦地震今又日食意

必陰威所致豈可謂無與人事乎可諭九卿

如有人事應修改者悉行奏聞

皇考敬

天之心誠切如此是以

上天眷佑本年即成蕩平噶爾丹之大功邊方

康熙五十八年正月初一日日食

皇考在宮敬謹齋肅

特命朕同諸皇子赴禮部衙門虔誠禮拜是日

陰雲微靈未曾顯見

皇考諭廷臣曰京師雖未曾見別省無雲之處

必有見者况日值三始人事不可不謹或有

缺失之處諸臣應商酌確議此皆我

皇考之垂訓子孫臣民者今見外省臣工中有

因今年日食不顯而生欣喜之心為慶賀之

奏者甚屬非理大違朕心特諄切宣諭俾中

外臣民共知之○旌表湖北彝陵州烈婦毛

秉德妻周氏遇賊守節投巖殞身給銀建坊

入祠致祭如例



八旗大臣有管轄兵丁之責理宜操練武藝習勞苦耐寒暑以及疾趨超距撲跌等技留心詰習近觀大臣官員侍衛等值班俱不親佩腰刀一味偷安又不操練服習勞苦僕遇緊要處不能爭先獨使兵丁前進而抑停留等侍乎且至彼時力不能支即懷奮勇之心亦屬無用安能使兵丁克稱精銳乎從前皇考每歲行圍令衆人學習技勇服習勞苦及朕即位仰思

皇考付託之重八年以來勵精圖治未及巡幸郊外而武職大臣侍衛官員兵丁技力亦漸不如前不可不急爲整飭嗣後八旗武職人員及各省駐防之武職人員年未至五十五歲者勒限半年令各奮力學習一切技勇若仍有自圖安逸不肯學習者或經朕調來引見或經朕行幸時查出必重加懲治責革照違旨例治罪如有學而不能者准其告退大學士等議覆寧遠大將軍岳鍾琪遵旨議

奏派出收馬之鄂爾多斯青海蒙古兵一千名請於今年調赴軍營應如所請從之○改湖南永州府清軍同知爲理強同知移駐江華縣添設道州江華縣遊擊千總各一員寧遠縣永明縣守備各一員道州江華寧遠永明之緊要各汛千總二員把總八員百隊十六員募添分汛兵丁共三百名從湖廣總督邁柱請也於西諭兵部舊例武弁給與親丁名糧以爲養贍僕從家口之需前朕聞弁員等離任時即將隨丁名糧召募補足而接任之員陸續候缺每至數載不得養贍之資甚爲艱窘已特降諭旨嗣後武弁去任者將所有名糧不必募補留與接任之員俾其得需餘聞此無非體恤貧貧給與養贍以免扣剋虛冒苦累兵丁之弊也近聞武弁等若有陞遷事故者於該員離任之日即將隨丁名糧按數開除其任支銀米歸作截彙項下彙報充餉俟新任之員到日方許申報起支朕

思署事之員不無往來車馬食用之費且各營署事多係部發候補試用之人竝無俸薪等項應爲籌畫養贖之道嗣後武弁去任之時其親丁名糧照舊存留不必歸入截贖項下其署事之員若係候補試用者准其全行支給以作養廉若係現任之員兼理者准其支給一半將一半留在本營以爲修葺衙署添補器用之費即交該營守備存貯如有動用之處每季造冊申報該上司查核著各直省一體遵行

理藩院參奏巴林扎薩克多羅郡王林穆布每日酌酒縱飲將護衛火索乘醉擅殺燒毀殘忍濫惡請革退王爵解京圍禁從之

四川巡撫憲德疏報建昌所屬木裡喇嘛率衆歸誠懇附版籍下部知之

甲戌諭內閣虞書曰明四日達四胞先儒註曰廣四方之視聽以決天下之壘蔽也蓋天下之患莫大於耳目錮蔽民情物理不能上聞則雖有勵精圖治之心而措置未必合宜

究難成一道同風之盛是以各省督撫大臣於本章之外有具摺之例又以督撫一人之耳目有限各省之事豈無督撫所不及知或督撫所不肯言者於是又有准提鎮藩臬具摺奏事之旨即道員武弁等亦間有之此無非公聽並觀欲周知外間之情形耳竝非以奏摺代本章凡摺中所奏之事即屬可行之事也是以奏摺進呈時朕見其確然可行者即批發該部施行若介在疑似之間則交與廷臣查議亦有督撫所奏而批令具本者亦有藩臬等所奏而批令轉詳督撫者亦有聽其言雖是而不能必其奉行之無弊則批令宵心勉勵還朕一是字者凡爲督撫者奉到硃批之後若欲見諸施行自應另行具本或咨部定奪爲藩臬者則應詳明督撫俟督撫具題或咨部之後而後見諸施行若但以曾經摺奏遂藉口已經得旨而毅然行之則凡錢糧之開銷官員之舉劾以及苗疆之軍務

地方之工程諸如此類督撫皆得侵六部之權藩臬皆得掣督撫之時矣行之日久滋弊必多爲害甚鉅不可不防其漸也且各省文武官員之奏摺一日之間嘗至二三十件或多至五六十件皆朕親自覽閱批發從無留滯無一人贊襄於左右不但宮中無檔案可查亦亦無專司其事之人如部中之有司員筆帖式書吏多人掌管冊籍繕閱規條稽查原委也朕不過據一時之見隨到隨批大抵其中教誨之音居多今於教誨之處則未見敬謹遵奉而於未曾允行之事件則以曹奏過三字含糊藉口以圖自便有是理乎况朕曾降旨凡摺中批諭之處不准引入本意以闕制制部臣之漸則奏摺之不可據爲定案又何待言乎著將此疏諭各省奏摺諸臣知之若督撫提鎮等以此愚弄屬員擅作威福准屬員據實揭報或該部或都察院即行奏聞若屬員等以此挾制上司肆志妄行著該

督撫提鎮等即據實參奏諭都察院凡國家之事須實心辦理公同商酌務期妥協若以衙門人衆互相推諉因循怠忽此風斷不可長爾都察院衙門堂官及御史等所文事件理應同心辦理如堂官有不到之處爾等御史亦當共相協助何得視爲膜外今該設立巡檢一疏內稱設立巡檢原以助兵馬司耳目之所不及該舖內一應盜逃以及黃銅賭博宰牛鬪毆打降酗酒等項應令該巡檢協理稽查不得專擅以侵司坊官之職守凡遇有地方應報事件當令該巡檢一面申報該城御史仍一面報明該司坊察庶不致生事滋擾等語夫既令其稽查又止許其報明不得擅專僕或地方有不法等事必待報明然後拘拏遇盜賊則盜賊已逃遇賭博則賭博已散遇酗酒則醉者已醒雖三尺之童亦知其斷不可行者爾等獨不計及此乎且設一官必有一官之職若止許其報明則與番

捕無異何必設此巡檢如恐其生事滋擾則當議令一面拘拏一面詳報不許擅自審理僅有不應拘拏之人牽連被累該城御史審明之日將該巡檢參處方為妥協爾等俱係言官乃本衙門應辦之事豈不齊心辦理遲延數月仍復草率定議甚屬不堪著將原本擲還另行詳細妥議具奏其都察院堂官及御史等一併交部察議尋議五城關內關外巡檢於該管地方遇有盜匪及黃銅賭博等事牛鬪毆酒等事將人犯立即拘拏報明司坊官詳解該城御史發落該巡檢不得擅自審理從之○乙亥諭內閣各省文武諸臣奏摺經朕硃筆批示者俱令呈繳以備稽查但向來未定呈繳之期以致各員遲早不一有二三月後乘便呈繳者有於年底彙齊呈繳者夫既奉硃批查辦此事下次查辦奏事之時即應將硃批原摺呈繳以備朕之檢閱若具奏此事而仍留硃批原摺於外則朕處無

稽案可稽未免難於辦理著通行曉諭凡接到硃批者仍照舊乘便呈繳若具奏此事應將原批一併呈進如所批查辦之事尚未就緒准將硃批存留俟辦理具奏之時一同呈繳○丙子雲貴廣西總督鄂爾泰疏報貴州上憂情等案生苗抒誠歸化願附版籍下部知之○丁丑

孝懿仁皇后忌辰遣官祭

景陵○轉禮部右侍郎蔡世遠為左侍郎陞內閣學士吳士玉為禮部右侍郎兼內閣學士行走○戊寅諭內閣國家初忠宣力之臣勲績茂著必膺崇報之典令其世享祭嘗雍正二年朕已勅建昭忠寺自開國以來致命立功盡忠報國之傳皆得春秋妥膺世世血食顧念古者大烝之祭凡法托於民以勞定國者皆得並列祀典永受明禋則我朝名臣良弼其經邦佐治黼黻昇平者皆祭法所必登朕欲為之建立祠宇久矣即如怡親王之精

白一心忠誠體國勳在

社稷澤被生民其功德隆盛又豈一切効忠宣力者之可比倫乎洪惟

太祖

太宗創業垂統厥有一德佐命之良

聖祖撫綏萬邦實多奮庸熙載之彥迨我

聖祖臨御六十餘年其間良臣碩輔後先相望

據朕所深知者舉其一二如大學士公圖海

公賴塔大學士張英尚書顧八代馬爾漢趙

申喬河道總督斯輔齊蘇勒總督楊宗仁巡

撫陳瓚等持躬正直奉職公忠或垂節鉞之

勲或勵冰霜之節俯仰無愧爲朝野所共欽

終始不渝無瑕疵之可指似此等靖共爾位

不愧古大臣之風者正不乏人旣樹羽儀於

一世宜隆俎豆於千秋且使世世爲臣者觀

感奮發知所慕效羣以臯夔稷契共相期待

則明良喜起之盛朕於斯有厚望焉著於京

城內白馬關帝廟之旁選擇吉地特建廟宇

命名賢良祠春秋以時展祀其應入祠之員

著內閣會同該部確查本朝滿漢文武大臣

才德著聞完名全節者詳慎開列具奏請旨

將來繼起之臣亦併得沾被恩光永爲盛典

○議政王大臣等議奏學士僧格日子顯羅

爾所領巡防兵應令於降雪後撤回俟明歲

進兵時仍往騰格里腦兒駐扎得旨今年大

兵旣停進發著行文與僧格等令伊等酌量

於未降雪之前撤回明年著僧格仍舊帶往

其綠旗官兵照今年賞給之例賞給再發銀

一萬兩著順羅爾明年酌量賞給唐古特等

之兵○刑部議奏從前設立鼓廳衙門以達

民間寬狹原派科道輪流巡值嗣因歸與通

政司管理未派專員致有誣妄越訴之人踰

牆混行擊鼓請飭通政司每月派參議一員

輪班掌管遇有擊鼓之人訊取確供奏聞請

旨其有因小事突入謊告者首犯杖一百徒

三年餘人減一等若捏告大款欲思洩忿及



將法司已經斷明事件妄圖翻案者首犯發邊遠衛所充軍餘人減一等如有赦今主使之人各照首犯治罪從之 四川巡撫憲德疏奏打箭爐口外需用糧米成都新繁等州縣士民情願不領夫價輸米成運丹枝溫江等州縣士民情願捐米輸力運赴得旨士民等急公輸輓甚屬可嘉著該撫宣旨獎諭應領夫價仍著照數給領其已捐之米將存倉米石給還 改山西保德州所屬興縣仍隸太原府管轄從山西巡撫費羅石麟請也 己卯江南河道總督裕魯疏報六月二十六七等日風雨連綿東省蒙陰沂州郯費滕嶧各地方山水暴發直注邳州溢入黃運兩河奔騰南注已飭該道廳等加謹保護無使漫溢得旨今年春夏之交北方雨澤畧少朕即慮夏秋之間雨水必多屢諭河臣加謹保護工程以防伏秋之汎今觀湖河漲溢情形有非人力所能捍禦者朕惟有修省戒懼以

稟

上天示儆之深恩更念邳州宿遷桃源等處水勢驟長禾稼室廬必遭淹沒深可憫惻著差往江南清查錢糧之侍郎馬爾泰彭維新御史安修德等星赴被水地方勸支藩庫銀數萬兩速行賑濟並遴選廉幹人員帶往分派各處會同地方官悉心辦理勿稍稽遲勿令遺漏務使窮民人人安堵寧居咸得其所其被災之處今年額徵錢糧著悉行蠲免僅有已經完納者准作明年額徵之數聞山東發水之處民間田舍亦被損傷著巡撫岳密遴選賢能官員前往查勘動支庫銀速行賑濟勿使一夫失所其應行蠲免錢糧之處著一併確查奏聞請旨 河東總督田文鏡奏奏河南管河道托克拖海玩忽河工於伏汎危險之時並不竭力督率搶護協理河臣范時譚安坐旁視聽法誤工請革職嚴審得旨托克拖海以筆帖式微員用為河南南岸同知

經田文鏡、裕、曾、筠等大計，特薦來京，引見。朕看其人甚屬平常，但因伊等合詞薦舉，料其必有所見。於是准其卓異，旋陞戶部員外郎。因其熟諳河工，仍以陞銜管河工同知事務。今年春夏之間，朕因裕、曾、筠摺奏，托克托海可勝充寧道之任。後見田文鏡將王鴻勳題補充寧道，降旨詢問。田文鏡據田文鏡奏稱：王鴻勳宜於充寧道之缺，托克托海在豫日久，熟練河工，若用爲河道，實爲駕輕就熟。於是與裕、曾、筠會題，請將伊補授河南管河道。朕降旨俞允。以此等微末不堪之員，數年之內，屢膺薦舉，受朕深恩，格外超遷。至觀察大員之職，托克托海苟有人心，宜何如奮勉？急公以圖報稱？乃當河工伏汛危險之時，而伊視本身職業如同局外，顯因田文鏡未曾將伊題補充寧道蓄憾於心。又見差委未滿，到工監督中懷嫉妬，以爲功過成敗與己無涉。似此挾私廢公，背恩藐法，將上司屢次薦舉

之德一舉遺忘，尚得謂之有人心者乎？是時繹乃一旗員，朕念其爲勳臣之後，加恩擢用。諄諄訓誨，望其克紹家聲。乃在江南總督任內，玩愒廢弛，因循苟且，無一察吏安民諸姦。禁暴之善政，且其居心行事，詐僞不誠，巧令朱鴻緒在朕前奏，其操守廉潔。至於日食不數朕聞之，惻然動念。急令江南江西巡撫等爲伊籌畫養廉之道，及查明之後，始知伊於應得之項，原係收受，並不至於艱窘。而朕猶欲俾其用度寬餘，仍今加增以與之。無非成就其操守使之專心彈力於封疆也。乃江浙地方潛藏匪類，生事不法，盡惑人心。朕令李衛悉心查拏，李衛果恪遵辦理。又密諭范時輝若浙江文到，江南查緝人犯務必慎密，拏解勿使漏網。豈料范時輝袒護私交，縱容匪類，竟有與馬世珩通同作票之事。各犯供據鑿鑿，不能掩飾。朕猶密諭李衛於審訊定案之時，留意保全，勿使罹於重罪。蓋猶諒其無

交結送董之心不過賂徇情面之所致且范氏一門現今爲大員者止范時鐸范時捷兩人耳勳臣後裔漸致零落朕心不忍所以委曲成全之者至矣范時鐸到京朕仍不肯令其罷斥廢棄特命料理太平峪吉地工程以爲勅力自新之路適因此河總督不得其人於是命伊前往虜茲重任伊出京之時朕面加訓勉伊亦自陳感恩悔過願圖後効情詞懇切豈料范時鐸下愚不移以本身專司之務又當伏風危急之時田文鏡所委各員俱上緊搶護而范時鐸與范克拖海安坐於旁竟同陌路視國事如弁髦視民命爲草芥此等負恩溺職之愆在他人尚且不可况在范時鐸之身乎范克拖海著革職卽於河工險要地方永遠枷號示衆范時鐸亦著革職將一切工程交伊加謹防護俟秋汛過後擊送來京將伊從前所犯罪案悉行查出從重定擬具奏儘今年秋汛防護不謹少有疎虞卽

將范時鐸范克拖海請旨革職在貽誤工程之處正法凡人會得求退之心無有止足而又不自知其分量受恩而永遠知感者少稍不滿意而心懷怨望者多是以上司待屬員之難亦如人君之待人臣也當其未用之前則思進用既進用矣又思退君心之信任既信任矣又或以不及其某爲憾卽如舉劾之間若諸臣意見會同人君亦何樂而不從之無奈彼此所言互異不得不斟酌審量以定去取而不從其言者又以此快快於心似此懷庸鄙之見者正不少也屬員之於上司始初被薦之時亦知感激及遲至一二年後州縣則以不得題陞府道爲憾矣府道又以不得題陞兩司爲憾矣偶見同列憲官卽起妬嫉之念或見他人信用卽生退縮之心如范克拖海今日之事小人之情狀畢露不得不嚴加懲治以挽頹風而杜惡習著通行直省共知之裁甘肅巡撫衙門筆帖式一員從甘肅

巡撫許容請也 庚辰陞詹事府少詹事趙

殿最爲內閣學士兼禮部侍郎 調廣東提

督王紹緒爲江南提督廣西提督張溥爲廣

東提督陞雲南臨元總兵官張應宗爲廣西

提督雲南督標副將魏者國爲雲南臨元總

兵官 辛巳大學士馬爾賽等遵旨議奏思

賞各鎮標兵營運生息備用銀兩按數酌擬

陝西西安鎮二萬兩涼州鎮一萬六千兩江

南蘇松鎮一萬四千兩陝西寧夏鎮廣西左

江鎮各一萬三千兩浙江定海鎮湖廣鎮草

鎮晏陵鎮福建漳州鎮汀州鎮陝西延安鎮

雲南曲靖鎮烏蒙鎮貴州古州鎮各一萬二

千兩江南狼山鎮浙江黃巖鎮溫州鎮福建

臺灣鎮福寧鎮山東登州鎮陝西肅州鎮廣

東左右二翼碣石鎮雲南普洱鎮各一萬兩

直隸正定鎮浙江處州鎮福建海壇鎮金門

鎮山西大同鎮陝西興漢鎮廣東潮州鎮雲

南鶴麗鎮永順鎮楚雄鎮開化鎮臨安鎮各

九千兩湖廣襄陽鎮江西南贛鎮陝西西大

通鎮廣東高州鎮雲南永北鎮四川北鎮

重慶鎮松潘鎮建昌鎮各八千兩直隸宣化

鎮山東兗州鎮湖南永州鎮河南南陽鎮河

北鎮廣東瓊州鎮廣西右江鎮貴州安籠鎮

各六千兩直隸馬蘭鎮天津鎮江西南昌鎮

福建南澳鎮左營廣東南澳鎮右營各五千

兩行令各鎮總兵官會同督撫提督於該省

藩庫照數支領料理營運從之 壬午中元

節遣官祭

永陵

昭陵

孝陵

孝東陵

景陵

府開州清鎮等五州縣開墾本年分田地十

一項有奇下部知之 癸未復設江南蘇州府總捕同知海防同知各一員松江府董漕同知水利通判各一員常州府水利通判總捕通判各一員從江蘇巡撫尹繼善請也 添設河南太康縣丞一員祥符縣朱仙鎮巡檢一員從河東總督田文鏡請也 甲申以正藍旗滿洲都統查爾泰署鑲紅旗滿洲都統 移貴州南籠府通判駐威遠汛地方隸安順府統轄從雲貴廣西總督鄂爾泰請也 旌表貴州遵義縣烈婦張周明妻胡氏守正拒姦被刃殞命給銀建坊入祠致祭如例 乙酉戶部議覆雲貴廣西總督鄂爾泰遵旨酌定烏蒙總兵劉起元條奏苗糧事宜一烏蒙條改土新疆與威寧接壤應於松林嶺地方勒石定界以八仙海子歸烏蒙管轄稻田壩仍屬威寧管轄一烏蒙府設有永善一縣新經改流諸事尚未就緒應增置烏蒙一縣隸於該府一烏蒙地廣田多應將無業

田地每兵賞給三十畝或有餘丁准其倍給壯量與牛種銀兩勸令開墾一苗俗向無學校應於各屬四鄉適中之所設立義學以廣化導一烏蒙係四邊之區而道路險隘應平治酌計二千餘丈請動支藩庫即行興修均應如所請從之 賑江南宣城等十七州縣水災饑民 丙戌總理營田水利事務大學士朱軾等疏奏交河縣所屬垆工水勢漫溢請將在工人員交部議處得旨今年雨澤頗調而北河垆工水勢漫溢蓋自吾弟怡賢親王薨逝遂至籌畫多疎防護懈弛河工關係國計民生最為緊要朕心深切屢念其作何善後之計著詢問九卿具奏恭親王自差委以來因病尚未任事何國宗另有辦理工程著免其議處朱軾不能彈壓屬員使之彈力盡心著文部察議其專管分轄統轄各員著文部嚴加議處至漫溢一帶地方禾稼室廬必遭水患著該督遴選賢員星速查勘動

用公幹加意賑恤勿使稍有失所其被水應免錢糧之處著確查奏報候旨蠲免○添設直隸易州州同一員從署直隸總督唐執玉請也○丁亥以兵部尚書查弼納充經筵講官○賑湖南靖州通道等四州縣水災饑民○戊子旌表鑲黃旗烈婦李錦芳妻王氏夫亡殉節絕粒捐生給銀建塚入祠致祭如何○壬辰遭刑部侍郎牧可榮署正藍旗滿洲副都統阿魯等分路賑濟直隸順德廣平等府水災饑民○癸巳諭內閣刑部右侍郎常春回京路過西安府該省督撫二人及副都統四人率同文武等官奏請朕安乃於齊集之處副都統陸寶陳良棟等與巡撫爭論班次大夫體統朕思同為滿洲大臣共事一方自應倍加和協彼此敬禮以為官兵民之表率况請安關係大禮而乃於大庭廣眾之前互相爭競俾遠近傳為笑談深可愧耻此番若係巡撫倡論在先朕自將巡撫議處

今聞爭論之端起於副都統等則其過不在巡撫矣大約武臣平日以文臣缺於周旋或有應付不到之處懷怨於心是以假公濟私加文臣以無禮而不顧大臣之體此風斷不可長西安副都統四人著交與總督查郎阿務將何人倡議何人附和之處一一查明無得稍為徇隱其倡議之人交部嚴加議處附和之人交部議處若查郎阿不能據實查明朕即將副都統四人俱調來京另派大臣審訊嗣後西安一應會集之處巡撫班次著在副都統之上永遠遵行該省巡撫副都統等若因此番爭論之故文臣或有脅制武臣之意武臣或有怨忿文臣之心別尋事端暗生嫌隙經朕訪聞必究問根由將理屈之人從重治罪大凡文武不和皆起於私心蔽網若公則未有不和者朕之訓誡至詳且悉同為國家之臣同辦國家之事不能遵朕訓旨共矢和衷祇因一念之私遂至懷挾猜疑各立

門戶置國家公事於不問。有是理乎。嗣後各  
省僚再有文武不和者。朕定將文武官一併  
調取來京。嚴加究治。以爲人臣因私廢公者  
之戒。○甲午。河東總督田文鏡疏報山東兗  
州曹州等各府州屬於六月二十一等日。風  
雨連綿。山水暴發。臨河窪下之地。田禾廬  
多被淹沒。被水之民。請動用存倉穀石大口  
每月給穀三斗。小口每月給穀一斗五升。各  
給兩月口糧。其房屋倒塌。無力修理者。於舊  
庫存公銀兩內。每戶酌給銀兩。以爲葺屋之  
費。得旨。前據總河程曾筠奏報。南河水溢情  
形。知山東地方有發水被淹之州縣。已諭令  
該撫率同有司。就近加意賑恤。今覽該督所  
奏。朕心深爲軫念。著照所請。轉飭司道府等  
官。仰體朕心。按戶速行散賑。務令均沾恩澤。  
其無力修理房屋者。著賞給銀兩。速行修葺。  
俾得安堵。棲身勿使一夫失所。至於賞給口  
糧。著於兩月之外。增添一月。其應免錢糧之

處。即曉諭停徵。著該督撫。將如何蠲免之處。  
確查定議。奏聞請旨。除四川涪州。綦江等  
九州縣。學田租稅。從四川巡撫憲德請也。  
乙未。達正紅旗漢軍副都統韓光基。戶科給  
事中羅鳳彩。賑濟直隸宣化府屬西寧蔚州。  
懷安等處旱災饑民。丙申。改雲南永昌道  
爲分巡迤西道。添設分巡迤東道一員。從雲  
貴廣西總督鄂爾泰請也。

大清世宗敬天昌運建中表正文武英明寬仁  
信毅大孝至誠憲皇帝實錄卷之九十六

大清世宗敬天昌運建中表正文武英明寬仁  
信毅大孝至誠憲皇帝實錄卷之九十七

五十四年八月庚戌八月丁酉朔遣大學士蔣廷  
錫祭先師孔子○戊戌祭

山陰府屬之昌邑壽光濰縣  
青州府屬之益都沂水博興高苑臨朐濟南  
府屬之鄒平等縣俱被水患民舍田禾不無  
傷損著該督撫委員查勘應否與從前所報  
州縣一體加恩之處一面辦理一面奏聞僕  
再查續報被水者亦著遵照前旨速行料理  
毋使稽遲○命奉天府府尹黎致遠將軍那  
蘇圖會同平郡王福彭辦理

欽修

雍正八年庚戌八月丁酉朔遣大學士蔣廷

錫祭

先師孔子○戊戌祭

大社

大稷遺顛親王行潢行禮○己亥諭戶部前聞

直隸地方有被水之州縣朕心軫念已星遣  
侍郎牧可登副都統阿魯等分路前往調賑

兼施茲據署督唐執王奏稱各屬被水情形  
消長不一有上諭所及之處而水勢消落可

免成災者亦有上諭未及之處而田廬被災

急須拯恤者着行文交與牧可登阿魯等照  
該督所請悉心查勘核實通融其前諭未及

之處有應行賑濟者即交附近差往之大臣  
官員等速行料理務令得所以慰朕拯恤災

黎之至意○又諭據河東總督田文鏡奏報  
山東被水各州縣朕已降旨諭令動支銀數

加意賑恤茲聞萊州府屬之昌邑壽光濰縣  
青州府屬之益都沂水博興高苑臨朐濟南

府屬之鄒平等縣俱被水患民舍田禾不無  
傷損著該督撫委員查勘應否與從前所報

州縣一體加恩之處一面辦理一面奏聞僕  
再查續報被水者亦著遵照前旨速行料理

毋使稽遲○命奉天府府尹黎致遠將軍那  
蘇圖會同平郡王福彭辦理

福陵工程事務○辛丑廣東高雷廉總兵官陳  
倫炯緣事降調陞浙江瑞安副將蔡添壽為

廣東高雷廉總兵官○欽勳撫河州口外逆  
番功官兵兵丁等分別陞賞有差○壬寅吏



部議覆江蘇巡撫尹繼善疏奏江蘇要地駐  
員防範事宜一蘇州崇明一邑屹峙重洋爲  
江南屏障所有武職設總鎮四營而文職止  
一縣令應添設巡道一員統轄太倉通州二  
屬駐劄崇邑至崇鎮四營向俱駐劄縣城而  
該縣所屬沙地極爲遼遠未免巡查不及應  
撥左營一營分駐永興沙其半洋沙應添設  
巡檢一員大安沙應以原駐縣城之巡檢移  
駐竝撥左營千把二員分防至戲臺等沙十  
虞應各設哨船一隻派兵巡緝一江蘇按察  
使見駐江寧與下江巡撫衙門相距太遠應  
改駐蘇州其蘇松道有巡緝之責不宜駐劄  
蘇城應改駐松江上海縣統攝通洋口岸至  
福山營係江防門戶應於蘇鎮四營內每營  
撥沙船一隻歸屬該營與京口狼山等汛按  
期會哨均應如所請從之○予故進勅桌子  
山青海等處陣亡遊擊姬登第著守備張先  
志王伏金祭葬如例千總施道標傳瑾把總

賀奉金陳昂王谷弼揚之連等各祭一次○  
癸卯諭兵部廣東地方山海交錯民強難處  
賊盜易於潛踪所恃以防範者則有安設之  
塘汛星羅棋布格輝聲援無事則相爲守望  
一遇盜賊則協力擒拏勿使逋逸其水汛與  
陸汛不相比附者則應各自管轄巡防若陸  
汛設於江邊雖無舟楫亦當與水汛爲犄角  
之勢此設立防汛之本意也朕聞廣東防汛  
兵弁甚屬廢弛今年四月間三水縣大藍沙  
汛有行舟被盜劫物殺人竝無汛兵救護及  
賊衆去後亦不追拏其失事之處則擊貼汛  
地似此怠玩成風視同秦越則設立汛兵有  
何裨益彼河南浙江之防汛整齊嚴肅衆人  
皆知豈廣東之文武大臣獨不知之乎著該  
提鎮嚴行稽查整飭儻再有似此推諉怠忽  
者即將該管弁員題參兵丁從重治罪若該  
提鎮有心徇隱或失於覺察經朕訪聞定行  
嚴加議處○甲辰寧遠大將軍岳鍾琪奏報

欽差大臣杭奕祿等帝同特屆於八月初四日到營臣遵照諭旨責以大義揚以軍威特磊等情狀似若誠心感懼隨於八月初六日遣特磊等過營訖所有寧遠大將軍印務臣遵旨交提臣紀成斌護理隨印侍郎顏魯協辦臣即於初八日起程赴京已咨會靖邊大將軍傅爾丹奏入報聞○子故原任禮部尚書李周望祭葬如例○乙巳

太宗文皇帝忌辰遣官祭

昭陵○戶部遵旨議奏京畿各府有莊屯之地方旗人事務繁多應以三百里內外為一路分為八路設官八員分司辦理得旨依議旗莊等處設立官員乃立法之始必得賢能之人實心辦理訓導有方始有益於人心風俗茲所差往之員著該管大臣於所屬內揀選保舉差往之後仍著留心訪察或不能稱職或在地方生事保舉大臣據實奏奏者免其誤保之處分若不行參奏經朕訪問發覺者

將保舉大臣一併議處○丙午諭戶部向來蠲免錢糧額徵漕米不在所蠲之內今年山東地方被水稍重而直隸江南河南三省亦間有被水之州縣夫地方既已歉收則漕米輸將未免竭蹶著將山東被水之州縣漕糧全行蠲免直隸江南河南被水州縣之漕糧按其成災分數蠲免其山東未被水州縣應完漕糧不必運送京師即留於東省以充兵餉○丁未

太祖高皇帝忌辰遣官祭

福陵○戊申秋分夕月於西郊遣裕親王廣祿行禮○遣官祭闕聖帝君○己酉甘肅巡撫許容疏報本年六月十五日遵旨於河口外營建河神廟宇即有祥雲捧日五色成文至七月初五日自積石關至撒喇城查漢達斯等處百餘里忽見黃河澄清澈底凡歷三晝夜官民喜躍稱慶以為從來未有之上瑞得旨朕從來不

言祥瑞年來各省奏報慶雲醴泉鳳凰芝草之屬悉皆屏却惟務君臣士庶修德行義以承

天眷屢頒諭旨詳矣今年春降旨於河州口外地方恭建廟宇以答河神福國佑民之賜而彼地河流即昭上瑞顯著休徵益見天人感應之理捷如影響若求之不以其道或以己事或出私心則不但不能感通且上干明神之怒惟以公心篤昭事之本必蒙

上天垂鑿而默佑之其益加勉嘉風夜敬謹以受

天恩○庚戌調浙江黃巖總兵官李燦為江南崇明總兵官陞浙江杭州副將吳進義為浙江黃巖總兵官○辛亥諭內閣吾弟怡賢親王之事朕躬至誠至敬翊贊助襄裨益於宗社國家民生吏治者功勳懋著自古罕有比倫而其忠愛之心朕誠篤摯出於至性更有非言詞稱述所能宣者朕即加恩渾澤於常

格之外究不能展朕崇德剛庸寤寐追思之念也吾弟之子弘曉著襲封怡親王世世相承永遠弗替凡朕加與吾弟之恩典後代子孫不可任意稍減位領屬下等項亦不可那移更改再者朕於雍正三年春曾降諭旨於王諸子之中再封一郡王以昭恩獎彼時王再四懇辭情詞諄切朕不得已勉從所請今吾弟薨逝朕追念遺徽中心輟轉在賢王應有加隆之禮在朕震實有難已之情雖與吾弟素願相違朕亦不違願但弘曉著封為郡王世襲罔替○壬子諭理藩院輪班朝覲之蒙古王貝勒貝子公等令歲著停其來京○癸丑諭戶部據湖廣總督邊柱奏稱沔陽州錢糧自康熙五十五年至雍正四年積欠銀八萬九千二百餘兩里民間清查爭先完納今已完銀二萬二千四十餘兩其官役侵蝕包攬之項仰請暫緩完治一年追完如逾限不完照例治罪其餘實在民欠竝懇與以

一年之限分作三限徵收則民力寬舒等語  
朕之降旨清查積欠者原以地方貪官污吏  
及不法矜棍借民欠之名恣意侵蝕蠹國累  
民爲害甚鉅不得不清釐懲治以儆將來今  
於泗陽州通賦之內果查出侵蝕包攬銀三  
萬餘兩而里民一聞清查即爭先完納可見  
民心本屬善良而從前之間有拖欠者則官  
吏矜棍導之爲非又或因該州近水常有滂  
溢之事力量未免不敷豈非有心頑抗輕視  
國課也其覓在未完之民欠三萬餘兩朕意  
欲開恩酌量豁免俟督撫造具清冊到日再  
降諭旨目今著停止催徵並將此旨出示曉  
諭百姓知之其侵蝕包攬之項著照例治  
罪○諭兵部從前朕以武弁一年所得俸薪  
不敷所用令自提鎮以至千把總俱量給與  
親丁名糧以資養贍今各省添設外委千把  
尚未議及念此外委人員所辦者千把總之

事而所食者仍止本身一分馬糧一應公差  
紙筆衣馬之費實有不敷著將各省添設外  
委千把總每員給與步糧一分即令伊之子  
弟家人頂食以資養廉儘有巧借辦公名色  
扣剋兵餉滋擾地方者著該管官即行揭報  
該轄大員指參毋得姑徇寬縱○陞道政使  
司右參議俞兆岳爲太僕寺卿順天府府丞  
王翊爲光祿寺卿仍兼理順天府府丞事○  
甲寅諸王滿漢文武大臣等以河州地方黃  
河澄清合詞奏賀并請宣付史館垂示永久  
得旨朕從來不言祥瑞諒王大臣等久已深  
知朕心朕之祇事  
上帝神明惟以公誠一念爲昭格之本果蒙  
上天垂鑒頻年顯示嘉祥觀公誠之感通神捷  
如此則懷不公不誠之心者豈能逃於  
上天之譴責乎朕心不但不敢矜誇且因此倍  
加乾惕更願天下臣工士庶各矢公誠之念  
以受

上天之恩著照王大臣等所請宣付史館俾世  
世子孫臣民恪遵朕訓以綿福澤○諭戶部  
據馬爾賽等奏稱郡州宿遷等十八州縣被  
水人民已會同地方官查勘賑濟擬給兩月  
口糧其房屋倒塌者給價安頓等語凡此窮  
民朕心深為軫念著將所定口糧之數增給  
一半並於兩月之外加賑一月務令小民得  
所○添設四川副都統衙門筆帖式一員從  
四川巡撫憲德請也○江南江寧右翼副都  
統德爾本以老病乞休允之○旌表山東德  
平縣烈婦孟魁妻張氏守正拒姦自縊頭命  
給銀建坊入祠致祭如例○乙卯巳刻京師  
地震○命查八旗兵丁因地震致垣舍坍塌  
者每旗各賞銀三萬兩按各佐領人數均勻  
分給圓明園八旗兵丁每旗各賞銀一千兩  
以為修葺屋宇之用○丙辰諭內閣昨因地  
震兵民房室墻垣必有頽塌者八旗兵丁已  
降諭各每旗賞銀三萬兩令該旗大臣按名

分給其內外城居民每城著派出滿漢御史  
各一員分查民間房舍或屋宇倒塌或墻垣  
頽缺作速據實清查分別具奏朕將加恩賞  
給該御史等務悉心秉公辦理俾有吏役隱  
匿虛冒扣剋等弊輕朕訪聞將吏役從重治  
罪該御史嚴加議處○諭靖邊大將軍傅爾  
丹等京師於八月十九日巳時地震當時即  
止不為大患近京東南正北各路地覺微動  
較京更輕惟西北稍重不過百里而止京城  
內外及圓明園地方俱好朕躬甚安但此番  
地動較往年畧重其年久之房屋墻垣有坍  
塌者損傷之人亦不過千萬中之一二至於  
出兵之大小官員兵丁等凡有家口之在京  
城內外者朕令細加訪查悉皆平安無恙軍  
營離京甚遠恐道路傳聞不確致生疑慮特  
頒諭旨著大將軍等通行曉諭官員兵丁等  
咸使聞知○禮部議覆署直隸總督唐執玉  
等疏言和碩怡賢親王以天濟懿感作

帝室股肱綜理百爲綱維庶政上宣

主德下殫民謀直屬紳士商民等既蒙其惠愛  
宜薦以馨香公請代題懇建專祠應如所請  
於直隸省會清苑縣建祠一所任縣之穆家  
口建祠一所天津建祠二所俾沐膏沐之  
衆獲展春祈秋報之情從之○戊午命鴻臚  
寺少卿顧祖鎮內務府郎中鄂善戶部郎中  
阿蘭泰內庫銀二萬兩前往京師附近地  
方察看地震情形加恩賑給○己未諭宗人

府康親王崇安心術狡詐行止輕浮豈堪爲  
宗室之坊表不准管理宗人府事其宗令事  
務著裕親王廣祿管理○移河南信陽州州  
判駐平昌關改信陽汛爲信陽營添設守備  
一員兵五十五名屬汝寧參將管轄從河東  
總督田文鏡請也○授故秦恩將軍席勒圖  
子英俊爲秦恩將軍○庚申諭宗人府吾弟  
怡賢親王第三子弘敬於前年病故彼時降  
查一切禮儀俱照貝勒之例行嗣又降旨於

怡賢親王諸孫之中以一人爲弘敬之嗣令

福金富察氏撫養令著將軍郡王弘敬之長  
子永喜爲弘敬嗣襲封貝勒○壬戌諭諸王  
大臣等數年以來遵化州

陵寢附近之地方雨暘時若年穀順成今年春  
月畿輔微覺亢旱而遵化等處則雨澤調勻  
民人樂業六月日食之期

陵寢之地方則陰而不見本月十九日京師地  
震朕繫念

山陵憂勞寤寐星道侍衛等馳往看視今據差  
回人員及守護

陵寢之大臣等奏稱十九日地覺微動較他處  
更輕村舍墻垣悉皆無恙居民竟有未經知  
覺者朕以手加額五內歡欣益見我

皇考之聖德神功際天蟠地受春佑於  
上帝昭福慶於蒼生若此之彰明較著朕感  
上帝之慈恩念

皇考之功德特將近事之顯而可見者曉諭諸

大臣九卿等共知之○甲子命果親王允禮大學士蔣廷錫內務府總管海望總理三庫事務○丙寅諭內閣京師本月十九日地震朕恐懼修省感激

上天垂象示儆之愚倍加乾惕今年各直省收成頗好而其中又有被水澇溢之處該省督撫大臣往往引過自責朕即批示並宣諭左右大臣曰此非臣工之咎其過實在朕躬蓋今年春夏以來朕體中違和仰惟

宗社攸關

列祖

皇考付託之重不敢不保護此身是以屏除惡慮葆靜頭養而勤政敬事之心實不及平時又因吾弟怡賢親王薨逝朕心悲悼有傷天和遂至水澇情形見於數省朕深知其由不肯誣過臣工而為大臣者俱當撫躬自問默加省察以凜

天戒不在引過之虛文此朕從前曉諭臣工者

目今又有地震之異仰蒙

上天垂慈顯示儆戒惟有夙夜戒懼切加省改以戴

天恩除兵民人等屋宇傾圮者一一查費外再將朕意晚諭內外知之○禮部左侍郎蔡世遠緣事降調轉禮部右侍郎吳士玉為左侍郎陞都察院左副都御史王圖炳為禮部右侍郎○陞雲南巡撫沈廷正為河東河道總督貴州布政使張允隨為雲南巡撫

大清世宗敬天昌運建中表正文武英明寬仁信毅大孝至誠憲皇帝實錄卷之九十七

大清世宗敬天昌運建中表正文武英明寬仁  
信毅大孝至誠憲皇帝實錄卷之九十八

雍正八年九月丁卯朔諭內閣昨因京師地震凡兵民等屋宇傾圮者已降旨詳查賞給銀兩以為修理之費而滿漢大小官員等亦俱有修垣葺屋之事朕心軫念著將各部院衙門官員八旗都統副都統統領參領佐領曉騎校護軍校等以及上衙門之世襲官上三旗侍衛內務府官員步軍統領衙門等官巡捕三營官弁每人俱賞給半年之俸

○諭八旗都統八旗兵丁等房屋傾圮者每旗賞銀三萬兩為修理之用聞該管之

雍正八年庚戌九月丁卯朔諭內閣昨因京

師地震凡兵民等屋宇傾圮者已降旨詳查

賞給銀兩以為修理之費而滿漢大小官員

等亦俱有修垣葺屋之事朕心軫念著將各

部院衙門官員八旗都統副都統統領參領

佐領曉騎校護軍校等以及上衙門之世襲

官上三旗侍衛內務府官員步軍統領衙門

等官巡捕三營官弁每人俱賞給半年之俸

都統官員等不論坍塌牆垣之多寡及有無

傷損人口之處一概均勻給散並無差等其

名則均而實則不均之甚總因伊等濫葺塞

責不肯以實心經理公事俾朕之恩澤不濫

不偏登眾兵於衽席也除從前所賞銀兩各

旗已經均給外朕再賞每旗營銀三萬兩著

該旗大臣等悉心確查分別等次秉公發給

務令寒苦之家實需恩惠仍任意給發不

能公當者經朕訪聞必於該旗之大臣官員

是問至於八旗官弁已給半年之俸不在查

賞之內○戶部議覆福建巡撫劉世明疏言

臺灣縣水衝沙壓田園自康熙六十一年至

雍正四年無徵粟石應著落從前不行詳報

之知縣周鍾瑄等賠補但自五年以後應徵

原額已奉旨永行豁免則此項分賠粟石亦

應一體予豁免以免離任窮員苦累應如所請

從之○戊辰諭內閣自古為治之道在於和

衷孟子曰天時不如地利地利不如人和蓋



天下之事未有不和而能有成者果能和平則天地神明尚覺呼吸可通而況於人乎然能平之道惟在於公公則必不至於不和不公則斷不能和此又一定不易之理朕所日訓誨天下臣民而望其洗心滌慮信受奉行以共享昇平之福也文武雖屬兩途然同在一省一方之中同辦國家之事則不但有同舟之誼實如手足臂指之同在一身也人身一體不遜則百骸皆為之不寧此亦顯而易見者奈何為私欲蔽銅而任肢體之互相戕賊以貽腹心之患乎數年以來朕留心體察內外同事臣工頗能遵朕諭旨勉矢和衷之義即文武各官同在一方而各殫其職無爭競嫉忌之念者亦多有之此皆人心風俗之善亦該省文武大臣實心表率化導之功也惟有廣東一省惡習相沿頽風難挽文武既分為兩黨而文與文武與武又各分為一黨如楊文乾石禮哈常泰阿克敦官達之

互相排陷仇怨相尋則皆方願璞一人從中播弄之所致至於文武彼此告訐之言不可殫述文官則言武職諸員或向知府包攬漏稅或向州縣囑托人情稍不如意即出謗言以勤謹辦事者為過於躁急以不徇私情者為擅作威福又如兵米一項地方有司給與本色而營弁以不能折價為憾往往蓄忿於心此文員陳訴之大概也武官則言文職諸員貪鄙居心黨援不解恃有承審之柄藐視武途大小有司賣緣文結武弁若拂其意即啟釁端以為報復之計常有武職查拏違禁之事如賭博私宰等類而文員則置若罔聞或徇情釋放又如礦山聚眾至數千人係府縣官員之家人勾引姦徒開採希圖重利武弁遣兵驅逐以致結怨益深此武弁陳訴之大概也年來似此等語達於朕聽者不止數處亦不止數人雖出於怨怒之口不足盡信然亦未必皆全無影響之談爾文武各員自

思之膺國家簡命之榮受管轄兵民之寄乃以營私網利之故相傾相軋效市井無賴小人之所爲而置人心風俗官方戎政於不問爾等不自知愧朕實爲爾等愧之也况督撫藩臬而有袒護文官之心則武弁必有被其屈者矣提督總兵而有袒護武弁之心則文員必有受其枉者矣文員而有袒護百姓之心則必有無辜受累之兵丁矣武弁而有袒護兵丁之心則必有無辜受累之百姓矣不和之故由於不公不公之害至使官弁兵民並受其困爲臣工者尚可狃於故習而不猛省速改乎巡撫統率全省文員提督統率通省武弁至於總督則兼文武而統轄之者果能東公持正無黨無偏以己身爲庶官之表率而又時時宣揚朕諭俾其儆戒提撕若遇屬員有爭競告訐之事則以理判其曲直不存文武偏向之見過小者切加戒飭過大者即入彈章俾強弱不得相陵是非無或倒置

如此而屬員有不平面革心嚮風車教者無是理也朕今再頒諭旨通行曉諭著該督撫等遵照刊刻通省文武大小官弁各給一遵俾令朝夕觀覽改前愆而敦善行儆再有蹈襲故轍罔知後悔者則是冥頑不靈自違越於德教之外矣國法具在本人自無所逃而文武大臣表率無方訓導不力有忝封疆之任負朕倚任之恩亦定行嚴加處分不稍寬貸觀風整俗使亦當留心稽察可也庚午禮部遵旨議奏褒功列爵古有成規而舉錫嘉名尤屬旌庸盛典我朝佐命元勳承平良弼錫之公爵既已分爲一二三等以示寵榮皇上篤念舊勛更隆追獎誠宜考其生平之實蹟加以庸顯之令名謹按佐命之臣聞疆拓土者宜徵漢之信武義建策唐之翼國開國家之福國元之忠武壽國明之雄武靖寧等名其宣勞盡力於承平之日者宜徵漢之冠軍壯武當民襄德唐之安國宋之崇國成

國元之寧國定國明之崇信忠勤等名或就其所樹之數予以安東征西定朔平南等名或就其立功之地予以秦晉齊豫吳越楚蜀粵閩滇黔等名上加征靖蕩平綏定安輯等字將原封一二三等之號仍冠美名之上至宗室等公則加封奉恩字樣外戚等公加封承恩字樣庶禮以義起名與實符宜之制較昭善烈而彌光襲之子孫致前廢而踵美矣臣部將一二三等公并宗室外戚公誥命事實造具清冊移送內閣撰擬美名恭候欽定從之○辛未敕封浙江德清縣青溪廟神為保濟顯佑侯○封故淳親王允祐子弘曠為多羅淳郡王○壬申遣官祭歷代帝王○遣官祭城隍之神○理藩院奏奏喀爾喀扎薩克多羅郡王汪扎爾所辦軍前應用駝隻誤限不到怠玩軍務有負國恩應革去王爵將應襲之人奏請承襲從之○癸酉以署正藍旗滿洲副都統阿魯為錄紅

旗蒙古副都統仍兼理正藍旗滿洲副都統事○丙子實授黃文燮為廣東按察使司按察使○賑江南建平縣水災饑民○丁丑諭大學士等從前直省應行起運錢糧該省撫藩以解部為數每至撥餉之時百計營求借備公協餉之名存留本省而戶曹堂司亦就中漁利將雜項稅課盡留該省司庫即正項解部者亦屬寥寥以致外省撫藩得藉存庫名色遁同那州而州縣效尤亦不肯隨徵隨解官侵吏蝕虧空粟粟自怡賢親王總理戶部以來與二三大臣同心釐整直省一切正雜錢糧除實在存留併各封貯數十萬兩以備公用外其餘悉於春秋二季按數撥解從此各省不敢有虛收虛報之弊是以虧項漸清帑藏充裕今怡賢親王薨逝戶部大臣仍遵守遠規未嘗稍易但恐不肯司官及姦猾胥吏乘間覬覦希圖撞騙而無知外吏或冀俸可以復行舊習稍留掩蔽虧空餘地仍令

書吏家人到京饋營亦未可定價有此等或  
經戶部大臣察出參奏或朕親有訪聞定將  
撫藩革職究擬司官書吏卽行正法決不姑  
貸○加河南河北道朱藻都察院僉都御史  
銜協辦總河事務○旌表直隸栢鄉縣烈婦  
胡六妻張氏拒姦不污投繯殞命給銀建坊  
入祠致祭如例○戊寅移陝西臨潼縣丞  
駐關山鎮從西安巡撫武格請也○已卯工  
部議覆湖廣總督邁柱疏言湖南永順等處  
新設一府四縣原議府治在柳溪地方今查  
局勢狹隘未便建設請將永順府移駐猛洞  
以永順一協兵弁隨城駐扎其餘植洞知應  
改爲永順通判仍駐桑植司治永順同知移  
駐旦武營龍山縣移駐鹿皮壩並移田家峒  
巡檢駐榔溪施溶州巡檢駐王村張家壩巡  
檢駐里耶均應如所請從之○予故陝西西  
安將軍常色禮祭葬如例○庚辰移貴州遵  
義府糧捕通判駐仁懷縣舊城其仁懷縣署

改駐生界地方撥把總一員兵五十名駐防  
從雲貴廣西總督鄂爾泰請也○甲申諭內  
閣朕臨御萬方宵旰勤求惟以愛養斯民爲  
念數年以來除租減稅疊沛恩膏不但旱澇  
歉收之處蠲賑兼施卽該省年穀順成亦須  
寬賦而朕欲使民力饒裕每加格外之恩蓋  
國家經費旣敷則藏富於民俾各家給而人  
足乃朕之至願也查各省錢糧朕特降諭旨  
蠲免者已多今次第舉行應及於江西湖北  
湖南三省著將辛亥年三省額徵錢糧各蠲  
免四十萬兩又念直隸乃畿輔首善之地應  
沛殊恩山東今歲被水之州縣稍多朕心甚  
爲軫念除二省滂溢地方已如意賑恤並將  
本年額賦照例蠲免外著將辛亥年二省錢  
糧各蠲免四十萬兩以上五省各該督撫應  
仰體朕心嚴飭有司敬謹奉行務令閭閻均  
需實惠○乙酉諭內閣朕覽高其倬等所奏  
太平峪吉地事宜甚屬妥協大凡讀書居官

之人通曉堪輿者甚少。即或知之。又往往以此為諱。不肯身任其事。高其俸。乃封疆大臣。為國家樹績建勲。為己身揚名垂譽。原不必以此為宣力見長之地。乃其心以為國家之事。莫大於此。以一身協贊。怡賢親玉。肩此重任。籌度萬全。無一毫瞻顧推諉之意。此實出於一片忠愛至誠之惻。不僅材識超羣已也。高其俸。著賞給一等阿達哈。泰管志寧。明圖。任擇善海望。保德等。地理明通。贊襄勤慎。一併議叙。○戶部遵旨。覆奏太平峪所用民地。已經加倍償給。其旗人地畝。應請行旗查案。得查旗人地畝。若賞給銀兩。則旗人固得實惠。而佃種之人。未免無地可耕。著再查入官地畝。賞給使原佃之人。仍得耕種。○丁亥。諭兵部。周瑛著發往北路大將軍傅爾丹軍營。効力贖罪。○革北路軍營直隸正定總兵官魏麟職。以不能約束兵丁故也。○己丑。以山東河南河道總督沈廷正為都察院左副

都御史。○庚寅。諭內閣。今年八月十九日。地震。朕恐懼修葺。以稟。

天戒。並將夏秋以來。朕躬靜攝。不能勤敬。如前以致上干。

天和。引過自責。晚諭天下。今經一月矣。地氣尚未全寧。又值兩次陰雨。朕軫念露處之民。惻

瘼乃身。未嘗不願與之共此苦也。惟是天地之災祥。皆由於人心之感。朕未子曰。吾之心

正。而天地之心亦正。吾之氣順。而萬物之氣亦順。然則天地之心。安有不正者。其或有不

正。乃從人心之所感。天地豈有降災於人之理也。尚書曰。作善降之百祥。作不善降之百

殃。善惡之報。如影隨形。是人人有感格天地。錫福降殃之理。遇災而懼。上下貴賤。當同此

心。乃顯而易見之理也。當地動之日。朕偶先登舟。是以並未受驚。即既動之後。城內宮中

及圓明園宮眷子孫。長幼內外侍從數百人。悉皆安吉。豈非

上天示儆之在仍賜護佑耶今者地動之象久而未定雖當日曾經

皇考訓諭曰大動之後必有微動康熙十八年地動至一月有餘又曾見書籍記載明成化時地動至二十三日是地動經月之久亦向來之所有者然度修人事以轉移

天心必須君臣上下各殫其誠惻朕身居帳幕之中寤寐悚惕寢食靡寧者已一月有餘矣願爾大臣官員士庶兵丁等人人誠心感激上天示儆之深思返來自問思過省愆不但惡事邪念急宜掃除即怨尤抑鬱之心亦當屏絕則

天高聽卑必垂照察不但地土寧靜兵獲安居且可永免

上帝之譴責斷無再罹險厄之虞也朕非以地動之異諉過於臣工黎庶也朕之生平先責己而後責人先自勉而後共勉願天下臣民共知朕心○諭吏部向來各處鹽政弊端甚

多累民蝕課難以清釐多由鹽場大使不得其人之所以致是以定議於候補候選知縣等

員內揀選命往令司大使之事彼時該部因人員不敷遂將監生捐納職銜之人亦入於揀選之內今行之二年衆人漸啟鑽營之念聞有央求同鄉京官出結而私相餽送者此

風斷不可長嗣後鹽場大使之缺止准於候補候選人員內揀選引見不必用捐納職銜之人儻或人員不敷著將在部學習之人及留京之拔貢生令各部堂官及國子監祭酒等擇其爲人謹慎有身家可以辦事者保送

吏部以備揀選○安徽巡撫程元章疏報安慶泗州等四府州關墾雍正七年分田地二百七十七頃有奇下部知之○辛卯諭內閣從前因吾弟怡賢親王氣體清弱時常抱恙朕諭令訪問精於醫理之人及通曉性宗道

教者以爲調攝頤養之助上年吾弟奏稱京師白雲觀近有一人通曉心性之學朕令召

未一見王以未嘗深知不敢令其入見朕云  
其人之學術精粗深淺朕面詢即知第召來  
一見無妨也逾數日遵旨進見朕所詢問伊  
不能對及諭以心性之學伊則僞作欽服之  
狀極口稱頌朕察其虛詐中無所有畧加賞  
賜而遣之後朕降旨與外省一二督撫令其  
便中訪問通醫學道之人隨經李衛奏稱聞  
中州有賈士芳者平素通知數學臣未曾識  
面不能確知其人朕隨降旨與田文鏡將伊  
送來初到時朕令內侍試以卜筮之事伊言  
語支離啟人疑惑因自言上年曾蒙召見朕  
始知即白雲觀居住之人也伊乃自言長於  
療病之法朕因令其調治朕躬伊口誦經咒  
並用以手按摩之衍見伊心志姦回語言妄  
誕竟有天地聽我主持鬼神聽我驅使等語  
朕降旨切責伊初聞之亦覺懼懼繼而故智  
復萌狂肆百出公然以妖妄之技欲施於朕  
前伊欺世惑眾素行不端曾經巡撫楊宗義

訪問查拏伊始稍稍欲跡厥後仍復招搖今  
則敢肆其無君無父之心國法具在難以姑  
容且盡喜魔魁律有明條著拏交三法司會  
同大學士定擬具奏○雲貴廣西總督鄂爾  
泰題奏建水州邊外猛弄寨長白氏納款歸  
誠願附版圖下部知之○士辰諭內閣直隸  
水利營田吾弟怡賢親王殫數年之心力區  
畫經營為小民興萬世之利甫定規模而賢  
王薨逝遂至防護多疎堤岸漫溢朕心憂慮  
深恐將來日漸廢弛前功隳棄特命九卿等  
籌畫善後之策今覽九卿所議多屬浮辭至  
云凡怡賢親王所欲行而未竟者皆分別緩  
急次第興工此語更屬支離夫已行而未竟  
者則王之事也若云欲行而未竟者此乃游  
移影響之談巧卸其責於王矣王既未曾見  
諸施行則以後辦理之事皆諸臣之事若辦  
理妥協王不居功若辦理不妥而以欲行二  
字歸過於王朕豈忍聞此語乎當怡賢親王

經理之時朱軾多病就衰艱於跋涉此眾人所共知者至於莽鵠立性情偏僻何國宗器量卑庸祇因今歲工程緊要姑且用之非謂可以長膺此任也且朱軾等居住京師安能逃辦河工之責自應特設管理大臣以專職任將其中心事務可以分派地方官者則分派辦理以收羣策之效九卿所議俱未及此著另行詳議具奏○雲貴廣西總督鄂爾泰奏報永昌府邊外孟連土司每年願納厥課陂慶

府邊外摠子每年願貢土產得旨孟連地方及摠子野夷地處極邊自古未通中國總督鄂爾泰化導有方俾各輸誠效順任土作貢虔心向化甚屬可嘉其孟連土司厥課每年六百兩為數大多著減半收納以昭柔懷至意摠子每年貢納土產時著給鹽三百觔以為犒費○癸巳

孝慈高皇后忌辰遣官祭

福陵○乙未諭八旗蒙古都統察哈爾地方原

係蒙古遊牧處所若招民間開種則遊牧地方必至狹隘且民人蒙古雜居一處亦屬無益著行文察哈爾總管等查有此等擅行招民間種之處作違據實呈報將前罪悉行寬免儻仍復隱匿一經發覺加倍治罪○奉差道政使留保會同山東巡撫岳濬題報關里文廟工程道吉敬謹修理於九月十六日告竣下部知之○復設廣東潮陽縣縣丞一員從廣東總督卞玉麟請也

大清世宗敬天昌運建中表正文武英明寬仁信毅大孝至誠憲皇帝實錄卷之九十八



大清世宗敬天昌運建中表正文武英明寬仁  
信毅大孝至誠憲皇帝實錄卷之九十九

凡此等事皆係在位時所遺留者其後嗣亦當遵行此等事以昭大信  
且此等事皆係在位時所遺留者其後嗣亦當遵行此等事以昭大信

聖祖皇帝在位時所遺留者其後嗣亦當遵行此等事以昭大信  
聖祖皇帝在位時所遺留者其後嗣亦當遵行此等事以昭大信

救修

雍正八年庚戌冬十月丙申朔享

太廟遣莊親王允祿行禮○遣官祭

福陵

昭陵

昭西陵

孝陵

孝東陵

景陵○頒雍正九年時憲曆○丁酉王大臣等

議奏左道賈士芳性生悖逆術習妖邪假托

知醫之名顯露不軌之迹請照大逆律凌遲

處死其親屬男十六以上皆斬十五以下姪

母女妻妾等給付功臣之家為奴得旨賈士

芳者改為立斬其應斬人犯若監候其應為

奴之妻女等暫著地方官嚴行看守○喀爾

喀澤卜尊丹巴胡土克圖遣使進九白年貢

宴齊如例○己亥以戶部右侍郎俞兆晟為

武會試正考官刑部右侍郎王國棟為副考

官○刑部等衙門議奏原任庶吉士徐駿狂

誕居心背戾成性於詩文稿內造為譏訕悖

亂之言應照大不敬律擬斬立決將文稿盡

行燒燬從之○寧遠大將軍岳鍾琪奏報巴

爾庫爾圖呼魯克等處屯田收穫青稞共一

萬一千六百石有奇下部知之○庚子諭禮

部大小官員帽頂從前定議未嘗分別詳確

著該部再行妥議定制具奏尋議自親王至

公侯伯及一品大臣以上俱照現今所用帽

頂無庸更議外其二品以下朝帽頂與平時

帽頂俱按品分晰酌議輔國將軍及二品官  
 俱用起花珊瑚朝帽嵌小紅寶石奉國將軍  
 及三品官俱用藍寶石或藍色明玻璃朝帽  
 嵌小紅寶石奉恩將軍及四品官俱用青金  
 石或藍色涅玻璃朝帽嵌小藍寶石五品官  
 用水晶或白色明玻璃朝帽嵌小藍寶石六  
 品官用碑礫或白色涅玻璃朝帽嵌小藍寶  
 石七品官用素金頂朝帽嵌水晶石八品官  
 用起花金頂九品官及未入流俱用起花銀  
 頂進士舉人貢生仍用金頂生員監生仍用  
 銀頂得旨依議總督未加尚書銜者著為正  
 二品侍郎及外省巡撫俱著為從二品○享  
 遠大將軍岳鍾琪靖遠大將軍傅爾丹俱遵  
 旨來京陛見○辛丑諭內閣據寧遠大將軍  
 岳鍾琪奏稱吐魯番回日額敏和卓屯田種  
 地恭順効力甚屬可嘉朕聞之深為喜悅額  
 敏和卓賞銀二十万其種地効力之回民賞  
 銀二千兩者提督紀成斌差遣弁員前往吐

魯番會同額敏和卓秉公賞給以示朕加恩  
 外番之至意○大學士等遵旨議覆烏家叛  
 夷擒逆總督鄂爾泰已調撥川黔官兵刻期  
 進剿恐賊夷遠遁渡江入川請於沿江緊要  
 之處分防堵禦但川省各路汛地營兵或有  
 不敷應行令提督黃廷桂召募充補得旨川  
 省派撥漢土兵丁著每名賞銀五兩此所派  
 官兵弁兵丁俱聽鄂爾泰節制調遠滇黔二省  
 已派兵九千名各處汛守或有應行添補之  
 處著鄂爾泰斟酌便宜召募○壬寅實授許  
 良彬為福建水師提督調福建金門總兵官  
 張起雲為福建南澳總兵官實授康陵為福  
 建金門總兵官調福建福寧總兵官楊琮為  
 陝西涼州總兵官廣東右翼總兵官李萬倉  
 為左翼總兵官廣東左翼總兵官李惟揚為  
 右翼總兵官○大學士等遵旨議覆若福建  
 總督阿爾賽疏言臺灣道府廳縣等官舊例  
 到任一年之後督撫揀選內地之員赴臺協

辨俟半年後將舊員調回補用統計前後不過半年而獨當其任者不過半年爲期太近該員未必不以任事不久草率塞責諸務該延請嗣後調臺各員俟到任二年該督撫送員赴臺協辦仍照例於半年後調回舊員則在臺各員既得盡心辦事又可免交盟類疊及革革誣延之弊應如所請從之○又議覆署兩江總督史貽直疏言江南營伍廢弛亟宜修整請照浙閩二省之例於下江五十九營額兵三萬八千七百九十四名內除各官隨糧並餘尾例不應扣及缺數不及扣者不扣外其餘每守餉百名留出公糧三分自雍正辛亥年爲始陸續扣出各存本營將甲械旗幟次第整頓俟通完之日仍照浙閩二省例將所扣之糧募足補數以實營伍應如所請從之○癸卯諭大學士等尚書查湖納著馳驛來京西路軍需著著督查印阿前住肅州辦理仍兼理川陝總督印務奏布若

回西安將軍之任護軍統領宗室哈爾吉著前往涼州代奏布統領兵丁仍著鄂善協理○添設江南揚州府水利同知一員駐劄泰州東臺場從奉差辦理江南水利郎中鄂禮請也○甲辰諭內閣各省人命抵罪之案其應輕應重朕確有所見者即降旨定奪若其情罪在疑似之間而擬罪在可輕可重之際朕心不能即定者方交與九卿定議以期平允乃往往見九卿定議之案概以減等發落覆奏如此則朕何不即令減等而必多此曲折乎凡此交與九卿定議之案其中有應行減等者或有可以初責完結者亦有不可寬貸仍應按律抵罪者向後務期掣衡允當寬嚴適中以副朕明罰敕法之至意○又諭我朝定鼎之時漢軍從龍入關技勇皆爲可用今海內承平日久伊等耽於安逸且意在文職而不在武弁是以韜畧騎射遠不如前日今官至提鎮副參者寥寥無幾而在內尚用

都統副都統時亦覺難得其人朕為此時屋於懷常思漢軍生齒日繁當籌所以教養之進而額設之兵丁為數又少似應酌量增添於國家之營伍旗人之生計均有裨益如外省之駐防漢軍子弟日漸繁衍而本身錢糧各有定數難以贍養應令餘丁回京披甲亦可望其成人又如外官隨任之子弟往往遊蕩荒廢前曾有旨悉令回京披甲當差習學弓馬以圖上進又如候缺之微員一時難以銓選者若情願披甲當差到應選時仍許輪班補用則在彼既可受錢糧以為餬口之資又可預先習學弓馬以備居官之用又如內務府人丁甚眾於充役當差之外其閒散人丁亦可撥入八旗披甲再五旗諸王之漢軍佐領仍屬本王外其貝勒貝子公等之漢軍佐領實無所用應撤歸旗下中公佐領當差且可免掣肘之弊其如何增添漢軍兵額及如何妥協補充永遠可行之處著尹秦查

弼納石文煇石禮哈莽納立德祿等議奏尋議漢軍八旗總計領催鎗手礮手教爾布教養兵并銅匠鐵匠弓匠聽差護城看門及看守礮位火藥局教場等兵以至步兵門軍共一萬七千五百二十八名今請於原額之外酌量增添兵二千四百七十二名以足二萬之數但查上三旗一百二十七個佐領又半個佐領下五旗一百三十八個佐領將上三旗佐領每旗均為四十分下五旗佐領每旗添足三十分其上三旗所餘之七個佐領酌量撥入下五旗從前半個佐領下所轄人少俱以中公中壯丁補足之計添設佐領三個共二百七十分皆各勻整所有新添佐領下應增領催十五名步兵領催三名步兵四十八名每位領下各補足鎗手四十名教爾布八名共應添補鎗手五百四十六名教爾布一千三百六十名上三旗每旗補足教養兵一百八十八名下五旗每旗補足教養兵一

百四十九名共應增添教養兵五百名如此則八旗漢軍位領由此均齊而兵丁足用至挑補新添兵丁見據八旗冊開在京閒散壯丁約萬餘人此外各省駐防漢軍之餘丁情願歸旗者行令各該將軍咨送歸旗挑選充補再外官隨任子莖年至十八歲以上者悉令歸旗除情願讀滿漢書者移送官學國子監肄業並學習弓馬外其情願披甲食錢糧者仍准挑補甲缺再候選徵員情願披甲者亦准其披甲如遇選冊輪班補用至內務府兄今查出過繼養子等項人丁約二千餘名亦應撥入各旗漢軍壯丁不齊之位領下一體挑選披甲當差至於下五旗漢軍佐領除親王郡王屬下外其貝勒貝子公等既有包衣佐領則所屬漢軍人等應歸入各旗公中營伍之實效矣從之○以正紅旗護軍統領岱林布署正紅旗蒙古副都統○八旗都統

等遵旨議覆八旗官員俸祿嗣後每年二月俸祿檔案值開印之初即便咨部八月俸祿檔案於七月初五以前咨部紅檔既過之後不准增減再製職官員引見之後其俸祿檔案俟該部覆奏行文到日視其所裁之職行日以後之俸照所裁之職行永著為例從之○免江南壽州合肥二州縣廬州一衛雍正七年分旱災額賦有差○乙巳以鑲紅旗統領索林署正紅旗滿洲副都統正白旗前鋒參領喜來署本旗蒙古副都統添設廣東吳川縣碭洲巡檢一員從廣東總督郝王麟請也○寧遠大將軍岳鍾琪奏報哈密塔爾石下部知之丁未命愉郡王允禩輔國公法爾善同散秩大臣伍格總理三陵事務實授謝冕為江西巡撫以散秩大臣范時捷署直隸古北口提督大學士

等遵旨議覆辦理

文廟工程通政使司通政使留保疏言闕里

聖廟案

皇上發帑興工漸次告竣伏查康熙三十二年

聖祖仁皇帝修理

文廟工完之日一應諭旨典制俱經纂入奉

魯盛典今次修理應請照例恭錄

皇上前後頒發諭旨御書扁額並增設殿廡門

階之制度俎豆尊壺之儀式暨一切工程錢

糧自經始以至工竣悉令衍聖公孔傳鐸敬

輯成書光昭盛典應如所請從之福建海

澄公黃應繼老病休致以其子黃任蘭襲替

○乙酉諭內閣辦理軍需必得熟練之員方

為有益陝甘二省州縣官員備辦軍需有經

手數年者有經手一二年者似此熟練人員

若因細過微瑕即行叅革則接任之員初辦

軍務未免生疎或至遲誤嗣後陝甘地方辦

理軍需之州縣官員若無大過其所犯情有

可原者該督撫揆情度理量加寬宥若錢

糧微有不清而事屬因公者統俟大軍凱旋

之後查核明白以定功過○雲貴廣西總督

鄂爾泰疏言烏蒙蠻獠自改流設鎮臣不時

諄囑提防乃總兵劉起元乘臣往來黔粵私

派公費侵欺糧餉客民被劫况將頭人拷比

臣訪聞得實隨密差中軍副將魏裔國前往

按款確訊一面摘印以憑叅奏不意於八月

二十六日至二十九日夷眾叛逆圍城劫殺

總兵官劉起元等雖劉起元撫綏夫宜激發

有由臣膺封疆重寄愧覺察之已遲恨叅革

之不早請賜罷斥速簡賢員料理總督事務

並暫假臣以事權督師進剿雖馬革裹尸亦

所至願得旨為蒙送苗悖叛已今遣發官兵

分路進剿總兵劉起元既苛刻於平時又不

能防禦於臨事粗疎恭辰自違其辜准是遊

擊汪仁知縣賽枝大等倉卒過竄累及妻孥

深可憫惻若總督鄂爾泰查明具奏加恩賞

郵至於烏蒙蠻衆其性及覆靡常朕常慮其不能帖然寧謐今年春夏以來朕躬違和積神不能貫注及此鄂爾泰於夏秋之間亦把恙而烏蒙遠隔千餘里豈計慮之所能周不但朕所深知亦中外所共諒也况鎮臣劉起元撫馭夫宜防範解事由激覈責有攸歸該督引咎自劾竝請解任督師之奏大非朕心其節制滇黔川省各路兵丁之處仍遵前旨行○改陝西潼關縣大慶關巡檢歸朝邑縣管轄從西安巡撫武格請也○庚戌兵部議覆四川巡撫憲德疏言會鹽營所屬木里喇嘛六藏塗都遠處西南邊徼率衆歸誠將所管地方界址番民戶口數目造入版圖傾心內附請俯順夷情准其認納糧馬就近令會鹽營守備經理竝給與安撫司職銜頒給號紙以重職守應如所請從之○辛亥諭大學士等兵部尚書查弼納着爲副將軍命往北路與靖遠大將軍傅爾丹副將軍巴賽辦

理軍務副都統德祿着往北路軍前與隨印之內閣學士承國辦事副都統銜馬爾薩著授爲內大臣與陳泰蘇圖海蘭泰督軍務戴豪哀泰石禮哈不必恭贊軍務舒楞額不必來京着前往振武將軍處代馬爾薩辦事黑色圖克善侯大將軍到營着令來京石禮哈不諳滿洲軍營事務着管理綠旗兵丁但不可膺統轄之任者大將軍等酌量派委○諭兵部年來出征兵丁在外支給口糧而仍給與坐糧以養贍其家口蓋因其荷戈持戎効力戎行不忍令有內顧之慮也至各省土兵有派撥征勦者則於起程時賞給銀兩而無養贍家口之例朕思本身遠出在外則於營生之計不能兼顧其父母妻子或至俯仰無資深可軫念嗣後土兵之出征者除恩加賞齊外其父母妻子在家照守兵坐糧之例每月給銀九錢米三斗米折銀賞給着督撫提鎮差委官弁前往該地方會同土官秉公數

給務令均需責惠僅有侵蝕扣剋等弊一經發覺定行從重治罪決不寬貸目今雲貴川廣等省効力之土兵卽照此例行茲將此旨通行曉諭各省土兵知之○壬子諭內閣向因大典完平二縣近在輦轂之下常有違辦之公事不得不卽移庫銀以濟用而上司察知每以虧空題參至於罷黜治罪實爲可憫用沛特恩於大宛二縣各發庫銀一萬兩存貯該縣僅遇有違辦之公事准其詳明府尹動支應用此朕體恤有司之至意也近思辦理軍需之州縣其急切應付之處不容刻緩而該州縣並無存貯備用之項若擅動公帑又干嚴譴有司實處兩難不可不爲籌及朕意欲於辦理軍需及事務繁劇之州縣亦做大宛之例酌留帑銀以備急切公事之用其如何舉行俾辦公有賴而弊實不出著大學士會同大將軍岳鍾琪總督高其倬悉心定議具奏尋議嗣後辦理軍需省分請計共事

務繁簡留銀三十萬兩或二十萬兩其公務簡少而錢糧又屬富饒之省分應酌留十五萬兩或十萬兩交督撫藩司酌發各府及直隸州存庫所屬州縣遇有緊急軍需卽時請給具相距寫遠而事屬不容刻緩者准具一面具文一面先動本州縣庫銀支用俟給發後還項仍令逐案報銷督撫藩司嚴行稽核從之○諭戶部陝西四川地方民風醇樸歷年逋賦甚少查每年徵收錢糧之期四月完半十月全完此定例也朕思四月十月既屆納課之期小民必須預先經營是奉穀未收之時卽爲輸將之計或因稱貸而受剝於富豪或因預糶而大虧其價值且如甘肅地方有徵收本色者若在糧穀未獲之前更爲竭蹶歷來川陝錢糧既無拖欠之阻習者將四月完半者寬至六月十月全完者寬至十一月俟夏麥秋禾築場納稼之後從容完課俾民力舒徐以副朕愛養黎元之至意○雲貴



廣西總督鄂爾泰摺奏官兵報捷恢復烏蒙情形查東川一路烏徠性最窳頑煽惑諸苗江外則勾連凉山下方阿曠各賊以為依仗江內則糾合巧家管者家海以為黨援始於祿鼎坤成於祿鼎新祿萬福而東川之凡為祿氏兇目起而應之近江則補以扯地方要截江路近城以則以擢地方窺伺城垣東川境內挖泥矣氏互補阿汪等寨東川境外急羅普施魯古牛畢古等寨迤運至於武定尋甸所屬隘口沿途堵塞折毀橋梁以致行路斷絕威寧一路阿底為咽喉鎮雄一路奎鄉為鎖鑰悉勾通頭目互謀叛逆殺傷塘兵搶劫糧運且串結漢姦代傳木刻姦細四布恫恻民心臣一面飛調官兵丁分為三路分防會勦一面出示曉諭令各地方官團練鄉兵以資守望復嚴緝漢姦密拏姦細確逆情隨旨梟示凡出師弁兵各賞銀兩袍衫棉襖運糧夫役照價增加給與通計兩省所調

官兵共一萬數千人士兵半之東川一路令臨元總兵魏翥國總統兵馬仍聽提臣張耀祖調度續因魏翥國被祿鼎明家人行刺帶傷祿鼎明正法隨改委楚姚總兵官官祿成寧一路令安龍總兵官哈元生總統兵馬以梧州副將徐成貞副之鎮雄一路有鎮雄營參將韓勳勇敢可用仍令哈元生調度隨據韓勳在莫郊郝地方與賊血戰一晝夜殺賊數百連墩四寨賊眾奔散又在奎鄉連戰三日收賊八千殺賊二千餘眾此鎮雄一路之情形也又據總兵官官祿遊擊王耀祖等前進東川擊賊探賊燒燬十三寨斬獲甚眾又遊擊何元等勦捕阿汪急羅普殺賊三百餘人賊哀求投降擒男婦大小一百三十一口又遊擊紀龍等勦洗者家海逆探斬殺無數此東川一路之情形也又據哈元生前進烏蒙擊賊賊眾數萬射元兇日黑寨暮末連踏賊營八十餘座直抵烏蒙恢復郡治此威

寧一路之情形也。見在飛催張曜分路窮搜務獲渠魁盡屬醜類。所有安插調劑事宜已飭徐成員會同文員一面料理。其在事員弁功過各異。事竣分別具題候部議奉

上諭。凡揭賞此役皆從裕厚。不可稍存省費。小見於公用。正項內酌量動用。摺奏以聞。○添設雲南宣威州學正一員。州學取進文武童生各八名。從陞任雲南巡撫沈延正請也。○癸丑以大學士孫毓正黃旗漢軍都統。金以

摺俱兼管兵部尚書事。○陞江南江蘇按察使徐本為湖北布政使。司布政使孟赫清河道王綖為江南江蘇按察使。司按察使。○甲寅諭內閣。大學士馬爾賽張廷玉將廷錫自簡任給廩以來。祇遵朕訓。仰體朕心。懋著忠勤。恪恭奉職。今年夏秋之間。朕躬偶爾違和。馬爾賽張廷玉將廷錫。冀機務公正。無私慎重。周詳事事。妥協至誠。個方之史冊所載。一心一德之風。洵屬無愧數月之中。朕躬

得以靜養。調攝者。實賴伊等翊贊之力也。今

朕躬已經全愈。宜加恩錫。以褒良佐。以勵臣工。馬爾賽張廷玉將廷錫。著各賞給一等阿達哈哈番。永遠承襲。仍各加二級。其所賜世

職。伊等或帶於本身。或給與伊子。聽其自便。○又諭。向因四川地畝隱匿甚多。以致姦猾之徒。欺其疆界不清。契券無據。侵陵攘奪。告訐不休。數年來內外諸臣奏請清丈者不下數十人。蓋以田畝隱匿不但無益於國課。亦

且有害於民風。朕再四思維。始遣科臣高維新等前往川省。會同道府州縣官料理清丈之事。近聞該省州縣中有地少糧多之處。乃歷來地方官。勉強加增者。此番清丈。並未核減。即如成都華陽郫縣溫江等處。皆然。其他州縣。或尚有與此相類者。著巡撫憲德轉飭布政使高維新等。再加確查。若有糧賦稍重之處。即據實奏請核減。以副朕均賦恤民之至意。○乙卯吏部題從前由部院郎官補授

參領佐領者俱兼部院行走至部院各司官員承襲世職者其兼理之處未有定例請嗣後凡世職品與部院司員品相尊者仍令兼理行走如有世職品大部院司員品小者俱令在世職上行走所遺部司員缺另行銓補永爲定例得旨依議嗣後世職品大不應兼理司員者果係才具出衆之員准該堂官具奏保留帶領引見其循分供職者照例開缺不得奏請兼理儻有請託徇情等異該員引見時朕察其不稱保留或保留之後辦事不能妥協即將具保之該堂官嚴加議處○八旗都統等遵旨議覆凡奉旨賜與副都統職銜者嗣後諸事悉與副都統一體照蒙古漢軍副都統之例給與親丁錢糧二分如見任護軍參領等官有蒙恩賜與副都統職銜者亦照此例至於年老告退人員雖賜與副都統職銜並無行走之處不必給與親丁錢糧再副參領等官如係因參領員缺委署者應

給與親丁錢糧若因參領出征之缺委署者其親丁錢糧亦概不必給與從之○丁巳諭內閣山東今年偶被水患特命大臣會同巡撫查賑有房屋傾頽者賜以修葺之資並大發倉糧計口授食又准總督田文鏡之請將青萊登三府州縣存貯倉穀及通省捐監穀石照時價平報其奉天販米商船亦准到東貿易是東省小民今歲三冬糧食有資可以無慮但恐明年青黃不接之時米價或致昂貴不可不預爲籌畫朕思奉天連年豐稔各州縣倉儲及莊屯收貯皆極充裕且與東省一海之隔順風揚帆一日可達應趁此時北風之便將奉天近海州縣存貯米糧運送二十萬石至山東海口交與地方官俟明年二三月間照市價平糶於小民甚有裨益若正白旗漢軍都統祖秉衡刑部左侍郎王朝恩前往奉天會同將軍府尹辦理○又諭陝西副將參將等官派令出征者甚多員缺俱

須另員署理而本省弁員各有辦理之事難以兼顧者大將軍岳鍾琪於直隸山西兩省參將遊擊內有平日知其才具可用者舉出具奏候朕酌量命往陝西以備委署之用其直隸山西之缺著該上司遞行委署再將未引見武弁時著兵部奏明有可勝陝西之任者朕酌量命往○戊午諭內閣烏蒙逆蠻不法雲貴四川見在用兵征勦閩川省之永寧建昌地方山路崎嶇所用軍糧皆須民人背負方能運送非若坦途之可以車馬馱載也舊例每糧一石運送百里給與腳價一錢而民夫一名止能背負米糧三斗百里之程須行兩日是百姓一日之所得無幾未足供其日用之資著該撫卽行確查凡川省有山路險峻之處運送軍糧需用人力與永寧建昌相類者著將腳價速議加增一面奏聞一面卽行給發其他雲貴等省若有似此腳價不敷之處亦著該督撫確查增添仍一面奏聞

該地方有司務當實力禁止侵冒等弊使力役之民實沾恩澤○禮部題據通政使留保疏報閩里

文廟修理告成請遣官致祭以光鉅典得旨皇五子弘晝淳郡王弘曠前往告祭○己未陞陝西永固副將張嘉翰爲陝西西安總兵官○戶部議覆巡視長蘆鹽政御史鄭禪寶疏言山東青登萊三府所屬之安邱蓬萊奇十六州縣粟鹽舊係招商辦課民情未便嗣後請革除商名聽民自行領票銷賣其應納課銀攤入地糧徵收造報應如所請從之○又議覆四川巡撫憲德疏言松潘鎮所屬南坪營涪州舊城內外及黑格郎魯龍隆康等處空隙荒地請令各兵安插家口承墾承爲世業照松潘衛地糧之例按年起科應如所請從之○辛酉

上諭

恩佑寺行禮畢回宮○諭內閣通州石路兩旁

培土最為緊要前已降旨交與地方官但恐伊等未必實心培墊者工部每季派出司官前往查春拉論地方官知之○總理太平峪工程事務保德疏言

萬年吉地圈入旗民地畝請照原地上中下三等則將易州入官地畝加厚撥給得旨撥給伊等地畝著將辛亥年應納之錢糧寬免一年○添設熱河巡檢一員從署直隸總督唐執玉請也○壬戌以正紅旗護軍統領宗室哈爾吉為右翼前鋒統領仍留涼州辦理軍務

○調湖廣荊州左翼副都統阿克山為江南江寧右翼副都統陞浙江杭州協領圖森為湖廣荊州左翼副都統○陞江南安徽按察使馮景夏為江南安徽布政使司布政使調江南江蘇按察使王綏為安徽按察使司按察使擢浙江杭州府知府喬世臣為江蘇按察使司按察使○癸亥陝西西安左翼滿洲副都統陸寶錄革職陞署正白旗滿洲副

都統僧保為陝西西安左翼滿洲副都統大學士等疏言殿試武舉屆期請派王大臣同原監試之大臣等考驗弓馬技勇得旨著莊親王允祿大學士公馬爾賽大將軍公傅爾丹都統侯陳泰公同監考○甲子以禮部左侍郎吳士玉正紅旗漢軍副都統韓光基俱署刑部侍郎○命山東巡撫岳濬來京陛見以刑部右侍郎王國棟署山東巡撫吏部左侍郎劉於義協辦山東巡撫事務○乙丑

萬壽節停止朝賀筵宴○遣官祭

福陵

昭陵

昭西陵

孝陵

孝東陵

景陵○遣官祭真武東嶽城隍之神

大清世宗敬天昌運建中表正文武英明寬仁  
信毅大孝至誠憲皇帝實錄卷之一百

此表係世宗皇帝御製，其文甚佳，其意甚深，其詞甚雅，其氣甚壯，其神甚清，其理甚明，其法甚善，其德甚厚，其功甚偉，其業甚盛，其聲甚遠，其化甚溥，其澤甚溥，其德甚厚，其功甚偉，其業甚盛，其聲甚遠，其化甚溥，其澤甚溥。

此表係世宗皇帝御製，其文甚佳，其意甚深，其詞甚雅，其氣甚壯，其神甚清，其理甚明，其法甚善，其德甚厚，其功甚偉，其業甚盛，其聲甚遠，其化甚溥，其澤甚溥。

此表係世宗皇帝御製，其文甚佳，其意甚深，其詞甚雅，其氣甚壯，其神甚清，其理甚明，其法甚善，其德甚厚，其功甚偉，其業甚盛，其聲甚遠，其化甚溥，其澤甚溥。

此表係世宗皇帝御製，其文甚佳，其意甚深，其詞甚雅，其氣甚壯，其神甚清，其理甚明，其法甚善，其德甚厚，其功甚偉，其業甚盛，其聲甚遠，其化甚溥，其澤甚溥。

此表係世宗皇帝御製，其文甚佳，其意甚深，其詞甚雅，其氣甚壯，其神甚清，其理甚明，其法甚善，其德甚厚，其功甚偉，其業甚盛，其聲甚遠，其化甚溥，其澤甚溥。

數終

雍正八年庚戌十一月丙寅朔 戊辰諭內

卷之九十九

關關里

文廟告成特命皇五子同澤郡王前往告祭  
於十一月十九日從京師起程十二月十一  
日行致祭禮於歲前回京此次皇子等往來  
經過地方凡一切應用車馬口糧食物易收  
等項俱係遣官動用錢糧備辦絲毫取給  
於地方如地方官吏有借名科派累及民間  
及隨從人員借端需索騷擾地方者從重治  
罪其經過住宿之處准居民人等前赴營盤

大清世宗敬天昌運建中表正文武英明寬仁  
信毅大孝至誠憲皇帝實錄卷之九十九

搗物售賣悉照市價給與沿途文武官弁其衙門在二十里以內者准其迎送若在二十里以外者不得擅離職守河東總督相國路遠不必前來請安鄰省之督撫提鎮等亦不必來至於皇子等經過之地方凡大小官員等不許餽送禮物即食物亦嚴行禁止僅有不遵朕旨者著隨從之大臣即行參奏嚴加議處○又諭皇五子晉祭闕里

文廟著派出滿漢御史各一員隨往稽察儻有不遵諭旨或隨從人員生事滋擾或地方官員苛派累民者著該御史即行稽參○策試天下中式武舉齊大勇等一百十八人於太和殿前○己巳諭內閣准

至聖先師孔子道冠百王功高萬世朕景仰企慕寤寐弗諱備舉崇奉之儀用申報享之願查世襲官爵歷代俱有成規而聖廟執事之員向來未加爵秩所當廣置官僚以光祀典今欲特設

聖廟執事官三品者二員四品者四員五品者六員七品者八員八品九品者各十員各按品級給與章服每逢

聖廟祭祀之時虔肅冠裳駿奔趨事凡此人員著衍聖公於孔氏子孫內選擇人品端方威儀嫻雅者報部充補每年各給俸祿銀二十兩其孔氏子孫內有情願充補之人或曾經出任而退休在籍者或身有職銜而未嘗出任者以及貧監生童生等皆可入選若屬鄉試之期有情願入場者准以監生入場應試朕意如此著大學士等會同該部定議具奏尋議闕里

聖廟雖有管勾典籍司樂等官分司執事而設官不過數員職銜又止七品制度威儀未為周備嗣後應遵照諭旨按品增設執事官員給與章服祭祀時令其陪列執事每年各給俸銀二十兩其增設人員令衍聖公將本族之致仕在籍及有職未仕并貧監生童內

分別宗支遠近揀選人品端方威儀嫺雅者  
詳慎酌定應與品級報部具奏充補此等人  
員內有遇原職輪班應選者聽其就選赴任  
其由貢監生員充補人員有情願鄉試者令  
其一體鄉試若係童生准作監生編入四氏  
號內照額取中再嗣後遇有此項人員缺出  
俱令衍聖公揀選擬補報部彙奏從之○廣  
午

上御太和殿視朝文武陞轉各官謝恩○陞右

翼前鋒統領哈達爲正白旗領侍衛內大臣  
○辛未添設雲南都勻清江二場丹江一營  
千總各二員把總各四員黃施營千總一員  
把總二員從雲貴廣西總督鄂爾泰請也  
壬申以鑲紅旗護軍統領輔國公伊爾登署  
右翼前鋒統領正紅旗滿洲副都統宗室鄂  
齊署鑲紅旗護軍統領陞鑲藍旗滿洲副都  
統馬喇爲正黃旗護軍統領○以翰林院侍  
講李清植提督浙江學政○癸酉以正白旗

護軍參領拉薩立署正白旗滿洲副都統○  
免貴州新墾起科暨由四川湖廣廣西改隸

各地畝本年分額徵銀三萬三千三百兩有  
奇○甲戌浙江觀風整俗使蔡任祉緣事降

調裁觀風整俗使缺○乙亥諭戶部向來各  
處落地稅銀大半爲地方官吏侵漁入己是

以定例報出稅銀四百兩者准其加一級後  
因查報漸多吏部定議報出稅銀八百兩者

准其加一級多者以此計算年來地方官員  
皆知守法奉公凡有稅課皆隨收隨報不敢

侵隱其報出之數每倍於舊額祇恐將來不  
無冀倖功名之人希圖優敘以致恣意苛索

擾累小民且落地稅銀非正項錢糧有一定  
之數者可比侵蝕隱匿者固當加以處分而

爭多闖勝者不但當議敘亦當與以處分  
其如何定議並如何議敘加級處分之處著

吏部戶部悉心妥議具奏尋議嗣後各省落  
地稅及稅契銀兩如搜求需索以致盈餘之



數倍於正額或將十數年以前置買產業苛索擾累者令該督撫題參革職上司失察徇庇者查出照例議處其於正額外實在盈餘者以八百兩為率准加一級多者不得過三級永著為例從之○丙子諭內閣凡漢軍人員之祖父皆本朝開國時從龍入關是以受國家之恩最為優渥而其中愚著功勳者不但加恩於本身且望其世子孫居高位食厚祿綿慶澤於無窮也無如其中有一種不肖之人忘國家高厚之恩背祖宗忠義之訓自暴自棄干犯王章伊等不自念其先人而朕於執法定罪之時未嘗不念忠勳之後竟罹罪譴為之含淚凄然不思頒發諭旨也范時輝乃一參領耳朕念其為名臣之後加恩用為總兵官又特授江南總督之重任且官階加至都統尚書伊在江南玩愒廢弛無一察吏安民之善政視地方之事如膜外而監梟巨盜待朕訪確姓名密諭批示始行緝捕

又如江浙地方潛藏匪類盡惑人心伊不能禁約稽查以端風俗轉與私相往來及伊到京朕猶不忍令其廢棄特令料理太平峪工程適因此河總督不得其人令伊前往量料伊正當伏汎危險思心坐視職負恩至於此極此范時輝之大罪也尚崇廩之祖尚可喜於

太宗文皇帝時奸諛歸順及吳逆變亂尚之信雖干叛逆之餘而尚可喜則始終不失臣節至其父尚之隆侍從內廷數十年小心勤謹深受

聖祖仁皇帝之恩尚崇廩原係嚴秩大臣朕望其成立特加任用令管理

陵寢事務因奉天積習未改特授伊為盛京五部尚書令其整理訓導乃一到新任行事乖張參奏從前差往辦理之官違朕將官違召回詰問官違陳奏尚崇廩在任種種狂肆之狀復據平郡王參奏朕令大臣等將伊與同

事官員一傳齊質問則伊狂妄不敬背公  
行私之處悉皆確實此尚崇廉之大舉也李  
永陞原任河南南陽總兵官聲名不好隆科  
多曹經參奏朕查確實將伊罷職發往口外臺  
站効力贖罪及朕恭閱

聖祖仁皇帝實錄見四川原任總督李國英平  
寇捕賊想著著請詢其子孫則李永陞其嫡  
派也遂降特旨將伊調回授以參領之職後  
又加恩遷擢至於都統辦理該旗事務似屬  
盡心職守朕以為感奮自新大改故轍遂授  
爲工部尚書量料伊一到工部之任遂作弊  
營私其職業繁延姦齊爲幕客以開招搖納  
賄之門審訊鑿鑿無可置辯此李永陞之大  
舉也此三人者均係漢軍世家之裔彼之祖  
父効忠盡力如此國家之酬庸賞功如此而  
彼之負恩辜德如此凡在廷臣工莫不爲之  
歎息痛恨想伊祖父有知亦應含恨於九原  
惟是朕再四躊躇若欲按律置之於法則違

念伊等前人勲勞拳拳弗釋若欲寬宥其罪  
又恐開將來功臣子孫肆行不法之漸展轉  
遲疑實不能決但思伊等所犯尚不似隆科  
多年美克恭現不可赦宥今且施法外之仁  
將范時鐸尚崇廉李永陞釋放令伊等涕泣  
肺腑遵善改惡儻能戴朕寬宥浩蕩之恩痛  
自愧悔將來或另有使令之處若怙惡不悛  
再有過犯定行正法莫希再遊寬典也、又  
諭范時捷係開國名臣范文程之孫乃不念  
國家培植之恩肆不思伊祖宗積累之厚其  
在陝西爲官時詭媚年美克虜身賤行不顧  
爲人鄙笑朕念其來京辦理旗務則志氣昏  
庸委靡不振無心爲國家出力是以降爲監  
錮侍衛以示懲戒繼因

陵寢地方辦事需人將伊命往今范時鐸獲罪  
罷黜范氏子孫竟無現居大員之人范時捷  
尚非棄材可比是以令其管理古北口提督  
事務觀其如何改過自新一洗從前之愧耻

直隸總兵官俱聽范時技節制後不爲例、  
以監察御史鄭禪寶內務府郎中鄂善俱協  
理內務府總管事務、振武將軍順承郡王  
錫保奏報鄂爾昆圖拉集爾麻泰等處屯田  
收獲大麥小麥糜子共六千六百五十石有  
奇下部知之○戊寅冬至記

天於

圈立遺裕親王廣祿行禮 遺官祭

永陵

福陵

昭陵

昭西陵

孝陵

孝東陵

景陵

聖祖仁皇帝忌辰遣官祭

景陵、停止次日朝賀、已卯諭內閣據雲貴  
廣西總督鄂爾泰奏報官兵恢復烏蒙情形

朕心甚慰烏蒙事起倉卒賊衆數屯烏蒙多  
者萬餘人少亦數千而鎮雄將韓勳以奎  
鄉四百人戰敗賊衆數千連破四寨賊營喪  
胆總兵官哈元生副將徐成身以二千餘人  
破賊數萬數日之內恢復烏蒙此三人者實  
爲功首著交部從優議敘其在事人員參將  
康世顯遊擊王耀祖張起紀龍王先何元王  
友文曾長治土千總安天爵帶領官兵皆能  
奮勇爭先蕩平賊寨各著勞績鎮雄州知州  
徐德裕擒獲逆黨安輯居民亦屬可嘉凡此  
人員著鄂爾泰分別次第具奏到日交部從  
優議敘至隴慶侯之庶母二祿忌夫死劾忠  
解散逆謀四川沙馬土司沙感立志不移親  
身赴建皆係婦人能知大義應加特恩以示  
嘉獎沙氏照其應得封典加一等給與誥命  
二祿氏給以六品安人誥命並各賞銀一千  
兩錄級二十端其餘各土司有在軍前効力  
及保境安分者令鄂爾泰會同黃廷桂憲德

查明酌量賞給至滇黔進剿漢土兵丁應照  
 川省之例每名賞銀五兩其哈元生韓勳所  
 統兵弁皆奮不顧身血戰數十陣首先破賊  
 更屬勇壯著每名賞銀二十兩將此所賞銀  
 數交與哈元生等視其兵丁中出力之多寡  
 酌量分別等次賞給若一例均賞亦可參將  
 遊擊著賞銀五百兩守備三百兩千總一百  
 兩把總五十兩以獎忠勤之將士再另勳司  
 庫銀一萬兩賞給哈元生為伊軍前勳力及  
 賞賚之費該部遵諭速行以正白旗護軍  
 統領魏職署正白旗漢軍都統鑲紅旗蒙古  
 副都統富昌署正黃旗護軍統領以戶科  
 給事中羅鳳彩提督山東學政改四川成  
 都府屬松潘衛歸龍安府管轄從四川巡撫  
 憲德請也庚辰戶部議覆河東總督田文  
 鏡疏言今年豫省被水州縣收成雖有不等  
 實未成災且士民踴躍輸將所有奏旨蠲免  
 之漕糧請仍照額完兌應如所請得旨士民

等急公奉上甚屬可嘉但被水州縣雖未成  
 災而收成數既有不等著該督確查歡收  
 分數仍照例蠲免即將現在已兌漕糧准作  
 辛亥年正供以示優嘉惠豫民至意辛亥  
 諭內閣皇五子前往山東闕里專為  
 文廟祭祀大典茲不與聞地方一事若有無  
 知生事之人向皇五子前告狀者著地方官  
 嚴拏治罪將此預先通行曉諭沿途官民弁  
 兵人等知悉 陞大常寺卿史在甲為大理  
 寺卿○改江蘇江寧府屬溧陽縣歸鎮江府  
 管轄從署兩江總督史貽直請也○壬午吏  
 部等衙門議覆寧遠大將軍岳鍾琪條奏設  
 立邊方郡縣事宜○陝省延安府屬榆林靖  
 邊神木三廳管轄沿邊三十堡除神木同知  
 所轄東十堡已改歸州縣管轄外其餘榆林同  
 知所管中十堡靖邊同知所管西十堡現今  
 夷漢雜居必須大員彈壓請於榆林地方設  
 知府一員照磨一員即將榆林州同靖邊經

歷定邊縣各改為知縣懷遠堡亦改設知縣四縣俱添設典史一員榆林衛教授改為府教授其榆林靖邊衛訓導俱改為縣學訓導定邊懷遠二縣請將綏德廣施二縣之訓導改設俱歸新設之榆林府知府管轄一榆林添設府縣足資分理原設之榆林靖邊同知及波羅州同威武鎮靖巡檢榆林廣育倉大使各缺均請裁汰惟留神木同知一員以司糧捕一榆林道原轄延安綏德邠州等處今榆林既改為府請將神木道改為延綏道移駐綏德州管轄延安綏德邠州等處其新設之榆林府延綏道所屬之直隸葭州吳堡府谷神木等州縣俱改歸榆林道管轄均應如所請從之移雲南大理府通判駐所屬趙州建渡地方裁建渡巡檢缺添設白崖巡檢一員裁開化府經歷缺添設文山縣典史一員從雲貴廣西總督鄂爾泰請也○於末翁牛特扎薩克多羅達爾漢岱青貝勒元

爾德卜鄂齊爾因病休致以其子台吉彭蘇克襲替○予故署戶部左侍郎常德壽發昇如例○甲申湖南巡撫趙弘恩疏報會同總兵官周一德等撫緝六里紅苗地方安兵設汛苗衆各歸誠感戴納戶糧種下部知之○乙酉工部議覆辦理陝西寧夏渠工兵部侍郎通智等疏言本年三月奉旨察勘大清漢唐三渠水利事務查三渠應行修濬之處甚多惟唐渠為尤甚宜於今冬備料明春興工其大清渠漢渠需用物料採辦全備至壬子年春開動工補修應如所請從之○以故青海扎薩克輔國公達錫班珠爾伯祖子策凌襲爵○旌表江南上海縣烈婦顧定妻朱氏通姦不從刎頸完節給銀建坊入祠致祭如例○丙戌賑山西天鎮縣旱災饑民並免本年分額賦有差○丁亥諭內閣各省選拔生員到京服俱特派大臣秉公考試分別等次進呈前有湖北應山縣生員楊可鏡一卷文

理荒疎經部議照例革去選拔項朕聞楊可鏡乃明臣楊迪之元孫昔順治四年楊迪之子楊之易爲江南松江府同知遭提督吳勝兆之叛捐軀殉難忠節凜然蒙

世祖章皇帝之恩優加贈卹此即楊可鏡之曾祖也朕思楊迪父子兩世忠義其後嗣子孫若稍能自立品行無虧雖文藝不工亦當格外造就楊可鏡准作選拔赴國子監肄業仍著禮部帶領引見○晉封喀爾喀扎薩克郡

王丹津多爾濟爲扎薩克和碩親王○戊子諭內閣朕即位之初清查戶部錢糧始知歷年以來虧空竟至二百五十餘萬兩之多是時怡賢親王管理部務奏稱此項虧空歷年已久若一一根究責令賠補則獲罪之人甚衆懇請寬免查完嗣後以本部餘平銀兩陸續代爲完補數年以來該部既有補墊之事是以各省解銀交庫之時平銀未免稍重但從前解京銀兩到部交納時雜費繁多又有

暗中包攬官吏勒索種種情弊此中外所共

知者自怡賢親王管理三庫以來弊絕風清

各色浮費悉行革革雖餘平銀兩畧覺加添

而較之從前雜費則減省已多且怡賢親王

之意原欲俟虧空彌補全完之後仍將平銀

裁減此亦王屢次陳奏於朕前者今庫中虧

空之項俱已補足著將辛亥年春撥解部銀

兩照從前餘平之數減去一半該部即行文

各省巡撫布政使知之此項銀兩大約出自

耗羨項下嗣後若留於本庫以備地方公事

之用若司庫官員有額外多索者著管理三

庫之王大臣查參若外省官員因此次恩旨

將解部之項或有扣剋短少等弊亦著王大

臣指參議處○增置福建督標水師營駐福

州南門外之南臺設遊擊一員守備一員千

總二員把總四員撥督標三營內戰守兵共

九百名爲水師營兵從福建總督劉世明請

封郡王遣官致祭賞銀一千兩○旌表浙江  
蘭谿縣烈婦董長美妻吳氏拒姦不污投河  
殞命給銀建坊入祠致祭如例○已丑傳臚  
賜殿試武舉齊大勇等一百十八人武進士  
及第出身有差○復設四川北道一員駐  
劉保寧府從四川巡撫憲德請也○庚寅諭  
內閣凡朕降旨特交事件該衙門有即行辦  
理者亦有遲久尚未辦理者總因無專司稽  
察督催之人是以遲速不齊間有耽延嗣後  
著於滿漢文武大臣內派出數人管理欵奏  
上諭事件專任稽查督催之責其滿司官即  
用議政處辦事之員漢司官著派出之大臣  
等揀選委用○裁江南臨淮縣濠梁驛滁州  
滁陽驛江浦縣江淮驛六合縣棠邑驛丹徒  
縣京口驛江都縣廣陵驛儀徵縣水驛高郵  
州孟城驛甯應縣安平驛山陽縣淮陰驛清  
河縣清口驛宿遷縣鍾吾驛驛丞各一員其  
驛務歸各州縣官理復設潛山縣青口驛大

湖縣小池驛驛丞各一員添設南陵縣公館  
驛桃源縣古城驛驛丞各一員從署兩江總  
督史貽直請也○辛卯以原任北河總督范  
時輝為鑲藍旗漢軍副都統○復設廣東鹽  
運使衙門知事一員駐劄潮州府從廣東總  
督郁王麟請也○裁福建南靖縣平南驛龍  
巖縣通中驛南平縣王臺驛將樂縣白蓮驛  
崇安縣興田驛驛丞各一員其驛務歸各縣  
縣丞巡檢等員官理從福建總督劉世明請  
也○封巴林輔國公壽里達為多羅郡王○  
壬辰署振武將軍順承郡王錫保摺奏八旗  
駐防官兵等呈稱營中行走已兩年有餘一  
應巡汛收放等類俱習學熟練情願仍留駐  
防俟大兵凱旋請不照前例三年更換等語  
理合奏聞得旨此表甚屬可嘉著照官兵所  
請行種地綠旗官兵仍照舊更換○以故一  
等侯朱之璉子朱震襲爵○以故三等精奇  
尼哈番夏囊元子夏冕襲職○三等阿思哈

尼哈番阿林緣事革退以其弟蘇爾那囊替

於已諭議政大臣等五旗諸王屬下公中

佐領之缺在一旗內揀選易於得人若止在

該王屬下揀選未為允當嗣後五旗諸王屬

下公中佐領缺出在一旗內如何揀選補授

之處著議政大臣會同兵部八旗大臣等詳

議具奏尋議五旗諸王屬下之公中佐領缺

出該王屬下若有人去得品級相當之員揀

選帶領引見補授如不得人即於該旗大臣

官員內揀選引見補授品級相當於佐領

之事亦有裨益從之 辦山東布政使孫國

璽任以山東登萊青道孫蘭芬署山東布政

使司布政使 甲午戶部議覆原任長蘆鹽

政鄭輝寶條奏一山東行運散鹽地方逐一

確查除可以整包行運者照舊每包額重二

百二十五觔外其道路崎嶇車輛難行之處

許分作四包每包重五十六觔四兩著為定

例一永利場之趙家坨請委今富國場大使

房家坨委今久山鎮巡檢各就近管理再移

駐外委一員撥兵九名協同巡役緝查其行

河辛莊二處亦移駐外委一員撥兵九名協

緝一東莊十場二縣存貯窰穀八千三百石

零舊無窰廠收貯又從無動用之處請歸併

附近窰廠存貯其有相隔州縣稍遠之處於

明春青黃不接時減價糶賣所賣銀兩俟秋

成後照數買交附近州縣窰廠收貯遇有應

行賑卹之處向民戶一體賑卹一請裁海倉

場大使缺歸併西由場管理復設官臺場大

使一員將壽光濰縣兼管之固堤場歸併官

臺場管理一嗣後經徵全完之場大使駐州

縣等官請照地丁錢糧煙徵五萬兩以下全

完之例督催分司運同運判照直隸知州知

府督催十萬兩以下全完之例鹽運使照布

政使督催五十萬兩全完之例俱給與紀錄

一次以示鼓勵均應如所請從之 添設船

廠四品官五品官六品官各一員領催八名



管轄原駐兵三百名從黑龍江將軍卓爾海請也

大清世宗敬天昌運建中表正文武英明寬仁信毅大孝至誠憲皇帝實錄卷之一百

大清世宗敬天昌運建中表正文武英明寬仁信毅大孝至誠憲皇帝實錄卷之一百一

敬修

雍正八年庚戌十二月乙未朔丙申以故

三十九

三等精奇尼哈番德克精尼子伊靈阿故二

等阿思哈尼哈番劉相子永壽各襲職丁

爾靖邊大將軍傅爾丹自京回北路軍營

戊戌諭兵部前因口外用兵哈密為軍需往

來之地特准大將軍岳鍾琪之請將駐防兵

丁口糧鹽菜加恩增給又准著總督查郎阿

之請將肅鎮兵丁折支米豆草束銀兩各行

增給總以肅州哈密一帶地交兵馬往來物

價未免昂貴故加恩於常格之外也今恩嘉

臣等查該將軍岳鍾琪奏請將駐防兵丁口糧鹽菜加恩增給一摺臣等查該將軍岳鍾琪所請將肅鎮兵丁折支米豆草束銀兩各行增給一摺臣等查該將軍岳鍾琪所請將肅州哈密一帶地交兵馬往來物價未免昂貴故加恩於常格之外也今恩嘉

峪關在肅州哈密之間其地苦寒所需兵糧皆從肅州轉運事屬一體其營汛兵丁折支米豆草束之價俱著照肅鎮之例米豆每石加銀五錢每草一束加銀一分其加增之期亦照肅鎮補行給發以示優軫恤邊兵之至意○註來烈婦河南封邱縣張伸妻張氏被強不染自縊完貞山西聞喜縣郭洪春妻李氏守正拒姦被刃殞命各給銀建坊入祠致祭如例○已亥陞署安徽布政使劉楫爲大常寺卿○工部等衙門遵旨議奏直隸河工關係重大請設立河道水利總督一員駐劄天津令河道廳員及印河各官受其節制一切事務俱照河東總河例行其營田事務仍歸直隸總督管理從之○庚子

孝惠章皇后忌辰遣官祭

孝東陵以故和托輝特扎薩克多羅貝勒博

貝子班第襲爵○辛丑湖廣提督岳超龍疏報鎮軍鎮所屬地良坡等處於

萬壽節祥雲五色抹鏡日輪光華四時歷午未

中三時下部知之○勅封直隸滄沱河神爲

長源永濟滄沱河神○安南國王黎維禱遣

陪臣丁輔益等奉表謝恩進貢方物宴賚如

例○壬寅調鎮紅旗蒙古副都統河魯爲正

藍旗滿洲副都統陞署正紅旗滿洲副都統

索林爲鑲紅旗蒙古副都統○以浙江平陽

副將馮吉品署福建福寧總兵官○寧遠大

將軍岳鍾琪自京回西路軍營○雲貴總督

鄂爾泰題雲南普洱府車里土司宣慰使刀

召金保故其子年幼請以其弟刀細閣納撫

孤協理下部知之○予故戶部侍郎管三庫

事務噶爾泰祭葬如例○註來河南信陽州

烈婦劉卜世妻楊氏守正拒姦投繯畢命給

銀建坊入祠致祭如例○甲辰諭戶部今年

江南河東等省間有被水州縣已降者發粟

踴租並令該督撫加意撫恤但至明歲春間

青黃不接之時恐不無借資隣省買米減糶

之襄湖南湖北二省向來積穀甚多正在預籌出陳易新之法而今年又復豐收穀價大減恐民間出糶難艱朕特恩酌盈劑虛之道著將從前商捐及耗羨銀兩存貯楚省藩庫者動支五萬兩遴選賢員分往所屬豐收價平之處糶買新穀暫行收貯俟濟省需米平糶即令委員來楚照楚省原買價值先儘倉貯之穀交買運回以濟民食仍將新穀補倉價銀運項如此則隣省無責糶之虞而楚省又得出陳之益事屬兩便儻隣省可以不用則仍留楚省於青黃不接之時照價平糶於民亦屬有濟著該督撫遵諭料理並移會隣省知之○丙午以和碩端柔公主下嫁齊墨特多爾濟授為和碩額駙○丁未以正藍旗叅領達爾濟著本旗滿洲副都統正紅旗叅領伊克壽著鑲藍旗滿洲副都統○禮部議度四川巡撫憲德疏言四川省城內原設成都華陽兩縣康熙八年間將華陽歸併

成都今因土廣人稠復經分設實與他處一縣分爲兩縣者有別又係省會首邑請照中學之例歲科兩試每縣各取進文童十二名歲試武童每縣各取進十二名應如所請從之○戊申以鑲藍旗護軍叅領胡琳署正紅旗滿洲副都統○庚戌諭內閣今年益隸近河北尤雖有被水一二處而其餘州縣俱各十分收穫何以京城及通州米價皆至昂貴著大學士詢問九卿現今益屬米價若干將所知逐一開明並將如何使京城及各處米石價平之處詳議具奏尋議日今米價較泰間俱屬浮貴五城各廠買米人多每至擁擠請於每城暨通州各添一廠將成色米石廣爲減糶至城內八旗及通州左右兩翼米局係收買之好米請照泰間市價量加五六分糶賣如從前價值稍濇請照現議價值發賣並行令步軍統領順天府府老嚴查窩囤之弊又定例每年春季以二月給米三月放

甲米令請於辛亥年春季俸甲米各先期一月支放秋季亦照此例其各處賣米之錢請照戶部從前所奏於每月兵餉內量加支放俾米價錢價俱各疏通至於成色米石價值既成尤使民間應隨時發報不必拘定米數俟米價既平應俾之時戶部再行奏聞從之

○禮部議覆四川巡撫德疏言茂州羌民久列版圖載種入冊與齊民無異請照例與漢民一體應試科舉出齊卷面不必分別漢羌額數悉文去取以廣舉育鼓勵之意應如所請從之○又議覆四川巡撫德疏言渠縣已故知縣王質從征討賊建績致身請照例立傳設牌從祀昭忠寺應如所請從之○  
○年亥調雲南布政使葛森為貴州布政使司布政使陞雲南按察使常安為雲南布政使司布政使雲南驛鹽道馮光裕為雲南按察使司按察使○科爾沁扎薩克圖郡王撒瑚刺克疏違官致祭○癸丑命大學士朱軾兼

管兵部尚書事○以吏部左侍郎劉於義為直隸河道水利總督內閣學士徐湛恩協辦河道事務陝西西安左翼漢軍副都統陳良棟緣事降調正紅旗漢軍副都統朱國樞為陝西西安左翼漢軍副都統刑部等衙門會議呂留良身列本朝子孫妾附前代儀賓之裔迨思舊國詆毀朝章造作惡言妄行記抵猖狂悖亂罪惡滔天甚至敢將

聖祖仁皇帝誣毀指斥悖逆已極臣等莫不切齒痛心允宜按律定罪顯加誅滅以扶人紀以絕亂源呂留良應劉屍梟示財產入官伊子呂葆中曾叨仕籍世恩相濟前此一念和尚謀叛案內連及呂葆中逆跡彰著亦應劉屍梟示呂毅中應擬斬立決伊子葆並兄弟伯叔兄弟之子及女妻妾姊妹子之妻妾應行文該督查明按律究結並行知各省府州縣將大逆呂留良所著文集詩集日記及他書已經刊削及抄錄者於文到日出示偏諭

勒限一年盡行焚燬得旨呂留良懷悖逆不臣之心假託先儒藉藉除論欺世盜名以致人心陷溺爲其迷惑已久愚昧之徒稱爲夫子幾謂其駕乎程朱之上甚至奉祀書院以尊崇之今其逆謀穢行無不敗露天下萬有

畏滅倫常猶得託名於理學之林而著作尚有可取者爰令內外臣工等合詞陳奏朕思呂留良之罪從前諭旨甚明在天理國法萬無可寬然天下至廣讀書之人至多或者千

萬人中尚有其人謂呂留良之罪不至於極典者朕慎重刑罰殊奸鈎叛必合乎人心之大公以昭與衆棄之之義至其所著書籍臣工等奏請焚燬復思呂留良不過盜襲古人之緒餘以肆其狂誕空浮之論有識見者固不待言即當日被其惑惑者今亦自然窺其底裏而嗤笑之也况其人品心術若此其言更何可取今若焚燬其迹假使燬棄不盡則事屬空文倘燬棄盡絕則將來未見其書者

轉疑伊之著述實能闡發聖賢精蘊而惜其不可復得也即呂留良書籍中有大逆不道之語伏思朕

聖祖仁皇帝聖德神功際天蟠地如日月之照臨宇宙萬古爲昭豈呂留良所能虧蔽於萬一乎著將廷臣所議行文並省學政徧行詢問各學生監等應否照議將呂留良呂葆中劉屍景示伊子呂毅中斬決其所著文集詩集日記及他書已經刊刻刷印暨鈔錄者盡

行燬燬之處著秉公據實作速取其該生監等結狀具奏共有獨抒己見者令其自行具呈該學政一併具奏不可阻撓隱匿俟其奏到日再降諭旨○添設甘肅張掖縣驛丞一員駐劄沙河兼管沙河撫夷二驛高臺縣驛丞一員駐劄鹽池兼管鹽池雙井二驛改涼州平城驛兼管之道遠驛路歸平番縣管理從甘肅巡撫許容請也○勅封廣東徐聞縣廟神爲英佑馳騎將軍之神○免益隸蔚州

蔚縣二州縣本年分水災額賦有差○乙卯以鑲藍旗蒙古副都統敦巴著鑲紅旗護軍統領○調益隸天津都統拉錫回京以正藍旗滿洲副都統阿魯著益隸天津都統○護理寧遠大將軍印務紀成斌奏報準噶爾賊人乘我西路軍營不備傾其醜類二萬餘衆犯瀾舍圖卡倫溢起駝馬炮兵官樊廷率副將治大雄等領兵二千轉戰七晝夜救出兩處卡倫官兵會合總兵官張元佐等擊殺賊兵不計其數將馬駝牲畜悉行奪回得甯所奏逆夷溢起駝馬情形大學士等可傳諭靖邊大將軍傅爾丹參贊陳泰蘇圖令其行文副將軍巴賽等駐牧和博克薩里之逆夷或遣賊衆至北路卡倫偷盜駝馬亦未可定宜小心防範不可疎忽亦不得聞信矜張務宜鎮靜嚴密萬全無弊傅爾丹等亦速馳赴軍營斟酌妥辦○四川巡撫憲德疏言川省回民感激

天恩集衆誦經恭祝

萬壽得卹數年以來內外臣民等感戴朕恩

有欲建立碑亭及開設經壇以申頌祝者皆

已嚴行禁止並令大臣官員彈竭誠意屏絕

虛文曉諭所屬士庶兵丁等一體遵奉應降

諭旨甚明川省回民集衆誦經該撫不行禁

止轉爲代題甚屬不合著嚴飭行並曉諭衆

回民知之○賑江南壽州鳳陽等十州縣鳳

陽長淮二衛水災飢民○丁巳諭大學士等

大將軍岳鍾琪從西安由肅州前赴軍營途

中有調撥兵丁辦理軍務之處須用印信行

文前所領寧遠大將軍印信留在軍營今特

將撫遠大將軍之印遣員齎送交與大將軍

岳鍾琪領受大將軍未到軍營以前一切行

文俱用撫遠大將軍印既到軍營以後仍用

寧遠大將軍印將撫遠大將軍印繳回并著

大將軍岳鍾琪接到諭旨印信之日通行所

屬知之○又諭涼州駐防滿洲兵丁一千名

著右翼前鋒統領宗室哈爾吉原任都統鄂善帶領前往肅州再著西安將軍秦布在西安駐防滿洲兵丁內挑選一千名交與副都統僧保張正文帶領前往涼州駐劄再撥涼州綠旗兵丁一千名令山西太原總兵王緒級馳驛前往帶領赴肅州太原總兵印務著宣化總兵李如柏署理宣化總兵印務著三七營副將高弘榮署理固原提標兵丁或撥一千名或二千名令大將軍岳鍾琪酌量調撥京營副將攷存考著加總兵銜馳驛前往肅州聽大將軍委署統理寧夏將軍印務著刑部侍郎常榮署理寧夏兵丁著預備一千名俟有調撥之處著副都統卓鼎統領前往此各路所派弁兵及統領之員俱聽大將軍岳鍾琪調度節制其辦理軍需著肅州總兵印務馬會伯亦聽大將軍派委攷存考著賞內庫銀二千兩僧保張正文卓鼎王緒級各賞銀一千兩其調撥西安涼州滿洲及固原

提標涼州鎮標各官弁照例賞給二年俸銀馬兵每名賞銀三十兩步兵每名賞銀二十兩寧夏官兵若有調撥之處亦照例賞給諭戶部今歲山東被水之州縣賑心軫念殷切已令地方有司加意撫綏又特遣大臣等按戶查賑並給以修葺室廬之資其成災州縣之地丁錢糧及漕糧並行豁免欲使閭閻厚需恩澤咸登衽席也頃又思該省既有被災之州縣則本地所產之米較少於平時其不成災州縣應有交官漕糧若此時仍照舊徵收則米穀之存於民間者較少且恐因此而致救價稍昂未免輸將竭蹶但查漕糧向無豁免之例今年之暫免徵收者出於朕之特恩至不成災之州縣尤難越格蠲除今再四思維著將東省不成災之州縣今歲應徵之漕糧停其徵收俾民間多留穀石則民力自覺寬餘俟明年收成之後令百姓照數交官此項亦不必運送京師即存貯本省補完

今歲徵賦之倉穀如此庶於地方大有裨益  
著即遵諭行。又諭朕查陝西臨澧府屬之  
保安堡番民歸化多年按照田畝起科其額  
徵糧八百一十五石五斗因該堡向日止設  
番兵一百二十名即以應納之額糧抵作應  
支之兵食伊等知種地而不完賦知充伍而  
不領糧相沿已久嗣因番兵差操未便於是  
另募內地民兵二百名以備防汛即將額徵  
之番糧充作兵丁之月餉其舊設番兵悉行  
開除惟是保安一堡與新附上下龍布阿步  
喇等番族界址相接新附番族俱按戶科糧  
每戶止納青稞一斗而保安則按田起科以  
不及千戶之番民歲徵糧八百餘石未免多  
竊懸殊非朕一視同仁之意著將保安堡番  
糧亦照新附番民之例每戶納糧一斗徵收  
在倉留爲積貯其現募之兵丁二百名所需  
糧料俱照例給與折色以示朕加恩番民之  
至意。撥工部郎中喀爾吉善爲兵部額外

侍郎。戊午翁大學士等因原甘涼等處兵  
丁有調撥派運之用沿邊地方所關緊要着  
大將軍岳鍾琪署總督查郎阿作速行令各  
該提鎮於固原涼州甘肅寧夏西寧等處人  
民內挑選漢仗勇健子馬馴習者招募充補  
兵額其衝要之處於原額之外各添設數百  
名以備調遣。又諭噶斯地方現有滿洲及  
歸化城兵丁五百名格爾爾等帶領防守其  
從前派出之青海兵丁一千五百名亦著前  
往令格爾爾等分派駐劄於額爾貢木柴旦  
木等處其扎薩克之官兵著移駐額爾阿寶  
駐牧相近之處聽阿寶管轄如有準噶爾信  
急力能逃剿者阿寶帶領前進饒力稍不足  
即著迅速協同綠旗官兵防守。又諭范時  
從著署理陝西固原提督即速來京請訓馳  
驛前往益縣吉北口提督印務著鑾儀使路  
振揚前往署理福建陸路提督石雲倬廣東  
潮州總兵內紀勳著前往陝西肅州到大將



軍岳鍾琪處有辦理之事福建陸路提督印  
豫著福建南澳總兵張起雲署理南澳總兵  
印豫著福建金門總兵康陵署理○又諭江  
寧將軍鄂彌達在滿洲駐防兵丁內揀選一  
千名令副都統阿克山帶領前往西安駐防  
再者副都御史二格由京師前往統領之此  
派出兵丁著該督撫動支公用銀每人賞給  
三十兩其應派官員著鄂彌達酌量派出每  
員各賞給一年俸銀於司庫動用銀兩支給  
二格著賞內庫銀三千兩阿克山著該省督  
撫於公用銀兩內各行寬裕幫給再撥河南  
滿洲駐防兵五百名著副都統德銜城守尉  
白清格帶領前往西安駐防撥山西太原滿  
洲駐防兵三百名著城守尉覺羅察庫帶領  
前往寧夏駐防此二省派出官員每人各賞  
給一年俸銀其兵丁各賞給銀三十兩於司  
庫支給官員等照例給與馬匹兵丁等於每  
人給三馬之外酌量增給其河南城守尉印

務著總督田文鏡兼管另添參領一員轄理  
兵丁太原城守尉印務著巡撫石麟兼管白  
清格察庫起行該督撫各行寬裕幫給○陝  
西西安總兵官潘之善請假回籍調病允之  
○已未  
孝莊文皇后忌辰遣官祭  
昭西陵○四川巡撫憲德疏報建昌鎮寧越營  
所屬番民里五呷等二百三十二戶向化歸  
誠認糧納穀下部知之○辛酉諭大學士等  
據查郎阿奏報肅州存營馬兵祇三百名守  
兵祇四百名協防之兵更不可少已飛咨都  
統鄂善於涼州駐防滿洲兵內添兵五百名  
選妥協理一員統領呈赴肅州駐劄再甘涼  
提鎮二標馬步兵丁除原派出兵并見調應  
撥外存營兵丁亦有汛防之責如或另有調  
遣不便再於二標添撥等語查郎阿於涼州  
駐防滿洲兵丁僅撥五百名者想因未見朕  
另撥西安駐防滿洲兵丁一千名之旨所以

不敢全撥應仍遵前旨令哈爾吉鄂善作速帶領兵丁前往肅州其涼州綠旗兵丁俟王結級到後方行帶往此時諒未起程今或仍將涼州前派之兵令王結級帶領往肅或於查郎阿調甘待撥之寧夏兵丁內令王結級帶領一千名往肅著大將軍岳鍾琪著督查郎阿酌量妥辦至查郎阿所奏摘撥馬匹陝甘各處營馬雖有一萬八千餘匹可供摘撥然營馬亦屬緊要著將上加院之馬一千七百匹解送至西安交與巡撫武格分發喂養其摘撥四省營馬與採買之馬著岳鍾琪查郎阿先酌定應交與何處收牧即速行文知會各省文到之日再行解送至所持之處交收再查郎阿奏請西寧糧米撥運肅州一條西寧地方實關緊要存貯米粟不可輕動可令查郎阿知之將爾等所議馬匹糧運一摺查郎阿三摺俱錄寄大將軍岳鍾琪令其斟酌而行將此傳諭大將軍岳鍾琪總督查

郎阿知之。壬戌諭內閣呈五子致祭闕里文廟典禮告成回京奏稱恭摺孔林周視規制見享堂墻垣間有年久傾圮之處朕尊崇

先師夙夜罔敢今廟貌已經鼎新林園允宜修葺身欽天監選員前往會同衍聖公孔傳鐸相度方位宜於何時營治詳慎定議屆期朕命大臣前赴曲阜與衍聖公孔傳鐸協同敬謹修理務令崇闕堅固光垂永久以昭朕

尊禮

先師之至意。諭大學士等準噶爾乘我不意傾其賊衆益起馬駝殺猶兇惡罪無可赦但西路所存駝馬不無缺乏是從前所議益攜伊里之計尚非萬全之道朕慮欲於西路巴爾庫爾北路之卡倫外各築一城以重兵駐劄時出遊兵以掩擊其衆擒擄其人畜賊兵必撤其遊牧之所遠行藏匿我當更進數百里擇地築城圍墜七種以資軍食駝馬牛

羌無事牧放有事則盡收入城賊衆既無所  
獲我軍一出可以整取其輜重且賊必不敢  
踰我軍駐劄之城而東矣著岳鍾琪詳悉定  
議北路傅爾丹處亦詳細密商之○順天府  
進春 癸亥歲暮給祭

太廟 遣官親王廣祿行禮 遣官祭

永陵

福陵

昭陵

昭西陵

孝陵

孝東陵

景陵○遣官祭太歲之神 甲子諭大學士等  
自有軍務以來喀爾喀等甚爲出力來歲大  
兵進剿之時所有派在卡倫預備之二十名  
喀爾喀兵丁不必前往俾其得以照管牲牧  
著派出內扎薩克之兵二千名前往卡倫駐  
劄令科爾沁郡王羅卜臧喇錫翁牛特貝子

羅卜臧教漢公羅卜臧總統管理此所派出  
之官兵照例加與恩賞○北路大將軍傅爾  
丹等遵旨議奏臣等聞着紀成斌奏招準噶  
爾賊人或分兵來犯阿濟濟濟卡倫震動喀  
爾喀公道摩克輝特公巴濟之遊牧亦未可  
定臣行文副將軍巴賽等商酌挑選精兵二  
千名令前鋒統領丁壽管轄帶領副都統馬  
爾齊拉錫等會同庫布可爾地方駐劄之察  
哈爾喀爾喀兵丁一千三百名前往伊可斯  
腦兒地方附近處駐劄以防獲阿濟濟濟卡  
倫等處并令王格勒克顏木聘爾公通摩克  
達錫達爾扎等領兵一千名前往丁壽處協  
同駐劄再令副都統阿三公達福領兵二千  
名在庫布可爾地方駐劄以爲應援奏入報  
聞○雅表八旗節婦滿洲吉善妻董阿氏等  
八十二人蒙古八格妻傅查氏等十人漢軍  
佟仲典妻彭氏等二十二五人直隸各省節婦  
李錫子妻胡氏等五百五十八人貞孝吳氏

等二十二心孝子趙萬全一心孝婦朱氏一人各給銀建坊如例○是歲人丁戶口二千五百四十八萬四百九十八又永不加賦滋生人丁八十五萬一千九百五十九田地山蕩畦地八百七十八萬一千七百六十頃十七畝有奇徵銀二千九百七十八萬六千八百六兩有奇米豆麥四百七十一萬八千六百九十五石有奇草四百九十九萬六千七百九十二萬六千七百十九引行鹽五百一十四萬九千一百十五引徵課銀三百八十三萬八千四百十七兩有奇鑄錢七萬五千七百八十六萬五千有奇

大清世宗敬天昌運建中表正文武英明寬仁信毅大孝至誠憲皇帝實錄卷之一百一

大清世宗敬天昌運建中表正文武英明寬仁  
信毅大孝至誠憲皇帝實錄卷之一百二

此表係在乾隆九年正月十五日奉旨撰成其時世宗皇帝年已六十五歲聖體漸衰而精神愈壯故特命撰此表以昭盛德

此表係在乾隆九年正月十五日奉旨撰成其時世宗皇帝年已六十五歲聖體漸衰而精神愈壯故特命撰此表以昭盛德

此表係在乾隆九年正月十五日奉旨撰成其時世宗皇帝年已六十五歲聖體漸衰而精神愈壯故特命撰此表以昭盛德

此表係在乾隆九年正月十五日奉旨撰成其時世宗皇帝年已六十五歲聖體漸衰而精神愈壯故特命撰此表以昭盛德

教修

雍正九年辛亥春正月乙丑朔

上於宮中拜

神畢御殿王以下文武各官及外藩使臣等上

表朝賀停止筵宴○朝鮮國王李吟遠陪臣

李挽等表賀冬至元旦

萬壽節及進歲貢禮物費費如例○戊辰諭內

閣朕思惠養黎元之道莫先於除賦蠲租使

萬姓均霑溥澤陝西甘肅二省經理軍需數

年凡米糧窮牧車馬牲畜之類皆動支公帑

備辦一絲一粟不使擾民朕朕每念地方既

有軍務縱不取辦於民財未嘗不資藉於民  
力而陝甘二省之民人踴躍趨事甚為可嘉

年來已屢降蠲賦之旨茲特再沛恩膏將雍

正九年西安所屬額徵地丁銀蠲免十分之

三甘肅所屬額徵地丁銀全行蠲免該督撫

等可轉飭有司敬謹奉行務令閭閻均霑實

惠○以湖廣提督兼理陝西西寧西大通總

兵官事馮允中專管西寧總兵官印務正紅

旗漢軍副都統管承澤署陝西西大通總兵

官○己巳諭大學士等直隸古北口宣化鎮

及督標兵丁內著總督唐執王會同提督路

振揚揀選馬兵一千名派委官弁領赴西安

山西太原大同兩鎮標營兵丁內著巡撫石

麟會同該鎮揀選馬兵一千五百名派委官

弁領赴甘州河南南陽河北兩鎮標營兵丁

內著總督田文鏡會同該鎮揀選馬兵一千

名派委官弁領赴西安並聽大將軍岳鍾琪

署總督查郎阿調遣再著湖廣總督邁柱將

附近陝西之標營兵丁預選二千人聽候調撥此所派弁員俱著賞給一年俸銀再令該督撫等寬裕幫給兵丁各賞銀三十兩給與兩個月行糧月餉馬三匹其派出官弁員缺該督撫等酌量委署兵丁額缺即行召募補足併行令岳鍾琪查郎阿知之庚午命工部左侍郎馬爾泰協辦西安軍務正紅旗滿洲都統德成協辦青海噶斯軍務副都統達鼐摺奏噶斯卡倫見被賊圍臣將關防交與鼐滿岱拉調取西寧綠旗兵三百名防範番子臣親率兵出邊往援柴旦木地方若賊人敢遁即領兵追襲得旨達鼐領兵前往應援格爾爾等亦是但奏稱追襲甚屬孟浪巴爾庫爾之兵原為搗賊人巢穴而設噶斯之兵乃為駐防而設若未犯噶斯之賊兵無多勢均力敵則即行勒殺僅以動力擾動青海則噶斯隘口屬無用之地即撤兵退至近邊形勝之處會集青海之兵駐劄防守儻賊勢

頗重即領兵進入邊內爾從前曾將西寧之兵調撥五百名今又為番人調兵三百如果番人有事爾之三百兵丁何能濟乎兵力宜聚而不宜分頻頻分調是何計策防守邊關較防守青海尤為急務日今只宜堅守切木可急遽躁妄○辛未

世祖章皇帝忌辰遣官祭

孝陵○諭內閣陝西甘肅地方辦理軍需須用年力精壯才可辦事者命往以備差委見在分部學習人員內著該堂官保送其候補候選及降革官員無錢糧未清之輩著漢軍人員著該旗大臣揀選保送滿漢大臣等若有深知之人不論漢軍漢人亦准其舉出若該員身有掛欠處分果係才能出眾亦准該旗及滿漢大臣等保送請旨此差往人員著交與巡撫武格許容協辦軍需侍郎馬爾泰酌量差遣委用將來辦事若好者該督撫等奏聞加恩議敘○又諭喀喇沁三旗土默特二

譚著派兵一千名於二月間起程至張家口  
外形勝地方居住令貝子僧扎卜塔布囊  
羅布臧策布登統領前往預備軍營調遣歸  
化城兵丁著派一千名令都統貝敦統領於  
二月間前赴涼州聽大將軍調遣其恩賞銀  
兩糧餉等項俱照例給發○命給北路副將  
軍查弼納昭武將軍印馳驛前赴軍營○癸  
酉諭大學士等甘涼二鎮皆係沿邊重地必  
須兵力富足方可內為保障外供調撥著提  
督宋可選於涼州召募兵丁二千名甘州召  
募三千名如甘州本地不能足三千之數可  
於寧夏召募補足又西寧一鎮為青海門戶  
所關恭重亦著召募二千名此召募七千兵  
丁俱照例馬六步四支給錢糧○又諭奉天  
兵一千五百名著副都統額爾勤統領黑龍  
江兵二千名著副都統王常崇倫總管沙津  
統領寧古塔兵一千五百名著副都統烏查  
拉統領察哈爾兵一千名著總管達什統領

前往北路軍營應賞銀兩寬裕賞給其派出  
兵丁六千名著各該處將軍副都統等照數  
將餘丁充補○寧遠大將軍岳鍾琪遵旨議  
奏準噶爾逆賊犯界所有添撥官兵事宜臣  
詳加籌畫派出固原提標兵二千名委令慶  
陽協副將于義統領陝西督標兵八百名撫  
標兵二百名撥調山西蒲州協副將沈力學  
統領俱令隨臣出口至安西沙州地處極邊  
其鎮協標營兵丁派調三千名前赴巴爾庫  
爾則二處城守軍弱除督臣已調撥甘提標  
兵一千名外臣又派甘州兵一千名分撥安  
西沙州駐劄但甘州地方緊要留汛之兵不  
敷守禦而西寧為青海門戶亦宜防範臣會  
同西安將軍泰布派出西安八旗兵丁三千  
名令副都統蘇穆爾濟統領一千名前往西  
寧駐劄再派一千名隨後赴甘州駐劄其餘  
一千名接續起程暫駐涼州以候調遣但西  
安領兵大員除蘇穆爾濟見今派往西寧外

祇餘副都統二員留辦公務不便更行派委  
伏乞欽點諳練軍機大臣二員從京城馳赴  
西安以便統領兵丁分赴甘涼得旨朕前調  
撥涼州駐防赴肅之後即著於西安滿洲兵  
丁內挑選一千名交與副都統僧保張正文  
帶領前往涼州駐劄又念西寧爲青海門戶  
持命副都御史二格馳赴西安帶領綠旗兵  
一千名滿洲兵一百名前赴西寧駐防今岳  
鍾琪將滿洲兵一千名撥往西寧殊可不必  
著仍遵前旨併傳諭武格馬爾泰俊二格到  
日即於西安綠旗兵內或督撫兩標或城守  
之兵共揀選一千名再會同秦布札逆滿洲  
兵一百名令二格即行帶領前往西寧駐劄  
其蘇穆爾濟帶領之滿洲兵一千名即令帶  
往涼州俟僧保到涼之日蘇穆爾濟仍回西  
安其所撥駐劄甘州之滿洲兵一千名著張  
正文帶領前往聽候調遣至撥往涼州之兵  
不必起身前去仍在西安候旨西安副都統

員缺著署副都統拉薩立馳驛前往署理  
寧遠大將軍岳鍾琪又遵旨議奏甘州固原  
肅州兵丁各派撥出口甘肅地處邊徼留汛  
之兵不容單薄應各召募兵一千名俱以馬  
六步四補入西安爲省會之區督撫兩標兵  
丁派調出師所餘無幾應共召募步戰守兵  
一千五百名至固原標屬悉係內地無庸募  
補得旨朕屢降諭旨以甘涼肅西寧等處皆  
沿邊要鎮必得重兵駐防既可彈鎮邊陲又  
可分撥策應今岳鍾琪僅於甘涼二處議募  
一千名想未接到朕之諭旨又於見今巴爾  
庫爾情形未能確知是以尚存輕舉之意見  
固原標屬雖係內地但提標之兵已撥二千  
名則自應召募補額西安督撫標之兵既行  
召募則自當仍遵原制以馬六步四充補不  
得悉補步兵可將甘涼固原西寧召募之事  
傳諭范時捷宋可進令其辦理其西安督撫  
兩標應募之兵著岳鍾琪查即武格馬爾



泰仍照馬六步四之例連行募足二千名以充伍（甲戌孟春享）

太廟

上親詣行禮遣官祭太歲之神（乙亥諭大

學士等準噶爾賊人來我西路軍營不備領

其醜類犯我卡倫盜趕駝馬總兵官樊廷等

領兵二千轉戰七晝夜擊殺賊衆又將盜去

駝馬牲畜奪回樊廷忠勇冠軍領得勝算總

兵張元佐副都統綽綽般台吉哀布三等台吉

定匝拉錫領兵應援奮力夾攻大敗賊人副

將張朝良以孤軍被困而能全師出圍凡此

將弁皆見義能勇致身効力均屬可嘉樊廷

著賞銀一萬兩給一等阿達哈番張朝良

治大雄俱著賞銀五千兩給拜他喇布勒哈

番張元佐綽綽般俱著賞銀三千兩給施沙喇

哈番台吉哀布著封公爵三等台吉定匝拉

錫著授爲扎薩克一等台吉其餘有功將弁

俱著大將軍岳鍾琪查明奏聞加恩從優議

敘再者署內務府總管鄂善馳驛前往肅州

於軍需銀兩內動支十萬兩令大將軍將此

番出征弁兵等查明戰功等第按名賞給至

陣亡將弁兵丁分晰查明造冊具奏從優賞

卹該督撫動用正項錢糧於安西地方建立

忠勇祠將陣亡之將士等設造牌位致祭俾

義烈將士永遠流芳以示朕崇獎忠勤之至

意○又諭準噶爾賊衆犯我西路湖舍圖十

倫今雖敗遁或由噶斯一路遣兵擾亂青海

地方劫掠馬駝羊畜亦未可定二等侍衛殷

扎納著加副都統銜前往青海傳諭各扎薩

克於左右翼揀選兵丁一萬名令王額爾得

尼厄爾克托克托奈會同王益蘇克汪扎爾

公阿拉布坦扎穆蘇公阿喇布坦統領在青

海緊要適中之地駐劄派出之官員照伊品

級賞給半年俸銀兵丁每名賞銀五兩再者

內大臣克什圖前往青海與王額爾得尼厄

爾克托克托奈等一同管理克什圖所管阿

兩泰一路臺站事務著上都打布孫騰兒總  
管五十四家口管站郎中倫魯辦理。又  
諭前令查弼納與順承郡王錫保同辦軍營  
之軍今大將軍傅爾丹既不領兵前赴西路  
會勒查弼納仍以副將軍協同傅爾丹辦理  
軍務其昭武將軍印信查弼納攜至軍營交  
與傅爾丹收貯將來查弼納有分路帶兵之  
時即用此印。又諭西北兩路或尚有應撥  
兵丁之處朕思歸化城乃通行兩路之地著  
理藩院傳諭四十九旗扎薩克等按旗均算  
派出精兵五千由各該遊牧處於二三月  
間前後起程沿途收放馬駝至歸化城會齊  
擇形勝地方駐劄以備調遣其需用口糧於  
歸化城倉支領月餉於張家口同知存庫銀  
內動支戶部核算尋議科爾沁等十旗應派  
兵一千八百一十五名烏朱穆泰等十旗派  
兵五百六十九名翁牛特等十一旗派兵一  
千三百二十四名四子部落等六旗派兵二

百三十二名鄂爾多斯等六旗派兵一千六  
十名共兵五千名各派協理台吉管旗章京  
副管旗章京參領佐領號騎技藝員令蘇尼  
特王垂際功蘇隆統領巴林王嘉里達扎賴  
或貝子特古斯協理再於歸化城內派兵一  
千名參領二員佐領四員號騎技四員令副  
都統塔爾馬善統領其銀米等項照例支給  
從之○丁丑以鑲白旗漢軍副都統補恩著  
直隸天津總兵官○命鑲藍旗漢軍副都統  
堯時輝任陝西辦理軍需事務○辛巳祈穀  
於  
上帝  
上親詣行禮○以左都御史史貽直協理吏部  
侍郎事○雲南提督張耀祖緣事革職陞貴  
州安籠總兵官哈元生爲雲南提督雲南鎮  
雄參將韓勳爲貴州安籠總兵官雲南督標  
中軍副將徐成員爲雲南昭通通總兵官廣西  
新泰副將董芳爲雲南臨元總兵官○癸未

諭內閣劉聲芳在大醫院効力有年屢加特  
恩用至戶部侍郎伊於部務茫無知識上年  
夏秋間朕體偶爾違和伊並不用心調治推  
諛輕忽居心巧詐深負朕恩著革去戶部侍  
郎仍在太醫院効力贖罪行先其從前所賞  
伊子廢生及舉人俱著革退戶部侍郎員缺  
著左都御史史貽直兼理冀棟朕聞其通知  
醫理加恩用至副都御史乃伊識見昏庸遇  
事推諉著革去副都御史補授御醫之缺効  
力行走○甘肅巡撫許容疏言甘省地方員  
缺衝要居多且辦理軍需俱須幹員請於直  
隸山東河南山西四省見任同知通判州縣  
內令該督撫各揀選才具優長辦事勤敏者  
五員咨送來甘委辦差使遇有要缺即行題  
補得旨著照所請行山東見有賑恤之事正  
須幹員經理不必揀選咨送○中書諭大學  
士等準噶爾賊衆侵犯西路汎界盜竊駝馬  
乘我不備事起倉猝其力戰克敵者甚屬可

嘉而授命疆場者尤為可憫前已降旨令建  
忠勇祠春秋祭享以表忠節矣茲應賞給世  
職令其子孫承襲永誌恩施副將徐宗仁著  
給興拜他喇布勒哈番守備劉貴才劉芳而  
李國勳俱著給與拖沙喇哈番其應得卹典  
仍著該部察例具奏千總王大謀徐維新外  
委把總方正劉世勳俱著該部從優議卹此  
外如有應加恩卹之弁員俱著大將軍岳鍾  
瑛查明具奏凡陣亡兵丁於卹賞定例之外  
俱倍加賞賜其隨役人等有受傷亡故者照  
兵丁卹賞定例給卹朕念以酒三爵遂酌陣  
亡將士著署內務府總管鄂善將酒齎往軍  
營凡陣亡將士每名以羊一隻奠祭朕憫  
惻傷悼至意朕不得已而用兵本期全師克  
敵不損一人乃為至願豈必捐軀致命始稱  
効忠報國乎今此陣亡弁兵朕雖加恩優卹  
而惻但不忍之念愈覺難釋於懷著鄂善將  
朕諭旨徧行宣布令衆知之至所賞春銀十

萬兩鄂善至軍營時或與大將軍岳鍾琪或與護大將軍印務紀成斌分別將弁兵丁建功出力之等次秉公賞給務使均沾恩賜以示國家酬庸獎勲之令典命莊親王允祿管理正紅旗滿洲都統事務以鑲紅旗漢軍副都統富昌協理都統事務○乙酉諭內閣朕開洞庭一湖綿亘八百餘里自岳州出湖以君山爲標準一望杳渺橫無涯際而北樺洲居西湖之中去湖之四岸或百餘里或二百餘里舟行至此僅遇風濤既作無地停泊亦無從拯救多有傾覆之患昔人曾經創議若於此處建築石臺則狂風巨浪之中商船有挽泊之所實有裨益祇以水中立基工用浩繁事不果行朕以勤求民瘼爲心凡內外遠近地方疏濬修建工程可以利濟羣生者無不樂爲興舉况商賈行旅之往來可以避風波之險而登衽席之安尤事之亟宜舉行者亟營田水利衙門有存公銀二十萬兩者解

送楚省交與總督邊柱會同巡撫趙弘恩遴選賢能之員相度估計悉心經理建築石臺以爲行舟避風停泊之所務期修造堅固並請永久毋得草率塞責○丙戌諭大學士等此次準噶爾之事出於不備總兵官樊廷等率領弁兵奮勇先登以寡敵衆兵丁中有未傷手足者有冒犯鋒鏑者此等甚爲可憫著傳諭大將軍岳鍾琪令其各還內地營汛另選兵以代之○三將弁等雖與兵丁不同亦當曲爲體恤樊廷爲軍功之首朕欲擢授提督茲令回居任所軍前山丞副將張朝良降旨陞爲重慶總兵官其印務暫令他員署理凡此禦賊有功之將弁自總兵以至千把朕意俱選員代其職任令暫回內地本任以息勞瘁若云領兵大員一時難得其人朕已簡選石雲倬馬紀勳王緒級張存孝等數人命往軍前皆可充總兵之選況此後進取之業正須從容經理目前豈非追勸之時伊等暫時

休息將來大舉再赴戎行未嘗不可也若岳鍾琪悉心妥議密奏以聞與廷統兵在外遣人報知大營而外委把總馬能不畏賊鋒聞歷險阻以通音信著以守備用賞銀五百兩其同馬能報信之二人及越山赴營之弁兵並著查明從優敘賞○以奉天復州城守尉珠海署理奉天熊岳副都統事務○丁亥諭內閣山東地方上年遭值水患窮民乏食朕心軫念屢頒諭旨并遣大臣賜粟賜金加恩賑濟不忍使一夫不獲其所又念該省上年禾稼歉收則今春青黃不接之時米價必致騰貴特命截留鄰省漕糧三十五萬石撥運奉天米穀二十萬石減價平糶以惠濟閭閻朕之為東省民食計者亦備極籌畫矣細思上年濟兗東三府之被水較平時為甚今發粟平糶固不慮價值之高昂而赤貧之民仍苦於糶買之無力且聞被水之後有餓口轉徙四方者今各省漸次資送回籍此等民人

回籍之後無以為資勢必至於失業深屬可憫著侍郎劉於義狀可登巡撫岳濬確查實在窮民無力糶買穀石者再給兩月口糧以恤其困苦資其耕作查濟兗東三府尚積存倉穀四十萬石即將此為散賑之藁僕不敷用再將截留之漕米以二十萬石平糶以十五萬石增添散賑著該侍郎等遴選賢員作速分途辦理使黎民均沾實惠并傳宣朕旨曉諭百姓等受朕格外之恩當乘此春和芻力耕種勿因失業而作邪僻之事勿因困厄而懷怨尤之心果能祇遵朕訓則豫順之氣自能感召

天和賜以安全之福思之勉之○又諭據紀成斌奏報北山之賊已退而鄂龍吉一帶尚有賊營駐劄我軍貯糧之處宜善盡畫金圖呼魯克收糧之筆帖式奇書以二百餘人竭力衛糧捍賊賊眾圍困數日能固守糧營保全軍實深屬可嘉著賞與拖沙喇哈番再賞銀

五百兩其同在圖呼魯克之弁兵者岳鍾琪  
查郎阿查明到日從優敘賞授鎮國公誥  
音托和女爲鄉君塔德王秩四品戊子授  
理親王弘智第六妹爲郡主塔彭素克拉錫  
爲和碩額駙第七妹爲縣主塔齊旺多爾濟  
爲多羅額駙封喀喇沁塔布囊羅布藏果  
布登爲輔國公己丑賜大學士張廷玉替  
猷碩輔蔣廷錫萬幾賢輔匾額庚寅諭內  
閣上年江南邳宿等十八州縣遭值水患窮  
民乏食朕心深切軫念特命大臣會同該督  
撫動帑發粟撫綏賑恤增給口糧之數加添  
散賑之期並賞給修葺室廬之費務使被水  
黎民咸登衽席今據該督撫等奏報正月十  
五日已滿散賑之期朕思江南麥熟在四月  
之抄其間青黃不接之時尚應爲之籌畫雖  
本省鄰境皆有平糶之米穀而赤貧之民無  
資糧買者仍復艱於餬口深可憫惻查揚州  
鹽義倉有積穀數十萬石原備賑濟之用著

動支二十餘萬石加賑窮民四十日口糧以  
濟其困乏資其耕作該督撫會同欽差侍郎  
彭維新等悉心奉行並曉諭百姓乘此春和  
盡力南畝勿再游手失業有負朕痼瘼軫恤  
之至意辛卯轉吏部右侍郎彭維新爲左  
侍郎調禮部左侍郎兼內閣學士行走兵士  
玉爲吏部右侍郎兵部右侍郎胡照爲禮部  
左侍郎陞內閣學士任蘭枝爲兵部右侍郎  
署五隸總督唐凱玉疏報保定冀州等三  
府州開墾雍正八年分田地八十一項有奇  
下部知之



今米價亦平或從直隸採買米石令回空糧  
 船運至東省或將南漕截留數十萬石分貯  
 水次州縣爾等詳悉查議再德州現有駐防  
 兵丁應否於德州照天津建倉之例起建倉  
 廩以備每年截留存貯價河南山東有需用  
 米石之時則一水可通似屬有益爾等一并  
 確議具奏尋議遵倉現存新收粟米十八萬  
 石請動撥十五萬石再支戶部庫銀往通州  
 天津等處照時價採買粟米五萬石分交回  
 空糧船帶往山東暫於德州臨清二處收貯  
 茲著該督撫將二處倉廩酌量添蓋再令奉  
 天將軍等動撥米二十萬石於五月內運至  
 天津大沽口天津總兵等接運至德州交與  
 山東巡撫酌量分撥其東昌以下近水州縣  
 應截留湖廣江西漕糧三十萬石轉運存貯  
 俟今年秋收後將存貯之米或全行易穀或  
 一半易穀令該撫酌量辦理其應補穀八十  
 萬石於壬子癸丑兩年採買完補從之○賈

授喀爾吉善為兵部左侍郎○以正藍旗前  
 鋒參領滿丕署鑲白旗滿洲副都統○多羅  
 愉郡王允禩薨輟朝二日賜祭二次造墳立  
 碑謚曰恪○丁酉遣大學士尹秦祭  
 先師孔子○以鑲藍旗護軍統領色爾摩署  
 正藍旗蒙古都統仍兼署左翼前鋒統領事  
 ○戊戌祭  
 大社  
 大稷  
 上親詣行禮○諭大學士等肅州甘州涼州移  
 駐滿洲兵四千名又涼州有歸化城兵一千  
 名尚無統領之員寧夏滿洲兵現今不過六  
 百名著戶部古侍郎傳泰前往署理寧夏將  
 軍印務其肅甘涼等處兵丁著常春前往給  
 以鎮安將軍印信令其統領仍聽大將軍岳  
 鍾琪調遣○己亥諭大學士等常春統領五  
 千兵丁或應會駐肅州或應會駐安西或仍  
 暫分駐於肅甘涼等處爾等行文知照各該



處外再傳諭大將軍岳鍾琪署總督查郎阿此五千兵丁如有調遣俾其自爲一隊令常賚統領不可零星分派與綠旗兵丁混雜一處恐滿漢彼此推諉轉有未便留此大隊爲應援夾攻之師甚爲有益○陞甘肅布政使孔毓璞爲都察院左副都御史仍留肅州辦理軍務○戶部議覆湖廣總督邁柱疏言湖南各營兵米向例俱以六錢折給今永順保靖桑植三營地方係新開苗疆產米既少商販亦稀價值昂貴若照內地六錢折給兵丁日食不敷請自雍正九年爲始將永順營兵米以一兩折給保靖桑植二營以八錢折給應如所請從之○庠子諭大學士等抗兵祿班第弟佛保著來京○諭理藩院布魯克巴部落人等互相仇殺貝子頗羅鼐遣使解和宣朕威德甚屬可嘉著封爲貝勒伊子一等台吉珠爾麻特冊登屋次頒兵効力邊疆著封爲輔國公○陞湖南岳常道溫而遜爲山

西按察使司按察使○吏部議覆福建總督劉世明等條奏臺灣事宜一臺灣府南面向隸鳳山北面向隸諸羅管轄若俱應改歸臺灣縣管轄一臺灣縣羅漢門地方緊要請以臺灣縣縣丞移駐與汛弁互相防查一鳳山縣萬丹地方請添設縣丞一員管轄淡水枋寮口等處其原設淡水巡檢移駐大崑麓一諸羅縣笨港地方烟戶繁多姦良莫辨請添設縣丞一員令其查拏巡緝其原設佳里興巡檢移駐鹽水港一彰化縣距大甲溪一百五六十里溪北更爲遼遠一切錢糧命盜等項悉令赴縣殊屬不便請將大甲溪以北地方歸淡水同知就近管理均應如所請從之○壬寅吏部議覆廣東總督郝玉麟疏言廣州肇慶二府屬地處低窪沿河田禾惟賴圍基堅固俾免水患始獲有秋向例屬縣丞管理但縣丞駐劉邑中潦水驟發猝難兼顧惟巡檢所轄地方與民最親偶遇潦漲圍基危

險。即可督率鄉民救護。南海三水高要三縣事繁。請以縣丞爲督理。巡檢爲專管。高明四會兩縣事簡。請以知縣爲督理。巡檢爲專管。每年按時督率修築。凡遇潦水漲發。加意防護。儻有貽誤。入於大計內。分別核參。應如所請。從之。○禮部議。覆江西巡撫謝旻疏。言江西棚民內文武童生入籍。在二十年以上。有田廬墳墓者。應准其各在居住之州縣一體考試。其入學額數。童生數滿五十名者。請於額外另取一名。數滿百名者。另取二名。數滿二百名者。另取三名。其最多者。亦以取進四名爲率。其不滿五十名者。應令與本籍童生一體憑文考取。應如所請。從之。○免直隸天津大城等三十四州縣雍正八年分水災額賦有差。○癸卯護理寧遠大將軍印務。紀成斌奏。言逆夷準噶爾駐劄鄂龍吉之賊兵。於正月十一十二等日。漸次退去。擊獲被擄逃回之鄂爾多斯餘丁。詢知賊已遠遁。臣復差

委官弁各路偵探。俱無賊兵踪跡。隨於木城噶順鏡兒泉察罕哈麻爾陶賴投濟一帶。各設卡倫安置弁兵。輪流更換。以資哨望。再查我軍十二營盤。自東至西。首尾驟難相應。臣於各標營兵內。除損傷有病之兵。現在調養外。批得精兵一萬一千餘名。派出九千名。令總兵官張元佐樊廷顏清如曹勳分領防禦。東西中三處聯絡。應援得音。紀成斌但言批出精兵一萬一千餘名。其固守營盤若干。并安西肅州之兵六千人。作何分駐之處。並未詳晰。且收放官羊之鄂爾多斯餘丁。被擄逃回。則名廠收放之兵。亦必有被賊擄去者。其陣亡若干。被創若干。皆未言及。著傳諭大將軍岳鍾琪。逐一查明。據實密奏。如戰陣傷損之兵。內有殘廢者。照例給與半餉。其被擄逃回之鄂爾多斯餘丁。著送來京。有詢問之處。單噶爾降夷托克托和及所獲賊夷布庫。著一併解京。○甲辰。

孝康章皇后忌辰遣官祭

○移福建臺灣淡水同知駐竹塹添設臺灣  
灣獨霧揀鹿仔港竹塹八里坌大社四處巡  
檢各一員從福建總督劉世明請也○乙巳  
諭大學士等駐藏之官弁兵丁等已經數年  
未曾更換朕心深為軫念查從前派往之兵  
係陝西一千名四川一千名今陝西兵丁現  
有征勒準噶爾之事難以派往西藏四川新  
募充伍之兵甚多著提督黃廷桂巡撫憲德  
酌量於新舊兵丁內揀選二千名前往西藏  
將從前駐藏之兵換回其弁員等自總兵以  
至千把亦應更換若大員內一時不得職銜  
相當之人可揀選幹員加銜委署前往○諭  
貝勒頗羅鼐朕為統一天下之主凡四海生  
靈一視同仁無分中外乃者附近帕爾城之  
布魯克巴地方人等起釁搆兵互相仇殺朕  
聞之深為不忍軫念於懷爾能仰體朕意遠  
使與班禪額爾得尼之使一同前往和說又

遣使宣諭朕之恩德布魯克巴地方人等遂  
感悟息爭輸誠向化各部落敬順無違且  
請朕施恩訓誨朕甚嘉悅布魯克巴地方人  
等自茲以往宜各守疆界共相和睦永遠佛  
教祇奉恩綸如能體勉力行朕自益加優養  
布魯克巴之諾顏林親齊雷喇布集後身喇  
嘛渣色禮布魯克古迹等著加恩賞賜噶碧  
東羅布喇嘛率眾先歸尤為可嘉著從優賞  
給以示朕懷遠嘉順之至意爾可將此諭旨  
宣諭布魯克巴地方人等知之○雲貴廣西  
總督鄂爾泰遵旨查奏烏蒙陣亡殉難文武  
員弁遊擊劉崑馬秉倫把總周世美等忿激  
殺賊陣亡司獄陳天錫手刃妻妾隨即自刎  
通判劉鑲寶知縣賽枝大教授李焜知事劉  
懋美巡檢葉徵祚並遇害應分別獎卹遊擊  
劉崑之妻張氏義不辱賊手刃兩女復同妾  
吳氏俱自刎及恢復烏蒙搜獲劉崑之子僅  
三歲并乳母婢僕等五口現在護送至省俟

事定送回原籍行咨四川撫臣加意存恤以爲忠義者勸得旨著該部分別從優賜予卹典遊擊劉堯之妻姜兩女兒尼投命義烈可嘉著一併從優議卹○丙午吏部議覆廣東巡撫傅秦疏言瓊州府屬之崖州感恩昌化陵水四州縣水土最爲惡毒正雜佐貳各員請援照臺灣教職之例於內地調補三年任滿稱職者以應陞之缺即用應如所請從之○兵部議覆雲貴廣西總督鄂爾泰疏言兩廣交界有礦賊盤踞兩省官員互相推諉以致宵小肆行良民被擾請於潯州南寧等府要害處所添設塘汛並就近抽撥兵丁召募鄉勇使各相防守庶汛地各有專責匪類無計潛藏應如所請從之○丁未春分朝

日於東郊建顯親王衍滿行禮○諭大學士等從前阿爾泰兵丁駐劄之時糧運維艱是以廷議海兵每月祇給米一斗併羊價五錢迺年以來羊價漸長所給銀兩不足羊隻之值

月米一斗亦有未敷不免半菽之虞朕心深爲軫念查察罕叟爾每年屯種所獲富有餘貯而運送糧石較前亦易著將現今調撥軍營防守之滿洲兵丁每名月給米二斗四升九合其戍守阿爾泰之滿洲兵丁每名月給米二斗至察哈爾土默特兵丁每名月給米一斗五升以示朕恩恤兵丁之意○陞正白旗內府護軍統領巴圖爲正黃旗滿洲副都統以鑲黃旗參領吳禮署正白旗滿洲副都統○授輔國公永奇女爲鄉君塔伯殷試秩四品○浙江總督李衛疏言雍正八年夏秋之交淮北山東適有水警而浙省連歲豐收請將浙省永濟鹽義二倉及附近水次各縣存貯米穀酌撥若干運往彼處平糶秋成買補在淮北需米之處米穀既多價值自平而浙省又得出陳易新彼此均有裨益從之○大計奉天直隸浙江河南山西廣西貴州雲南等省官員卓異官二十八員貪官一員

浮踪官十二員。年老官五十五員。不謹官三十六員。罷敕官十三員。有疾官二十六員。才力不及官三十四員。分別陞賞處分如例。○旌表江南泰州烈婦周德甫妻節氏。拒姦不污。被刃殞命。給銀建坊入祠。致祭如例。○戊申。免兩淮通泰淮三分司所屬莞瀆等五場。雍正七年分水災折價銀兩有差。○己酉。諭大學士等。西藏駐劄弁兵。已降諭旨更換護軍統領馬喇內閣學士僧格在藏。平久朕甚惻念。命正藍旗蒙古副都統青保大理寺卿苗壽前往替回。但二人一時回京。折任之人不能熟悉西藏事宜。著馬喇先回。留僧格協同青保等再辦事一年。馬喇僧格各賞銀一千兩。○陞鑲黃旗參領查穆素爲本旗蒙古副都統。調鑲黃旗蒙古副都統宗室滿珠錫禮爲正紅旗漢軍副都統。○湖北按察使王肅章緣事革職。陞湖南糧驛道刁承祖爲湖北按察使。司按察使。戶部議覆雲貴廣西

總督鄂爾泰疏言貴州省新設古州鎮營密。通粵西之柳慶二府所有歲需兵米若干。請於柳慶每年糶三投內支給。以粵省之穀易黔省之銀兩。所有所資。但持銀赴粵。亦有未便。應即於粵西額徵餘存銀內支出。作爲協黔兵餉。以給米價。及一切運米雜費。該管官於秋成後。照數買補。還倉。應如所請。從之。○又議覆漕運總督桂達。奏漕糧過淮。事宜九款。一。幫船到淮。原有津貼飯食之費。嗣後各幫請照例將銀呈繳。給發。不許私相授受。一。各省漕船有米數丁舵姓名等冊。向來旗丁倩人代造。科派冊費。嗣後請飭行各幫自行繕送。一。漕船抵淮。應隨到隨收。飭吏役不得留難需索。一。總漕出署。盤驗米數。短少應行緝責。令中軍官約束行枝人役。毋許索詐。分文。一。江浙糧艘由鎮江出口。方藍梟蓬。從前令催漕之員。就便查看。恐藉端需索。嗣後請俟過淮時。漕臣親加點驗。至揚州之三

空河係各省糧艘總道之所應委廉幹之員  
前往彈壓一漕船渡黃如沉地弁員不顧風  
色水勢混行催趨請照例議處或有疎虞加  
倍治罪一漕船渡黃之後至白洋河及臺莊  
八閘俱係逆流水急必須添催人夫往往升  
兵串同人夫勒索請於重運北上之時將宿  
遷營遊擊委駐白洋河徐州營副將委駐臺  
莊八閘稽察約束儻有徇縱一併參處一各  
省應造漕艘務將價料照數給發毋許需索  
使費如造不合式將監造官參處至空船南  
下漕臣逐加查驗諭令歸次連領三修銀兩  
上緊加修接濟新運如旗丁有以朽腐漕艘  
撞觸民船借端勒索者將該幫弁丁究處一  
漕船出運各衛倉定正副二丁赴次交兌如  
有革丁矜監等竄身入幫即行拏究運官不  
行查拏一併究治均應如所請從之○廩成  
吏部議覆四川巡撫憲德疏言川省俱設雙  
流等一十四縣內平武縣所屬之村鎮多有

離縣遠應改隸近縣者請將關家村石子  
村檢石壩紅豆樹等處歸江油縣管轄插鼓  
坪鄧家渡等處歸石泉縣管轄青蓮壩五郎  
溝等處歸彰明縣管轄再彰明與龍安府附  
近并請改隸龍安管轄均應如所請從之○

辛亥

上親耕藉田詔

先農壇致祭畢更服至耕所仍行四推禮畢

上御觀耕臺命莊親王允祿裕親王廣祿信郡

王德昭行五推禮吏部左侍郎宗室普泰大

學士兼理戶部尚書事務將廷錫禮部尚書

常壽兵部尚書金以坦刑部尚書勵廷儀工

部尚書張大有都察院左都御史三泰通政

使司通政使留保大理寺卿苗壽行九推禮

各以次耕如儀

上御齋宮順天府官員率耆老農夫行禮畢至

耕藉所農夫終畝王以下各官行慶賀禮賜

茶停止筵宴○壬子以翰林院檢討張若瀛

充日講起居注官○添設湖南六里吉多坪同知一員。經歷一員。排補美隆團寨二處。巡檢各一員。從湖南巡撫趙弘恩請也。○癸丑陞翰林院侍讀學士王蘭生爲內閣學士兼禮部侍郎。仍留安徽學政任。以兵部右侍郎任蘭枝兼內閣學士行走。○吏部議覆江西巡撫謝旻疏言江省十三府屬向各有道員兼轄。續經裁缺歸併。現今南昌撫州建昌袁州瑞州臨江廣信吉安八府地方遼闊。皆無本管道員。則守令無所稽查。請將南昌撫州建昌三府歸於督糧道袁州瑞州臨江三府。歸於鹽驛道廣信一府。歸於饒九南道吉安一府。歸於贛南道。各令就近管轄。應如所請。從之。○戶部議覆四川巡撫憲德疏言貴州永寧縣業經歸四川管轄。川省錢糧現來蠲免之旨。則永寧縣八年分額徵請一例。蠲免以廣恩施。應如所請。從之。○寧遠大將軍岳鍾琪摺奏軍機事宜十六條。一吐魯番地方

饒沃宜廣爲屯種。一吐魯番通伊里之路。逆夷出入經由。必須嚴設卡倫。一準噶爾所屬回子。先宜收撫。一巴爾庫爾等處宜多派兵丁以分戡守。一襲擊逆夷使其不安。駐牧。一駐劄吐魯番兵丁之駝馬宜酌定數目。一領兵官員請爲添派。一牧放馬駝羊隻應嚴加防範。一酌添羊隻以資兵食。一巴爾庫爾之新城宜積貯糧石。一綠旗兵之餘丁無庸添設。一車兵之器械請爲酌增。一移兵駐劄吐魯番宜預爲定期。一屯種之農具籽種宜預爲辦運。一吐魯番巴爾庫爾兩處駐防宜預聲息。一進勦兵數宜預爲酌定。得旨大將軍岳鍾琪陳奏軍機十六條。朕詳細披覽。竟無一可採取之處。朕心深爲憂煩。岳鍾琪以從前輕言長驅直入之說。又爲賊夷盡趕駝馬。既恥且憤。必欲襲擊進勦。勉強復前說。若以今日之勢。命伊統率大兵直搗巢穴。能保其必勝乎。辦奏之事。皆未妥協。大學士等將

朕旨傳諭之○廣西巡撫金鉉題報桂平梧  
海南柳慶恩泗九府鬱林一州開墾雍正七  
年分田地八百六十頃有奇下部知之○乙  
卯

上辛圖明園○遣官祭

歷代帝王○遣官祭

關聖帝君○諭大學士等陝甘二省年來辦  
理軍需雖皆動用正項錢糧民間無絲毫之  
費然輸挽糧運伺候差徭不無勞苦朕已降  
諭旨加恩獎卹但必得地方大吏仰體朕心  
凡料理軍務固不可任其延緩而過於迫急  
未免擾民查核錢糧固不可聽其浮銷而過  
於苛刻則必致剝民督撫等大員嚴緊一分  
則州縣官必於百姓加緊一倍如能寬容一  
分則小民必得一分之惠武格馬爾泰二人  
急公之心皆切但恐諸事過於苛迫可將朕  
旨傳諭凡承辦州縣或於原額之外遲緩無  
多而其人之才有可用者不妨姑示寬容其

開銷物料腳運之費亦必斟酌時價不可刻  
意核減但此旨不可宣露於人恐有不肖之  
州縣借此遷延浮冒其漸不可長也○諭管  
理旗務大臣等朕因八旗兵丁不甚整齊曾  
屢降諭旨命都統等善為訓練俾各兵丁俱  
成精銳乃至今尚未整齊此皆都統等未嘗  
悉心訓練之所致也著傳旨與八旗都統等  
於馳騎營兵內擇其年少無疾騎射不堪不  
能滿洲蒙古言語之人滿洲蒙古每旗合派  
一百名共八百名八旗漢軍合派二百名共  
一千名在西廠子聖化寺等處設立一營令  
其學習一切技藝更於馳騎營官內擇其  
年少而行走怠惰者滿洲旗各派二員蒙  
古漢軍旗各派一員令與兵丁一同學習  
使人人皆成精銳至於八旗前鋒護軍內騎  
射稍優平力精壯人材可觀而未經學習勤  
苦之人有願入其中學習者亦著挑選一千  
名另立一營令其學習其前鋒統領護軍參



領副護軍參領護軍校之內有願與兵丁等一同在彼學習者每旗各派二員此項兵丁諸處俱不得差違每日學習騎射所用之馬令伊等親身飼養以習勤苦營內一概不許漢語惟習清語武蒙古語其教習趨走起距及清語等事於索倫新滿洲烏拉齊內挑選好者分爲三四班令其教習至於總管二營不必派委都統等著將領侍衛內大臣散秩大臣職名開列朕酌量派委令其管理（丙辰吏部議覆署直隸總督唐執玉疏言天津直隸州係水陸通衢五方雜處事務繁多辦理不易請陞州爲府設知府一員糧捕通判一員經歷一員教授一員訓導一員附郭置州學正爲教諭此新設一縣同該州原轄之青縣靜海及滄州南皮鹽山慶雲二州三縣統歸新陞之府管轄其舊設之河間府海防同知應就近改屬天津天津舊設之州同吏

目應請裁汰再霸昌道屬之寶坻縣廣袤六百餘里其毗連之梁城所距寶邑甚遠一切公務該縣不能兼顧請將寶坻縣之江窪口起至西頭莊止路南一帶劃歸梁城縣改所屬縣設知縣一員典史一員教諭一員訓導一員舊設所千總一員應請裁汰均應如所請從之尋定天津新陞府曰天津梁城所新改縣曰寧河○戶部議覆署兩江總督史貽直疏言欽縣未完地丁銀共二萬六千餘兩俱係逃丁絕戶老幼廢疾無遺之項據兩淮行鹽之欽商黃光德等具呈願爲代輸應如所請黃光德急公好義應量加議敘得旨兩淮鹽商數年以來屢加恩恤並查免陋規數十萬兩商人感激情願捐貲以佐公事朕再三諭止而該督撫等僉稱與情踴躍不能自已因令其即於本地辦理鹽義倉等務使其鄉人咸霑利賴近聞其中富商固有餘貲而無力商人務捐助之名轉於正課有未清者

已諭該督撫留心體察今黃光德代翰一項  
有無抑勒勉強情事著高其倬伊拉齊查明  
具奏○山西巡撫覺羅石麟疏報朔州於二  
月初四日馬邑縣於二月初六日各有慶雲  
呈瑞光輝燦爛經久不散下部知之 戊午  
諭大學士等準噶爾父子濟恩背天逆理發  
槍百端為邊方之巨患朕歷述

先志綏靖西陲特遣兩路大兵聲罪致討數年  
以來慎選將士輓運軍需區畫周詳備辦饒  
裕而三軍之氣鼓勇直前人人思奮朕常教

以古昔聖人之訓臨事而懼好謀而成天道

惡盈謙冲受益軍氣當壯而軍心則不可驕

此我將士及在廷臣工所共聞者也上年正

月間西路大將軍岳鍾琪奏報雍正七年十

二月二十八日夜巴爾庫爾軍營有紫氣祥

光綿亘東北歷四時之久光華絢爛二月間

又據署總督查郎阿奏報鞏昌府屬之靖遠

衛紅嘴子地方乃黃河過浪之所每年正二

月間東風解凍河水漸薄水橋既難行走渡  
船又難撐駕行李停滯歲以為常乃今年正  
月官運糧車至此水忽開融舟行無阻誠從  
來未有之奇過等語朕覽奏不敢遽以為喜  
輒行宣示於外特命封貯內閣以待大軍凱  
旋即此可以知朕心矣此番西路撥派之將  
士皆遴選訓練之精銳其氣勢倍覺壯盛遂  
未免有恃強輕敵之心以致賊人乘我不備  
侵犯汛界搶掠牧場并傷我兵弁豈軍志驕  
矜有干威滿之戒

天心特以此示儆耶上年被賊侵擾之處朕與

大將軍岳鍾琪等不能計慮於事先實難辭

疎忽之過至於軍營牧放駝馬最宜布置有

方乃以牲畜置於賊人來路之旁又與大營

相隔遠被賊人乘機盜竊則審度形勢之

謂何岳鍾琪更難辭咎又如達爾統領噶斯

之兵曾奏請製鞞皮套等物以為兵丁手足

禦寒之具而西路兵丁去冬出戰之時冒犯

水雪手足凍傷者多有則亦大將軍未嘗留意於平時也。凡此既往之錯，追悔無益。從未勝員乃兵家之常，禍福有倚伏之理。從前固疎忽而致虧損，將來自可固小警而成大功。惟望合營將士等以敬慎之心，辨理戎事，以忠義之勇對越。

上天自可仰蒙

上帝慈悲，默垂保護。書經云：

皇天無親，惟德是輔。況準噶爾登其所有甲兵，不過三四萬之衆，即以上年之事論之，小象零數多卜，係伊防守西拉百爾要地之首領，乃於冬間傾其人衆犯我卡倫我軍，以數百人圍守小營，彼不能奪，竝不敢萌窺大營之念。僅於中途以全力邀截我師，四路畢集而我總兵官吳廷張元佐等以數千人擊敗彼數萬之衆，則賊之力量伎倆不過如是而已。蓋彼之所長在於偷盜駝馬而我師一時失於防範，遂爾墮其術中，竝非彼之兵力有餘。

也。觀賊之虛張聲勢，分兵侵擾，噶斯卡倫窺伺圖呼魯克之糧石，我師以百餘人即可防守而追逐之，則更鼠竊狗偷之行，不堪之甚者也。總之行軍之遠，心不可驕而氣不可餒。凡我將士務去從前驕矜之心而鼓將來勇敢之氣，候朕徐濟籌畫，必有蕩寇萬全之勝策。俾將士等歡欣鼓舞，奏凱歌而膺爵賞也。其軍營得傷患病之兵丁，著用心調治，務令痊可。朕正籌畫加恩使之更換休養，以恤勤勞。著大將軍將朕此旨通行曉諭，出征將弁兵丁知之。又諭從來備辦軍需於地方不無勞費，朕深知其弊，惟恐累及民間，是以於征勦準噶爾之舉，悉心密籌於數年之前，一絲一粟皆用公帑而民間竝不知國家將有軍旅之事。從來未聞預備軍需地方能如此毫不騷擾者也。此天下所共知，更爲三泰百姓所深悉者。及至大兵既出時，日既多，號粟飛，多貽車秣馬，雖不取辦於民財，恐不免借

資於民力此亦事勢之不得不然祇以旱暵  
爾狡獪光頌父子濟惠實蒙古之巨患為國  
家之隱憂若因循苟且縱賊養毒則狡寇一  
日不滅邊境一日不寧即內地之民亦一日  
不得休息此朕熟思詳審至於再三而出於  
萬不容己者豈非好大喜功利其民人土地  
而為此舉也即以上年之事言之賊夷先遣  
使臣詐稱求和及朕降旨暫停進兵而賊衆  
乘我不備大肆猖獗然則此等狡寇固可置  
之度外聽其貽害於邊方哉即此愈見

聖祖皇考當年不得已之情朕今日繼承

先志不能不辦理之苦衷也惟是國家設兵所  
以衛民今因用兵而有不得不資民力之勢  
朕心實為憐憫是以年來屢蠲陝甘二省額  
徵錢糧使羣黎均沾膏澤而三秦紳士庶民  
感激圖恩兼明大義踴躍趨事志切急公二  
十年來如一日朕實嘉之如昨歲據督撫奏  
報甘肅士民等有願捐車輛以資轉運者有

願捐草束以供芻牧者朕皆降旨一一照數  
給與價值而其服勞宣力之誠個亦大可見  
矣今年添辦軍需朕又切諭督撫有司等體  
恤民情不得絲毫擾累其糧餉運費特令加  
增價再有不敷仍令採實陳奏無非軫念民  
勞之意惟望陝甘二省紳士庶民等歡欣鼓  
舞勿懈初心則和氣致祥仰邀

天眷不數年間必見膚功克奏不但邊域內外  
共享寧靜之福即爾等世子孫永保安居  
之樂矣查雍正九年甘肅所屬額徵錢糧業  
已全行蠲免西安所屬額徵錢糧前降旨蠲  
免四十萬兩者再蠲免四十萬而以昭朕體  
恤之恩該督撫務飭有司敬謹奉行使閭閻  
同受實惠併將此旨刊刻頒布俾陝甘二省  
遠鄉僻壤之民共知之○又諭上年臘月平  
噶爾侵犯卡倫署大將軍紀成斌調取肅州  
安西兩路兵三千名前赴軍營備用據署總  
督查郎阿奏稱兩路弁兵起程時衣裳之費

分別借給銀兩俟將來按數扣除朕思準噶爾之事起於倉猝兩路弁兵於盛寒冬月前赴軍營日期忙迫深可軫念所借銀兩悉著賞給不必扣除並將該弁兵分別加賞銀兩著大將軍傳問伊等或本人在軍營自領或其眷屬在家支領悉從其便已未

孝昭仁皇后忌辰遣官祭

景陵諭內閣上年秋月山東地方山水為患

即聞河南亦有數縣被水朕以總督田文鏡

身在地方自能經理妥貼冬間見總督邁柱

奏摺知豫省被水之民有覓食餬口於湖廣

者該省已陸續資送回籍朕又切諭田文鏡

督率有司加意撫恤且念豫省連歲豐稔今

不過數處歉收自可支持度日不致困窮夫

所以未遣專官前往查賑今聞祥符封邱

等州縣之食窮民沿途求乞而村鎮中更有

賣鬻男女為山陝客商買去者田文鏡欲將

說合之中保媒人拘拏懲治至於鄉村有糧

之家多被附近窮民呼聲觀觀於昏夜之中適勒借貸有司不能究問朕聞之深為駭異朕以愛養百姓為心惟恐一夫失所即如上年直隸山東江南被水之州縣朕皆疊沛恩施豈獨於豫省之民靳茲膏澤田文鏡近來年老多病精神不及故為屬員所欺誑耳夫賣男鬻女之事在平時亦有之此乃出於本入之情願非官長所可禁止者至於荒歉之歲自以撫綏安插使民不至離散為第一義若不能撫綏安插而但禁其賣鬻子女以避離散之名是絕其生路也豈為民父母者所忍言乎刑部侍郎王國棟向曾在豫省居官著給與欵差大臣開防馳驛前往被水之州縣一一查明飛飭該地方官動用本地倉穀錢糧核實賑濟務使窮民咸登衽席不得稍有遺漏俟麥熟之後奏聞停止儘地方官奉行不善怠忽從事者王國棟嚴叅重治其應行緩徵之州縣著傳朕諭旨即行緩徵以

免追呼之擾。調江蘇布政使高城爲河南布政使司布政使。陞江南淮徐道白鍾山爲江蘇布政使司布政使。署河南布政使陳世倬仍回河南按察使任。予故兵部左侍郎正黃旗滿洲副都統永壽祭葬如例。庚申。以吏部右侍郎吳士王兵部右侍郎任蘭枝俱督署刑部侍郎事。以故喀爾喀輔國公根敦子薩木畢爾襲爵。辛酉。兵部遵旨議奏西路陣亡將弁署叅將徐宗仁應贈爲署副將。給卹銀六百兩。署守備劉貴才應贈爲守備。給卹銀四百兩。各廕子弟一人。以守備用。署守備劉芳雨李國勳應贈爲守備。各給卹銀三百兩。千總王大謀徐維新均贈爲署守備。各給卹銀一百五十兩。外委把總方正劉世勳均贈爲千總。各給卹銀一百兩。俱廕子弟一人。以衛千總用。其餘宗仁等祭葬銀兩。行文禮部工部照例奏明賜卹。從之。

壬戌清明節遣官祭

永陵

福陵

昭陵

昭西陵

孝陵

孝東陵

景陵。諭大學士等國家教養將士。加恩於平時。原欲其有勇知方。緩急可恃。以備千城之選。果能臨戎遇敵。奮勇先登。勞績戰功卓然。可紀尤當沛以殊恩。優加體恤。以獎忠誠。而裒壯畧也。上年冬。底畢爾之事。總兵官樊廷等已頒諭音厚。加爵賞。并令戰陣有功之弁兵。更換休息。中有假冒水雷。觸犯鋒鏑。而損傷手足者。令軍營加意調治。送回本汛。著大將軍岳鍾琪將此。次隨樊廷。張朝良等禦賊有功之將弁兵丁。皆一一查明。應令各回本任。本汛著另選撥以代之。朕又思川陝二省。地方數千里。甚爲遼闊。今西邊有難。

理軍需之事總督一員難於控制向來川省曾設總督今仍著添設四川總督一員即以提督黃廷桂補授四川提督著陝西固原提督紀成斌調補陝西固原提督著陝西肅州總兵官樊廷陞授陝西肅州總兵官著四川重慶總兵官張朝良調補四川重慶總兵官著江南漕標副將馬義陞授侯石雲俾馬紀勲等到軍營之後樊廷等各回新任紀成斌未回四川之先其提督印務仍著黃廷桂兼管青海輔國公額喇卜坦故遣官致祭

旌表江南烈婦江寧縣金升妻許氏絕粒完貞歛縣吳宣來妻朱氏白經守節休寧縣楊恂妻金氏絕粒殉夫宿州趙佐妻戴氏自縊殉夫江南烈女兵爲州童文成聘妻卞氏王道聘妻謝氏建平縣宗茂松聘妻王氏俱夫亡聞訃矢志投繯來安縣葉觀光聘妻周氏未婚夫故絕粒捐軀各給銀建坊入祠致祭如例○癸亥諭八旗大臣等滿洲蒙古漢

軍及包衣佐領下家人內有漢仗好行走歷練能受辛苦且長於鳥鎗弓箭者著揀選二千名發往西路軍營備用此挑選時聽伊等家主及本身情願入選者即著賞本主銀一百兩伊等凱旋之日俱准爲另戶再每口賞伊本主銀一百兩至伊等前往軍營一切錢糧馬匹器械銀兩等項著照馬甲之例另行賞給○雲貴廣西總督鄂爾泰疏奏勦擒攔壩有功文武官弁并陣亡陣傷官兵請分別議敘賞卹下部知之○嵩齊忒扎薩克郡王阿噶尼斯達故遣官致祭

大清世宗敬天昌運建中表正文武英明寬仁  
信毅大孝至誠憲皇帝實錄卷之一百四

聖祖仁皇帝恩養教訓四五十年練習武藝非  
比從前之怯懦去歲準噶爾賊人乘西路軍  
營不備盜竊馬匹總兵官樊廷等率兵二千  
披援卡倫與二萬賊兵交戰殺賊甚多旋即  
遁歸僕賊人入爾等遊牧之地爾等當乘時  
努力報恩雪耻朕遣兵進勦準噶爾原非利

聖祖仁皇帝恩養教訓四五十年練習武藝非  
比從前之怯懦去歲準噶爾賊人乘西路軍  
營不備盜竊馬匹總兵官樊廷等率兵二千  
披援卡倫與二萬賊兵交戰殺賊甚多旋即  
遁歸僕賊人入爾等遊牧之地爾等當乘時  
努力報恩雪耻朕遣兵進勦準噶爾原非利

聖祖仁皇帝恩養教訓四五十年練習武藝非  
比從前之怯懦去歲準噶爾賊人乘西路軍  
營不備盜竊馬匹總兵官樊廷等率兵二千  
披援卡倫與二萬賊兵交戰殺賊甚多旋即  
遁歸僕賊人入爾等遊牧之地爾等當乘時  
努力報恩雪耻朕遣兵進勦準噶爾原非利

聖祖仁皇帝恩養教訓四五十年練習武藝非  
比從前之怯懦去歲準噶爾賊人乘西路軍  
營不備盜竊馬匹總兵官樊廷等率兵二千  
披援卡倫與二萬賊兵交戰殺賊甚多旋即  
遁歸僕賊人入爾等遊牧之地爾等當乘時  
努力報恩雪耻朕遣兵進勦準噶爾原非利

敕修

雍正九年辛亥三月甲子朔諭喀爾喀玉貝

勒等爾喀爾喀原係大部落因爾等先世但

知好佛誦經廢弛戎務曾被噶爾丹戰敗爾

等受

聖祖仁皇帝恩養教訓四五十年練習武藝非

比從前之怯懦去歲準噶爾賊人乘西路軍

營不備盜竊馬匹總兵官樊廷等率兵二千

披援卡倫與二萬賊兵交戰殺賊甚多旋即

遁歸僕賊人入爾等遊牧之地爾等當乘時  
努力報恩雪耻朕遣兵進勦準噶爾原非利

大清世宗敬天昌運建中表正文武英明寬仁  
信毅大孝至誠憲皇帝實錄卷之一百三



其土地人民特爲爾等不能安寧之故耳其深悉朕意各加奮勉毋忽○乙丑命左副都御史二格協辦肅州軍需事務○大學士等議覆廣東巡撫鄂彌達疏言烏鎗一項禁例甚嚴但廣省之瓊州孤懸海島外與交趾連界內與黎人錯處居民多藉烏鎗以爲防禦之具似未便照內地一例收繳請將民間現有烏鎗令報明地方官注冊并令地方官嚴飭保甲於十家牌內開明數目一戶止許藏鎗一標其餘交官收貯如違禁多藏察出照例治罪至關隘搶竊案內執有烏鎗者本罪應擬絞監候不可再行加等者仍照例定擬外其徒罪以下俱於各本罪上加二等發落如有將烏鎗資助盜賊者與本盜一例同科該地方官有失於覺察及諱飾等情照例降調應如所請從之○豁免河南蘭陽縣浮沙地畝額賦二千五百兩有奇○旌表直隸新城縣烈女梁玉養女閔氏姊妹拒姦同時被

刃各給銀建坊入祠致祭如例○丙寅諭大學士等寧遠大將軍岳鍾琪先後接到所降諭旨辦理諸務雖較之從前所奏畧有頭緒而中間尚有錯謬之處如將肅州駐劄之固原寧夏兵丁二千五百名撥到軍營者原以補缺少原額也又奏稱將此二千五百兵與撥出口之西安兵一千名涼州兵五百名駐劄圍呼魯克毛垵圍等處若北路一有調遣即將此兵丁從庫庫拖米一路赴河濟卡倫應援如四千名兵尚不敷用再於軍營內挑選精兵四千名於哈喇烏蘇直赴畢濟卡倫應援等語北路滿漢兵丁及察哈爾等處兵丁三萬餘名加以喀爾喀數萬之衆豈有尚資藉於西路應援之理設賊人果傾其全衆犯我北路則西路之師自應直向本魯河賊人留駐之所及伊爾布爾和卻放卡之處擒獲其牲畜勦滅其人衆又何暇分其兵衆以作應援之師乎且濟濟畢濟去北路大軍之

營尚遠賊人豈能越我軍營而至而勞西路  
應援之兵乎此等設施實未妥協至請將滿  
洲歸化城兵丁交與常齊帶領至安西駐劄  
與賊意相符及將圖呼魯克糧石運交軍營  
收貯所議亦爲允協應照所請行○丁卯更  
部議覆廣西巡撫金鉞疏言東蘭州新改爲  
流水土最惡所有正雜各官請於桂平等五  
府二州內揀選調補五年俸滿果能有益地  
方請於題咨到部之後即行陞用應如所請  
從之○免直隸故城清河二縣雍正八年分  
水災額賦有差○免江南江淮興武二衛應  
追旗丁歷年夫料銀十萬八千兩有奇○陞  
表河南登封縣烈婦趙毛兒妻劉氏強姦不  
從被勒殉命給銀建坊入祠致祭如例○戊  
辰諭大學士等詳噶爾賊人留守駐防木魯  
河又於伊爾布爾和鄂安設卡倫駐聲言欲  
犯北路朕料其詭計仍欲來犯西路也蓋生  
芝之脫回木必非賊之故縱令其傳述此信

以懈我西路防範之心爾等可傳諭岳鍾琪  
不可稍存輕忽之心賊夷率衆來犯如萬數  
無多西路之師固足抵禦勦賊即領衆而來  
亦不可即調北路之兵恐賊兵復以大隊犯  
北路北路兵力不分方可全力擊勦至面路  
軍營現今兵馬果否數用亦應詳審確實無  
致臨時周章又補撥兵丁原額或用本省之  
兵或用鄰省之兵或行召募令岳鍾琪詳議  
具奏○己巳吏部等衙門議覆浙江總督李  
衛條奏江南蘇郡地方營制事宜一蘇州係  
財賦重地五方雜處其最難者莫如胥閹二  
門稽查彈壓文武官弁均不可少請添設蘇  
州營守備一員把總二員外委把總二員分  
汛駐防并請將蘇州府經歷移駐社壇地方  
專司巡緝一蘇州舊設城守二營請將左軍  
改爲中軍以新設之守備爲左軍將許璽闈  
汎把總一員外委把總一員及原防兵丁歸  
併管轄統成三軍營制一胥閹門外應添水

陸防汎請將提督衙門向設塘撥兵一百二十名蘇州巡鹽兵二十名壯丁五十名撥入左營酌量水陸分汎駐防一游豐關之東黃埭一帶向設巡船二隻請給與腰牌以為憑信如無腰牌而冒充巡役及雖有腰牌而擅將查出私貨入己或受賄徇縱者分晰查究如管關官員不能禁止巡攔作弊文武官弁不能查拏匪類冒充一併議處一各處青藍布疋俱於蘇郡染造端坊多至四百餘處端匠不下萬有餘人多係單身為合防範宜嚴請照保甲之法設立甲長坊長與原設坊總互相稽查一端匠多係外來傭作必由人引進號曰包頭應著落包頭查明來歷取具互結送駐防文武員弁存案以便稽查均應如所請從之○免直隸交河縣雍正八年分水災額賦有差 旌表正白旗漢軍烈婦徐永德妻趙氏拒姦不污投繯明志給銀建坊入祠欽祭如例 庚午雲貴廣西總督鄂爾泰

疏奏征勦米貼逆夷有功文武官弁並陣亡陣傷漢土兵丁請分別議敘賞卹下部知之○平未免直隸蔚州西寧雍正八年分水災額賦有差 癸酉正白旗蒙古都統巴爾米忒緣事革職陞正白旗護軍統領魏驪為本旗蒙古都統 甲戌裁福建總督衙門筆帖式四員從福建總督劉世明請也 乙亥諭大學士等寧遠大將軍岳鍾琪署總督查郎阿因聞賊營脫回兵丁藍生芝傳訛噶爾丹策零帶領部落家口移住哈喇沙爾并有四月初一日小策零致多卜會兵去犯北路之言著畫四條具奏隨傳問多爾濟波羅特據稱哈喇沙爾係回子所住耕種之處相近有小城名科魯勒克其地氣候炎熱又甚隘小僅可容千餘家四面係開種田畝不能牧放多爾濟在哈喇沙爾居住最久波羅特亦親聽彼地人傳說二人之言的確與否雖未可必然大約其地之不甚寬大可知噶爾丹東

零若欲移住於此必率其全部而來少亦一  
二萬人哈喇沙爾果能容此大衆乎且以情  
理論之伊里爲賊之巢穴西北與圖爾古特  
哈薩克接壤皆賊之讎國噶爾丹策零又  
安敢舍其巢穴而遠居於哈喇沙爾乎如果  
率其大隊住於吐魯番相近之處則賊之注  
意在我已爾庫爾軍營而岳鍾琪乃云賊人  
由吐魯番一路直侵哈密截我營站乘勢侵  
擾安西肅州沿邊一帶等語據多爾濟波羅  
特俱云哈喇沙爾至吐魯番雖有路徑皆係  
沙磧其自吐魯番至哈密一由沙磧大隊難  
行一沿南山條一線細路又須仍從已爾庫  
爾經過然後得達二人之言果確則賊衆不  
能從哈密沙爾直至吐魯番而吐魯番一路  
不能直侵哈密也明矣設賊人欲侵犯哈密  
已爾庫爾大營之大軍豈竟任其出入而令  
阻截臺站乘勢侵擾安西肅州乎至云賊人  
以大隊全赴西路攻我軍營賊勢甚衆我軍

衆寡莫敵當恃重我嚴整壁固守一面知會  
北路遣兵應援一面飛調綠旗滿洲蒙古兵  
下由無克克嶺三面夾擊等語從前事起倉  
猝彼時軍營兵馬無幾是以諭令岳鍾琪僅  
賊夷以大隊再犯當恃重堅守以待應援今  
則現在軍營馬步車兵約有一萬九千餘名  
加以安西甘肅之兵六千名續派兵四千人  
共二萬九千名是兵不爲寡矣夫樊廷以馬  
步二千敵彼二萬轉戰七晝夜猶足以相當  
乃以二萬九千人之衆而云衆寡莫敵何慚  
怯至此且從前尚欲直至伊里揭其巢穴豈  
有賊人來至數百里內而無勦殺之策轉登  
壁而不出乎獨不思我軍堅壁不出僅賊但  
虛張聲勢作攻我軍之狀而分其衆以侵擾  
圖呀魯克塔爾那沁哈密等處阻截營站斷  
我音問此時將任賊於軍營近地肆行無忌  
乎岳鍾琪又欲以圖呀魯克毛城圖及安西  
之滿洲蒙古官兵由無克克嶺會夾擊賊

人若果至已爾庫爾賊即敗逃亦從湖舍圖一路直走伊爾布爾和卻而遁無克崩相去二三百里安所得夾擊之又云賊夷或令吉穆察之兵侵犯軍營而以哈喇沙爾之賊侵犯青海查哈喇沙爾之至青海必由噶斯噶斯之口甚隘斷不能行且賊人既遣人侵犯大營彼豈不慮我軍之勦殺自必留哈喇沙爾之眾以為應援又何敢分其眾侵犯青海乎至慮賊之率其醜類悉赴沙洲等處元為背謬賊若由噶斯伊孫察罕齋老圖而進則此數路斷難容走萬餘人若由大道而來又不知何法可以越我已爾庫爾軍營而過也岳鍾琪於口外地方形勢茫然不知於軍務機宜亦覺昏憤凡已爾庫爾軍營築城之要策及大軍勦賊之勝算並未籌及而但將旁枝末節盡篇累牘備極周詳披覽之下實為煩憂如藍生芝所聞賊人有搶卡倫牲畜踐踏禾苗之語不思賊人若來搶奪我卡

倫牲畜我獨不能勦戮此搶奪之賊乎賊人可以踐我禾苗我不可以乘其踐踏而搶之乎岳鍾琪何以但能慮賊而不知籌己也又藍生芝云有哈密回子報信領路等語哈密回子之不可信由來已久亦當諒其苦情蓋其力量微弱遠準噶爾之凌虐恨之入骨而畏之如虎其或偶然通信於賊者乃恐懼之至為將來自全之計我軍固不可不留意防然不可使彼有疑懼之心我之軍力能庇護哈密哈密自不為賊人所用岳鍾琪不必因藍生芝之言而深究也至西鳳二府運糧一事原因於念甘肅連年饑運軍糧民間無煩擾是以特命范時輝到彼協同巡撫武格侍郎馬爾泰將西安鳳翔二府米石運至甘肅涼州以資軍食武格等議行本運之法俾西鳳二府官民任轉運之勞甘肅地亦少得息肩朕意深以為然今岳鍾琪查郎阿又為遮運之議是與雍正元年設臺盤運相同

將來必有激撥協濟之累或更以交接卸責  
至將米石灌水攪沙從前誤累豈可復蹈爾  
等可傳諭岳鍾琪等知之。以錄黃旗滿洲  
副都統宗室色布齊著鑲白旗護軍統領  
湖廣總督邁柱遵旨將沔陽州實在民欠糧  
銀三萬二千餘兩分晰造冊具題得旨朕愛  
養元元時下試賦鑄租之詔每思豁免舊欠  
則頑戶獨蒙恩蠲免新糧則善良均被澤此  
亦情事之易知者惟是沔陽民欠與他處不  
同該州近水常有滂溢之患朕所深悉其未  
完民欠銀兩著從寬豁免。丁丑免江南建  
平縣雍正八年分水災額賦有差。戊寅工  
部議覆江南河道總督嵇曾筠會同巡撫尹  
繼善疏言江南黃運兩河工程關係運道民  
生設官分職必須因地制宜隨時通變請將  
宿桃中河通判改為宿遷運河通判安清中  
河通判改為桃源安清中河通判其海防同  
知應移駐董家營改為分管山安南岸河務

海防同知江防同知改為楊河江防同知並  
添設董家營巡檢一員把總一員均應如所  
請從之。免直隸霸州文安等七州縣未完  
民欠糧米二萬一千六百石有奇。已卯免  
黑龍江墨爾根城等處官莊雍正八年分額  
災額賦有差。庚辰諭大學士等原任都統  
覺羅佛倫於軍臺調回補授

陵覆散秩大臣同伍格總理事務。○以左春坊  
左庶子崇柱兼大理寺卿事。吏部議覆江  
西巡撫謝吳疏言江西吉安廣信二府屬皆  
有永豐一縣文移印信不無混淆請另改嘉  
名以免滋弊應如所請從之尋定廣信府屬  
永豐縣曰廣豐。辛巳

上詣

恩佑寺行禮。壬午諭大學士等紀成斌聞賊  
人侵擾吐魯番之信即令樊廷等領兵四千  
前往應援此舉甚屬錯謬朕已降旨嚴切申  
飭至於從前採買吐魯番糧石本應給與運

僱令其自送軍營乃計不出此而遣官發駝  
速行撤遣致賊人偷盜之心及至去冬逆  
夷猖獗之後猶不將辦糧之弁兵撤回此則  
疎忽錯誤之甚者也惟是朕以恬冒萬方為  
心若坐視吐魯番之被寇侵陵而不為之籌  
畫保護朕心又有所不忍從前原曾降旨與  
吐魯番人衆若畏懼準噶爾即移向近邊之  
地居住是以拖克拖麻穆忒帶領之人移駐  
近邊者皆享安寧之福可再行曉諭回子等  
伊等僱自搆力不能敵不妨仍為移避之計  
朕當從厚賞給盤費並令地方官善為安插  
使之得所若此番曉諭之後伊等仍復觀望  
則賊人再來侵擾之時聽伊等自為之計我  
軍不便護庇矣○癸未諭內閣朕欲於在京  
官員內揀選老成明白者數十員命往陝西  
內地州縣辦理宣諭化導之事著大學士會  
同該教習於庶吉士內揀選數員各部堂官  
在本部學習人員內揀選一二十員國子監

祭酒等在選拔貢生內揀選二三十員俱交  
送內閣帶領引見○免四川省所屬明正冷  
邊各土司雍正八年分地丁額賦有差○旌  
表直隸東明縣烈婦胡允爵妻趙氏強姦不  
從自縊頭命烈女趙廷桂女趙氏粹遇強暴  
拒姦被刃各給銀建坊入祠欽祭如例○甲  
申廣西左江總兵官齊元輔謀事革職調廣  
西右江總兵官蔡成貴為廣西左江總兵官  
陞湖廣長沙副將周寶為廣西右江總兵官  
○大學士等議覆靖邊大將軍傅爾丹奏言  
北路軍營邊旨築城查科布多地方接連布  
婁爾與庫里野圖相近係進兵大道請於此  
處築城應如所請從之○禮部議覆湖南學  
政習寯疏言岳州府屬之澧州先經題准另  
建考棚湖湖西六屬生童就近赴考另給岳西  
府學銓記改駐澧州今澧州改為直隸州既  
不屬岳州府管轄請將岳西府學裁去將該  
訓導仍歸岳州府駐劄其岳東府學應仍改

爲岳州府學又九齡永定二衛軍戶屯田俱散在澧州等處今二衛改爲一縣應將該衛文武舊生照依戶口田糧附近新縣者撥歸新縣遠在各屬者撥歸各屬應如所請從之○乙酉陞都察院左都御史三泰爲禮部尚書○工部議覆刑部尚書勵廷儀疏言天生五材鐵居其一用以備軍資而造器物所係甚重向例鐵貨不許私出外境而廢鐵不在禁例近聞射利之徒專收廢鐵錫化運至近邊近海地方貨賣此風漸不可長請嗣後有將廢鐵潛出邊境及海洋貨賣者照越販硝磺之律科斷以除姦弊應如所請從之○丁亥諭大學士等各督撫著於所屬地方民人內召募揀選人材壯健技勇可觀者百餘人咨送兵部奏聞候朕揀派官員訓練教習以備軍旅之用武生武童及鄉勇民壯等俱可入選每人本籍額外給與字糧一分以養贍其家口本人進京之時著督撫動支公用

銀兩賞給路費○以工部左侍郎孫嘉淦充經筵講官○授輔國公裕壽女爲鄉君塔石履升秩四品○雲貴廣西總督鄂爾泰題雲南永北府北勝土知州高煦勦賊其孫高龍躍承襲年幼請以高龍躍母木氏協理下都知之○戊子諭大學士等都統伊禮布著帶領家選兵二千名驍勇兵一百名前往西路爲副將軍若大將軍岳鍾琪有統兵行走之處著伊禮布帶領滿洲兵丁一同前往其分管家選兵護軍校延保等二十員各賞銀五百兩○大學士等遵旨議奏臣等設將襲封一二三等公十員拉伊等先世開列名單恭擬美名進呈欽定擬撰謄命給與始封襲封之員其宗室外戚公應照禮部原議宗室封爲奉恩公外戚封爲承恩公一併給與謄命得有一等公圖海定爲忠達公一等公額塔爲張精公三等公恩格德爾爲奉義公一等公額拜爲超武公一等公圖額爲雄勇公二



等公圖爾格爲米毅公三等公費英束爲信勇公三等公多尼庫魯克爲建烈公三等公和碩圖爲勇勤公一等公楊古利爲英誠公

○己丑諭大學士等察哈爾地方居住之巴爾虎護軍披甲人等內著挑選一百名巴爾虎侍衛岱鳴爾那木扎爾鄂欽敦柱克亦著派出此一百名兵丁令侍衛岱鳴爾會同該總管詳加揀查其馬匹行禮照例辦理支給外侍衛四員各賞銀五百兩兵丁一百名各賞銀一百兩令其收拾預備俟京師兵丁定有起程日期即行文知會岱鳴爾等帶領前往鄂爾多斯地方等候副將軍伊禮布領兵到時著伊禮布一併管轄帶往巴爾庫爾軍營若有行走之處著於彼處所有歸化城一千兵內殘弱者撥出百名存留營內將此一百名入於歸化城兵丁數內令其防範盜竊馬匹等事俟成功之時著侍衛岱鳴爾各帶回本處

○陸正藍旗蒙古副都統青保爲正

白旗護軍統領錄黃旗護軍叅領薩穆哈爲正藍旗蒙古副都統

○庚寅諭大學士等何祥書著赴北路軍營令大將軍傅爾丹酌量給與綠旗職銜管理九千車騎兵効力行旌

○壬辰陞工部右侍郎鄂爾奇爲都察院左都御史仍兼理工部侍郎事

○禮部議覆山西學政朱璠孫疏言山西專設運司一學自前任學政勸宗萬將民童冒籍高學者題請改歸本籍之後文武生員及應試童生爲數無多請將運學改爲中學於原額二十名之內減去八名取進文武童生各十二名原額康增各四十名應減去一半止留康增各二十缺應如所請從之

大清世宗敬天昌運建中表正文武英明寬仁  
信毅大孝至誠憲皇帝實錄卷之一百四

大清世宗敬天昌運建中表正文武英明寬仁  
信毅大孝至誠憲皇帝實錄卷之一百五

教修

雍正九年辛亥夏四月癸巳朔享

太廟遣二十四阿哥九秘行禮○河東總督田

文鏡因病乞休得旨田文鏡著暫行來京調

理伊常服按察使陳世倌方劄亦著隨其來

京河東總督之銜原爲田文鏡而設今仍以

巡撫銜著浙江布政使張元懷署理該部將

從前河南巡撫關防查出送往交與張元懷

其河東總督關防仍留豫省俟田文鏡病痊

回任之日照舊管理○以大理寺少卿孫

國璽署浙江布政使司布政使鴻臚寺卿唐

田文鏡病痊後復任總督之銜原爲田文鏡而設今仍以巡撫銜著浙江布政使張元懷署理該部將從前河南巡撫關防查出送往交與張元懷其河東總督關防仍留豫省俟田文鏡病痊回任之日照舊管理○以大理寺少卿孫國璽署浙江布政使司布政使鴻臚寺卿唐

雍正九年辛亥夏四月癸巳朔享太廟遣二十四阿哥九秘行禮○河東總督田文鏡因病乞休得旨田文鏡著暫行來京調理伊常服按察使陳世倌方劄亦著隨其來京河東總督之銜原爲田文鏡而設今仍以巡撫銜著浙江布政使張元懷署理該部將從前河南巡撫關防查出送往交與張元懷其河東總督關防仍留豫省俟田文鏡病痊回任之日照舊管理○以大理寺少卿孫國璽署浙江布政使司布政使鴻臚寺卿唐

雍正九年

程祖畧河南按察使司按察使○以故三等精奇尼哈番西靈河子黑冷特襲職○免廣西歸順土州雍正八年分苗田銀兩有差○甲午以翰林院侍讀楊炳編修顧成太俱署日講起居注官○調湖北巡撫魏廷珍來京陞廣東布政使王士俊為湖北巡撫調湖南布政使楊水斌為廣東布政使司布政使陞湖南按察使張琛為湖南布政使司布政使直隸清河河道胡濼為湖南按察使司按察使

○調白都納副都統圖爾賽來京寧古塔副都統多索禮為白都納副都統陞三等侍衛巴爾岱為寧古塔副都統○乙未諭內閣朕因直隸州縣之被水不過近河村庄其他高阜之處收成豐稔彼此可以相資不致艱於謀食是以未頒加賑之旨今聞畿南州縣之中有被水輕重之不同其被水輕者凡間可以支持而被水稍重者即有口食不敷之處即如大名府屬之長垣東明開州等處皆地

勢窪下之區失業之民甚覺艱窘恐其他州縣亦有與之相類者今去來熟之時尚有月餘應善接濟之道以資其耕作若從京師遠官分查必致稽遲時日副都統趙弘濟係上年散賑之員著馳驛前往保定會同該督唐執玉布政使王慕等查閱上年散賑檔案將其中被水稍重應行加賑之州縣一一確查明白遴選賢員星速分途前往會同該地方官或動倉穀或動帑銀核實散賑至來熟之時停止備奉行不力或有遺漏浮冒等弊經朕訪聞定將大小官員從重議處而申吏部議覆兵部左侍郎楊汝毅條奏舊例各項俸深人員俱於雙月推陞其知縣應陞之缺在京則主事中行評博在外州司知州通判遇本月所出之缺候俟陞用但中行評博其事甚簡而同知州通判則有地方之責雖均屬知縣應陞而員缺各異向來照品級考次第先儘京缺後注外缺是以歷俸最深

考推陞部寺諸員而俸次在後者轉得府佐  
州牧殊未妥協嗣復請計本月出有幾缺即  
擬陞幾人不論京缺外缺將本月缺俸擬陞  
之人吏部一體代為掣籤補授應如所請從  
之 戊戌裁廣東澄海縣東莞河泊所大使  
缺改設樟林鎮巡檢一員從廣東總督部王  
麟請也 己亥兵部議覆廣東總督部王麟  
條奏改設縣治事宜一裁海豐縣之甲子捷  
勝二所改置一縣於東海濱地方建立縣治  
設知縣一員典史一員移海豐縣訓導為新  
縣訓導改原駐東海濱千總為新縣城守營  
千總下海豐縣屬地方有附近東海濱之坊  
廊石帆吉康等三都並大要陳才雲落碌峯  
橫隴石陂黃塘賴僧朋塘上覆赤花鄉公平  
運新田埋溪上下沙等十六屯請撥歸新縣  
管理一舊設之東海濱巡檢應改為甲子巡  
檢移駐甲子城與河田巡檢俱歸新縣管轄  
其山尾巡檢改為新縣黃沙坑巡檢一海豐

長樂典寧龍川永安五縣與新縣請務應歸  
駐劄碣石之軍民同知管理一請裁平海大  
城海安大鴨雙魚五所改設平海所巡檢一  
員該所原管軍屯丁糧歸併歸善縣管理大  
城海安二所軍屯糧米歸併饒平徐聞二縣  
管理並請添設新安陽江二縣縣丞各一員  
駐劄大鴨雙魚二所城一請裁陽江縣太平  
驛陽春縣樂安驛驛丞二缺其驛務歸各該  
縣管理於太平地方添設巡檢一員以司捕  
務均應如所請從之尋定東海濱新設縣曰  
陸豐復設廣西鬱林州州判一員添設鬱  
林州撫康巡檢柳州府懷遠縣梅寨巡檢各  
一員從廣西巡撫金鉞請也 庚子諭內閣  
朕御極以來 嚮述

皇考聖祖仁皇帝入安區宇之

聖心肝食宵衣朝乾夕惕欲使薄海內外休養  
生息物阜民安永戢兵戈歲登衽席以成蕩  
平熙皞之治是以宣猷敷治之簡宏綢庶務

凡有益於民生者莫不興舉不使於民生者莫不屏除若有幾微措置失宜卽五內辰轉寤寐難安豈肯好大喜功與兵構難使百姓有供應之勞不遑寧處哉惟是鈿募乃所以安民撫內必兼手攘外此古今不易之至理帝王治世之常經凡爾百姓竊述大義者卽莫不知之不必待高遠之誡也惟彼準噶爾一部落原係元朝之臣僕其始祖曰額森額森之子托渾漸至大昆因擾亂元之宗族離間蒙古惟恐獲罪遂背負元朝之恩逃遁藏匿於西北邊遠之地煽惑匪類要結黨與自稱準噶爾當我朝定鼎之初各處蒙古傾心歸順求爲屬國獨準噶爾一部落遠越於德化之外至噶爾丹東安阿刺布坦二人則尤狡獪兇頑之甚者噶爾丹身爲喇嘛不守清規不遵佛教破戒還俗娶青海鄂齊兒國車臣汗之女爲妻又潛往青海地方賊害伊之妻各而擄其人衆又復巧構黨隘乘隙爾喀

之不備發兵猝擊以致喀爾喀人衆潰散紛紛投我天朝蒙  
聖祖仁皇帝施恩撫恤遣使前往噶爾丹處諭令戢兵和好多方開導乃噶爾丹冥頑不靈轉借追襲喀爾喀之名犯我邊汛彼時卽行剿滅復有何難我  
聖祖仁皇帝至仁如天好生爲德特遣官員前往責問是時噶爾丹惶愧恐懼設誓撤兵仍復潛住近邊暗圖窺伺且乘間搶掠蒙古杜塞保其不獲安居我  
聖祖仁皇帝始親統六師躬行天討噶爾丹逆天背理自速滅亡此噶爾丹之始末也策妄阿刺布坦者乃噶爾丹之姪也彼時旣平噶爾丹卽可鋤絕根株不留餘孽祇因我  
聖祖仁皇帝寬大仁慈赦罪宥過且念策妄阿刺布坦素與伊叔不相和睦情有可原於是加以  
天高地厚之恩將噶爾丹餘剩部落賞伊收管

此時伊力弱勢微甚為恭順其後則離間伊  
妻之父子誘其妻弟攜帶萬餘戶至伊住牧  
之地因而強佔入己由是勢力漸增竟敢肆  
意妄行窺伺青海侵犯哈密又偕兵入藏殺  
害伊妻弟拉藏汗毀壞寺廟荼毒人民我

聖祖仁皇帝特遣大臣前往詢問乃伊怒不畏  
死阻兵抗命因使臣率師甚少兵力單弱伊  
得肆其猖狂此實天下臣民所共憤者我

聖祖仁皇帝乃賜已容諭令兩路官兵姑緩前  
進以俟其悔罪輸誠若怙終不悛則命將徂  
征犁庭掃漠此我

皇考之本意也朕即位以來伊雖遣使求和而  
詐偽作姦仍復如故且將我青海叛臣羅卜  
藏丹津收留藏匿朕屢次降旨諭以定界息

兵而伊狡飾支吾巧幻百出及宋晏阿喇布  
坦身故伊子噶爾丹策零繼立其妄亂之性  
狂悖之行更過於其父其遣使陳奏之詞甚  
屬支離妄誕即如前年西藏阿爾布巴等之

戕害康濟蘇亦因與準噶爾地方相近而逃  
匿之羅卜藏丹津又係伊等姻戚彼此相俟  
是以敢於悖逆朝命而仗準噶爾以為狡兇  
之三窟也似此世濟其惡之人以逞兇狡詐  
為心以劫物傷人為事不可以德感不可以

理喻無賴無恥懷逆藏毒時時欲戕害臣服  
我朝之蒙古部落以壞我屏垣若當此可以  
經理之會而聽顧因循避與師動眾之名為

耽逸偷安之計將狡寇一日不滅則蒙古一  
日不安邊境一日不寧內地之民一日不得  
休息而首先疲於奔命者即三秦之黎庶也

即以上年之事論之賊夷先遣使臣偽稱請  
和及朕降旨停兵以待信息而彼於深冬冰  
雪之時傾其醜類乘我不備侵犯界盜竊

駝馬然則此等狡寇固可置之度外聽其貽  
害於將來乎從來窮兵黷武為聖帝明王上  
之所深戒而以大知小以強陵弱又仁人君子  
之所不忍為者况準噶爾彈丸之地遠在極

止之區得其地不足以耕種得其民不足以驅使即使歲此朝會亦不足以誇廟畧而耀武功此皆

皇考與朕熟思審處先後籌畫數十年而出於萬不得已者也惟是地方有軍旅之事屬兵秣馬諸務紛繁雖不取辦於民財恐不免借資於民力向蒙

皇考軫念黎民勞勩所以加恩而優恤之者無待朕之縷述矣朕御極之元年即將陟廿二

省康熙六十年以前民屯衛所未完銀米豆草等項悉行蠲免又將舊例應完之三釐三合免其徵收數年以來西安所屬額徵錢糧或免四十萬或免八十萬甘肅所屬錢糧則連歲全行蠲免他如展納課之定期寬帶徵之舊欠開墾地畝修築河渠悉動帑金永為民利此皆朕之加惠於黎民者可約畧舉之也即以西陲用兵之事言之北路軍需交與怡賢親王等辦理西路軍需交與大將軍岳

鍾琪辦理皆定議於雍正四年者王大臣等密奉指示一絲一粟皆用公帑製備織毫不取給於民間是以經理數年而內外臣民並不知國家將有用兵之舉及至雍正七年大軍將發飛芻乾粟始有動用民力之時朕皆敕令地方有司照數給與腳價嚴禁剋扣短發侵蝕等弊儻有不肖官員借稱軍需科派擾民者著該管大臣即行題參革職先動帑金傳集百姓如數給還朕所以為百姓防患除弊者亦極嚴切矣上年該督撫先後奏稱民人中有願捐車輛以資載運者朕皆獎以溫諭中有願捐車輛以資載運者朕皆獎以溫諭仍令照數給與價值去冬賊夷猖獗之後將來軍餉較前未免繁多又特加添運價一切軍務悉令有司寬裕辦理朕豈肯因戎事緊急稍涉推宜使閭閻騷擾於萬一哉意謂三秦庶民必能諒朕不得已而用兵之苦心悉朕不忍累民之至意矣乃近來風聞陝西之

民竟有怨朕而私相謗議者總因十數年來陝西居住之允禮塞思累年羹堯延信等皆懷扶異志已藏禍心其脅從之黨實繁有徒如塞思黑之令孤士儀年羹堯之鄒魯淨一道人延信之道姑王氏等皆公然以反叛為衆人之倡則其他匪類之造作妖言暗中煽動者又不知其幾矣地方既有毒回之人而又值軍興旁午或有司自顧考成固有奉行不善之處是以惡民無知惑於邪說溺於私情偶因用力於日前遂忘受恩於平日此亦事勢之所不免者夫秦風樸直自古為然樸則易被人欺直則善言易入祗以向來未有宣諭化導之人而該省督撫以及有司既有刑名錢穀之專責又有徵兵籌餉之軍需簿書鞅掌難於兼顧是羊鳴爾之始未邊防關係之情形

皇考與朕奉

天討罪除暴安民萬不得已之苦衷竝未家諭

而戶曉但聽僉邪小人搖唇鼓舌訛謗朝政變亂是非無怪乎草野之中被其迷惑者不少也今朕特頒此旨遣左都御史史貽直侍郎杭奕祿署內務府總管鄭禪寶率領翰林院庶吉士及六部學習人員國子監肄業之選拔貢生等前往陝甘二省開導訓諭覺悟愚蒙懷合省民人等果能篤尊君親工之義消亢戾愆懣之情將見和氣致祥必邀上天默佑迅奏膚功邊塞永寧烽烟屏息不但爾等安居樂業俯仰優游即爾等世世子孫共享昇平之樂矣至於軍需各項悉動節畧差員辦理不得扣剋短少貽累小民所降諭旨至再至三著欽差大臣悉心訪察儻有不遵諭旨即行題參或所定官價有不敷用之處亦即據實奏聞若兵馬經過之地有不遵紀律騷擾民間者小過即告知該管大臣懲治大過即行參奏不得姑容務使兵民和洽內外輯寧以迓



天麻以副朕念。辛丑兵部議覆廣東總督都王麟疏言粵東山海交錯民俗刁悍其強悍黎肖等處實有殷實商民需用烏鎗者請照瓊州定例止令長一尺五寸安置一桿赴官報明鑿字備用所有從前私藏違式烏鎗限六個月悉令繳官違者照私藏應禁軍器律治罪其命盜案內有執用違式烏鎗及未經鑿字者將夫察之地方官議處償該管官布圖隱諱不行敕入察出照諱盜例議處應如所請從之。廣東總督都王麟疏奏瓊州府海口港門東西礮臺之許壘沙一道盤繞堅厚延袤十餘里為海口增添護衛兵民莫不慶忭下部知之。壬寅戶部議覆署直隸總督唐執王會同河東總督田文鏡疏言東省卹贖之五營村莊地處極西孤懸北直界內請改歸直隸廣平總管轄應如所請從之。甲辰移廣西慶遠府同知駐宜山縣之德勝鎮添設宜山縣龍門司巡檢一員從雲貴廣

西總督鄂爾泰請也。乙巳工部右侍郎何國宗緣事革職陞內閣學士趙殿最為工部右侍郎。丙午諭兵部提督馮允中熟悉邊情老成練達但聞近患日疾行走須人扶掖於訓練操防稍覺未便西寧一驛聞係緊要其總兵官事務著德成協同辦理陝西固原提督樊廷現在軍前已降旨令回固原之任俟樊廷到任後著署陝西固原提督范時披協同馮允中辦理陝西西寧總兵官事務。禮部議覆監察御史湯侯條奏凡遇大祀中祀嗣後請令六科散給事中各道監察御史照部中例一體敬謹陪祀永為定例應如所請從之。旌表湖南茶陵州烈婦劉世祿妻李氏強姦不污被刃殞命給銀建坊入祠致祭如例。丁未諭內閣連年用兵邊塞艱累飛畧不無資於民力之處而草野之間不知軍國邊防之重許朝廷萬不得已之苦心溺於私情妄生疑議是以特遣大臣官員前赴

恭着宣諭化導務使僻壤遐陬家喻戶曉不可視為具文濫革憲責吏不可指稱公事派累地方使奉行不力而轉令地方有供應之煩是朕之違官非所以安之乃適以擾之也欽差大臣等已給與驛馬廩給其分派之官員等皆厚給公幣以為僕從車馬館餐行李之資所到地方一絲一粟不許索取該有司亦不許應付餽送僅有不遵朕旨者與受同罪決不姑貸若差往之官員等有生事滋擾而總理大臣失於覺察者朕將於大臣是問俟地方辦理軍需有騷擾民間而差往之大臣官員知而隱匿者別經發覺朕於欽差之大臣官員是問將此旨通行曉諭知之○以正監旗蒙古副都統薩穆哈著正黃旗滿洲都統○議敘雲南副平法慶逆夷功在事官員兵丁人等加級紀錄賞賚有差○已酉

考端文皇后忌辰遣官祭

昭陵鑄給四川總督關防庚戌授奉國將

軍哈子喀子托錫為奉恩將軍○辛亥諭兵部向來千總六年滿該管上司保送兵部帶領引見得以陞用其平常之員即在外着註冊朕恐此等註冊人員內尚有可用之材故降諭旨有情願赴部者令其自行赴部具呈揀選引見今兵部帶領引見之註冊千總張文煜等十員人材弓箭尚屬可觀似此等人員由兵丁歷任千總於營務已閱歷有年若非朕降旨揀選引見伊等終於不得推用殊為可惜着行文各省督撫提鎮等嗣後千總年滿時務須加意遴選出其考語咨部如人材弓馬可觀而或有行止不端廢弛營務之處亦於咨文內聲明報部存案俟該員到部時查對僅有革革忽畧出具考語不符以致人材屈抑經朕察出定將該管上司加以處分○甲寅改陝西西安府水豐倉大使為西安糧道水慶倉大使從西安巡撫武格請也○以故青海扎薩克多羅郡王色卜騰札

爾子秉凌拉布坦襲爵○予故山西提督袁立和發葬謚勤毅○乙卯議敘勒勒誠貴州八達塞逆環功在事文武官弁在江鎮總兵官恭成貴等及出征兵丁拉陣亡候補守備李文仲等分別賞卹有差○予故禮部尚書常壽發葬如例○丙辰廣東巡撫鄂彌達疏報瓊山儋州歸化等州縣生黎四百八十丁歸誠投納請入版圖下部知之○予故陝西涼州總兵官袁繼藩發葬如例○丁巳以翰林院編修王雲銘提督河南學政編修趙冕提督廣西學政編修吳延熙提督雲南學政○戊午諭內閣聞天津一帶民間漁船專以販魚爲業每年穀雨以後芒種以前是其捕取之時亦猶三農之望秋成也若此時稍有耽誤則有妨一年之生計矣日今天津運往山東積貯米糧皆藉免漁船裝載然亦當聽小民之情願勿以濟山東百姓之儲而妨直隸民生之計著直隸總督天津總兵官速飭辦

理理務人員就近酌量此時不可強催漁舟致令失業此係積貯備用之米石俟過芒種以後運送亦未爲遲其速將朕諭通行傳知○禮部議覆廣西巡撫金鉞疏言河池鎮安二府及慶遠府屬之荔波縣東蘭州太平府屬之寧明縣舊無應試童生請令外省及本省別府之人有情願入籍者咨查本省如無過犯准其編入烟戶入籍考試仍呈明學政註冊入學中舉之後照奉天定例不許撤回原籍其嫡親子男弟姪同時入籍有名者准其一體考試嗣後如有土屬內改流之州縣均請准照此例於十科後停止應如所請從之○庚申諭大學士等上午大將軍岳鍾琪在京時條議進兵事宜令河南探辦黑茶三萬五千封解送西安文興巡撫武格送呈已爾車兩軍營以備進兵賞賚之用今大將軍既等進發則茶封非所急需聞武格等以未奉部文停止仍委人員運送軍營似此不怠

之務徒多勞費第即行文前去暫行停止又  
今奉命往沃甘効力人員若在內地差違其  
力量尚可自備資斧開武格將伊等派往巴  
阿庫爾軍營亦令自出盤費並無幫貼恐微  
員等力量不敷有誤公事一併傳諭辦理軍  
需大臣等知之 諭免江南高郵山陽等八  
州縣徐州一衛康熙五十一年起至雍正五  
年止挑河築堤挖廢民田額徵銀七千七百  
兩米四百二十石有奇 辛酉以散秩大臣  
拉音署正黃旗護軍統領 壬戌諭內閣近  
見蒙古旗分人能蒙古語言編譯者甚少沿  
習日久則蒙古語言文字必漸至廢棄應照  
考試清文編譯例考試蒙古文編譯取中生  
員舉人進士以備理藩院之用如有學習漢  
書願就試漢文者照常准其考試於別部補  
用著內閣會同理藩院議奏尋議八旗蒙古  
旗分內能蒙古編譯者請照考試清文編譯  
例三年內考取生員二次舉人一次進士一

次其考試蒙古舉人進士與考試清文舉人  
進士合為一闈今滿洲坐東號房蒙古坐西  
號房取中後將滿洲蒙古各為一榜其考試  
生員派蒙古提督學政一員於清字日講四  
書內視漢文三百字為准出題一道考試舉  
人進士派蒙古主考一員蒙古同考官二員  
仍以清字日講四書一道為首題再加清字  
奏疏一道為次題俱令其以蒙古文編譯至  
生員舉人進士額數著考試官選擇應取試  
卷臨期奏請從之

大清世宗敬天昌運建中表正文武英明寬仁  
信毅大孝至誠憲皇帝實錄卷之一百六

此表係世宗皇帝御製，其文極其簡潔，而意極其深遠，誠為千古之冠也。其表之末，有「世宗皇帝御製」六字，其表之末，有「大清世宗皇帝實錄卷之一百六」六字。

此表係世宗皇帝御製，其文極其簡潔，而意極其深遠，誠為千古之冠也。其表之末，有「世宗皇帝御製」六字，其表之末，有「大清世宗皇帝實錄卷之一百六」六字。

此表係世宗皇帝御製，其文極其簡潔，而意極其深遠，誠為千古之冠也。其表之末，有「世宗皇帝御製」六字，其表之末，有「大清世宗皇帝實錄卷之一百六」六字。

此表係世宗皇帝御製，其文極其簡潔，而意極其深遠，誠為千古之冠也。其表之末，有「世宗皇帝御製」六字，其表之末，有「大清世宗皇帝實錄卷之一百六」六字。

較修

雍正九年辛亥五月癸亥朔諭大學士等據

殷扎納達羅德成馮允中等先後奏稱青海

居住之公拉查卜台吉查漢喇卜灘從校羅

木過黃河移往他處居住又聞戴青和碩齊

察罕丹津亦往他處遷移不在海流圖地方

住找因撥派兵丁官買馬羊辦理之人不甚

妥協伊等暫行躲避等語朕因上年準噶爾

乘我西路軍營不曾防備傾其醜類盜竊馳

驅因念青海各扎薩克人衆恐遭逆賊侵害

是以諭令派出兵丁為防護之計每名賞給

大清世宗敬天昌運建中表正文武英明寬仁  
信毅大孝至誠憲皇帝實錄卷之一百五

銀兩為衣裝之用其諭令採買馬羊者原欲使伊等所有牲畜得變價值可獲利益並非大兵需此些微之助也前殷札納赴西寧時朕面加訓諭一切派兵採買之事悉聽眾蒙古之便不可綠毫勉強茲慮蒙古王台吉科派所屬之人諭令嚴行禁約豈肯令差往之人逼迫蒙古以從事乎今拉查卜等無故遷移他往其中自有情由必係殷札納等不能宣揚朕諭使眾心共曉而採買馬羊又不聽從其便以致拉查卜等心懷疑畏暫避差役雖拉查卜等甚屬孟浪糊塗亦殷札納等奉行不善之所致也今特頒諭旨曉諭拉查卜等令其速回本處並將隨情據實陳奏再傳諭德成達羅瑪允中等令其明白開導善為安輯並將伊等如何疑畏遷移之處查明其奏其餘地方事宜俟侍郎眾佛保去時再行詳諭○琉球國王尚敬遣陪臣向克濟等奏表謝恩進貢方物宴賞如例○甲子諭大學

士等鎮安行軍常春著領兵前往安西駐劄石雲傳著授為西路副將軍前往軍營○諭兵部今歲命往陝西西安駐防兵丁派出直隸張家口營兵一百八十餘名聞各兵家口夫領錢糧而該管武弁等以各兵應有錢糧俱給與新募之兵夫領無可給發以致各兵家口三月未曾領餉日食不敷四路奔訴凡兵丁撥派他往者如馬兵一名原領月餉二兩則以九錢付本兵為途中鹽菜之用以二兩一錢為養贖家口之資所有兵米亦仍令其家口支領若有新募兵丁則另行給與月餉並無以本兵錢糧付新募兵丁之事何以張家口官弁等錯誤遲延以至各兵家口餉口無資著該督該提鎮即速查明照例給發並將遲誤之處據實奏○山西巡撫覺羅石麟疏言太原駐防兵丁五百名內派出三百名前往西寧所有留營兵丁不敷差委之用據各旗開散丁莊塞爾泰等呈稱自祖父

以來受國家養之恩情願不領錢糧當差  
勅力臣隨選得年力精壯技藝可觀者一百  
名不給錢糧今其承應差使俟有兵丁缺出  
揀選頂補得查太原各鎮閒散丁壯等既今  
當差學習行走自當酌加恩澤以示鼓勵著  
每名月給銀一兩米三斗以資其食用該撫  
石麟時加教訓務令勤謹効力匪勉向上若  
有名糧缺出即將伊等揀選頂補以副朕教  
養兵丁之至意○移廣東瓊州協左營守備  
一員帶兵一百二名同原防弁兵駐劄文昌  
鎮前破臺從廣東總督郝玉麟請也○乙丑  
孝誠仁皇后忌辰遣官祭

副都統銜管轄家選兵二千名前往西路軍  
營○兵部遵旨議覆雲南烏夷背叛所有陣  
亡殉難文武員弁應照例予卹署都司倉書  
劉崑應贈署遊擊署守備馬秉倫應贈署都  
司倉書各予祭葬給銀四百兩廕一子以守  
備用把總周世美應贈千總子祭葬給銀一  
百兩廕一子以衛千總用其遊擊劉崑妻張  
氏妾吳氏同其二女一門殉難應於遇害地  
方表立石碑通錫姓氏仍各給銀建坊入祠  
致祭司獄陳天錫子刃妻妾自刎官署應贈  
知縣子祭葬廕一子入監讀書其妻妾竝建  
坊入祠通判劉鎮寶署知縣竇杖太應贈按  
察司僉事教授李煜應贈國子監助教知事  
劉懋美應贈銜經歷巡檢葉祚徽應贈縣主  
簿竝予祭葬從之○丁卯諭大學士等已爾  
虎兵丁一百名前赴已爾庫爾軍營由古爾  
班賽堪行走路近而水草好著由此路前往  
所派兵丁先令於鑲藍旗察哈爾地方齊集

侯阿敏道鳴札爾圖到時帶領起行京城所  
選驍勇兵一百名亦著由此路前往○戊辰  
諭大學士等今年三月間準噶爾賊人侵擾  
吐魯番紀成斌聞信即令樊廷等領兵前往  
應援此舉實欠詳審蓋賊人之意原欲疲勞  
我士馬故為此出沒詭計耳彼時朕聞紀成  
斌之奏即降旨切加申飭越數日岳鍾琪奏  
到其所見與朕意相同又越數日紀成斌奏  
到知賊人未見我師果已潛遁無踪矣賊之  
狡獪如此是以朕諭令吐魯番人衆高酌邊  
移暫避之計蓋欲善為保全之以俟大軍凱  
旋共享昇平之福也今據大將軍岳鍾琪奏  
報賊人於四月間又復侵犯吐魯番額敏和  
卓來請應援大營未嘗發兵前往大將軍辨  
理甚是但朕細思之賊人若仍以千餘人騷  
擾吐魯番則彼地域垣兵亦足以捍禦倘復  
增添賊衆吐魯番力不能支朕心有所不忍  
況伊等前次感恩望濟之言甚為懇切朕又

有令其遷移暫避之旨料賊人必知信息倘  
乘其遷移之隙而侵害搶掠之是吐魯番之  
人固遵旨而受累尤朕所憫然者也可傳諭  
岳鍾琪令其確探賊耗衆寡若何情形若何  
久暫若何其應否應援之處酌量變通辦理  
不必拘執前說至於賊兵引去後吐魯番回  
子有情願遷移者又應如何沿途防護不受  
賊人劫奪侵陵之處著大將軍留心經理○  
奉天將軍那蘇圖疏言慮風城邊外設立陸  
路防汛之虎耳山等處有草河澗河二水俱  
自邊內發源至邊外莽牛哨地交澗流入於  
中江其中江之中有洲名江心沱沱西屬風  
風城管轄沱東係朝鮮國界址每年常有匪  
類私乘小船偷運米糧雖虎耳山設有陸路  
防汛而河水阻隔且界連朝鮮難以查緝請  
於草河澗河澗流入江之莽牛哨地方設立  
小船四隻三板船二隻將駐劄虎耳山防汛  
之官弁一員兵丁二十名再添派官弁一員



兵丁二十名移駐於此立爲水師汛地若值冰凍之後仍撤回虎耳山陸路安設并令該管城守尉督率稽查得旨所奏設立水路防汛之處既與朝鮮國邊界該部行咨詢問朝鮮國王若設立水路防汛於該國有無未便之處俟回奏到日再行定議○已巳諭八旗都統等八旗所設錢局應照民間價值逐漸減價至每兩換大制錢一千文而止如此則錢價自平於民生實有裨益其隨時減價之處八旗務須畫一辦理○庚午徃表河南甯水縣烈婦王三妻郭氏拒姦不污投繯殞命給銀建坊入祠致祭如例○辛未諭內閣用兵以籌餉爲先而輓運以得人爲要果得其人則民力不致煩勞國帑不致糜費而兵食饒裕士飽馬騰其裨益於公事良非淺鮮也年來西北兩路用兵籌餉事宜朕心甚費區畫北路軍糧范額積承碩運送詣事請練措置得宜朕深嘉獎已加優敘西路軍糧

向來俱係官運今行之日久難保無侵帑累民之處因思通政使趙之垣前將馬龍乃三秦世族且官至大員於本地土俗民情素所熟悉若照范額積之例領取帑銀轉輸輓運似屬可行之事朕將此詢問趙之垣據稱情願効力查內地軍糧運送已爾庫爾軍營者年來經理已有頭緒但自軍營進勦之糧尚無轉運之善策著趙之垣前赴軍營與馬龍公同商酌如何運送之法聽其自行定議酌量舉行每石運費若干朕悉照數給與不令絲毫貽誤但不可有浮冒侵蝕之弊總與地方有司毫無干涉其間迅速機宜及道途防護等情則與大將軍該督撫等計議而行候趙之垣到彼與馬龍商酌定議果能承領辦理具奏到日給與欽差關防○壬申諭大學士等鎮安將軍常春著從安西前赴軍營與大將軍岳鍾琪副將軍石雲倬等計議送兵事宜但聞賊人有窺伺陶賴卡倫之信常春

前赴大營時途次須小心防範或帶兵丁數百名護送或探聽賊人遠遁之後再行前往務慎重妥貼總以七月初旬至營爲期其現在甘涼歇息之歸化城蒙古兵一千名已奉旨令其前赴軍營備用可令原管領之都統民敦等帶領出口務於七月初旬到營可傳諭查耶阿等並常春知之○癸酉諭大學士等任國榮仍帶總兵銜前往北路軍營管理車騎兵兼司屯種事務著大將軍傅爾丹酌量派委照總兵官胡傑之例行走○諭內閣朕以江南蘇松等處積欠錢糧甚多弊端百出官民並受其害特令大臣等率領多員前往清查分別官侵吏蝕民欠務期至確至實以清積弊以除民累前聞各員奉行不善轉至閭閻有違呼之擾大負朕之初意已降旨嚴行申飭禁止催徵後又聞有司以民欠適令認爲侵蝕如父子兄弟異戶卽爲已侵又別名立戶卽加以已侵之罪又昨據清查

大倉州錢糧之溫而邇奏稱愚民每將自欠錢糧混開被吏侵蝕及經逐戶覆核實係自田自欠因出示通曉已皆據實稟改是民欠之中竟有捏稱侵蝕者著差往各員詳細確查有應行更改之處卽行更改務使分晰清楚毫無疑竇以副朕整姦剔弊嘉惠元元之意○授輔國將軍巴爾圖子讓章爲奉恩行軍○雲貴廣西總督鄂爾泰奏報烏蒙逆賊傅札將士忠勇忘身不三旬而復郡治不七旬而拔全土今渠魁就擒並無漏網雲貴土兵已經通檄全撤得旨烏蒙改設府治之初諸事尚未就緒又值劉起元不善撫馭設成事端逆黨勾連幾有彈難收拾之勢而將弁軍士奮勇爭先旬月之間削平寇亂此皆總督鄂爾泰平時節制封疆以公忠表率官僚以義勇訓練將士而臨機應敵又復調度有方用能迅速奏膚功永安苗境論功行賞當以鄂爾泰爲先但念該督自開賊變以來時時

以先事疎防引過自責今軍事告竣不肯自居落寇之功屢次陳奏情詞懇切朕曲從所請以成其謙抑之素志若以功過而論則一時疎畧之微瑕豈能掩其多年教養之善績耶特將朕意宣諭中外共知之所有陣亡帶傷及奮勇官兵著該督查明送部從優議敘賞卹○甲戌調貴州安龍總兵官韓勳為貴州古州總兵官陞貴州大定副將劉朝貴為貴州安龍總兵官雲南楚姚總兵官官祿緣事革職調雲南永北總兵官柳時昌為雲南楚姚總兵官○乙亥

皇后千秋節停止行禮筵宴遣官祭

關聖帝君○諭大學士孫從前三月間賊衆有二千餘人來吐魯番見我兵前往應援賊兵即先行遁遁今據大將軍岳鍾琪奏報四月間又有賊千餘來授吐魯番并有二百餘人犯我陶賴卜倫等語朕看此情形或者將來賊人由哈喇沙爾潛往噶斯地方又如上

年故智暗行騷擾或增派人眾窺伺青海亦未可定格默爾等所統兵力未免稍單朕前次曾有不應調撥西寧兵丁之旨若此時有應用派兵之處恐格默爾等亦不敢調取德成亦不敢派撥可傳諭德成違羅馮允中管承澤格默爾羅滿岱福寧等從前所以不令調撥兵丁者蓋西寧軍務尚未就緒自以固守根本為是今西寧布置已定兵力有餘若賊人窺伺噶斯自宜發兵應援况日前青海蒙古兵丁尚未攢集齊全即器械等件亦未周備難以望其捍禦賊鋒亦賴官兵為之保護著德成等就近酌量倘有用兵之處或著管承澤羅滿岱帶領前往或德成另議一二入前往至官兵派出之後遇有本地派兵防守之處即將士兵派出此旨著德成拉諭衆俾保嚴扎納知之○諭兵部山東登州總兵官曾祺著調補山東兗州總兵官山東兗州總兵官岳奇著調補山東登州總兵官前

降諭旨令湖廣預備兵丁二千名聽候西路軍營調撥之用著岳含奇前往湖廣會同總督邁柱加意挑選人材壯健技勇優長者二千名即令岳含奇帶領前赴西安駐劄其領兵之副參遊守千把等官亦著邁柱岳含奇揀選前往此所派兵丁內將長於藤牌者挑選五百名或一千名充入二千名之數若兵內有人材可用情願赴軍前効力者亦著邁柱岳含奇酌量派用此二千兵丁於秋末冬初候旨從湖廣起身一應賞養銀兩照例給與其山東登州總兵官印務著浙江温州總兵官冉起鳳署理浙江温州總兵官印務著總督李衛遴選委用○吏部議覆寧古塔將軍常德疏言寧古塔助教請照驛站官之例定限六年年滿之後令該將軍出具考語具題送部其由八品筆帖式補授者以主事等官用由無品筆帖式補授者以七品小京官等缺用應如所請從之○補行湖南省雍

正八年分大計單異官二員不謹官五員罷軟官五員年老官九員有疾官二員才力不及官二員浮濫官二員分別陞賞處分如例○戊寅雲貴廣西總督鄂爾泰疏言雲南普洱府添設新鎮額兵二千四百名除原留普洱營兵一千四百名及新募補額外其餘調撥之兵俱有家口在各標營一時無力搬移未免分心兩地共計未搬家口兵丁八百名請賞給路費俾得成家立業久聚省撥往古州清江等處鎮協營兵丁及滇省烏蒙鎮新增兵丁二千五百名內有途途搬移之費者並請一體賞給得旨數年以來滇黔兩省兵丁踴躍急公甚屬効力朕已屢加恩深獎賞勤勞茲所派往普洱及古州清江烏蒙等處之兵俱從他處搬移安土重遷應加恩恤該督陳奏甚是著照所請給與遷移之資於公用銀兩內即行支給以副朕惠養兵丁之至意○己卯諭大學士等西路軍營千總馬建

功奉差探聽賊兵信息帶領兵丁十人前往因人少力單遇賊被害並傷兵丁石玉張秀閔得三人深可憫惻馬建功等俱照陣亡之例加恩卹賞○授信郡王董額子查庫齊爲奉國將軍○寧遠大將軍岳鍾琪奏言賊匪出沒無常毋庸零星遠設卡倫致滋賊人窺覷今於鏡兒泉三處安設大卡倫并派兵丁登山瞻望再於沿途五里一撥安設塘站並接軍營一遇有警接遞相傳得旨賊匪旣施鬼域之技出沒紛擾意欲疲我士馬並使軍營馬匹不得收斂自當計議防範搶勒之策今安設大卡倫三處固是但此數千弁兵馬匹如何收放看管可免賊人窺伺又三大卡倫之外尚設小卡倫否若於賊之來路設小卡倫仍屬照前而更多一番防備恐兵少力單難於捍禦若不設小卡倫則賊之來路日間可以登高瞭望昏夜則如之何又不知此三大卡倫果能全堵賊之來路俾必不能近

我軍營窺我牧場否倘乘小卡倫撤回之後越大卡倫擾我沿路塘站不可不防至於阿寶所領鄂爾多斯兵丁從前派往軍營查原令專司收放之事乃大將軍等將伊等分散派守各處卡倫伊與綠旗兵丁等言語不通徒彼此推諉甚屬無益嗣後蒙古兵丁不可似此零星派用○庚辰夏至祭

地於

方澤遠願親王衍潢行禮○諭內閣從前因準噶爾之肆虐吐魯番回民畏其侵陵有情願移居內地者諭令地方有司善爲安插撫綏使之寬裕從容得所頃聞在肅州居住之回子等田瘠水少收成較薄而所有牲畜亦不敷用生計未免艱難此皆經營之員辦理疎忽而該省大臣失於覺察之所至也著署總督查那阿將從前辦理不善之員查出題參具有應行加恩撫恤之處亦著查那阿酌定請旨即將此曉諭吐魯番移居內地之回民

知之○湖廣總督邁柱題湖南忠路安撫使  
章建侯故請以其子章梓楚承襲下部知之  
○奏未論內閣朕視天下兵丁皆為一體莫  
不冀其生計有賴俯仰從容然養育於平時  
者自有經常畫一之道而加恩於格外者則  
不得不由近及遠次第舉行如恩賞兵丁生  
息銀兩一事首先及於在京之八旗次則推  
廣於外省駐防及督撫提督標下又次推廣  
於各省鎮標皆令將軍副都統督撫提鎮大  
臣會同經理以為長久之計數年來固有料  
理得宜可濟兵丁之緩急者而措置未協啓  
人議論者亦往往有之則此事經畫之難可  
知矣至於各省協標兵丁雖同列行伍而駐  
紮分防之處與督撫提鎮相隔遙遠若偶遇  
緩急必須文移往來多延時日始得領此數  
金豈能濟其一時之用若照例給發則現今  
督撫提鎮大臣辦理此事尚覺繁難未能妥  
貼副將以下等官豈可交辦此事恐徒貽累

於弁員而無裨於兵丁之實用也近聞各省  
協標兵丁有謂督撫提鎮等不為代請而生  
怨望之心者不知國家之施恩豈無偏向或  
行之沐浴自有後先將來西疆軍務告竣國  
用充饒朕自徐思周徧加恩之策若伊等不  
察事勢此時遠欲均沾妄生冀倖是因朕逾  
格之恩而啓非分之望則朕惟有將現行之  
恩賞悉令撤回然後可以畫一豈不因數人  
之無知而阻眾人受恩之路乎思之思之○  
兵部議覆廣東總督郝玉麟疏言守備以下  
革職之員除有籍可歸照例勒令回籍外如  
本籍果無戶口田糧室廬墳墓者許該弁呈  
明該管地方官咨查原籍取其該府州縣印  
結報部聽其入籍當差應如所請從之○山  
西巡撫覺羅石麟疏報忻州長子等四州縣  
開墾雍正八年分田地一十七項有奇下部  
知之○甲申諭內閣西路軍營臺站自上年  
十二月以來往來文移繁劇長途遞送從無

選議該管臺站官弁實心供職其在塘夫役人等効力亦屬勤勞著交與辦理軍務之署陝西總督查郎阿將京城至軍營一路兵臺官役等分別內地外邊加恩給與議敘賞賚

○乙酉

孝恭仁皇后忌辰遣官祭

景陵○丙戌吏部議罷巡察京御史釋伽保

條奏盛京銀庫舊有司庫二員請照掌關防

官之例三年期滿令該堂官出具考語送部

以在京司庫及對品之小京官調補以防久

留滋弊應如所請從之○丁亥廣西巡撫金

鉉疏言教職一官無可展施縱有才能莫由

顯著請於廣西現在教職內擇其平力強壯

應對明白才品可觀之員咨送督臣分派雲

南貴州兩省俟遇有州縣及佐貳等缺酌量

試用題補並請通行各省一體遵行得旨訓

士理民俱關緊要封疆學政各有專司定例

彼此不得干預若行教官之優者悉改廣民

社之寄是以理民為重而以訓士為輕凡留  
司繹之任者皆上司所棄而不取之人勢必  
使天下教官莫不希冀陞遷日萌鑽營倖進  
之念孰肯專心訓課為國家長養人材乎况  
督撫不可干預學臣之事亦如學臣不得干  
預督撫之事也全缺此奏豈非欲兼攬學政  
之權且沽教官之稱譽乎即據稱教職一官  
無可展施其才能莫由顯著既如此則又如  
何知其可辦吏事而選用之手若以語言應  
對之間定人品之優劣分才具之短長恐鑿  
衡之失實者不少矣至於教官之賢者督撫  
原可隨時保舉而夫計之年又可列為卓異  
豈非不得與於薦揚之選者全缺實屬冒昧  
著將原本擲還○刑部等衙門謀奏河南祥  
符縣陳兼優僕人單從禮之妻張氏因劉聖  
全逼姦不從守正自縊例應給銀誣表建坊  
墓前因係僕婦宜分良賤請停其入祠致祭  
從之○戊子雲貴廣西總督鄂爾泰摺奏廣

西思明土府所屬之鄧橫寨強暴恣橫積惡  
多年通計一百九十餘戶丁壯千七而兇徒  
聚處專事劫殺左有雷蓬右有那練暗結黨  
羽密竹層柵藉爲外衛深壕險坎設爲內坑  
鎗箭能出不能入兵役敢進不敢前點苗漢

獠之中從無此兇悍者從前提臣張溥以爲  
必不可縱而所委副將尚清昧於形勢輕率  
進剿致損兵威臣令鎮臣蔡成貴自二月十  
四日抵軍營搶築砲臺劉營駐守示以圍困

之意一面督兵漸逼賊巢剋期攻入三月初  
四日據報我軍分中左右三路攻賊之四六  
九三甲占踞其要隘焚燬其寨柵殺死賊兵  
無數生擒一百餘賊悉行正法尚餘男婦六  
百餘名解赴省城聽候發落賊衆金平奏入  
報聞○己丑刑部議覆甘肅巡撫許容疏言  
番民納些誠心歸附乃被背逆土司黃璽正  
鄉縛擄縛至死不移忠義可嘉請照例旌表  
建立石碑列列名姓仍製牌位入祠致祭應

如所請從之○庚寅湖北巡撫魏廷珍疏報  
荊門鍾祥等十三州縣襄陽一衛開墾雍正  
八年分田地一千三百三十頃有餘下部知  
之

大清世宗敬天昌運建中表正文武英明寬仁  
信毅大孝至誠憲皇帝實錄卷之一百六



大清世宗敬天昌運建中表正文武英明寬仁  
信毅大孝至誠憲皇帝實錄卷之一百七

此卷之末有世宗實錄卷之一百七之語此卷之末有世宗實錄卷之一百七之語此卷之末有世宗實錄卷之一百七之語

此卷之末有世宗實錄卷之一百七之語此卷之末有世宗實錄卷之一百七之語此卷之末有世宗實錄卷之一百七之語

此卷之末有世宗實錄卷之一百七之語此卷之末有世宗實錄卷之一百七之語此卷之末有世宗實錄卷之一百七之語

教修

雍正九年辛亥六月壬辰朔○癸巳以左春

坊左庶子兼大理寺卿索林兵部左侍郎務

汝毅順天府府丞陳樹棠俱署都察院左副

都御史太常寺卿劉枬緣事降調陞大理寺

少卿張國棟為太常寺卿○甲午諭大學士

等寧遠大將軍岳鍾琪招秦準噶爾賊衆二

千餘人圍困魯谷慶之城晝夜攻打二十餘

日吐魯番回子奮勇出擊殺死逆賊二百餘

人帶傷回子奮勇出擊殺死逆賊二百餘

必獲全勝將來即以三千兵下駐劄吐魯

番舍之回民足備防禦等語朕前次聞吐魯

番回民等感恩望濟之言甚為懇切恐賊衆

再以大力侵凌伊等不能抵敵為其所困已

降旨令大將軍岳鍾琪酌量發兵應援不必

拘執前說今岳鍾琪具奏之日尚未接到朕

旨是以仍作游移之詞凡用兵之道在於隨

機應變不容刻緩若果岳鍾琪確有所見即

應遣兵速往一面奏聞何必待降旨到日始

遣兵前往乎又奏稱挑選精兵三千名駐劄

吐魯番外餘剩壯健兵丁留駐新城防守儘

足備進擊烏魯木齊之數等語朕思我兵進

擊烏魯木齊之時若有賊衆繞道侵犯新城

當思應援殺豈可但作防守之計至於此

時應援吐魯番自屬應行之事但噶爾丹某

等性情躁妄此次失利之後或於冬季多添

兵力攻擾吐魯番未知我三千兵丁合之回

子之力便可以從容捍禦否且我軍既駐劄

吐魯番則將來不得不時為應援岳鍾琪從

前曾有吐魯番駐兵數萬之奏。若此時駐兵三千。將來因此牽制。有不得不加增之勢。此則舍本逐末。必不可行者也。朕又思吐魯番乃阿爾及哈喇沙爾兩路之關鍵。既有我軍駐劄。則將來築城於烏魯木齊時。呼吸相應。賊人不敢繞襲我軍之後。况我軍正欲進攻賊之巢穴。若賊人果以大衆來犯吐魯番。則我軍不勞遠行。可以就近殄滅之。亦是善策。總在岳鍾琪悉心籌畫。務期萬全。若將大營兵丁三千名。派往吐魯番。則此三千之數。當另行撥派。以足額吐魯番地方。難於多養馬匹。况此三千兵丁。乃爲防守之用。非爲追擊之用。所帶馬匹。可酌量存留。其餘仍遣回大營收放。至於礮火鉛彈。多帶備用。上年官買吐魯番糧石。不必運送軍營。即者留貯吐魯番。以備大兵之用。吐魯番回目額敏和卓等。誠心向化。盡力擊賊。甚屬可嘉。著大將軍傅音傑。酌量賞給。銀兩茶葉等項。彼地

既遭賊人侵害。恐收戢戢薄糧食。不敷著即以官買糧石酌量賞給。務使回民得所。將此詳悉傳諭大將軍岳鍾琪知之。乙未諭大學士等。河州副將馬雲於上年冬月。在北山領兵敗賊。著有勞績。今聞病逝。著加總兵官銜。賞銀一千兩。馬歸櫬之費。兵部議覆。江南河道總督裕魯曾鈞。疏言清江地方。止有把總一員。不足以資彈壓。請添設守備一員。駐劄巡防。今把總聽其兼轄。應如所請。從之。移廣東廣州府。遵列駐新城南海縣縣丞。駐十三行。從廣東巡撫鄂爾達請也。丙申以散秩大臣伯欽拜總理

三陵事務。○封故愉郡王允禩子弘慶爲多羅愉郡王。○免江南宣城等四縣雍正八年分水災額賦有差。○丁酉。盛京工部侍郎陳福壽緣事降調。陞內閣學士對琳爲盛京工部侍郎。○以故科爾沁多羅扎薩克圖郡王撒胡刺克子沙音德爾格爾襲爵。○戊戌。諭宗

人府朕叔恭親王常寧昔年受

皇考友愛深恩。不知感激報効。而因循懶惰。悠悠終身。此中外所共知者。恭親王身後。

皇考因滿都護戚性庸愚。不便將伊承襲。以其弟海善襲封貝勒。今在內廷行走。教誨施恩。望其成立。以繼恭親王之後。乃伊性情暴戾。行止乖張。口出逆言。心無倫理。種種罪惡。不可殫述。嗣因步軍統領託合齋案內款蹟。朕露革去貝勒禁錮在家。未幾仍蒙

皇考寬宥。慈恩將伊釋放。遣往軍前効力。情罪乃伊仍不悛改。輒敢違旨私回。若論軍法。憲章均無可赦。朕念其為恭親王後裔。委曲全其性命。仍行拘禁。此海善之大愆也。從前海善獲罪之後。無應襲之人。

皇考不得已。而仍用滿都護。且加以厚恩。畀以榮寵。要職無非欲其努力向上。改過自新。以延恭親王之一祚。乃伊下愚不移。轉入於阿。其那塞思黑蘇努保泰等之邪黨。私相固結。

而不思。

皇考高厚之鴻慈。其顛倒妄亂。至於如此。及朕即位以來。又復加恩任用。指示開導。以感動其天良。冀收後效。而伊顛慝匪黨。狡獪百端。搖惑人心。阻撓國政。且鑽營詐僞。行止卑污。其獲罪被叅之案。不可枚舉。朕悉行寬宥。而保全之。此滿都護之大愆也。滿都護之弟對青額庸劣不堪。周知愧恥。昔在侍衛班聯。曾因飲酒沉醉。竟溺於中和殿階級之上。此衆人所共知者。海善之子倫布。布音蒙

皇考深加恩養。今在乾清門侍衛班中行。走訓誨於全。冀其上進。乃

皇考升遐之日。萬國臣民如喪考妣。而倫布布面無悲戚之容。日無涓滴之淚。朕以此知其未具人心矣。是以降旨。將伊與伊父海善一同拘禁。今已病故。此對青額倫布二人之大概也。朕叔恭親王之子孫。大抵如此。假使稍有可望成立之人。則滿都護違襲重罪之

後朕即可選擇而用之矣。祇因不得其人，是以將滿都獲姑容曲宥，以至於今。今滿都獲病故，無子，見無可承襲者，朕念吾叔，後嗣凋零，再四思維，或擇一人襲封，貝勒或賜襲郡王，以繼其後，然而得其人，則可以繼續先緒，不得其人，則必至廢墜家聲。且一時勉強襲封，而不克承受，將來獲罪被譴，難以保全，非所以成就之也。海善等即前車之鑒，若宗人府會同議政大臣、八旗都統、滿洲尚書侍郎等，秉公詳慎，於恭親王子孫內選擇，可以襲封之人，公同舉出，奏聞請旨。若果不得其人，朕意欲照

皇考時，以朕弟淳郡王過繼，統親王為嗣之例，於朕幼弟中選擇一人，封為郡王，以繼承恭親王之後。如此，則朕叔之王爵可以長久綿延，而伊之親子孫各守祿位，易於稱職，永遠同受國家之恩澤，似為有益。亦著會同悉心定議具奏。○庚子，寧遠大將軍岳鍾琪疏言，賊

英圖圍吐魯番，臣挑選馬兵三千名，令張元俸、曹勳、張存孝統領，於四月二十四日遵發。又令顏清如帶兵二千名，前赴塔庫，駐劄。又備兵四千名，令紀成斌統領，前赴陶賴要隘。駐劄。僮賊人傾眾前來，臣即親身統領陶、賴及塔庫二處駐劄之兵，兼程前往勦殺。惟是回民若令此時遷移，途中行走不能便捷。三千護禦兵丁，首尾亦不能相顧。擬將應撥三千馬兵內，暫留一千名，駐劄吐魯番，以為扼禦防範。其餘二千名馬兵，令其回營，如蒙准

臣前奏，安設三千兵，駐劄吐魯番，臣即將駐劄塔庫之步兵二千名，令其前往補數。俟我軍進擊烏魯木齊之時，再令回民遷移內地。即將此一千兵丁護送，可無劫奪之患。得旨：應撥吐魯番之舉，朕早已降旨。此奏尚有計算未到之處。今年秋間襲擊，是第一善策。至於應撥吐魯番，乃相機不得已之舉耳。若但加意籌畫於應援之師，而不計及於襲擊之

舉是舍本而逐末也且發應援兵丁三千名之外又令顏清如領兵二千名駐劄塔庫紀成斌領兵四千名駐劄陶賴是已派兵九千與前請旨駐兵三千於吐魯番之奏大不符合矣今年原議挑選精兵一萬二千名進擊烏魯木齊不知此所派應援吐魯番之九千兵在此一萬二千名兵丁之外乎抑即在其內乎此兵乎定吐魯番回營人馬尚可進擊乎况前奏設三大平倫於要隘之處安兵三千名此非大營之精兵乎今稱存營兵丁尚有萬餘足以防禦假若賊人既擾吐魯番使我兵前住應援又以大眾侵犯軍營或再如上年之故智繞過大營驚擾塔爾那心及圖呼魯克等處則我軍之力既分不識尚可勦殺耶或但能防禦新築城也奏摺中總未言及此甚屬疎漏至於吐魯番一部落乃向來甚費商議置之度外者即上年遣發弁兵駝隻往彼搬運米糧亦俱未經奏聞致生賊人

窺伺之心屢次侵擾此乃從前辦理錯誤以致日今有不得不應援之勢今大將軍親在軍營若確見速應救援便當遣兵迅往何必遲迴審顧且前次奏稱留兵三千名便可防護吐魯番萬無一失今又將吐魯番應否留兵及回民應否遷移何時動身之處請旨定奪前後全不符合顯有推諉之意朕在數千里之外豈能洞悉地方情形與臨事機宜預先一一計算而指示之乎殊失朕信任倚賴之初心矣儻見此諭旨以為吐魯番不應移內勉強順合朕意輕率舉行則尤其不可○子故陝西寧夏將軍席伯察莽謚裏社○辛丑子故直隸古北口提督魏國榮莽謚倍格○壬寅諭內閣今年仲夏以來京師雨澤愆期日前甚覺亢旱朕於宮中齋心虔禱尚未仰蒙

天降甘霖螟螣思雜從來上天之錫福降災患由於人心之感召尚書曰

作善降之百祥，作不善降之百殃。古人又曰：福之至也，人自生之；禍之至也，人自成之。蓋上天慈愛爲心，斷無降災於人之理。其遭值水旱饑饉者，皆由天下人之自取。所當恐懼修省，以禦

天威。若因此而生怨尤之心，則其獲罪更大，而爲無忌憚之小人矣。朕深明此理，時刻自儆，切切冀望天下臣民共修趨吉避凶之道，以承受

上天之恩。數年以來，諭之詳矣。今茲亢旱之象，或由於朝廷政事之有關，或由於臣工職業之不修。或由於士民心術之不善，有一於此，皆足以干

天和，而致發沴。儻有無知小人不察人事，感召之故，不知

上天垂象之意，狂肆冥頑，敢生怨懟，則乖戾之氣自外生成。

上天雖欲寬宥，而不可得矣。朕兢兢戒懼，夙夜

靡寧，再四推求，欲得致旱之由，急行改易。凡屬臣工，均當撫躬自思，何處不能稱職，何事應當獲譴。一省察而悔改之，至爲士爲民者，雖無治人理事之權，而舉念之純疵，居心之善惡。

天高聽卑，實無照鑒。苟無自作之孽，必不遭難。違之條，總在吾君臣士庶各自捫心省愆。思過勿推於他人，而存自恕之念，勿接諸氣數而忘做場之心，則和氣致祥，時雨甘霖，必仰

遵

上天之恩，賜勉之勉之。著將此旨通行曉諭，在京官弁兵民人等，咸使知悉。其近京者，分若有缺雨之處，著一體宣示。又諭：賭博之事，敗壞品行，蕩廢家貲，其爲害於人心風俗者，不可悉數。欲杜此惡習，則賭具之禁，自不可以不嚴。朕爲此奉奉訓飭，互再至三。凡地方大吏有司，有教養斯民之責者，皆當仰體朕心，奉行唯謹，不當視爲具文也。京師戶口繁

多五方雜處。年來稽查嚴密。不肯之徒。頗知  
欲跡。至於外省之稽查。較京師為易。而督撫  
以至守令。奉行不力。聞者會之地。有公然製  
造賭具。列諸市肆。而不知畏懼者。百姓之貌  
法若此。則大小官吏。能辭溺職之罪乎。步軍  
統領衙門。屢次拏獲私賣賭具之人。供稱販  
自外省。地方則外省之疎忽。廢弛。顯有証據。  
矣。賭博難禁。而造賣賭具之禁。尚屬易行之  
事。前年定例。凡失察造賣賭具之知縣。照溺  
職。例革職。知府。革職。留任。督撫。司道。等官。各  
降一級。留任。著該部。村狀。此旨。再行。宣諭。儆  
嗣後。有犯者。必照定例。處分。不稍寬貸。○予  
故雲南臨元總兵官魏。奇。圖。祭。葬。如。例。○癸  
卯。諭。內。閣。仲。夏。以。來。京。師。亢。旱。雨。澤。愆。期。朕  
心。焦。勞。無。時。或。釋。因。思。刑。獄。上。關

天和法司衙門此時尤當加意除重罪監候處

決人犯不應寬釋外凡有牽連待質及候審  
候結輕罪之人將來擬罪不至於死而羈禁

在監者著刑部堂官。逐一連查。應完結者。即  
行完結。應保釋者。即行保釋。俟處暑後。再行  
審明結案。八旗高牆拘禁人犯。著該旗大臣。  
亦照此連行辦理。毋得稽遲。至於枷號人犯。  
除情重罪大。奉旨永遠枷示者。不宥外。其有  
限期未滿。枷號之犯。著照舊例。暫行保釋於  
處署。後補枷。以滿期限。刑部。又。旗。順。天府。五  
城御史。可一體遵行。○添設貴州安順府同  
知一員。駐節。從。雲。貴。廣。西。總。督。鄂。爾。泰。請  
也。○著。直。隸。總。督。唐。執。玉。疏。報。霸。州。大。城。等  
十四州縣。開墾。雍正八年分田地。一百七十  
頃。有奇。下部知之。○乙巳。諭。內。閣。每。年。伏。暑  
之時。停訟。停徵。久有成例。况今年五六月以  
來。直隸。山東。河南。等省。雨澤愆期。甚覺亢旱。  
尤宜寧人息事。感召

天和或恐庸劣有司不遵定例妄滋擾累著

該督撫通行申飭時加訪察如有生事擾  
民者即行題參從重議處○丙午靖邊大

將軍傅爾丹摺奏臣等於五月初六日至科布多築城地方隨據烏蘇圖舒魯克卡倫駐防之侍衛巴爾善等擊獲準噶爾賊夷塔蘇爾海丹巴一名供稱噶爾丹策零派兵三萬令大策零數多卜小策零數多卜及大策零數多卜之子多爾濟丹巴三人統領陸續起程至阿爾泰山奇林地方會合來犯北路今小策零數多卜已至察罕哈達地方大策零數多卜與伊子多爾濟丹巴尚未到齊見在之兵止有二萬餘名噶爾丹策零恐哈薩克圖聞知乘虛來攻預先派兵一萬令大策零數多卜之子納木扎爾達錫衛徵和碩齊總領駐防阿爾輝地方又派兵一萬令諾顏和碩齊總領駐防阿里馬圖西拉百爾地方噶爾丹策零遊牧處兵下不過二萬名保守又供噶爾丹策零前令其妹夫羅卜藏策零帶兵一萬名往阿里馬圖西拉百爾駐劄防守哈薩克國羅卜藏策零因與噶爾丹策零不和率領

屬下三千餘戶來到大國噶斯地方噶爾丹策零聞知派吳喇武巴噶滿米達達文戰被敗復遣喀喇沁杜噶爾之子查裏追逐因此大策零數多卜遲延未來等語臣思賊人尚未全至乘其不備正宜速遣投殺臣等揀選京城各省兵一萬名輕裝由科布多河西路於六月初九日起程分為三隊前鋒統領丁壽散秩大臣公達福副都統塔爾岱率領第一隊恭贊馬爾薩副都統承保西彌額率領第二隊臣等統領大兵前進沿途襲擊其科布多築城地方留兵七千三百名仍舊築城防守糧餉令都統哀泰總兵胡傑等管轄科布多河東係通奇林要路派定滿洲兵二千名侯都統侯陳泰副都統阿三到時駐劄管轄與哀泰等互為應援所有統兵起程日期理合具奏奏入報聞 丁未靖邊大將軍傅爾丹摺奏臣等於初九日分隊起程之後遣前鋒統領丁壽恭贊馬爾薩副都統塔爾岱



管統兵率嚮道官前行瞭望賊勢在扎克賽河地方擒獲準噶爾賊夷巴爾喀等十二名據供小策零敦多卜牧場在察罕哈達地方雜臣等軍營止三日程遠僅有兵一千尚未立營防守大策零敦多卜因途中有病留駐和博克山其子多爾濟丹巴已於小策零敦多卜山梁前駐劄羅卜藏策零與噶爾丹策零不和率領其屬大約不往圖爾古特即往青海等語臣等乘夜追兵襲擊察罕哈達賊夷奏入報聞副都統格爾圖摺奏騰格里十倫扎薩克諾爾布於五月二十八日背叛擾亂臺站劫掠馬匹旋即逃至滾額爾吉庫庫烏蘇遊牧之處臣即令扎薩克恭格台吉阿拉布濟等領兵追逐又令叅領巴顏等追至喀喇果爾地方見恭格等已將諾爾布圍困復又脫逃巴顏等追緝至蒙古爾托羅海地方擒獲諾爾布并其佐領里塔爾與恭格等押解回營其効力之扎薩克台吉弁兵等

查明具奏奏入報聞戊申副都統達羅摺奏青海原扎薩克公墨爾根戴青拉查卜等恃逆逃遁渡梭羅木河而去臣等率兵追至河濱先將其子察罕拉布坦生擒隨整兵往擊拉查卜營寨拉查卜畏威迎降跪叩投誠臣等率領由梭羅木河大路回至青海遊牧處其効力之台吉弁兵等查明具奏得旨從前親王戴青和碩齊察罕丹津二閣伊姪拉查卜逃走即將拉查卜部下人等收回察罕丹津歷年効力行走今已老病仍感恩効力甚屬可嘉著賜大緞二十疋再發銀一千兩令其酌量賞伊部下効力人等拉查卜雖係伊兄之子朕知其素不相睦至拉查卜之子察罕拉布坦能知伊父之非不肯同逃殊屬可憫拉查卜甚屬庸愚雖無故逃遁見我兵追趕即便迎降罪尚可恕著將伊送至京師候將伊逃遁之故問明將伊交察罕丹津之處另降諭旨其拉查卜公爵朕尚欲令其子

察罕拉布坦襲替並曉諭知之○改廣東陽山縣呈子未剛巡檢二員歸連州管轄從廣東總督部玉麟請也○乙酉諭大學士等大將軍溥爾丹奏稱被獲準噶爾丹巴供云噶爾丹策零之妹夫羅卜藏策零將伊屬下三千戶帶領歸至大國噶斯噶爾丹策零聞知追趕被敗等語今噶斯正值青海有事之秋儻羅卜藏策零率眾來歸或係賊人詭計者速行文達羅衆佛保等遠設巡哨偵探信息準噶斯路途有準噶爾賊人來歸者將我兵整齊預備務加詳審果係真實將伊頭目數人送至京師其餘人等於汛界內有水草處暫住從優養贖一面派兵照管一面奏聞請旨○諭刑部凡竊賊滿貫者定例擬絞監候此等賊犯論其情罪無可矜原而每年秋審之時按律又不至於處決是以往往監禁多年不行結案即該犯有悔過改惡之心亦無自新之路若刑部將各省此等賊犯已經三

年者一查出的其情罪或應釋放或應減等發落並日後再有過犯如何從重治罪之處一併定議具奏○陞一等侍衛四十三為永陵總管○庚戌

上召入大學士九卿等諭曰自五六月以來直隸山東河南雨澤愆期亢旱日久我君臣間必有上干

天和之處仰蒙

上天仁愛特以旱災垂象示儆朕心憂懼焦勞時加修省展轉思維無以自解此皆朕薄德之所致無可推諉但大臣等亦當敬畏悚惕省愆思啓各天誠心稽寐警勉念此三省數百萬蒼黎皆吾赤子將來秋禾不登無以養生必致狼狽若不先期籌畫多方儲備臨時雖欲補救亦恐無及者大學士九卿等悉心酌議作何先期料理務期人力能周救荒有策米穀可以轉運膏澤不致稽遲俾此被災民人咸慶生全無一人轉手溝壑如此則朕

之殷憂可以稍釋於萬一或邀

上天慈鑒稍寬吾君臣之譴責也○諭刑部在京監禁人犯其情罪尚輕按律不至於擬決者已令該部該旗查明暫行釋放俟處署後再行酌議寬減歸結其外省輕罪人犯亦應酌量加恩著將已經到部之案其中有問擬徒杖而准其折贖者該部查出悉行寬免結案○以原任禮部尚書石文焯著直隸馬蘭口總兵官○寧遠大將軍岳鍾琪疏報臣遵旨於巴爾庫爾相度地勢建築城垣城身周圍八里高二丈根寬二丈頂一丈擇於本年四月十五日興工并月城礮臺角墩壕牆一應土工於五月二十九日俱已告竣其四門城樓石橋角樓均在次第建造其工價等項進冊呈覽請敕部核銷下部知之○予故貴州古州總兵官蘇大有祭葬如例○辛亥寧遠大將軍岳鍾琪疏報賊夷圍困魯谷慶四十餘日賴漢回官兵協力固守殺死賊人二

百餘名帶傷者甚多賊人見攻魯谷慶城不下遂圍困附近之哈喇火州城堡用木梯三百餘副為攻城之具回民等用鎗擊死賊人三百餘名賊衆一聞大兵應援之信倉皇逃遁遣下馬匹刀鎗等件並拋棄所造飯食而去及總兵官張元佐等領兵兼程前進賊衆已遠遁無踪張元佐等到魯谷慶城下回日額敏和卓及回民老幼男婦出城迎接歡聲震地張元佐等因天氣炎熱馬匹疲乏難官兵奮勇滅賊不敢窮追今臣將派往之馬兵撥存一千名駐劄魯谷慶其餘兵丁俱行撤回若賊夷又率二三千人來侵則官兵與回兵可以抵禦僕傾眾而來臣當親統大軍就近勦殺以免我師遠行若必令回民遷入內地則俟我軍進擊烏魯木齊之後即令官兵一千名護送行走更屬無慮得旨賊夷侵犯吐魯番之舉實由我軍屯運糧石啓營以致有不得不應援之勢令官兵過行空勞往返

恐將來似此無益之舉正多不知大將軍亦曾計及此否此番回民感戴救濟之恩歡聲大震將來賊夷切齒於吐魯番必思報復以大力侵凌之儻至狼狽流離時不知仍似此感戴乎日今賊夷以三萬衆侵犯北路見據靖邊大將軍傅爾丹等奏報前岳鍾琪曾有親統大兵前往吐魯番勦殺而留紀成誠看守之奏似若賊人此番不向北路而向西路將賊衆分爲兩大隊以一隊先侵吐魯番及岳鍾琪領兵應援前往賊人又以大隊侵犯軍營再散其醜類於塔爾那沁及圖呼魯克等處不知我軍之力尚可從容肆應否今賊夷圍困魯谷慶哈喇火州二城官兵冒暑遠行疲勞士馬未過一人未幾一賊而岳鍾琪奏摺中有奮勇滅賊之語將以此番之舉遂謂建功樹績於戎行乎賊夷聞風而遁可謂懼我軍威乎即留兵駐防與違移回衆朕意尚無定見大將軍身在軍營與違揣者不同

若果確有所見自當因時制宜以身任之總之向後若有應援吐魯番之舉只可委將發兵使賊首親來攻取吐魯番大將軍亦不可統兵親往吐魯番一切事宜岳鍾琪當與伊禮布帶齊石雲倬等詳密籌畫作違定議壬子實授宗室塞爾黑爲內閣學士兼禮部侍郎以署盛京禮部侍郎左副都御史中珠潭兼理盛京刑部侍郎事○署陝西總督查郎阿疏言西鳳二府撥運甘肅等處米一十五萬石二府民人領運之時惟恐遠涉長途或有虧耗每石多帶一二升以備添補之用今途次安行並無虧折據收糧之員節次具報正米之外多交餘米或數十石至數百石不等交足之時可得米千餘石將米一併收貯於邊儲軍糧均有裨益得言數年以來秦省民人運送軍需俱無遲誤是以朕屢次加恩以示優恤茲因輓運西鳳米糧以資軍食特令加添腳價務期運送從容而領運之

民人等敬謹承應於交完正米之外尚有餘米交官其急公敬事之念甚屬可嘉者該督等查明交米多寡之數分別賞賚務令本人實沾恩賜勿致胥吏中飽以副朕加惠泰民之至意○協辦西寧總兵事務都統德成等摺奏訊問被獲逆賊諾爾布里塔爾等供稱青海各部落合謀令我率騰格里兵丁反叛郡王額爾得尼厄爾克托克托奈之子阿拉布濟亦欲作亂約將青海全軍前來救援等語謹此據供具奏得旨朕料青海王台吉等世愛國恩斷無負恩背叛之重親王察罕丹津一聞伊姪拉查卜遁逃即遣人追趕郡王孟蘇克汪扎爾聞達錫策零撤移即率兵將達錫策零帶回郡王額爾得尼厄爾克托克托奈父子宣力行問伊子協理台吉阿拉布濟見在與恭格一同追擒諾爾布伊等果有異心寧肯如此奮勉宣力乎著將諾爾布里塔爾俱解送來京訊明原由再行辦理○

旌表江南南匯縣烈婦顧奇妻朱氏強姦不污被刃殞命給銀建坊入祠致祭如何○甲寅  
以上以雨澤愆期齋心祈禱並命各部院大臣官員設壇齋戒是日甘霖大沛○乙卯寧遠大將軍岳鍾琪摺奏據救援吐魯番松潘總兵官張元伍回營帶準噶爾投誠回子麻木雅兒道倆二名供稱噶爾丹策零之弟羅卜臧舒努娶哈薩克阿布爾海里汗之女兒在哈薩克地方居住前正月間遣使到噶爾丹策零處爭論其父所遺產業又因噶爾丹策零殺其母并其同胞之妹與弟誓怨甚深欲發兵相戰二月間哈薩克阿布爾海里汗發兵七萬令伊弟布爾海星統領將吹塔拉斯地方所居準噶爾一千戶人畜俱已擄去又將準噶爾在別處收放之馬擄去二三千匹又噶爾丹策零去年九月間遣使往葉爾啓木哈什噶爾和通地方勒索馬三萬匹此三處

回子俱已反叛等語理合具奏。奏入報聞。丁巳諭內閣。朕因今年五六月間。直隸河南山東三省雨澤愆期。宵旰焦勞。無時或釋。深恐秋稼不登。百萬黎民。艱於粒食。將米救荒。濟困人。力難周。特命大學士九卿等。竭慮殫心。爲先事圖維之計。以贖

上天之譴責。稍解朕心之憂。煩昨大學士九卿等會議。截漕通商。及遣官分查。賞給籽種。捐穀議敘。各條具奏。朕已一一允行。又特降諭。旨將山東河南二省。本年漕糧。暫停徵收。蓋欲使本地之米。散布於民間。更勝借資於他省也。今據河南署撫張元棟奏報。河南南陽汝寧歸德四府。從前陸續霽。被甘霖。六月十四十五兩日。開封省城大雨滂沛。四野沾足。又據山東巡撫岳濬奏報。東省自六月以來。陸續得雨。六府九州膏澤已遍。直隸署督唐執玉亦以所屬得雨之州縣陸續奏報。觀此景象。仰蒙

上天矜憫下民。而賜以生全之慶。將米即有成災之州縣。亦不至於甚廣。人力尚可展旋矣。朕以手加額。既感且慰。其廷臣所議預籌各件。朕意仍照前議預備。爲是惟是本地紳衿富戶。捐穀助賑。予以議敘一條。此等事向來奉行不善。輒生虛冒濫竊之弊。且捐穀多寡如何分別議敘之處。原議俱未明晰。恐臨時難於遵行。亦須預先定議。又河東二省漕糧暫停徵收。將來成災之處。自另有恩旨。其不成災之處。或用折色交官。或仍徵本色。將此

有益。若大學士九卿再行詳議具奏。尋議地方紳衿富戶。捐穀十石以上。至三十石者。分別給以花紅扁額。二百石以上。至四百石者。分別給以頂帶。該地方捐穀至三千石以上。將地方官從優議敘。仍嚴行申飭。毋得抑勒苛派。以滋煩擾。至河東二省。本年應徵漕糧。請照例折徵銀兩於民間。甚有裨益。從之。

諭兵部前降旨令陝西國原提督樊廷於秋涼時來京陛見其印務著兌時提署理今著陝西西大通總兵官管承澤帶領兵丁前往柴旦木地方駐劄其西大通總兵官印務著兌時提即前往署理國原提督事務緊要樊廷到任且不必來京陛見候諭旨行若有應奏事宜著具摺陳奏 命刑部右侍郎王國棟前往河南工部右侍郎趙殿最前往山東各辦賑務兼理稽查匪類緝捕盜賊之事

一等精奇尼哈番那穆渣布緣事革退以其族姪嘎爾當襲替 戊午甘肅巡撫許容摺奏青海事宜一青海亂賊必宜嚴懲諾爾布等敢行稱亂攪擾臺站卡倫比之拉查卜等之潛逃罪尤重大尼在搶奪臺站之達錫某零已經王益蘇克汪扎爾公阿喇布坦擒拿應即治罪而諾爾布之妻子亦被副都統達鼐輝解來寧其逃之衆務必俘獲謀其魁首一西寧兵馬無庸加增計西寧鎮標額兵

四千名城守營額兵二百五十四名又益之以西安綠旗兵一千名滿兵一百名又應援兵一千名而鎮海南川等兵亦千有餘名更濟之以土兵協防見在士馬富餘守禦綏勦無虞不足一青海地方宜移駐滿漢官兵查西寧至柴旦木地方相去八百餘里而青海居其中請於適中形勝之地駐兵防範彈壓一西大通鎮急宜專員辦理大通一鎮左為西寧唇齒右為涼甘藩籬關係甚重今大通總兵印務雖德成馮允中公同署理往來照看不能分身坐鎮署管承澤為人畏懼恐非將帥之才請急簡賢員掌管印務一噶斯統兵大臣宜另行選擇諾爾布等之度副都統格然爾既不能預先撫馭於前又不能即行擒勦於後恐不足以膺鉉鉅任查散秩大臣副都統達鼐輝理夷情數載道里山川亦已熟悉近復追擒拉查卜等功亦可嘉或以達鼐專司統領官兵兼撫夷衆以重職守一

青海夷人宜導之以大義

皇上懷柔荒服一視同仁即採買駱駝馬羊等類亦就彼之所欲售優給價值況與兵費帑欲勒減準唱爾之逆賊者亦惟恐塞外回夷爲其侵暴取彼兇殘安茲良善凡經管官員理宜奉揚德意明白曉諭庶衆咸知我朝覆庇靡算之恩各懷尊君親上之義矣奏入報聞○己未諭大學士等陝西西安督撫標下俱有新募入伍之兵丁必須勤加操演始

可資戰守之用朕思撫標之兵有撫臣親自操演自然技勇日漸嫻熟督臣見駐肅州其標下弁員又大半隨往軍營見駐西安者未必多人或至訓練稀疎亦未可定侍郎馬爾泰辦理軍需駐劄西安若將督標之兵丁隨時練習加意教誨務使有勇知友以備國家干城之選○轉禮部右侍郎王圖炳爲左侍郎陞內閣學士吳義爲禮部右侍郎○陞鑲白旗護軍統領公博爾屯爲鑲黃旗滿洲都

統正藍旗滿洲副都統覺羅海蘭爲鑲白旗護軍統領仍留軍營以左都御史三泰仍署鑲黃旗滿洲都統鑲黃旗滿洲副都統宗室色布肯仍署鑲白旗護軍統領○是日甘霖復大沛京師遠近霽足○南掌國王烏孫達陪臣先教先喇等奉表謝恩下部知之○辛酉改湖北蘄州漢陽三營守備缺爲都司僉書從湖廣總督邁柱請也

大清世宗敬天昌運建中表正文武英明寬仁信毅大孝至誠憲皇帝實錄卷之一百七



大清世宗敬天昌運建中表正文武英明寬仁  
信毅大考至誠憲皇帝實錄卷之一百八

世宗憲皇帝實錄卷一百八

世宗憲皇帝實錄卷一百八

世宗憲皇帝實錄卷一百八

世宗憲皇帝實錄卷一百八

世宗憲皇帝實錄卷一百八

教修

雍正九年辛亥秋七月壬戌朔享

大廟遣裕親王廣祿行禮 癸亥諭大學士等

鳴斯一路甚屬緊要現今交青海王台吉等  
將伊等遊牧之處如何保護備禦等事定議

其柴旦木地方不必用青海兵丁駐劄派內

地兵丁四千六百名防戍 大學士等議復

陝西西安將軍秦布奏言西安額設兵丁八

千名今戶口繁滋將及四萬請於滿洲除丁

內挑選一千名每月暫給餉銀一兩米三斗

令其當差遇有調遣之處即照馬兵例改往

俟兵事告竣陸續裁汰應如所請從之 旌

表湖北鄖縣烈女王自寅女王氏拒寇不污

自刃頒命給銀建坊入祠致祭如例 甲子

戶部議覆刑部侍郎韓光基查泰山西臨晉

虞鄉分界事宜一虞臨二縣中隔涑水一河

實天成界限請將沿河村莊坐落河南者編

入虞鄉坐落河北者編入臨晉以清界址一

臨晉原屬大縣今分設虞鄉兩所徵錢糧仍

倍於虞鄉若將學額二十名兩縣平分實屬

偏枯應將臨晉照中學例加增五名其原額

學田酌量均分一臨晉之坡上一帶地方綿

長四十餘里地瘠民貧讀書無力請酌量村

莊遠近設立義學八處以廣教育一坡西角

杯村新設有把總一員吳王寨新設有巡檢

一員二村相去僅十餘里而坡東數十里無

官彈壓請將吳王寨巡檢移駐角杯村角杯

村把總移駐坡東之耽子村互相稽察一涑

水一河沿河四畝成貨灌溉所有鄉家營一

開正當急流衝射應行者塞弁加築月隄幫  
護於隄外量開渠口以潤地畝飭地方官勒  
石定界併設立偃長使輪流管約俱應如所  
請從之○丙寅諭大學士李榮旦木之北伊  
孫察罕齊老圖地方乃直達安西沙州之路  
爲巴爾庫爾軍營之後戶關係最爲緊要此  
處或駐兵一千名或八百名建築小城一座  
以爲捍禦再設卡倫以瞭望賊踪僕賊人前  
來爲數無多即可迎戰勤殺若傾其大衆而  
來則報知安西遣兵應援合力攻擊此乃防  
汛萬全之策若城工一時難成即先添兵丁  
爲冬月預防之計一切事宜著大將軍岳鍾  
琪即行定議舉行若岳鍾琪已領兵進勒即  
著副將軍等公同會議辦理○又諭駐劄柴  
旦木副都統格熙爾擅離汛地領兵欲回西  
寧近邊地方甚屬悖理應以軍法從事朕  
念其派遣弁員追捕青海叛賊諾爾布著免  
死革職令往騰格里卡倫劾刀贖罪○陸翰

林院侍講學士提督順天學政楊起魯爲奉  
天府府尹○雲貴廣西總督鄂爾泰題廣西  
上映土知州許文運故其子許錫侯承襲年  
幼請以許錫侯母趙氏協理下部知之○丁  
卯諭大學士等傳爾丹從前奏稱羊鳴鷓被  
擒之賊人丹巴曾供鳴爾丹策宏之妹大羅  
卜藏策宏帶領所屬三千餘戶來投鳴斯一  
路曾降諭旨與達羅佛保德成等令其加  
羊之處暫行安置今情形甚屬可疑不可墮  
其術中著密諭達羅佛保德成等令其加  
謹防範不可妄動○命雲貴廣西總督鄂爾  
泰來京陛見以兩江總督高其倬著雲貴廣  
西總督江蘇巡撫尹繼善著兩江總督刑部  
右侍郎王國棟著江蘇巡撫○戊辰諭大學  
士等四十九旗扎薩克遊牧之地甚屬緊要  
今派京城八旗滿洲蒙古兵六千右衛歸化  
城兵二千自烏來穆泰以及吳喇忒數扎薩  
克處派兵三千共派兵一萬一千名著於八

月起程九月間繞至吳喇武遊牧地方後瀚海前適中處駐劄令其防護遊牧地方此所派扎薩克之兵著王札木巴爾扎布統轄每旗各派出協理台吉同往科爾沁等旗派兵六千盛京派兵五千俱繞至科爾沁迤西遊牧地方後駐劄其駐防吳喇武等處之兵著都統穆森管領前往副都統薩穆哈協同管轄其科爾沁兵著王羅卜臧滾布貝子拉錫公噶爾弼管轄每旗各派大台吉同往盛京兵丁著尚書海壽統轄副都統博第黑龍江副都統多起納協同管轄又諭陝西西安巡撫武格著來京有交辦事件侍郎馬爾泰著署理西安巡撫事務杭丹祿協辦西安軍需其宣諭化導之事交與史貽直鄭禪實分辦大學士等議奏京城八旗滿洲蒙古兵共選派六千名應派管轄之員每旗派護軍參領一員副護軍參領二員委署護軍參領二員護軍校七員從之戶部運旨議奏京

師錢價昂貴請酌定應行應禁事宜以期漸次疏通一民間錢多則價賤錢少則價昂應令提督府尹五城御史不時巡查其有販運出京及囤積居奇者即行拏究一五城才廠糶賣成色米現在止餘五千餘石請令各廠再領通倉成色米四萬五千石均勻發糶所得錢文發五城錢舖照定價九百五十文兌換俟此項兌完即令官錢舖將所換銀兩照時價收錢循環流轉至八旗米局糶賣錢文亦交本旗錢舖照五城例循環兌換一兵丁月餉現在一十九搭放今戶部鄂錢及五城賣米等錢共得三十四萬餘串官錢舖既有銀兩兌換不必於庫內再發則八九十月餉錢皆可以二成搭放俟十一月以後仍照舊例行一八旗五城現有錢文所賣成色米之錢定價每市平錢銀一兩換大制錢九百五十文俟市價漸增官價亦漸增添以銀一兩合大制錢一千文為準不得因市價而遞減

一京城向有姦民勾通經紀豫發本銀於大  
小舖戶收賣制錢多藏堆積俟錢貴始行發  
賣名爲長短錢應嚴行查禁從之○已已諭  
大學士等湖廣荆州兵丁著派一千名令副  
都統觀音保帶領前往西安駐劄步兵軍統領  
阿齊圖有事差往巴爾庫爾軍營其印務著  
秦鶴立署理○改江西浮梁永新龍泉萬安  
等營守備缺俱爲都司僉書從兩江總督高  
其倬請也○四川總督黃廷桂疏報西爐口  
外塘對等處賊番糾黨搶掠尋經調遣官兵  
次第勦撫得旨進勦塘對漢土官兵奮勇力  
戰直搗巢穴番衆率先輸誠已將賊首擒獻  
此次出征効力有功之弁兵等著的重議欽  
賞查所有傷亡漢土官兵著照例賞卹○庚  
午諭大學士等畢卜臧劉錫統領之扎薩克  
兵丁及盛京烏拉等處之兵從前曾令其互  
順承郡王軍營駐劄此內若有已到軍營者  
卽駐劄彼處其未到者著在塔米爾地方會

同一處駐劄盛京船廠黑龍江之兵著額爾  
勒統轄烏察拉王常協管○以正紅旗滿洲  
副都統宗室鄂齊署鑲紅旗護軍統領○大  
學士等藏泰西寧地方最關緊要設有調撥  
兵丁之處應預爲籌畫查莊浪地方係通西  
寧肅州之要路若添兵二千名將來自便調  
撥應將西安駐防之江寧河南滿洲兵內調  
撥一千名直隸河南之綠旗兵內調撥一千  
名遣往莊浪駐劄再將四川預備四千兵內  
撥二千移駐松潘以備西寧調遣從之○辛未  
孝懿仁皇后忌辰遣官祭  
景陵○諭內閣朕因河南上年有被水之州縣  
今春小民之食特命侍郎王國棟前往賑濟  
動用倉穀五十餘萬石續經該侍郎查有不  
應賑濟而冒領者該令著落該州縣追比朕  
思發粟蠲租乃國家愛養黎民之大典豈容  
冒濫升平以滋弊路但今年夏月豫省州縣  
又有雨澤愆期之處朕心甚切憂勞惟恐收

成歡薄正遠大臣官員前往查勘其從前首領之人未必皆係殷實之家今按數者追未免踴躍用沛格外之仁將未完米石暖其追比俟將來年穀豐稔再行做收還項大學士九卿等疏奏怡賢親王功德光昭中外誣思勿替宜崇報享以慰輿情前直隸總督唐執王請於天津立祠已蒙俞允今復據各省督撫將軍等據所屬官弁紳士兵民公呈即次題請應准其各建祠宇以伸思慕之忱得旨從前降旨內外各省官民有實被吾弟怡賢親王之德澤誠心感戴者准建立祠宇以展其追慕之比今遠近各省紳士軍民合詞懇請雖賢王美善字於懿好之公異口同聲不謀而合朕思天下至大其傳聞王之令名而未親被王之思惠者若一體建祠展祀則與朕之諭旨不符即王平日謙抑為懷亦必不畝享也除畿輔之地王之功德理宜俎豆千秋已降旨俞允建祠外奉天為

祖宗發祥之所仰蒙福佑為生賢王為國家宣猷佐政則俯順官民籲請建立祠宇於情理為宜至於兩淮鹽務積弊多年自王總理戶部以來弊端永杜奇累全除衆商咸沐恩澤萬竈皆成樂土再者江南戶口殷繁水利攸關緊要王念切民生留心諮訪將一切興修事宜奏聞於朕朕本欲俟直隸工程就緒之後令王前往江南為萬民興久遠之計王亦身任不辭後以國政需王贊襄不能即往旋據陳時夏之奏王奏請速行朕因命督撫大臣等相度經營因勢利導今東南數千里河流疏通有灌溉之利而無泛溢之虞若實王創始之力也王之功德其顯著於江南者如此准於揚州地方建立祠宇一所以慰輿情浙江總督李衛前為戶部司官時朕竝不知其姓名王在朕前極力保薦謂其才品俱優可當大任朕因將李衛屢加擢用至浙江總督浙人深蒙李衛之益者皆王為舉之功也

准從浙人之請於杭州建立祠宇以申其感戴之誠其餘各省陳請建祠者俱不必行○以鑲藍旗護軍統領著鑲藍旗蒙古都統侯馬蘭泰委署前鋒統領前往北路軍營署右翼前鋒統領公伊爾登署鑲藍旗蒙古都統兵部議覆雲貴廣西總督鄂爾泰疏言烏蒙一鎮中左右三營額兵止二千八百名而威寧鎮雄東川三營又止額兵各一千名應援防守均覺不敷請照廣西左江鎮之例置中前左右四營應添設前營遊擊一員守備一員千總二員把總四員外委千把六員兵一千六百名合原設之兵定為每營一千一百名鎮雄東川二營請各添守備一員把總二員兵二百名分為左右軍威寧營請改為一員千總二員把總四員兵五百名分為左右兩營再曲尋所屬之尋甸州為東川烏蒙扼要之區請另置一營添設參將一員守備

一員千總二員把總四員分撥督標兵八百名撫標兵二百名移駐尋甸其原防尋甸兵三百一十名移駐離平均應如所請從之○予故正黃旗蒙古都統汪悟禮祭葬如例旌衣廣東歸善縣烈婦李亞長妻鄧氏拒姦不污扼吭殞命給銀建坊入祠致祭如例○壬申命國山貝子弘春署鑾儀衛鑾儀使○吏部議覆山東巡撫岳濬疏言東省沂莒二州自改為直隸州後錢糧舊額沂州屬克寧道管轄莒州屬登萊青道管轄查登萊青道遠駐萊郡去莒州六百餘里克寧道遠駐濟寧去沂州五百餘里均覺鞭長莫及且克寧道專司河務今管轄克州一府沂曹東平三州統計二十七州縣一衛一所殊難兼顧請另設克寧沂道一員駐劄沂州將克寧道原轄之兗州府屬十四州縣一衛一所並直隸沂州及所屬二縣登萊青道原轄之直隸莒州及所屬三縣統計二十一州縣一衛一所

俱歸管轄如此則登萊青道分出營州一屬無控制遼遠之虞而克寧道僅轄二州得以專理工程於河防亦大有裨益應如所請從之。兵部議覆福建福州將軍阿爾賽疏言號騎校一官承查事件最為紛繁福州駐防四旗請照京城之例每旗添設副號騎校五員三江口水師添設副號騎校六員應如所請從之。又議覆湖南巡撫趙弘恩疏言鎮草鎮所屬四營紅苗地方現經分設塘汛請移前營遊擊一員添把總一員帶兵二百名駐劄池河移右營守備一員帶兵一百名駐劄巖口添千總一員帶兵一百名駐劄地良坡添把總一員帶兵四十名駐劄粟林再添把總一員帶兵四十名駐劄鴨保寨再添把總一員帶兵三十名駐劄火畧坪其餘小汛二十三處酌量安兵七百五十五名又黔省五汛乃鎮草至六里必由之路應歸楚省設汛至粟林等寨應歸各營管轄並添兵四百

名方及分防其左營汛地廣遼遠再撥把總一員兵五十名分防勞神寨均應如所請從之。奏百隆署正紅旗滿洲副都統胡琳為正紅旗蒙古副都統實達爾濟為正藍旗滿洲副都統。靖邊大將軍傅爾丹摺奏臣等於六月初九日進兵十七日擒獲賊夷已陸續奏聞二十日遇賊二萬餘人連日交戰殺賊數千因賊夷踞山拒險難以仰攻移營和通腦兒地方誘賊邀擊賊人益兵尾追圍困軍營索倫察哈爾歸化城土默特喀喇沁兵丁俱乘機潰散逃遁臣等整齊殘兵且戰且走賊人追擊晝夜力戰臣等爾丹等度哈爾哈納可於七月初一日已至科布多修城地方前因索倫等處逃兵妄造訛言都統宸泰等以全軍失利奏聞今因賊人有從科布多河兩路來犯之信臣現在辦理防守之事其每日交戰情形陣亡之大臣官員查明續奏得旨前據北路都統宸泰等奏報大將軍

傳爾丹等領兵進剿為賊所困全軍失利彼時已傳諭西路大將軍岳鍾琪令其加意防守今據傳爾丹奏稱官兵為賊誘敗臣於七月初一日帶領兵馬回至科布多軍營等語是從前北路逃軍所報竟屬子虛不過兵馬有傷損之處大將軍等原無恙也可仰傳諭岳鍾琪知之總之目前進兵之議且不必言而防守之家倍當加意著大將軍等照近日諭旨謹慎辦理○甲戌諭大學士等大學士忠達公馬爾賽著校為撫遠大將軍先於派出京城兵內挑選一千名輕騎前往圖拉等處形勝之地駐劄會同喀爾喀副將軍王丹津多爾濟等辦理喀爾喀遊牧及一切豫備防守事務副都統達爾濟富昌著同大將軍馬爾賽前去隨著侯馬爾賽副都統胡球帶兵一千名前去其餘兵四千名俱著預備俾妥俟大將軍奏請調遣時再令前往八旗漢軍內派兵四千名著都統李林祖來銜帶領

前往四子部落後面水草茂盛之處駐劄以備調遣其派出古衛及歸化城之兵各一千名俱暫在本地預備調遣其餘兵丁若有調遣之處著馬爾賽會同丹津多爾濟商酌辦理○又諭新挑曉勇弁兵一百名著副都統敦巴帶領五十名往駐噶斯留五十名隨大將軍馬爾賽前往每名各賞銀二百兩○實授戶部左侍郎傅泰為寧夏將軍陸內務府總管海望為戶部右侍郎仍兼內務府總管○調貴州按察使張斌為廣西按察使司按察使廣西按察使張體義為貴州按察使司按察使○吏部議覆江西巡撫謝旻疏言九江府屬瑞昌縣之峯陳口地方險要請添設巡檢一員稽查巡緝南康府屬之都昌縣縣治偏在西南其東北地方離縣寫遠請將都昌縣縣丞移駐適中之張家嶺以資彈壓並於張家嶺添設一汛撥兵防守又南康府楊林河泊大使所官湖謀止數百兩應請裁汰



所有課銀各歸本縣徵解均應如所請從之  
○貴廣西總督鄂爾泰題廣西太平府全  
若土知州許以拉故請以其子許達章承襲  
下部知之○乙亥諭大學士等前派出科爾  
沁扎薩克等處兵丁共六千名在各遊牧處  
駐劄恐一時未能會集著減去二千名止派  
四千名預備○戶部議覆甘肅提督宋可進  
疏言涼州甘州西寧三處遵旨召募兵七千  
名俱係貧丁請借給銀兩於李餉內扣還再  
請每兵一千名添設千總二員把總四員與  
外委千把分領教演均應如所請從之○寧  
遠大將軍岳鍾琪摺奏七月初五日據北路  
都統袁泰等咨稱準噶爾賊匪以全力侵犯  
北路於博克托嶺相近和通腦兒地方靖邊  
大將軍傅爾丹等被其圍困臣思傅爾丹及從  
征官兵奮力剿殺自必破圍取勝惟是賊匪此  
番傾眾來犯北路必以西路軍營上年遣其騷  
擾駝馬缺乏難以進擊固有輕視西路之心臣

此時統西路精兵襲擊烏魯木齊伊恐我師  
直搗巢穴自必撤北路之兵回顧伊里我軍  
既挫其鋒即便旋師休息嚴防汎界是不待  
交戰而賊匪先已疲勞臣不敢坐夫來盡遣  
擊之機宜今帶領參贊提督紀成斌理藩院  
侍郎額魯公襄布都統良敦總兵官張元佐  
王緒級等啟行前進其軍營各項事務暫交  
副將軍石雲倬辦理奏入報聞○丙子中元  
節遣官祭  
承陵  
福陵  
昭西陵  
昭東陵  
景陵○諭大學士等據順承郡王錫保奏稱喀  
爾喀遊牧之處俱已安頓妥協兵丁亦漸次  
到遊牧之界喀爾喀三路副將軍各思効力

臣等將禦賊守城之策會同商酌預備等語。觀此順承郡王錫保等辦理防範甚屬有方。但須謹慎之中愈加謹慎。賊人到科布多修城之處。儘不力行戰或暫時圍繞。待我軍應之師以施詭誘之計。順承郡王喀爾喀副將軍等切勿前往。策應致墮賊人術中。伊等止應防護喀爾喀遊牧。壯看守察罕史爾地方。此最緊要之事。果能固守。即伊等之功矣。若賊人久圍科布多。不去可俟各路兵丁供到。察罕史爾之時。錫保等於喀爾喀兵丁及防戍蒙古兵丁內挑選二三千名。給與馬匹。分爲數起。晝夜前進。或尾賊。後來機將賊人馬駝盡行趕出。隨得隨殺。賊人牲畜日漸虧損。自然逃遁矣。但須防其知覺。來追預思保全之策。無得鹵莽。再我兵果蒙

天眷。賊退。賊衆亦斷不可深入。追擊賊人逃遁後。凡應行看守之處。尤宜嚴加防範。若賊衆被我兵擒獲。或力窮未歸。除凶悍必不容赦。

者之外。其餘稍肯可原。而從寬宥。斷不可因我兵受害之故。妄行殘虐。以圖洩憤。至喀爾喀等現在南邊遊牧。兵丁赴察罕史爾者甚衆。所帶糧糗未必敷用。且需火藥鉛彈等物。查察罕史爾所有穀石羊隻等物。甚多。軍丁仗之充裕。勿存妄費錢糧。難於儲蓄之見。朕斷不因所費過多。即加譴責也。將此傳諭順承郡王錫保知之。副都統達鼐侍郎衆佛保等。招奉據逃遁被獲之貝勒達錫蒙衆。供稱年幼多病。因諾爾布作亂。聞我旗下之墨爾根阿里克鄂木布等。同擾臺站。搶掠馬匹。心懷恐懼。於六月初八日。隨母遷移八十里。在遊牧內。圖古里克地方居住。隨訴知王藍蘇克汪扎爾。竝遣人擒獲墨爾根等。竝非敢逃。遠處等語。查達錫蒙衆之伯父貝勒達額其父貝子噶爾丹代青諾爾布皆實心効力。其伯父歿後。因封達錫蒙衆爲貝子。其

父歿後

皇上施恩合兩貝子之爵封達錫策零為貝勒  
竝兼管扎薩克理應感恩報効乃無故潛逃  
甚屬妄行請將達錫策零革去貝勒或降為  
貝子或降為公爵伏候

聖裁得旨達錫策零年幼無知聽信謠言畏懼  
違移竝非有意逃遁且值王益蘇克汪扎爾  
追趕即迎前陳訴又將伊屬下掠馬之人等  
送達錫策零從寬免其革去貝勒丁丑諭  
大學士等駐防崇旦木兵丁等前因遺夫口  
糧借過西寧西大通二鎮官兵一個月米麵  
著將此賞給免其扣除還項○又諭據副都  
統達鼐侍郎衆佛保奏稱青海之扎薩克等  
現在聚兵七千名但器械馬匹未能齊備請  
揀選三千名今共一年一換等語朕所以聚  
此兵者特為保全伊等家口及遊牧之計非  
為征伐調遣之用也其生計情形從前俱未  
聞知今據達鼐等陳奏朕心甚為惻然俟從

容料理必有加恩之處今所聚兵七千名著  
選派三千名照朕從前所降恩旨官員賞給  
半年俸銀兵丁各賞銀五兩一年一次更換  
其更換之官兵亦照此賞給至兵丁駐防日  
久盤費未必接續著賞給茶葉緞布等項及  
每月所食之青稞再撥回之兵丁四千名官  
員等著賞給三月俸銀兵丁等賞銀三兩今  
其各回遊牧之所準噶爾賊人或來騷擾青  
海之遊牧不可不防朕意欲將伊等遊牧預  
行從容遷移擇安協之處居住著伊等會同  
詳議辦理賊人由遠路前來一無所得不待  
戰而力盡矣我內地兵丁與賊交戰時青海  
三千兵丁但追襲賊後量力將賊人馬匹趕  
出所得之馬匹即著賞給趕出之人仍計所  
得馬匹之多寡另行加恩議敘○吏部議覆  
廣東巡撫鄂彌達疏言潮州府屬之潮陽縣  
管轄一十三都地方遼闊請將洋島咸水二  
都及雲落司巡檢改歸普寧縣就近管轄應

如所請從之。已卯諭大學士等副都統佟時茂劉汝霖著同李杖等帶領派出之漢軍步兵四千人前往北路軍營。又諭北路軍臺人員疎屬勤勞應大沛恩賞此內廢員甚多其因何事革職情由並坐臺已經幾年之處交吏兵二部查明分晰呈覽朕著其情由或令開復或行寬免之處另降諭旨其坐臺已逾二年者俱著另委人員更換至在臺各蒙古俱著加恩賞賜。以原任吏部左侍郎阿克敦為額外內閣學士。隨撫遠大將軍印戶部議覆直隸河道水利總督劉於義條奏天津截留漕糧事宜一漕米進倉旗丁向有津貼經紀及坐糧廳等茶米銀諸費今米既截留一切俱可不用其額設落產進倉脚價請令旗丁自備給發一漕米收放必有拆耗地方官恐有賠累於支放時每短少斛面查漕船抵道旗丁雇募剝船每百里給飯米一石耗米一石今既經截留省城剝船之費

請令旗下每米一百石給地方官耗米一石庶支放不致虧折短少。截留漕米入倉查因必須鋪墊苫蓋若俱令地方官置辦為費必多查漕糧例有隨糧簾片請令旗丁即於截留處交納懷有不足再令地方官買補均應如所請從之。庚辰諭大學士等從前令在科布多地方修城原欲駐兵進剿之意今宜以保固疆城為要務賊退之後將科布多駐防兵丁悉行撤回令於察罕叟爾扎布韓等處駐劄近於喀爾喀之遊牧使彼此易於策應著行文大將軍傅爾丹順承郡王錫保會同喀爾喀副將軍等定議具奏。坐科布多兵丁或乘青草即行撤回或俟阿爾泰嶺下雪之後徐徐撤回令伊等公同酌量料理。諭青海王貝勒貝子公台吉等爾等俱係額實汗之子孫自祖宗以來依附內地邊疆恪順供職我

聖祖仁皇帝視爾等如子孫撫育六十餘年

遇之隆至優極渥且念爾等尊崇黃教是以  
我朝於達賴喇嘛班禪額爾得尼備極恩眷  
若準噶爾者賄違賊兵侵犯西地殺害喇嘛  
毀滅供器實爲黃教之罪人爾等僕達索先  
人崇祀之教辜負國家歷沛之恩一家之內  
興起兵戎以啟賊人僥倖之端雖愚昧之人  
亦不出此前者羅卜藏丹津聽信流言敢行  
背叛我朝發兵征剿逃竄在準噶爾處困苦  
辱壯爾等無不聞知今爾等若到彼處路途  
如許遠達馬畜必至疲斃彼豈能爲爾等置  
立產業分與遊牧地方今爾等各統所屬依  
然保聚乎况準噶爾四面皆成讎敵終歲爭  
戰不休凡用兵之處必置爾等於前處使任  
意豈若各守祖父基業永享太平之爲得乎  
爾等若不熟計利害聽伊誑誘之詞依附賊  
人妄思蠢動將來與師問罪必先及爾等彼  
時即欲悔禍國法不爾貸也朕所以頻降諭  
旨反覆開導令爾等會集兵丁小心防守將

屬下人平行移入者實真保全爾等非欲調  
遣爾等爲進剿之用也爾等當思朕愛護安  
全之至意詳細曉諭屬下人等合力防範果  
能遵旨奉行朕自大沛恩膏爾等遊牧處子  
既無吞併之憂而中外安居亦永享無窮之  
福矣。諭管理旗務大臣等盛京係根本之  
地朕意欲於山海關中後所地方築造城垣  
揀選京師及盛京兵丁數千名將查出莊頭  
等之餘地給與伊等居住今其在山中採獵  
并學習技藝供應差遣著奉天將軍那蘇圖  
詳議具奏。禮部議覆四川巡撫憲德疏稱  
故明烈婦四川梁縣禮部郎中李合乙妾王  
氏代嫡捐軀保全嫡子浙江總督李衛疏稱  
浙江平陽縣貢生李應官妻吳氏於順治五  
年山寇竊發被掠不污投江完節即供請旌表  
以彰節烈遺骸均應如所請照例給銀建坊  
入祠致祭從之。甘肅巡撫許容題平番縣  
莊浪土司指揮僉事魯公訓故請以其孫魯

句邦承襲下部知之 辛巳實授張照爲內閣學士兼禮部侍郎 擢鑲藍旗漢軍參領 諾爾渾爲兵部額外侍郎前往北路軍營 以正黃旗滿洲副都統巴圖魯鑲藍旗護軍統領鑲紅旗護軍參領達色著本旗滿洲副都統 於未諭大學士等各省駐防兵丁生齒日繁現今餘丁甚多若聽其閒散既無從學習技勇而定額錢糧亦難以養贍家口著各處將軍於滿洲餘丁內擇其能騎射可供驅使者於額設兵丁之外添設若干名註作何給與錢糧操演技勇之處悉心定議而行

甲申諭內閣今歲五六月間直隸山東河南等處雨澤愆期朕卽慮及上平被水低窪之地魚子存留今夏烈日蒸晒或變埋蝕爲禾苗之患特令大學士傳諭直省督撫嚴飭屬員留心訪察預爲防遏茲據河東河道總督沈廷正奏報山東濟寧之南鄉新店等處有婦子萌動已飭令撲滅又據署河南巡撫

張元懷奏稱光州所屬竹園內生有青蟲似蝗今已捕除從來蝗蝻始生之時以人力割之尚易而小民輒逸偷安憚於用力又恐踐踏禾稼瞻顧逡巡及至飛颺之後遠近蔓延勢不可遏是在實心任事之官員督率鄉民力爲捕治不得姑順輿情釀成大患著直隸山東河南江南等處督撫通行所屬實力奉行僅視爲具文苟且塞責將來飛颺之時朕必察其發生之處將該地方官從重治罪直隸山東河南三省欽差大臣科道等著一同留心訪察毋忽 福建按察使李玉鏞患病解任陞原任福建臺灣道劉藩長爲福建按察使司按察使 靖遠大將軍傅爾丹摺奏臣等於六月十七日擒獲尼魯特哨探賊夷二十三名供稱博克托額有賊兵二千駝馬萬餘遣參贊蘇圖副都統戴豪等率兵三千往勦十八日遣前鋒統領丁壽統兵一千五百名應援與賊戰於庫里野園殲殺賊四百

餘名賊驅駝馬踰嶺敗遁十九日丁壽蘇圖  
等與臣傅爾丹合兵一處二十日賊兵二萬  
餘人從高埠衝突大營力戰一日殺賊千餘  
達副都統塔爾岱馬爾齊率兵二千名奪占  
西山二十一日因賊營險要移營至和通縣  
兒誘賊選擊遣丁壽蘇圖參贊覺羅海蘭副  
都統常祿西彌額領兵據山梁之東塔爾岱  
馬爾齊屯守西山副都統承保居中策應恭  
贊馬爾薩由東路公達福戴豪在前副都統  
舒楞額土默特公沙津達賴等在後俱保設  
行營臣傅爾丹統兵雜進移營時賊人列陣  
衝突軍營來攻丁壽塔爾岱兩軍丁壽等力  
戰殺賊千餘忽狂風驟雨水雹齊至丁壽等  
遂為賊圍因臣傅爾丹遣兵將塔爾岱援出  
又令承保救援丁壽等因日暮未能解圍二  
十二日覺羅海蘭沖殺賊隊潰圍而出丁壽  
蘇圖馬爾齊俱自盡常祿陣亡西彌額命索  
倫兵救援丁壽索倫兵俱潰散西彌額隨亦

自盡二十三日賊晝夜犯臣大營力戰殺賊  
五百餘名土默特公沙津達賴等及察哈爾  
歸化城土默特喀喇沁兵一時潰散軍營止  
存滿洲兵四千名二十四日隨印侍郎永國  
及覺羅海蘭戴豪俱自盡臣等以餘兵退歸  
步設方營保護輜重以塔爾岱署前鋒統領  
達福舒楞額殿後承保統右翼馬爾薩統領  
翼臣傅爾丹與副將軍巴賽查弼納往來巡  
察副都統德祿捧攜款印起行賊夷領兵三  
萬餘四面來侵二十五二十六連日力戰殺  
賊千餘二十七日殿後公達福陣亡二十八  
日臣等沒哈爾哈納河賊夷尾追衝突左翼  
力戰殺賊五百餘名遂登山嶺分兵二隊臣  
傅爾丹率德祿承保自右下山巴賽查弼納  
舒楞額自左下山臣傅爾丹於七月初一日  
至科布多修城地方兵丁陸續至營者共二  
千餘名臣傅爾丹隨遣弁兵往迎未歸諸將  
惟塔爾岱於初七日負傷至營巴賽查弼納

馬爾薩舒楞額今尚未至臣輕舉妄動以至  
 敗績請將臣等正法用彰國憲奉入得旨此  
 舉損兵朕績雖屬有罪朕寬爾等之過慶力  
 戰寬恕其罪庸則難忍不覺淚下將朕親來  
 之帶賜與軍營令傳爾丹繫之爾等忿激之  
 下急思報復恐又妄動賊人雖來不可輕進  
 追擊但能相機堅守即爾等之功科布多地  
 方若難固守可回至察罕軍史爾駐劄今已授  
 馬爾賽為撫遠大將軍領兵前來到時爾等  
 公同商酌料理○乙酉諭內閣朕以直隸山  
 東河南夏間雨澤愆期特命截漕查賑既而  
 三省陸續奏報得雨朕心稍慰茲聞直隸山  
 東及河北彰德衛輝二府有窮民因秋成無  
 望預為渡河而南以圖就食者蓋因本地歉  
 而之時尚未聞截漕查賑之諭旨輒思就食  
 他省若即令資道還鄉恐時屆仲秋耕種之  
 期已過轉欻夫所著該撫飭令沿河州縣於  
 各渡口詳詢其所欲往地方有不能自達

者量給路費仍知照該州縣善為安插除有  
 親朋可依及已傭工得食者聽其自便外其  
 乏食之民著用截漕米石照例計口賑給有  
 欲回本籍者即給資遣回其不願即歸者候  
 來春給以資糧使之回籍俱照例動用存公  
 銀兩造冊送部如各省崇善之家有能存恤  
 周濟者該地方官酌量輕重賞給花紅旗匾  
 最優者詳請題達給以頂帶以示鼓勵設恐  
 民無知因隣省安插得宜仍復離鄉棄業該  
 地方官務悉心安集到切曉諭令其勿離故  
 土又聞渡河流民有欲往湖廣者去鄉更遠  
 回籍愈難著該地方官即於所到地方安插  
 務須規畫盡善無使一夫失所以副朕勤恤  
 民隱子惠元元之意○靖邊大將軍傅爾丹  
 摺奏臣回至科布多修城處驗看工程遂將  
 逃遁之京城正藍旗副參領官保阿達哈哈  
 番陸格及首先造謀潰散訛言惑眾之索倫  
 領催里色奔德爾圖先正軍法至黑龍江佐



領巴都馬始雖勤阻索倫後亦影逃妾報科  
布多河西守卡倫之侍衛兵林泰擅離汛地  
至營報信前鋒泰領金柱前鋒校黑達色泰  
丁壽之令報信大營竝不冲隊前進先還塞  
城之處俱請革職効力贖罪土默特公沙津  
達賴由塔布囊晉封公爵不知圖報臨陣潰  
逃請劾部議罪駐劄科布多河東之叅贊侯  
陳泰副都統阿三聞臣等軍營圍困之信都  
統蒙泰調取守城竝不應援反率領所屬二  
千兵竝達錫領到察哈爾兵三百名急回扎  
布驛地方請交部嚴加議罪再歸化城之土  
默特副都統蒙布春蘭大里查布叅領塞楞  
皆背恩降賊凡被獲脫歸之人俱見其在菓  
零款多卜之營請先將其妻子正法至賊兵  
聞暫駐阿爾泰山領地方專候噶爾丹來索  
之信以決進退謹奏○丙戌諭大學士等言  
黨阿著投為護軍統領同欵拜帶領右衛兵  
丁前往北路軍前費雅思哈阿福塔齊付鄂

爾多巴什等俱賞給原銜給與俸祿著同庫  
齊圖隨漢軍兵丁前往視看道路水草齊什  
到京後俊馬蕭泰帶領兵丁起程時一同隨  
往○又諭原任盛京戶部侍郎傅鼎著調回  
往軍營効力 又諭傅爾丹奏稱歸化城之  
土默特副都統蒙布春蘭大里查布叅領塞  
楞皆思降賊請將其妻子按律正法等語朕  
思歸化城土默特等世受國恩凡遇用兵之  
地奮勇効力已歷多年總未有一背國降賊  
之人今蒙布等不顧辱及祖父累及妻子貽  
羞於眾土默特縱按律處治罪所應得朕今  
法外施恩蒙布等之妻子從寬免死仍令伊  
等照舊安居著行文與丹晉將此悉諭土默  
特弁兵知之○兵部議覆雲貴廣西總督鄂  
爾泰疏言黔省驛站下游自黃綠驛至平越  
府自平越府至楊老驛計程八十里道路崎  
嶇若由黃綠以下之虎場營分路由魚標江  
直達楊老驛止五十里路亦平坦請裁去黃

錄一驛將千越一驛夫馬移駐百陽塘又上  
將新改驛路六站內自毛口抵舍基場舍基  
場抵揚松楊松抵大山凹站路俱不甚均請  
將裁汰之黃綠驛馬匹官役即移駐於毛口  
以毛口河驛移駐烈當舍基場驛移駐晉安  
縣屬之罐子窰大山凹驛移駐楊松楊松驛  
移駐晉安州屬之劉官七無道里均十驛處  
商民均屬便益應如所請從之。丁亥諭大  
學士等原親王崇安令於八月二十一日起  
身前往軍前著賞給內庫銀一萬兩其隨往  
該屬人員照順承郡王出征之例賞給應得  
馬匹照定例折價交與該王辦理。又諭馬  
蘭泰曾經委署前鋒統領帶領滿兵今滿兵  
既暫停起身馬蘭泰著同漢軍兵丁前往其  
卡倫等處行走之滿兵令馬蘭泰專轄。又  
諭八旗漢軍官兵應扣未完車本銀兩著悉  
行寬免。調福建海壇總兵官呂瑞麟為福  
建臺灣總兵官福建臺灣總兵官王郡為廣

東潮州總兵官 四川總督黃廷桂等疏言  
川省存貯米穀現止四十二萬石有零請早  
為籌畫將常年倉捐例改撥作銀隨時撥買  
並酌開捐納事例將銀買穀存貯得古川省  
乃產米之鄉積貯易於為力該督請開捐  
納誤矣况改穀折銀又復將銀買米徒滋弊  
端吏屬肯諤但道省積穀止四十萬石為數  
實少應如何增貯之處著大學士等詳議具  
奏。戊子諭內閣現在川省才能之將弁不  
多欲將隣省幹弁揀選數員命往著詢問河  
東總督田文鏡湖廣總督邁拉於所屬武職  
人員內曾經歷練之人將所知者舉出一面  
奏聞一面令赴川省交與總督黃廷桂酌量  
委署題補。又諭廣西道通交趾開該地方  
有無知愚民拋棄家業潛往交趾地方開礦  
更有姦匪之徒潛逃異域以致追緝無踪著  
似此違禁妄行漸不可長者廣西巡撫提鎮  
悉心商酌於往來隘口及山僻可通之處撥

兵添飭令該管官弁加謹巡查僕有私行出口之人務押解原籍照例治罪庶惡民不致流離異地而姦徒亦不致遠颺漏網矣。己丑諭大學士等西路防禦賊人之事已屢經降旨與大將軍岳鍾琪等預為留心料理但禦賊之道務預計出萬全朕披覽輿圖見軍營至肅州中間甚為遼闊而邊外一帶如赤金柳溝金塔寺沙州瓜州等處散處之民人甚多牲畜亦衆萬一賊人乘其不備而侵擾之則已爾庫爾之大軍何可分紮於各路堵禦凡此黎元皆吾赤子橫被搶掠荼毒於心實為不忍况搶奪民人之牲畜即可為賊衆之口糧則與我疲敵賊人之計亦大相左矣朕意當令居民預度就近可居之地一聞賊信即遷移以避之務期免其侵害若從前駐兵之處有應添兵力以保護百姓者亦著大將軍即行調撥但不可分大營之兵勢總之使賊人此次遠來一無所獲所謂不戰而

屈人之兵也但須善於奉行安慰民心勿使驚惶疑惑以致失所此朕惟恐邊外居民被賊侵害豫籌防禦之大槩也至於用兵之道固以防邊固本為先而機會可乘亦不可失若但堅壁自守聽其肆行無忌雖有可乘之機仍復拘泥成見則又恐賊勢猖狂將來何所底止今冬西路既已預備賊衆若來我師以逸待勞以靜待動大將軍外觀形勢內度己力僅有可乘之機或發兵出擊以挫其鋒或堵禦隘口以遏其路或暗中埋伏以出其不意或趁逐馬匹以驚其衆心亦足使賊人喪膽但萬萬不可輕舉遠逐以分兵勢大將軍只在大營調度不可親身前去副將軍等亦酌量行之擊賊之時賊人以馬兵前來我師以步兵出擊實勝於馬兵禦敵不可審長就短是以現在添派北路兵丁朕將漢軍步兵四千名派往大將軍等當共知此意則派撥各得其宜且使衆人各効其所長而大功

可成矣。朕又細思西北兩路大營乃防邊擊賊之根本。若果兩路大營堅固整齊，不為賊人所搖撼，則彼必瞻顧傍徨，恐我軍截其歸路，掃其巢穴，不敢肆行無忌。即如今春之舉，衆潛歸，不敢久留西路者，恐北路之兵襲其後路也。此番六月之不敢逼近科布多軍營者，又恐西路之兵搖其巢穴也。目前賊既得志於北路，伊知北路兵力不能進取，則今冬仍往西路，且增添賊衆，更多於侵犯北路之力。量俱未可知。總在大將軍先事圖維，臨時權變，勿貪功前進，勿坐失機宜，斯為美善。又如賊人侵犯剽掠，多在風雨陰晦之時，此際天氣潮濕，鎗礮之火藥難出，弓箭之力量軟懈。二者均未便利，當多備手鎗、批力等械，以為擊賊之具，可助鎗礮弓矢之力。將此傳諭岳鍾琪等知之。吏部議覆廣東總督郝玉麟疏言新會開平兩縣連界之大官田地方，與兩縣縣城遠隔，請增置一縣，設知縣一員。

典史一員，訓導一員，分新會縣稟選司巡檢改隸新縣。縣學額取進士武童生各八名，於新會原額二十名內撥取五名，開平原額十二名內撥取三名，均應如所請從之。尋定新設縣曰鶴山，添設奉天府牛莊城倉官一員，從奉天將軍那蘇圖請也。庚寅內務府總管尚志舜年老休致，實授鄂善為內務府總管。大學士等遵旨議奏四川總督黃廷桂等奏請開捐積穀一疏，查川省產米之鄉，應遵諭旨無庸捐納，但通省積穀僅四十餘萬石，為數實少，酌於現存米穀雜糧外，再買六十萬石，共計有百萬之蓄，庶足備用。請分作三年，隨民間穀價貴賤，約計每年買穀二十萬石，每石約價三錢，動支變關及鹽茶盈餘銀六萬兩，分發州縣，總期三年內買足。至各府州縣衝僻繁簡不等，其大縣應貯若干，中縣若干，小縣若干，府倉若干，倉庫作何充期添造，或該地方應貯舊稗雜糧之處，令該

督撫分別酌議辦理得旨所議甚屬周詳妥協依議速行但每年數價貴賤不等如畫定三錢恐價貴時或至抑勒強買價賤時不免侵漁冒銷著再行詳議具奏尋議四川穀石價值雖以三錢為率每年貴賤不等應隨時斟酌如遇價賤不及三錢即可過於二十萬石之數或價值甚賤之州縣應及時採買詳請量加銀兩償過價值不止三錢亦可不及二十萬石之數或價值甚貴之州縣應停止採買以待來歲秋成總於三年內通融籌畫買足六十萬石之數買貯之後照定例存七耀三以免紅腐從之○移福建南安縣縣丞駐羅溪從福建總督劉世明請也

大清世宗敬天昌運建中表正文武英明寬仁信毅大孝至誠憲皇帝實錄卷之一百八

大清世宗敬天昌運建中表正文武英明寬仁  
信毅大孝至誠憲皇帝實錄卷之一百九

教修

雍正九年辛亥八月辛卯朔諭大學士等四  
十九旗扎薩克遊牧之地甚屬緊要科爾沁  
等處遊牧兵丁著派數千名駐劄圖拉克爾  
倫等處見在軍前扎薩克兵丁著撤回數千  
名與伊等合為一處盛京兵亦派二十名共  
一萬有零賊來侵擾喀爾喀等遊牧處可以  
照管爾等會同科爾沁王額駙羅卜臧滾布  
等詳議具奏尋議選派科爾沁十旗兵二千  
名教漢等十一旗兵一千名烏朱穆泰十一  
旗兵一千名再軍前撤回兵丁四千名連歲

京派出二千名共為一萬委員管轄照例賞

給銀兩口糧往駐克爾倫地方捍禦得旨此

等處兵丁俱行選派暫在該處預備聽候調

遣○癸巳諭大學士等肅州金塔寺原種蓮

貢之哈密瓜朕思與其種瓜何如種黍以資

民食著行文該督撫等嗣後不必進獻並著

曉諭彼處人民知之○命鑲蓋旗護軍統領

侯馬蘭泰正黃旗滿洲都統查克旦鑲黃旗

滿洲都統公博爾七原任西安巡撫武格為

撫遠大將軍大學士公馬爾賽察贊○以鑲

黃旗滿洲副都統宗室諾穆柱署正藍旗護

軍統領陞署正紅旗蒙古副都統雅瑚烏正

紅旗滿洲副都統以貝子弘春署正紅旗漢

軍都統鑲白旗漢軍副都統倭星額署正白

旗漢軍都統正藍旗參領杜春署本旗滿洲

副都統○丁爾達大學士尹泰祭

先師孔子○諭青海蒙古及番夷人等朕統

御萬方凡中外民人皆一視同仁莫不欲使

之得所爾等沿邊番夷及青海蒙古同愛國  
家撫綏保戩之恩茲無岐視日今準噶爾賊  
人窺伺邊境或將來侵擾青海蒙古而黃河  
以南之蒙古畏避賊鋒投奔近邊番夷之地  
亦未可定爾番夷等願留心照看切勿因回  
日曾有嫌怨乘其危急而加以戕害若蒙古  
中有不法之徒搶掠番人者許番人用力抵  
禦不必退縮將來事定之後朕自然以理斷  
其曲直分別賞罰番人蒙古皆朕赤子果能  
遵朕諭旨彼此相安同受朝廷之恩澤方足  
爾等之福思之思之 吏部議覆署兩江總  
督尹繼善疏言淮安府屬之山陽鹽州府  
屬之江都縣事務殷繁臨慎遠劇請各添設  
知縣一員分治查山陽縣屬廟灣鎮見有城  
池管汛請改為縣城今新設之縣駐劄再添  
設縣丞一員典史一員移判高司巡檢駐車  
健口鹽城清溝司巡檢駐上岡將鹽城縣學  
訓導撥歸新縣又查江都縣原轄新舊兩城

今酌量分界舊城西屬舊縣東屬新縣新城  
南屬舊縣北屬新縣其卽伯上官二巡司并  
卽伯驛俱歸新縣瓜洲萬壽二巡司并廣陵  
驛俱歸舊縣將原設之主簿訓導各一員撥  
歸新縣并添設典史一員再如阜寧縣東沿海  
一帶港口繁多縣令鞭長莫及請添設主簿  
一員駐樞營場均應如所請從之尋定山陽  
新分縣曰阜寧江都新分縣曰甘泉 免雲  
南東川烏蒙二府屬雍正八年分未完銀米  
有差 以故高齊武札薩克多羅郡王阿噶  
尼斯達子策凌刺布坦襲爵 戊戌祭  
大社  
大段遣呈五子弘晝行禮 乙亥  
太宗文皇帝忌辰遣官祭  
昭陵 調江南江寧將軍鄂彌達為山東青州  
將軍以正白旗滿洲都統穆森署江南江寧  
將軍內大臣拉錫署正白旗滿洲都統陞江  
寧協領阿爾胡禪為山東青州副都統 庚

子

上召入出兵王大臣等諭曰康親王本月二十一日不必起程朕另定日期著王諭所屬人等愛惜馬力相擇水草從容前往推河奇處大將軍馬爾賽到軍營後或令康親王駐劄克爾倫地方管轄扎薩克盛京奇處兵丁或將扎薩克兵丁派數千名滿洲兵內之懦弱者派數千名駐劄圖拉扎克拜達里克奇處令康親王管轄著大將軍馬爾賽順承郡王會同定議 諭大學士等據副將軍石雲倬奏稱七月十三四等日有準噶爾賊人侵擾吐魯番副將王廷瑞等分兵迎敵與賊連戰屢勝生擒賊人七名殺賊二百餘人獲軍器馬匹不記其數等語王廷瑞分兵迎賊甚屬孟浪此番賊衆不過一二十千人王廷瑞等幸獲小勝不但不足爲喜朕更爲吐魯番是之賊人屢被吐魯番之敗創其懷恨益深必復以大眾報復石雲倬可速傳旨曉諭吐魯番

嗣後賊人來犯但當堅守城垣不可迎戰若魯谷慶一城可以容住回民人衆則合防守之官兵堅守一城愈妙如一城不能容住多人則別住於相近之哈喇火州等處將馬匹牲畜速行收拾城中草草預爲多貯以備應用賊衆若分兵來圍彼此堅守堅壁清野俾賊人無所施其伎倆且有大量裝其後奪取其馬匹坐致疲敝自必遠遁亦不可追逐賊衆長於騎射吐魯番如於馬上比決勝負則回民十不及賊人之一若固守城垣以拒敵賊人亦十不及回民之一用我之長乘賊之短此萬全無弊之道也凡事持重鎮守萬之但能保護吐魯番城垣人衆其功勝於殺賊多矣 以左都御史史貽直協辦陝西西安巡撫事務 吏部議覆山西巡撫覺羅石麟疏奏增大佐雜等官事宜一大同府屬之大同縣係衝繁疲難要缺孫令而外止有典史一員不敷委辦請添設縣丞一員一守武府



所屬四縣向係衛所今改併爲縣其倉糧業歸各縣經管所有舊設之神池利民倉大使二缺萬德廣盈永寧寧化倉副使四缺俱請裁汰查寧化倉距縣百里所有倉糧請即委寧化堡原設之巡檢收放一永寧州所轄之方山堡離州遠請添設巡檢一員駐劄舊城一代州既改爲直隸州管轄三縣請裁原設運儲倉大使缺改設糧捕州判一員代州所屬警峙縣之平刑關最屬險要請裁原設倉大使缺改設巡檢一員一直隸平定州原設州判一員奉裁未久請照舊復設直隸縣絳二州均屬繁難要缺請各添設糧捕州判一員均應如所請從之 辛丑

大祖高皇帝忌辰遣官祭

福陵 諭大學士等此次派往軍前之漢軍兵

四十分作四隊前往第一隊著都統李林統

領二隊著副都統佟世茂統領三隊著副都

統劉汝霖統領四隊著都統祖秉衡統領漢

軍人等不善牧養馬匹貝子僧滾扎布公羅卜藏策布登帶領前往之喀喇沁一千兵亦著分作四隊派入漢軍兵內凡漢軍牧養馬匹與行軍事宜令其指示著泰贊侯馬蘭泰管理火器營兵部侍郎諾爾澤達遜隨着在推河地方過冬俟明年草生時著大將軍馬爾賽另備馬駝接迎漢軍兵丁將伊等原乘馬匹交與喀喇沁兵暫行牧養此喀喇沁兵著僧滾扎布等統領在推河駐劄俟大將軍到時調遣而行○署陝西總督查那爾泰言陝甘二省正值軍興之際一應領兵差需用將備甚多仰懇敕部揀發遊擊十二員守備十二員命往陝西以便酌量委署得旨凡在京引見之武弁稍有可用者朕即分發各省以備題補委署之用安得尚有餘剩人員數十名之多朕思上年冬月陝西固原提督吳廷率領弁兵擊敗賊衆懲著勞績朕已諭令各回內地管汛休息以示恩恤凡此有功

之人自有材技優長可膺超擢者著查卽河  
間明樊廷等秉公揀選若果奮力行間人材  
可用卽以微弁兵丁題補委署遊守等缺亦  
可不必以越等爲嫌務期舉用公當以副朕  
獎勞賞功之至意○封喀喇沁固山貝子僧  
深扎布爲多羅貝勒○壬寅寶劄師恕爲  
內閣學士兼禮部侍郎仍留福建觀風整俗  
使任○以詹事府少詹事吳應棻提督順天  
學政○癸卯諭內閣今年五月間直隸山東  
河南三省雨澤愆期大有亢旱之象朕心憂  
懼寢食靡寧特命大學士九卿等預籌賑恤  
備用之策務使三省蒼黎無一夫之失所隨  
經廷臣定議截留漕糧以備三省賑濟專遣  
大臣經理其事再令翰林科道等官分往各  
州縣親身查勘助理散賑朕俱降旨允行嗣  
於六月二十八九等日京師地方

天賜甘霖四野霑足隨據署直隸總督唐執玉  
山東巡撫岳藩署河南巡撫張元懷陸續奏

報各該省霑被雨澤及秋禾秀實情形據  
巡察御史寶啟瑛奏稱順天永平宣化三府  
收成六七分八九分者居多此皆

上帝垂慈矜憫下民而錫以再造之福也朕思

截留漕糧原以備地方緩急之需應仍將前  
旨交與差往之大臣辦理外至於分派大臣  
官員等前往各省查勘散賑者因恐被災甚  
重而地方又復繁多難以全委之於該省有  
司也今則地方官可以料理若添設欽差轉  
致有司之推諉所有差往河東二省之員卽  
著回京直隸巡察御史等亦不必兼管查賑  
之事該大臣等於辦理截留漕事竣後亦著回  
京其三省得雨稍遲之州縣卽交與該督撫  
督率地方官秉公查勘有應行散賑之處悉  
心辦理務令窮民咸登衽席儻忽從事未  
行不力責有攸歸○靖遠大將軍傅爾丹招

奉臣世受國恩蒙

皇上矜全撫恤實同高厚復恩施望外授以大

將軍重任耳提而命訓諭周詳臣不能違奉  
聖訓妄動輕舉損折國家歷年生聚教養之將  
士上勞

聖慮辜負負罪不惟法不可容即臣心愧報亦  
難以偷生於人世今

皇上不即加誅降旨慰諭復加賞賜實從古未  
有之隆恩但臣此次進討大臣數人悉已身  
故臣若不勉勵將士收軍而回轉使賊人得  
計因與副將軍巴春查弼納等計議我等若

死於敵則已今若輕生自殺其如國體與將  
士何惟當竭力護衛餘兵至建城之處以待  
國討茲惟有同心鼓勇力戰擊賊因遂曉示  
軍營奮兵帥眾踴躍而出同時分軍統領者

巴賽查弼納馬爾薩舒楞額等至今茲無消  
息損兵折將至於如此臣不但無以仰對  
天威亦何以愧顏統眾

皇上縱格外施恩不加誅戮臣死之日難見碑  
亡將士於地下也今臣已至城所安置哨站

竝傳諭喀爾喀副將軍等令其備運糗糧圍  
壘深溝以息將士招募商人謚寧蒙古諸務  
悉已就緒伏乞

皇上速遣賢將統率大軍將臣調回同臣妻子  
一併正法以昭國憲奏入得旨朕從前諭旨  
甚明朕之處事豈肯不持大義以定是非而  
聊為此目前慰勉之理惟輕信賊言冒險深  
入中賊詭計是爾之罪至不肯輕生自殺力  
戰全歸此爾能辨別輕重之處事定之後朕  
自有辨理之道爾若念慮紛擾以致血氣消  
耗不能報仇官恥上損國威下玷家聲罪尤  
甚焉爾其勉勵勇氣安心敬攝計圖遠大以  
答朕恩 甲辰遣官祭

關聖帝君 諭內閣雲貴廣西總督鄂爾泰  
來京陛見於署督高其倬到滇之後起身著  
乘驛按程而行所過地方派撥弁兵護送沿  
途文武官員悉按該管上司之禮迎送供應  
以內大臣拉錫為正白旗領侍衛內大臣

戶部左侍郎海望馬內大臣仍兼戶部侍郎行走以署左副都御史兼大理寺卿索柱萬額外內閣學士陞陝西寧夏左翼副都統卓鼎為陝西寧夏將軍署理鎮安將軍事務以傅泰仍署理寧夏將軍事務刑部侍郎常養為西路副將軍調西路副將軍正黃旗滿洲都統覺羅伊拉布為撫遠大將軍參贊靖邊大將軍傅爾丹摺奏科布多修城處所既當奇林庫里野圖大路二道又與布拉罕大路相近且於阿爾泰小路通達之處甚多地方實屬緊要臣至修城處所之時城垣周圍已高築五尺此際見令綠旗兵丁等加力修築將城牆高築一丈合計環城共修一丈五尺其於防守事宜已為堅固但周圍十有二里甚屬遼闊見今在城兵丁共計一萬五千九百餘名僅足看守城池若再於城垣兩邊要隘添兵駐防庶賊眾來時可以協力攻禦查修城處所離察罕叟爾約計一千四

百餘里難於策應伏乞

皇上敕令盛京和殿黑龍江內扎薩克等處兵

丁前往築城處所駐劄防守於軍務實有裨

益奏入報聞西午諭大學士等據靖邊大

將軍傅爾丹仍欲令兵丁在科布多地方駐

劄防護爾等會同大將軍馬爾賽將應駐應

撤之處確議具奏再將查克旦率領駐劄庫

布可爾地方兵丁應否撤於察罕叟爾之處

一併議奏尋議科布多駐劄兵丁遠隔察罕

叟爾千有餘里難於互相捍衛察罕叟爾地

方與喀爾喀邊界之地相近如將大兵會集

一處駐劄不但軍威強盛而防護亦有裨益

應將科布多兵丁撤回察罕叟爾其駐劄庫

布可爾兵丁亦應撤回察罕叟爾從之諭

理藩院青海扎薩克一等台吉格勒勤力有

年前羅卜藏丹津叛逆時在哈爾爾爾奮勇

殺賊今又追擒諾爾布著加恩封高公爵

改江南江寧城守右營遊擊缺四州浦口二

營守備缺俱爲都司僉書從兩江總督高其倬請也 丁未戶部議覆著直隸總督唐執玉疏言雍正四年永定河開岔新河它去東安永清武清三縣民田共四百四十頃有奇俱已給價訖其原額錢糧請於雍正四年爲始悉予豁免應如所請從之 戊申諭大學士等從前降旨令馬喇回京今藏內見有僧格巴進忠邁格青保苗壽等數人辦理事務馬喇著遵前旨回京一路防衛兵丁或四五

亦誑稱噶爾丹丹半同其女來藏乘其不備進兵襲取藏地今送回蘇爾雜之言正噶爾丹策零施行甚計若唐古特部落少爲玩忽即蹈從前策零數多卜之故轍兵準噶爾賊人既殺拉藏豈有實心將蘇爾雜送回西藏今代父職之理著頗羅鼐將此情由曉諭衆唐古特知之準噶爾賊人揚言發兵五千護送蘇爾雜道途險阻全軍豈能齊到日今西藏有內地兵丁二千名換班兵丁五百名又駐防又未多兵一千名兄催來藏爾處亦有訓練蒙古兵丁應與駐扎西藏大臣會同商議於阿里者斯肯圖魯克里野等處要隘遠設卡倫詳加瞭望協力防守準噶爾賊衆若以兵隨蘇爾雜斷不可容留即迎戰擊退賊敗走時亦斷不可追襲蘇爾雜父兄被人殺害伊豈不忿恨若果思報仇并感戴朕恩帶領數人恭順來歸爾等收留悉心安頓至若立汗之事當令達賴喇嘛班禪額爾得尼奉

聞於朕方可建立蓋可令噶爾丹策零任意妄行頗懼原扶叻拉藏効力行走後固拉藏被賊殺害朕令爾料理西藏事務爾約束唐古特實心効力是以加恩封爾為日勒蘇爾雜若果率領數人來歸爾即行奏聞候朕另頒敕旨 乙酉諭宗人府順承郡王錫保白永往軍前以來辦理軍務克殫誠心勤勞宣力甚屬可嘉王之祖多羅額郡王亦係國家懋著勞績之督王著將錫保晉封順承親王 諭內閣雍正七年八月內降旨陝西四川直隸山東山西河南等省所派出征之大小官弁俱係能員嗣後六省所出之官弁員缺著該上司委員進行署理准其并俸俟凱旋之日將出征之員與妻署之員合并比較揀選引見請旨補授蓋欲使効力疆場之人即可得缺陞選而妻署稱職之材亦得兼收並用實兩全之道也但今行之二年妻署之員漸多實授之員漸少每遇缺出該管大

臣往往以不得合例妻署之員甚費籌度前經署陝西總督查即阿清將妻署之員起次再行妻署朕已降旨允行又請揀發遊守等官二十四員為陝甘二省之用朕又降旨令將出征有功新回營汛之人揀選題補畚今思各省出征之員未能即回本任而妻署之缺日積日多則題補之法應行變通著於十缺之中分出三缺為出征弁員陞補之缺北路者交與大將軍馬爾賽西路者交與大將軍岳鍾琪揀選題補其餘七缺則將本省之弁員或即行題補或暫行妻署令該管大臣酌量施行其直隸之缺交與提督路振揚甘陝二省交與署督查即阿河東二省交與總督田文鏡四川交與總督黃廷桂山西交與石麟石麟著以巡撫署理山西提督事務哈與印信通省武弁聽其管轄 庶民諭大學士等北路軍營鑲藍旗蒙古都統袁恭著為內大臣補授湖廣荊州將軍馬爾賽至軍營

令張泰來京正黃旗滿洲都統查克旦著爲  
內大臣 實授鑲黃旗滿洲都統公博爾七  
爲內大臣 辛亥

上請

恩佑奇行禮 大學士忠達公撫遠大將軍馬  
爾賽起程

上命

皇四子弘曆告祭

奉先殿王以下官員俱至西長安門外送行

敷諭撫遠大將軍馬爾賽奉

天伐罪治世之帝經鉤暴除先安邊之遠恭逆  
賊鳴爾丹象零者狂悖冥頑父子濟惡妄欲  
侵凌我屬國窺伺我邊陲包藏逆心狡馬思  
逞朕以此賊不除以爲衆蒙古之隱患是以  
命將興師聲罪致討無稱兵耀武非朕本懷  
臨以天威許其悔悟未嘗督責將士立事掣  
除此朕數年以來靖同邊圉撫綏屬國之誠  
也茲特命爾烏撫遠大將軍統領滿洲蒙

古綠旗大兵爾其輝歷邊疆肅清壁壘申明  
紀律鼓勵戎行鎮靜以安機神明以利勝特  
重以固守整衆以宣威勿恃兵強而輕視賊  
徒勿謂己能而不納衆論密偵遠探廣慮外  
之防維先事孰籌決萬全之勝算勿冒險以  
輕進勿貪功而深入各路大兵及蒙古兵丁  
聽爾調遣凡過駐劄處加謹約束兵將所過  
地方申嚴軍令毋得騷擾百姓毋得淫人婦  
女毋得雜散人之父子夫婦毋得損壞人之  
墳墓室廬毋得強取貨物毋得驅役平民其  
或臨戰退縮貽誤軍機者文官四品以  
下武官三品以下即以軍法示衆官兵有犯  
小過者徑行處治有勞必錄有過必懲法紀  
務極嚴明賞罰悉期公當賊中有窮寇來歸  
者加意撫恤其不抗拒官兵者勿加殺戮一  
切戡宜爾商酌調遣有意和會西路寧遠大  
將軍者即行知會一同辦理爾其衆重刑詳  
殫心奮力以副朕戡亂靖邊安民懷衆之至

意欽哉故敕。癸丑諭王大臣等內務府佐

領下每旗酌量增挑護軍或一百名或二百

名設立烏鎗營其作何操演及應給錢糧米

石之處著莊親王內務府總會同大學士

等詳議具奏尋議查見今護軍營內並無烏

鎗請每旗增挑護軍二百名於各佐領內管

領下馬甲內擇其材技可觀者挑取如或不

敷於間散人內挑取合新挑護軍與舊護軍

內共挑六百名烏鎗護軍行文火器營令

其派人教習每旗應添設護軍參領各二員

侍衛委署護軍參領各二員護軍校委署護

軍參領各五員護軍校各十五員副護軍校

各五員從之。諭兵部各省挑選勇健兵丁

二千名該督撫送到時著莊親王內務府總

管常明料理安頓即交與原任提督柏之蕃

原任副將錢宏加意訓練。甲寅秋分夕

月於西郊這頭親王行滿行禮。寧遠大將軍

岳鍾琪奏報臣遵旨恭擊烏魯木齊於七月

十二日自巴爾庫爾啟行從伊爾布爾和卻

地方徑行五百餘里直至穆墨河地方並無

賊夷不倫於二十三日臣統領大隊沿途擊

賊至阿察河有賊夷數百人在前引誘臣即

嚴整攻殺賊夷敗走我兵追至尼爾穆克河

賊夷在隔河踞住山梁掛敵三處約有三四

千人臣先令總兵張元佐等領步兵為右翼

提臣紀成斌等領馬兵為左翼總兵王緒級

曹勳等領兵由中路而上居中策應又令參

將黃正位等帶領勇健兵從北山抄襲賊人

之後官兵齊進奮勇爭先飛奔山梁直衝賊

隊日辰至午將三處山梁俱皆奪取賊夷往

西敗遁殺死賊夷不計其數因山路崎嶇天

色將晚我兵不便窮追臣即收兵別營於二

十四日接奉

上諭令臣畧行襲擊即撤兵回營臣追趕賊夷

離納鄰河不遠至烏魯木齊僅有兩日路程

因烏魯木齊一帶賊夷搬移已空深入無益



臣於七月二十五日統領大兵回赴巴爾庫爾仍按程埋伏精兵禦後以防賊匪尾隨偷盜馬匹臣遵旨襲擊緣由并放師日期理合奏聞得旨兵鍾琪此次領兵襲擊賊眾遠尾連俱合機宜弁兵等鼓勇爭先同心効力甚屬可嘉著兵鍾琪將在事有功之人分別造冊送部俟成功之日一併從優議敘賞賚其陣亡及帶傷之兵丁著照例賞卹 靖遠大將軍傅爾丹摺奏准大學士等咨稱副將軍巴賽查納納參贊馬爾薩副都統舒楞額等率兵進剿至今無信應查明奏聞臣自至科布多後詳細訪問巴賽等總無確音今有從賊營脫回之正紅旗前鋒校薩明阿據稱中賊刀傷被擒在賊營遇土默特奈爾大里查布云副將軍巴賽查納的於六月二十八日越嶺至一小河俱各戰歿又有賊營脫回之正黃旗護軍海壽係參贊馬爾薩傳事之人據供六月二十八日隨馬爾薩至哈爾哈

納河相近紅石崖下馬爾薩中鎗陣亡海壽救援被擒等語至舒楞額未得確音俟查明再奏奏入報聞 乙卯諭大學士等又未多駐劄之雲南兵一千名令其前往西藏備用爾等已行文與總督鄂爾泰及西藏辦事大臣等但雲南省城轉行又未多路途遙遠可行文與駐劄人未多之大員此旨到日該員即將兵丁應用之馬匹衣裝等項料理齊備將弁等統領即速起身按程前進不必候雲南文書其一應馬匹衣裝口糧俱著寬裕應付毋得遲誤 諭內閣朕聞各省駐防兵丁技勇多屬生疎營伍亦覺廢弛所養馬匹多不足額漢軍尤甚且遇急用之時竟有將營馬私賣者今特頒諭旨通行曉諭著該管大臣官弁悉心整理勤加訓練務令軍容嚴肅武備周全朕或於明年春月各差科道等官前往查看儻仍蹈故轍一經奏定將該管大臣官弁嚴加議處 丙辰諭大學士等據

右衛將軍宗室申穆德秦稱右衛徐丁見有八百餘名此內可以披甲者尚多著交與申穆德等於徐丁內挑選添設馬兵五百名丁已論理藩院據青海郡王額爾得尼厄爾克托克托秦稱年力衰邁請令伊子代伊在軍前行走額爾得尼厄爾克托克托秦曾經効力之人甚屬可憫著將伊子內可以兼替王爵者指出一人朕加特恩封為長子令代伊効力行走 戊午調湖廣彝陵總兵官杜森統領四川松潘官兵前往西寧以直隸山永副將治大雄署湖廣彝陵總兵官 戶部議覆廣東總督郁玉麟疏言瓊州一鎮孤懸海外產米稀少又龍門協凡五海中遇風信不順商販難渡兵憂艱食香山虎門二協兵民稠集廣海一寨僻處海隅商販軍到均應豫籌積貯之法請將見存鹽政節省及奏廉餘剩銀兩買穀一萬六百石分貯各鎮協營遇青黃不接之時借給兵丁於秋收散餉

時原數買補概免加息應如所請從之 免江南無為寧國等十州縣鳳陽長淮二衛雍正八年分水災額賦有差 予故一等承恩公達爾馬祭葬如何 己未以鑲紅旗護軍叅領圖爾秦署鑲藍旗蒙古副都統 庚申以正紅旗滿洲副都統宗室鄂齊署鑲紅旗蒙古都統

大清世宗敬天昌運建中表正文武兵勇寬仁信毅大考至誠憲皇帝實錄卷之一百九

大清世宗敬天昌運達中表正文武英明寬仁  
信毅大孝至誠憲皇帝實錄卷之一百十

此卷係世宗憲皇帝實錄卷之一百十之續前卷之末也其後尚有續編  
續編係世宗憲皇帝實錄卷之一百十之續前卷之末也其後尚有續編  
續編係世宗憲皇帝實錄卷之一百十之續前卷之末也其後尚有續編  
續編係世宗憲皇帝實錄卷之一百十之續前卷之末也其後尚有續編

秋修

雍正九年辛亥九月辛酉朔諭內閣前據奉

天將軍等奏請設立水路防汛於草河鐵河

等處朕因此地與朝鮮國連界恐於該國或

有不便之處特行降旨詢問今該國王奏請

仍遵舊例著照所請不必添設防汛亦無庸

交兵部再議○壬戌諭大學士等從前三姓

地方人等俱歸入旗分編為佐領七姓地方

之人現今仍打牲捕貂聞伊等漢仗甚好與  
三姓地方無異著行文該將軍常德於七姓  
人等內如有漢仗好情願披甲効力者查明

數目具奏○衍聖公孔傳鐸老病乞休允之  
以其長孫孔廣學襲爵○癸亥諭八旗都統  
等訓練兵下須步行敏捷乃為善技若勤習  
漸進一日即可行至一百四五十里著八旗  
都統副都統前鋒統領護軍統領等將所轄  
弁兵內年五十以下者皆令演習務期服勞  
耐久俟一年後特指一處試看若不能行至  
所指之地朕惟該管大臣是問若有步行超  
越者朕分別賞賜○諭喀爾喀弁兵等喀爾  
喀騎射諸練丁壯強幹勇於戰陣尼魯特不  
嫻騎射性懦弱而誇張惟長槍是賴一經敗  
北不敢回視後因喀爾喀傾心經典惟以尊  
崇佛教為事不習技勇而厄魯特巧詐性成  
乘爾七旗不備突然加兵是以披其攻擊不  
能保全遂至失所當上謝圖汗澤卜尊丹巴  
胡土克圖奔赴  
聖祖皇帝請救時  
聖祖憐念從前恭順納貢收留卷贖安插內地

其喀爾喀各頭領仍照向來等次晉封汗王貝勒貝子公台吉扎薩克加恩賞給俸祿令各回原處居住安享康樂迄今已三四十 years 矣從前大兵於烏爾布通地方擊敗噶爾丹噶爾丹復來犯克爾倫地方

聖祖親統而路大兵征勦噶爾丹於圖拉地方被我兩路大兵擊敗勢窮力竭奔至薩克薩圖古里克地方死亡殆盡其後因策妄阿刺布坦煽誘離間意在收取喀爾喀

聖祖洞悉其情保護喀爾喀於疆界處駐兵十有一年又以準噶爾逼近喀爾喀不免侵擾命大兵踰阿爾泰深入額敏寨爾地方再三掃蕩厄魯特肝膽俱碎今知噶爾丹家零又欲侵擾喀爾喀朕於扎克拜達里克及察罕叟爾等處不惜十萬糧餉添兵數萬特烏喀爾喀耳通來北路軍前將軍大臣等輕兵進勦未及深察地利頗為失律然鏖戰十有餘日殺傷賊人數千行軍勝負乃其常事關爾

喀爾喀以宵小捏傳準噶爾賊由科布多烏爾古木地方而路來犯之語坐臺喀爾喀各棄牲畜搶奪驛馬離站四散爾喀爾喀各台吉咸思効力朕所深知爾等虜人止據荒言遠爾警寃何怯怯之甚朕爾等試思之準噶爾賊人盡取馬匹而外不敢與勦敵曠日持久計其人眾不過三四萬內地大兵數萬見駐爾地西疆何必畏懼退縮乎今準噶爾賊動曰往食恟弱喀爾喀即此一言豈丈夫之所堪受昔日噶爾丹攻擊爾等時和托輝特根救貝子布卜推哈坦巴圖魯等尾隨噶爾丹擊敗準噶爾取其馬匹蛇隻和托輝特亦喀爾喀部落人也爾等何不效法之嗣後噶爾喀各部人將朕所降諭旨各銘於心凡遇行陣坐千殿後等處勇往効力斷不可上負

聖祖及朕深恩茲貽羞於爾部主不逾數年勞瘁便可永息兵革常享安樂矣其各勉之○

甲子副都統達爾奇遵旨議奏青海拉查卜原係貝子從前羅卜藏丹津叛亂時餘眾俱赴西寧伊獨逃往喀木地方從寬降為公爵今又無故逃遁拉查卜理應正法但伊因畏懼逃遁追兵一至即便迎降請從寬免其正法將拉查卜交與西寧總兵官永遠圍禁其長子察罕拉布坦預先歸降請俾其承襲公爵授為扎薩克一等台吉管領該旗佐領下人至與拉查卜同逃之扎薩克台吉查漢喇卜離向係圖爾古特敝末台吉相依視王戴青和碩齊察罕丹津因不從羅卜藏丹津叛亂

皇上加恩授為扎薩克一等台吉乃無故逃遁追兵既至尚不迎降以致被擒理應正法但拉未乘亂生事亦從寬交與西寧總兵官加鎖嚴禁再查漢喇卜離之族弟協理二等台吉達爾濟見在駐牧居住不肯同逃請將查漢喇卜離之扎薩克台吉令其承襲則伊屬

佐領不至改隸他人無得旨拉查卜係察罕丹津兄之子察罕丹津効力有年著將拉查卜寬免交察罕丹津管轄查漢喇卜離從前征勒羅卜藏丹津亦曾効力并著寬免交伊弟台吉達爾濟嚴加管束餘依議○乙丑諭內閣寧夏橫城口及黃甫川邊外閒地與鄂爾多斯接壤內地民人越界耕種而蒙古等私索租價每至生事互爭經該部堂官奏請照例定界朕遂降旨交與該督撫確查定議今據該地方官派員與鄂爾多斯之扎薩克等會勘請照原定之例分界經大學士議政大臣等議覆准行朕為天下主薄海內外一視同仁若照廷議立界俾民人蒙古各守疆址彼此無爭揆之事勢似屬有益著行文鄂爾多斯之扎薩克王等再加詳悉詢問各抒所見公同商酌具奏到日再降諭旨○陞正黃旗蒙古副都統薩格為鑲藍旗蒙古都統○丙寅授淳度親王允祐女為郡主塔色卜

勝多爾濟烏和碩額駙以公伊爾金著鑲藍旗滿洲都統靖遠大將軍傅爾丹招泰臣等邊省公議辛科布多兵丁撤回察罕叟爾地方今陸續自賊營脫回之人俱云賊兵在夸額爾齊斯地方查夸額爾齊斯左河爾泰之傍科布多城之西南相隔不遠而與布拉罕路口甚近見今城內所有官物甚多今若退兵半衆回行萬一賊隨後援犯甚屬可慮至官物內可上理者惟鐵器其餘糧二萬三千石銀八十萬兩火藥鉛子帳房般布茶葉等皆軍營要物大約需駝一萬二千隻方能運載臣已行文於順承親王拉喀爾喀三處副將軍傅集駝隻到後臣領兵由科布多河東北一路往赴察罕叟爾駐劄奏入報聞

丁卯陞左都御史那爾奇烏爲兵部尚書仍協辦工部事務協理兵部侍郎福敏爲都察院左都御史仍兼管戶部兵部侍郎事務左副都御史申珠軍爲盛京禮部侍郎仍暫管

盛京刑部侍郎事以鑲藍旗護軍參領石圖五十六俱署木旗滿洲副都統貴州提督楊天縱以年老乞休命加太子太保銜致仕調雲南提督哈元生爲貴州提督陞廣西左江總兵官蔡成者爲雲南提督調雲南永順總兵官霍昇爲廣西左江總兵官靖遠大將軍傅爾丹摺奏據陸續賊營脫歸之海壽巴顏毛勒垂扎木素畢立克圖等供稱賊人從和通船兒交戰地方向西北前行月餘渡額爾齊斯河大業零數多卜在夸額爾齊斯居住小業零數多卜在喀拉拖灰及庫克德勒蘇地方散布住劄小業零數多卜意欲退回大業零數多卜決意進兵由畢濟一路前往擄掠公通厚克攻取察罕叟爾在杭愛地方過冬等語謹此奏聞得旨朕覽地圖夸額爾齊斯離巴爾庫爾甚近離滿沙噴間雪降水凍之後即可行走見今西路軍營各路俱

嚴固防寧似無可慮但恐賊人自奉爾爾齊斯邁哈布塔克拜塔克經由鹽池圍呼魯克以盜劫塔爾那沁之牲畜殊為可虞大將軍岳鍾琪務籌防範萬全之策再嘉峪關至巴爾庫爾一路臺站甚為緊要賊若從旁衝入臺站自被其阻遏將此行文岳鍾琪查郎阿知之戊辰諭大學士等前因北路軍營大臣尚少降旨令伊禮布由阿濟畢齊前赴察罕史爾等侯大將軍馬爾賽令賊人來投阿濟畢齊亦未可定伊禮布不可冒險前行著行文伊禮布令回至巴爾庫爾軍營候旨○諭理藩院邊疆地方報稱鄂羅斯之郎喀前來鄂羅斯近來甚屬恭順伊等貨物至楚庫拜姓處即行申報而邊疆地方遲延致使伊等久候時值隆冬其盤費馬畜未免困苦朕特施恩著理藩院派官一員于戶部庫內領銀一萬兩前往賞給以為途中買換馬畜之資靖遠大將軍傅爾丹招奏賊人侵犯洪

甲舒魯克地方肆科布多城有五十餘里臣將馬匹牲畜收入城中固守奏入得旨大將軍馬爾賽並無軍營急料事務令賊人又來犯科布多地方可行文令其緩行前進若臺站已斷或酌量回來或尋嚴固地方駐劄偵探○己巳諭大學士等賊人來犯科布多或以全力侵犯察罕史爾扎克拜達里克亦未可料著行文順承親王錫保王丹津多爾濟等保固軍需馬匹并喀爾喀遊牧處賊人凡有侵掠錫保乃總理調遣事務之人斷不可輕離察罕史爾即有調遣事宜錫保可遣彼處之大臣等領兵前去王丹津多爾濟雖係副將軍亦宜與錫保在一處辦理若無朕旨斷不可輕動○庚午諭四十九旗扎薩克蒙古等兩等於太宗皇帝時即敬順歸降創業之際輔佐効力至於朕身受恩四世爾等感戴之忱朕所確知爾等之騎射技藝亦倍勝於準噶爾但恐

爾等之意以喀爾喀遠居地塞罕噶爾即有劫掠亦不過及於喀爾喀爾等可置於度外不知喀爾喀之王台吉俱係爾等成吉思汗之苗裔一姓之兄弟也罕噶爾者自元朝背叛至今世爲爾等仇敵爾等乃衆扎薩克之屏障可置於度外乎從前

呈考親自領兵在圖拉昭莫多地方滅噶爾丹保全喀爾喀者亦爲爾與蒙古也其後策妄阿喇布坦之兵來侵哈密被我兵擊敗未獲吐魯番被我兵勒殺又暗使策妄殺多卜等襲破西藏

呈考爲爾蒙古春佛之地遣將與師破賊定議今朕於西路駐劄大兵亦爲爾內外之蒙古也前大將軍傅爾丹等輕信賊言輕兵深入千餘里賊人據險來犯遂至失利然傷殺賊人至於數千亦互有勝負也嗣後王台吉與弁兵等果能出羣効力朕自從優議敘并賜與世襲巴圖魯達爾漢之號使令名垂於

永遠罕噶爾事定之後千戈永息長享太平之樂矣胞之胞之宗人府邊吉將恭親王子孫十二歲以上者八人帶領引見得首前因滿都護病故無子海善雖有子恐不能保守恭親王家業故特交與諸臣議奏今經宗人府查明引見始知海善子孫甚多朕看倫

木布之子斐蘇人聰慧尚可保守家業著將斐蘇仍封爲多羅貝勒將原官位領查明給回○辛未諭大學士等澤卜尊丹巴胡土克圖乃七旗喀爾喀供養之大喇嘛額駙殺多卜多爾濟可加意防備若賊人有來侵庫倫之信將胡土克圖遠避來至多倫胎兒居住○以署江南按察使古通政喬世臣署江南江蘇巡撫調署江蘇巡撫王國棟署浙江巡撫湖北按察使刁承祖爲江南江蘇按察使司按察使以鴻臚寺卿署河南按察使唐繼祖爲湖北按察使司按察使○兵部議覆湖南學政習寯疏言考試武童定例技勇漢仗



好者用好字號印卷移送內場擇其文理明  
通者取進如好字號不足再於合式卷內取  
進但武童之外場好者或策論不通或詩發  
手代考或點名入號時調換試卷又合式武  
童自揣技勇不及慣爲倩代以致作姦犯科  
種種情弊嗣後請於武童考試外場時每人  
供單一紙各令親書籍貫三代年貌俟取進  
時再令覆寫親供嚴加驗對以絕內外場調  
換之弊至考試內場將好字號武童與合式  
武童隔別坐號以防臨時代倩之弊著爲定  
例應如所請從之○壬申靖遠大將軍傅爾  
丹摺奏據烏蘇圖舒魯克十倫之侍衛達什  
爾圖報稱賊人駐劄紅鄂羅腦兒地方約有  
萬人又科布多城外三十餘里有賊兵五六  
百名往布延土箭去等語臣等圍守城也如  
攻城賊兵入少勢弱即相機勦殺奏入報聞  
○癸酉予故一等侯馬爾英葵葬如例○甲  
戌廣東總督都玉麟因病請假允其暫解印

務在署調理以廣東提督張鴻署廣東總督  
調福建陸路提督張起雲署廣東提督以福  
建福州將軍阿爾賽署福建陸路提督福建  
福州右翼副都統額密魯署福州將軍○叻  
部議覆江西巡撫謝受條奏設官移駐事宜  
一南昌府屬新建縣之吳城一鎮前經部准  
署撫臣張垣麟奏請將南康府屬同知移駐彈  
壓遂以吳城改隸南康府屬之星子縣官轄  
查吳城鎮前後左右俱屬新建若改隸星子  
凡遇查拏匪類拘審人犯開移往返轉致稽  
延請仍隸新建一吳城鎮商民繁雜游縣官  
差應設大員彈壓請令南康府同知兼轄吳  
城捕務其相近之樊家壠及松門吉山等處  
俱令該同知管轄一吳城汛地原係南昌水  
師營弁兵駐防嗣因改隸星子故於九江協  
內添撥弁兵防守今既復歸南昌應將九江  
協弁兵撤回仍於南昌水師營添設一松門  
吉山俱在鄱湖之中二山相去十里控禦逆

遠只有吉山一汛請於松門添設一汛亦令  
南昌營水師撥兵駐防均應如所請得旨依  
議前經張垣麟條奏請將南昌府新建縣之  
吳城鎮改隸南康府星子縣管轄經部議准  
行在案今該撫謝受奏稱不便從前張垣麟  
冒昧陳奏妄事紛更甚屬不合嗣後文武官  
員等僅有將地方不可施行之事妄自陳奏  
舉行經後任復請更改者將原奏之人交部  
議處儆原奏本是而後任妄爲指摘或有意  
翻案者經朕察出亦必從重處分將此永著  
爲例○乙亥諭大學士等行文康親王崇安  
前往軍營同詢爾澤李扶在漢軍營行走聽  
大將軍馬爾賽調遣○浙江總督李衛江南  
提督王紹楮俱來京陛見以江南崇明總兵  
官李燦著浙江總督河南南陽總兵官馬世  
龍著江南提督浙江紹興副將宋安署河南  
南陽總兵官○丙子陞正白旗滿洲副都統  
博第爲鑲白旗護軍統領以原任荊州副都

統備圖著正藍旗滿洲副都統杜春俱爲正  
白旗滿洲副都統陞二等侍衛蘇爾驛爲鑲  
白旗滿洲副都統調陝西西安左翼滿洲副  
都統僧保爲陝西寧夏左翼副都統寶拉  
薩立爲陝西西安左翼滿洲副都統陞山東  
德州城守尉席爾塔爲歸化城右翼副都統  
著鑲藍旗滿洲副都統五十六爲歸化城左  
翼副都統○工部議覆署河南巡撫布政使  
張元懷疏言昔河運徒無定限工險易不常  
所有汛弁衝署應建於各工適中之地請將  
豫河營守備改駐祥符縣埽頭集懷河營守  
備改駐祥符縣陳橋上下計里均勻可以  
彼此兼顧應如所請從之○丁丑諭大學士  
等上年西路擊賊有功及帶傷患病之兵丁  
前已降旨令其各回內地管汛休息調理以  
示恩恤其凍傷手足致成殘疾者舊例查其  
子弟一人入伍食糧仍令地方官每月給米  
三斗養贍終身朕思本兵苦成廢疾而家無

可以入伍食糧之子弟悉月給官米三斗不  
敷餬口之用實爲可憫著該管大臣確查上  
年西路兵丁因擊賊受傷致成廢疾而家無  
子弟入伍者俱給與守糧一分以終其累用  
示朕加恩優恤之至意○振武將軍順承親  
王錫保捐奏據圖臺毛海控科爾若克齊圖等處  
拉等殺稱圖臺毛海控科爾若克齊圖等處  
俱有賊兵往來又賊兵二千餘由河哈爾拜  
已至奈蘇地方并分兵往大蘭一路等語臣  
即令喀爾喀副將軍郡王額駙策凌貝子羅  
卜藏等統兵分路往尋賊踪如有偷盜牲畜  
之賊即行擊殺賊如大隊來犯合兵會勦奏  
入報聞○旌表山東賑濟烈婦曹恩慶妻殷  
氏拒姦不從投縲殞命給銀建坊入祠致祭  
如例○戊寅諭大學士等從前大將軍馬爾  
賽奏稱聞賊人有來犯科布多之信臣請暫  
居第十五臺候順承王再發咨文差人至推  
河探信賊人來犯察罕叟爾臣往會漢軍兵

營調右衛一千兵歸化城一千兵在吳喇忒  
北形勝之地駐扎以安慰內地扎薩克若無  
賊信仍往察罕叟爾等語朕以此奏甚是宜  
駐臺站不必前往察罕叟爾辦事令將右衛  
一千兵歸化城一千兵俱各妥備聽候馬爾  
賽調遣續經馬爾賽又奏稱賊人駐於科布  
多地方近處臣自第十五臺起行差人前去  
探信急赴察罕叟爾等語朕以此奏妄謬仍  
令其速旨駐劄臺站朕兩次所降諭旨尚未  
到今馬爾賽又奏稱賊人已至奈蘇地方欲  
會合漢軍四千兵喀喇沁一千兵并調右衛  
歸化城各一千兵前赴推河等語凡事宜審  
定之後方可相機而行若聞一賊信即輾轉  
不定如何辦理馬爾賽今帶領七千兵至推  
河何用此奏甚屬不合近喀爾喀副將軍丹  
津多爾濟奏稱若令漢軍兵四千駐扎在四  
子部落旗分皆曠野之地如遇雪大之年必  
無柴薪請將此兵駐劄於歸化城相近有柴

之處等語已經行文於領兵前往之侍郎站  
爾渾等令暫駐於歸化城翁家山附近有柴  
木水草之處候旨爾等行文馬爾賽賊人若  
無侵犯軍叟爾搶臺等信仍遵前旨駐劄  
臺站儻有賊信急退回於歸化城相對第十  
四臺駐劄候旨○調刑部尚書勵廷儀爲吏  
部尚書仍專管刑部事務陞直隸河道總督  
劉於義爲刑部尚書仍署理北河總督事務  
○吏部議覆廣東巡撫鄂彌達疏奏添設移  
駐官弁事宜一粵東新會開平兩縣交界之  
大官田及清遠英德兩縣交界之大埔坪均  
屬衝要請各設捕盜同知一員專司督緝○  
大官田同知所轄有新會新寧兩縣距廣南  
韶連道駐劄之地甚遠請將該同知歸肇羅  
道就近統轄大埔坪同知所轄有廣寧長寧  
兩縣距惠州肇羅二道駐劄之地甚遠請將  
該同知歸廣南韶連道就近統轄其大埔坪  
地方請撥右翼鎮標左營千總一員帶兵三

十名駐防協緝並受該同知管轄一湯江縣  
之海陵島電白縣之沙壩墟離縣窺遠均爲  
要地請各添設巡檢一員以資防範一粵東  
理彊同知向係兼管連州連山陽山三州縣  
捕務後因改爲理緝軍民同知專理緝事所  
有三州縣事務停其兼管邇年以來緝人馴  
服事理不繁請將三州縣捕務仍歸理彊同  
知一體查察一欽州如昔司止設巡檢一員  
不足以資彈壓請將廉州府同知移駐其地  
再崖州外接安南內鄰五指生黎請將瓊州  
府海防撫黎同知移駐其地又高州府屬之  
梅萊地方姦徒出沒請將該府通判移駐專  
司捕務又羅定州屬東安縣之西山夙稱盜  
藪請將原設羅奇司巡檢改爲西山司巡檢  
移駐稽查并撥河頭營把總一員帶兵二十  
五名駐防協緝止羅奇司原管地方改歸東  
安縣典史專管一崖州水土惡毒正雜各官  
俱列邊俸其移駐之海防撫黎同知如果三

年之內撫綏有附黎民安堵請照例以應理之缺即用一湖學二府通判請兼捕盜職銜各分地方經管督領湖州府同知見駐饒平縣黃岡專理海防事務請將附近之饒平惠來海陽潮陽澄海普寧六縣捕務歸該同知專管其附近郡城之揭陽大埔程鄉鎮平平等五縣捕務分與通判督領肇慶府屬之高要高明新興陽春陽江五縣捕務歸肇慶府同知管理德慶封川開建四會四州縣捕務歸通判管轄均應如所請從之。己卯遣官祭

歷代帝王。遣官祭城隍之神。改浙江撫標中軍遊擊乍浦水師遊擊缺俱為參將台州協樂清瑞安中軍守備錢塘水師麗水管昌石汛守備各缺俱為都司僉憲從浙江總督李衛請也。喀爾喀鎮國公索諾木班珠爾故遣官致祭。庚辰諭大學士等據大將軍馬爾賽奏稱本月十四日臣從第十九臺

退回欲往會漢軍兵營已行令領兵侯馬蘭泰等於兵刺武之愛卜哈河地方擇看水草駐劄侯臣調遣等語前伊數次奏摺朕俱明降諭旨令伊駐劄臺站今馬爾賽若離臺站往會漢軍兵營諸凡信息從何得聞漢軍兵既令駐劄兵刺武之愛卜哈河地方伊又欲何處調遣泰寧並不候旨意見魯憤甚屬不合爾等可行文馬爾賽令漢軍四千兵喀喇沁一千兵俱於歸化城翁溪山附近看茶水草之處過冬馬爾賽仍遵前旨於歸化城相對第十四臺駐劄。吏部議度署直隸總督唐執玉疏言順天府各州縣程途遠近惟通州為適中之地請將西南兩路同知所管之大興宛平東安永清固安房山良鄉涿州等州縣以及東路同知所管之新設寧河縣旗人一切刑名事件改歸通州理事通判就近審理各由該路捕盜同知核轉再解臬司道路既不迂迴人犯得免拖累應如所請從

之。○辛巳陞正藍旗蒙古副都統薩穆哈爲  
鑲白旗滿洲都統仍署理正黃旗滿洲都統  
事務。○旌表山西鳳臺縣烈女張性女張氏  
未諭守貞姑七自盡給銀建坊入祠致祭如  
例。○壬午兵部議覆四川總督黃廷桂疏奏  
四川新設總督衙門請駐劄成都府并設中  
左右三營以資調用查川省幅員遼闊軍民  
番苗雜處加以西海辦理軍需決督一員難  
以控制所以特設四川總督若督撫提臣同  
駐省城不但有首重尾輕之勢而三標兵丁  
同聚一城亦屬繁多且事關裁減營制改建  
衙署該督未經會商提督不便遽議見今提  
臣既在軍前印務係督臣兼管一切軍務差  
遣提標弁兵足資調撥應准其暫駐成都并  
令先置中營一營設副將一員守備一員千  
總二員把總四員至所稱口外各衙門往來  
移咨事件項用滿漢譯設筆帖式二員蒙古  
筆帖式一員應如所請從之。○癸未喀爾喀

洋卜尊丹巴胡土克圖遣使進九白年貢資  
齊如例。○甲申以翰林院侍讀楊炳編修開  
泰俱充日講起居注官。○調署正白旗滿洲  
副都統吳禮著正藍旗滿洲副都統。○命貴  
州省開局鼓鑄從雲貴廣西總督鄂爾泰  
也。○乙酉禮部議度雲貴廣西總督鄂爾泰  
疏言貴州大定府舊係州學原額取進童生二十  
十五名威寧舊係府學原額取進童生二十  
名今大定既改州高府應於原額十五名之  
外加增五名至威寧雖以府改州而讀書向  
學之士不少請仍准進學二十名免其威寧  
應如所請從之。○丙戌諭大學士等歸化城  
北箭滾地方係八旗察哈爾西界四子部落  
毛明安吳刺志東界於適中形勝之處調度  
二面亦屬容易著行文於大將軍馬爾賽令  
伊帶領漢軍兵四千會同喀喇沁兵一千名  
往箭滾地方環山有樹木水草之處駐劄  
以鑲白旗滿洲副都統蘇爾蕃著正白旗護

軍統領。禮部尚書錢以澄以年老乞休命加太子少保銜致仕。喀爾喀厄齊賴已圖土謝圖汗江扎爾多爾濟遣使進九白年貢。賞養如例。丁亥。

孝慈高皇后忌辰遣官祭。

福陵。一等護衛何林高正藍旗滿洲副都統以正黃旗參領馬世佐著鑲紅旗漢軍副都統。吏部議覆山西巡撫覺羅石麟疏言。晉省古州并所屬之蒲縣及濕州并所屬之汾西縣舊係平陽府統轄。經前撫臣諾岷題准將古濕二州改爲直隸州以蒲縣柳寧二縣歸古州管轄以大寧永和汾西三縣歸濕州管轄。但歷考舊制蒲縣實爲濕州之門戶。

而汾西實爲平陽之臂指。請將古州屬之蒲縣改隸濕州。濕州屬之汾西縣仍歸平陽府。一切政務庶爲安便。應如所請。從之。兵部尚書著直隸總督唐執玉因病乞假。允之。戊子。陞內閣領侍讀學士阿爾泰爲都察

院左副都御史。以刑部尚書署北河總督事劉於義著直隸總督河東河河道總督沈廷正爲直隸河河道總督。河南河北道協辦總河事朱海爲河東河道總督。河南布政使高斌爲河東副總河。山東糧道徐聚倫爲河南布政使。司布政使。以一等侍衛額林沁署鑲紅旗蒙古副都統。正白旗參領朱宸著本旗漢軍副都統。鑲白旗參領祖惠。祥著正藍旗漢軍副都統。己丑。

皇后病篤。移駐暢春園。

上親往看視。逾時回宮。未刻。

皇后崩逝。

上痛悼不已。又欲親臨合窆。諸王大臣等懇請。

節哀。並停止親往。

上勉從之。庚寅。

上報朝五日。在京諸王以下及文武各官公主王妃以下及旗下二品命婦俱齊集暢春園。舉哀待服二十七日。在外替撫將軍提鎮及

文武各屬免其齋集，製服亦不必遵官  
 進香。諭內閣雍正十年時憲曆仍照定例  
 於十月初一日頒發直省，其進呈及頒發在  
 京各衙門著該部另擇日期。領侍衛內大  
 臣英誠、公豐盛、額等奏言禁城宮殿尚未  
 繕完。

皇后梓宮請暫停暢春園九經三事殿，然後移  
 往田村盧殿安奉，從之。

大清世宗敬天昌運建中表正文武英明寬仁  
 信毅大孝至誠憲皇帝實錄卷之一百十

大清世宗敬天昌運建中表正文武英明寬仁  
 信毅大孝至誠憲皇帝實錄卷之一百十一

景陵 癸巳諭大學士九卿等：皇后崩遊朕心  
 震悼，此時即欲親臨含殮，大臣等以朕躬初  
 獲修

雍正九年辛亥冬十月辛卯朔享

太廟遺莊親王允祿行禮、遣官祭

承陵

福陵

昭陵

昭西陵

孝陵

孝東陵

景陵 癸巳諭大學士九卿等：皇后崩遊朕心  
 震悼，此時即欲親臨含殮，大臣等以朕躬初



愈本日已經臨視不宜再勞懇詞力阻朕勉

從其請暫停前往今該部具奏祭奠禮儀日

期朕思

皇考昔年於

皇妣孝誠仁皇后

孝昭仁皇后之喪如何親臨盡禮之處朕雖未

見至康熙二十八年

皇妣孝懿仁皇后崩逝當

梓宮未移之時

皇考朝夕臨奠及奉移之後每遇祭祀日期悉

皆親往此朕所親見者今皇后自垂髫之年

奉

皇考恩命作配朕躬結禱以來四十餘載孝順

恭敬始終一致忍焉長逝實深愴惻一切致

祭典禮本欲親往以展悲懷乃自上年以來

朕躬違和調理經年近始痊愈醫家皆言尚

宜靜攝不可過勞因思上年怡賢親王薨逝

之後朕悲情難遏曾親奠數次頗覺精力勉

強朕躬文

皇考付託之重

宗社攸關為億萬臣民所倚賴今夙恙初痊正

當加謹保護況日前軍務繁多一切機宜甚

費籌畫若又親臨喪次不但往來奠服之間

外勞形骸而觸景增悲更致內傷心氣實非

攝養之所宜即朕自度力量亦覺勉強但今

皇后喪事國家典禮雖備而朕躬禮數未周

於理恐有未協於情實為難忍權衡輕重之

間如何可使情理兼盡以慰朕心著公同定

議具奏尋議

聖躬所關至重至大時屆初冬天氣乍寒

聖躬雖已全安尚須加謹保護

大行皇后諸事俱已遵照舊章儀文隆備前月

二十九日

皇上已經臨視若過祭祀之期又復親往奠服

勞動悲傷實非所宜伏查明代會典皇后喪

儀止載皇子及百官應行典禮無親臨祭奠奠

之儀令

大行皇后喪次有皇子朝夕奠奠苦過祭期例可違官欽祭伏乞停止親往於理允協於情亦復甚安從之 甲午諭禮部皇后那拉氏作配朕躬經四十載奉事

皇祖妣孝惠章皇后

皇考聖祖仁皇帝

皇妣孝恭仁皇后克盡孝忱深蒙慈愛服膺朕訓歷久而敬德彌純懋著坤儀正位而小心

益至居身節儉侍下寬仁慈惠播於宮闈柔順發於誠悃昔年藩邸內政事修九載中宮德輝愈耀茲於雍正九年九月二十九日崩逝悽惟壺職曩替多年追念懿徽良深痛悼宜加稱諡以永休光著內閣翰林院擬奏應行典禮爾部詳察以聞尋大學士等議奏恭惟

大行皇后肅雍德慈慈惠性成孝道盡於庭闈蒙

聖心之慈愛內則修於中闈佐

帝治以勤勞至敬允合乎坤儀厚德祇承夫乾健謹按驗法慈惠愛親曰孝夙興恭事曰敬恭擬

皇后尊諡曰

孝敬皇后傳旨依議○乙未諭八旗都統等訓練兵丁甚為緊要著於教養兵閒散滿洲或養子開檔人內不論旗分惟視其人材壯健可用者增挑二千名給與錢糧米石著弘昇與護軍統領博第副都統倭星額專管訓練其應派管教之員著弘昇等會同該旗都統酌量派委其盛甲器械著工部造給 以一等侍衛阿岱為額外副都統 大學士等議奏西寧撤回台吉涼濟扎布所領科爾沁兵七百名令赴察哈爾八旗昂古里等處適中之地駐劄應自京城派正藍旗蒙古副都統黑色同駐以防盜賊再京城預備六千兵丁內請派二千名令都統薩穆哈副都統胡琳

帶領於張家口外陶翰廟察罕托澤海左近地方駐劄以便彼此聲援從之。撫遠大將軍馬爾賽招秦城二十九臺章京達賴報稱賊人越那穆山嶺至白格爾察罕鄂爾格地方將輝特公巴濟圖爾古特鄂莽喇嘛之徒弟及厄魯特王色卜騰旺布之班弟俱行掠去賊兵大半進西爾哈郭單向郭多里巴爾哈豫前去又一隊賊兵向抗安由圖拉前進。總在厄爾得尼招會齊攻取喀爾喀遊牧表入報聞。湖廣總督邁柱題湖北高羅安撫使田國鼎故請以其子田昭承襲下部知之。福建巡撫趙國麟疏報福清等六縣開墾雍正八年分田地十五頃有奇下部知之。賑江南淞州潛山等七州縣水災饑民。丙申以東移。

大行皇后梓宮遣淳郡王弘曠告祭。丁酉奉移。

大行皇后梓宮暫安奉於田村蓋殿諸王以下

文武官員齊集晚送安奉舉行禮樂。戊戌諭大學士等歸化城地方緊要前所派京城兵四千名內著派出二千名令副都統胡琳歸化城副都統席爾塔帶領前往歸化城駐劄其胡琳原領張家口外駐劄之兵著都統薩穆哈副都統宗室諾穆桂領歸化城副都統五十六著先往會同都統丹晉辦理事務庫親王今其暫住歸化城候旨。又諭爾等寄信與順承親王從前朕意以賊人雖侵犯科布多城糧餉不繼自必退去今聞賊人又分撥兩隊一隊搶奪卡倫直至阿濟畢濟及公巴濟遊牧處其一隊越過庫庫嶺竟投哈拉阿濟爾汗地方又因厄魯特莽海車震及多爾濟色卜騰等屬下之人乘機搶掠臺站斷截是以令馬爾賽帶領大軍從臺站一路前往推河扎克拜達里克等處駐劄厄魯特若將搶掠之牲畜接濟賊人則賊人既得糧餉勢必久居成以大力來犯察罕史爾

卷之二

四七五

擾亂喀爾喀或由河濟以犯西路軍營俱未  
可定順承親王處若通信於傅爾丹有可以  
退回機會整兵速回察罕斐爾則兵力益豐  
壯盛矣僕此際賊人已圍困科布多應如何  
退敗及應否應援之處順承親王會同喀爾  
喀副將軍等商酌萬全而行 撫遠大將軍  
馬爾賽摺奏據辦理扎克拜達里克糧餉原  
任巡撫西琳報稱賊人來至扎克拜達里克  
城南噶里特地方劫掠牧場駝馬固守城兵  
少未敢進追又據三十一臺至四十二臺章  
京額林沁等陸續報稱各臺俱有賊踪係在  
推河居住厄魯特王色卜騰壯布及貝勒多  
爾濟色卜騰之屬下人乘機擄掠奏入報聞  
已亥諭大學士等大將軍馬爾賽著於漢  
軍兵內揀留八百名王默特兵內揀留二百  
名在二十七二十八臺之間有機等處擇水  
草茂盛之地駐劄專行照管軍臺運路令都  
統李林統領其王默特之兵著於王默特參

領內選擇幹員可以管轄者給與副都統職  
銜令其管領 調正藍旗滿洲副都統博什  
希烏本旗蒙古副都統 刑部等衙門議奏  
據辦理青海事務都統德成等擒獲叛賊諾  
爾布里塔爾解部審訊諾爾布係圖爾吉特  
一小姓台吉來至青海依人生理於羅卜藏  
丹津叛逆時伊父曾切涓瑛  
皇上格外加恩不令隸屬青海特授扎薩克一  
等台吉又選派柴旦木軍前忽行叛逆搶劫  
馬匹拒捕官兵里塔爾身爲佐領附逆作亂  
供應糧餉斬解往青海立決示衆查諾爾  
布叛逆時妻子皆在遊牧地方聞信即來請  
罪應免其爲奴其胞弟色特爾布穆既不知  
情又追捕拉查卜有功  
皇上已加恩令其承襲扎薩克一等台吉諾爾  
布妻子即交與色特爾布穆管束養贖奏入  
得旨諾爾布里塔爾俱著解送西寧口外即  
行正法免其示衆餘依議 庚子諭理藩院

輪班朝覲蒙古王貝勒貝子公等今歲著傳其來京○以散秩大臣伯欽拜理藩院左侍郎納延泰副都統阿岱俱爲撫遠大將軍參贊○改廣東化石營守備缺爲都司僉書從廣東總督都玉麟請也○辛丑初祭

大行皇后遣理親王弘哲行禮○是日

上釋服○壬寅釋祭

大行皇后諭大學士等青州駐防官兵日今即著選派其應行補放官員著八旗都統會

同將軍鄂彌達揀選派此兵丁瞭將餘丁內之次等者撥出即交與將軍鄂彌達副都統阿爾胡禪在八旗教場操演青州府建造城垣房屋至明歲始能告竣與其到彼始行學習不若此地即行操演此派往官兵仍照軍路與俸餉其員缺令八旗都統等揀選補放應派之兵二千名不必撥派蒙古止於滿洲內揀選○以山東青州將軍鄂彌達署正黃旗滿洲都統○癸卯諭大學士等天氣寒冷

帶領喀喇沁兵丁之副都統塔爾馬善著賞銀一千兩貝勒僧深扎卜公羅布臧策布登各賞元狐帽一頂貂皮馬褂一件前派出之土默特官兵已降者於大將軍馬爾賽酌量賞賜今喀喇沁兵丁亦照例賞給○甲辰諭大學士等今預備派出之察哈爾兵二千名其缺額著挑補察哈爾八旗佐領多寡不同此次挑補兵丁不必拘泥旗分佐領但擇漢伏好者挑取若不得二千名即一千五百名或一千名亦可所挑兵丁照常支給錢糧並賞與製造軍器銀兩再察哈爾地方居住之厄魯特不拘旗分著共派四百名每翼各二百名至照看伊等妻子遊牧亦屬緊要伊等父子弟兄內但看其漢仗好者揀選不可全行派出○加一等侍衛圖爾賽副都統銜往北路軍營○大學士等議覆四川炮營黃廷桂等奏稱遠賴喇嘛移座奉寧故奉寧協原駐兵五百名以爲防護查奉寧至打箭爐道

路險阻請再撥兵五百名添防秦寧協則軍  
威震疊與裡塘巴塘西藏聲勢聯絡應如所  
請從之。乙巳諭撫遠大將軍馬爾賽爾從  
前奏稱備兵一事已行文於順承王等語爾  
碩兵尚未至察罕叟爾班不知軍前之情形  
即欲指示順承王殊覺不合現今蒙古扎薩  
克等俱遵靖遠大將軍印信行事若又用撫  
遠大將軍印信調遣則蒙古等難以遵行撫  
遠大將軍印信除奏章及行部咨文鈐用外  
其調遣兵丁等事不准鈐用昨爾又奏稱將  
吳喇忒毛明安四子部落蘇尼特阿霸璘等  
旗察哈爾兩翼各預備兵一千聽爾調遣等  
語吳喇忒等扎薩克察哈爾旗分皆遠外之  
兵豈可妄動爾即欲預備調遣亦當請旨乃  
班不奏聞即行調遣甚屬莽謬再爾所偵探  
軍機班不確實即行具奏辦事亦甚含糊嗣  
後爾宜盡其所長効力行走。丙午諭內閣  
朕聞今年各扎薩克旗分所種之穀皆已被

旱稍長又復經霜未曾收穫以致乏食令特  
遣侍衛章京前往加恩賞春著傳諭該扎薩  
克及官員等蒙古人眾皆伊等所屬部落米  
穀未收不能度日自應預為籌畫生計今朕  
加恩賞給銀米伊等若不實心辦理日後朕  
必聞知伊等有何顏面以對朕乎。諭八旗  
都統等王公及閒散宗室等所有口外牧場  
看守牲畜之蒙古其有馬匹牲畜田產者尚  
可度日若班無馬匹牲畜田產者伊等家主  
豈能贖養因致妄生事端則累家主不少  
矣與其任伊等遊蕩莫若命大臣前往收養  
著通行曉諭八旗王公宗室班大臣官員以  
至閒散人等伊等所有口外蒙古內如有此  
等無馬匹牲畜田產不能照看養贖情願報  
出者令伊等家主各行報出。擢戶部郎中  
吳金為額外內閣學士。以鑲黃旗漢軍副  
都統德爾芬署正藍旗護軍統領。丁未諭  
大學士等年來因征勦準噶爾將滿漢兵丁

陸續派出特令召募以實營伍凡膺募兵之任者自應秉公持平不徇情面精選技勇壯健之士則或行可收實効而軍餉亦不至於虛糜朕聞召募新兵多屬本營兵丁之兄弟子姪親戚朋友互相援引該管將弁惟期充足數目不復較量人才以致老弱無能者俱得入選而民間強壯之徒莫由入伍是將選兵重大之務視為具文矣現今降旨募選兵丁著該部通行曉諭令該管大臣官弁等屏除向來積弊公正辦理將來朕必遣官考驗若有將老弱無能之人冒濫入伍者必將挑選之員從重議處若技勇之人不數挑選著聲明緣由請旨毋得苟且塞責又諭派往歸化城駐劄滿洲兵二千名暫且停其前往仍令伊等預備戊申陞湖北巡撫魏廷珍為禮部尚書改山西蒲州協中軍守備及運城澤州吉州隰州石樓靖安等營守備缺俱為都司會書從署山西太原總兵官李如

栢請也奉天府府尹楊超曾疏報遼陽海城等九州縣開墾雍正八年分田地一百三十頃有奇下部知之已酉諭大學士等據馬爾賽奏稱漢軍兵丁馬匹已挑選換給客喇沁兵丁今所剩馬六千餘匹俱疲瘦不堪乘騎等語朕思既無馬匹漢軍兵丁斷不可前往著副都統圖爾賽席爾塔帶領土默特兵一千名前進令其自十三臺至二十七臺每隊派兵二百各分為五隊派撥滿洲侍衛官員管理照看臺站運糧道路防範賊盜前至推河扎克拜達里克探聽備有賊兵信息即在箭機地方駐劄以長鎗營參領佟善署正藍旗蒙古副都統青海厄魯特郡王額爾得尼厄爾克托克托奏摺奏

皇上閩臣年邁特降恩旨於臣請子之中異日可襲王爵者命臣舉出一人加恩封為長子代臣効力行走伏思臣長子阿拉布濟奉旨領兵住扎柴旦木因搶獲叛逆諾爾布已蒙

恩授爲一等台吉臣之三子素諾木丹津年二十三歲立志向上守正而行臣遵旨請將此子襲替奏入得旨素諾木丹津著照伊所請封爲長子阿拉布濟劬力行間加恩晉封爲輔國公○免江南邳州山陽等二十三州縣潼安一衛雍正八年分水災額賦有差○廣成論大學士等據侍郎納延奏稱準噶爾賊人搶奪阿濟卡倫將公通摩克旗下兩個佐領擄去其公通摩克已濟王格勒克額木聘爾等扎薩克之遊牧俱向南移往納穆勒土哈拉博羅雅蘇圖烏蘇圖等處朕思公通摩克旗下既被賊人搶奪兩個佐領其牲畜等物必致散失伊等雖將遊牧南移料其人衆必有匱乏失所者著即傳諭總督查即阿提督宋可進作何遣人前往料理安插務使人人得所其餘被賊侵擾遷移之公巴濟等或有倉猝遠移遺散牲畜至於匱乏者亦著照看料理○以大理寺少卿著浙江布

政使孫國璽署河東副總河○改直隸督標中軍守備缺爲都司僉憲從原署直隸總督唐執玉請也○辛亥諭大學士等前命侍郎納延奏往大將軍馬爾賽軍營參贊今馬爾賽既暫在歸化城駐劄著納延奏回京○諭理藩院今年冬令甚寒額駙阿寶率伊等五人等著暫於青海地方駐劄俟明春來京○伊等欲於何處居住問明再定○公主帶領伊子婦於今年由西安一路來京著行文甘肅陝西山西直隸巡撫等派選賢員沿途加意照看護送並酌量給與口糧雇驛資助並將此旨傳諭公主額駙知之○以正白旗滿洲副都統偏圖署正藍旗護軍統領○壬子諭大學士等沿邊一帶地方最爲緊要向來額設之兵太少古北口宣化大同三處應召募兵丁添入防汛以實營伍獨石口以東至山海關皆屬內地各處營汛仍照舊規其獨石口以西至殺虎口一帶中間緊要隘口必預



查勘明白以定添兵多寡之數至於邊牆年久倒塌而地當緊要者亦應酌量修築以肅邊境著御史舒喜天津總兵官補熙會同古北口提督路振揚親往踏勘召募之兵何處應添若干何處應駐大員或將泰遊改爲副

協邊城何處應行修理路振揚等可會同各

該提鎮詳悉定議具奏天津總兵官卞務著

鑾儀衛冠軍使孫承恩暫行署理路振揚現

有召募兵丁之事今既奉差公出其募兵之

事著路振揚遵道公明可信之人代爲辦理

再差副都統韓元基前往古北口督率查驗

尋議邊防最關緊要直隸山西沿邊一帶提

鎮協標及各口汛兵額設之數尚覺不敷請

於直隸古北口提標添兵一千六百名獨石

口添兵六百名宣化鎮標添兵二千名張家

口三營添兵八百名山西大同鎮添兵二千

七百零八名殺虎口添兵一千零四名朔平

府城守添兵八百名得勝路添兵二百八十

八名助馬路添兵二百名直隸山西二省各添兵五千名至添加多寡之處該提鎮確有所見即據實陳奏從之○厄魯特郡王色卜騰旺布摺奏臣父阿拉布坦由阿爾泰原邊收地方投順以來世受

皇恩今聞賊人信息正欲與貝子莽海車察計

議達於內地遊牧不意莽海車察二人率領

管旗章京班第伍頓索圖等兵五百餘人叛

投噶爾丹家察臣與纂桑數令兵百餘人現

在此居住請旨如何安置奏入得旨色卜騰

旺布素爲朕所嘉與今感戴朕恩竭力保護

所屬人等不致妄動具奏請旨可嘉可憫已

諭理藩院遣人照看矣伊可酌量嚴密之處

即遷移駐牧朕隨即加恩并其所屬纂桑官

員以及聞散人等亦俱加恩務令其寬裕

癸丑大祭

大行皇后遺裕親王廣祿行禮○兵部議覆福

建總督劉世明疏言臺灣淡水地方遼闊請

抽調鎮標各營汛兵丁四百名以資防範添設淡水汛守備一員帶武洛汛把總一員新東勢汛外委一員兵一百六十名駐劄山猪毛口其土地公崎大崎頂蘭坡嶺三處班請各設一塘每塘安兵五名應如所請從之○管理阿爾泰臺站即中倫倫招泰前因賊人擾亂臺站不遵旨按站沿途安撫蒙古前至二十二臺皆已安定隨據賽爾烏蘇等處管理臺站委署章京常保報稱由二十三臺直抵三十臺皆接續安撫又據鄂爾齋圖果爾等處管理臺站之員外郎俄星額報稱順承親王令其帶兵由四十七臺至三十一臺俱已接續寧靖奏入報聞○甲寅釋祭大行皇后○白都納副都統多索禮據事革職以一等侍衛伊特倫署白都納副都統○吏部議覆署陝西巡撫史貽直疏言恭奉興安州知州張勳龍除嗜酒貪佚無故稽留屬員各輕罪不議外其收受紗燈計價三兩六錢

按律應擬杖七十得旨張勳龍嗜酒貪佚無故稽留屬員此等舉動難以居官臨民議以斥革洵不為枉若計贖論罪必有貪婪實蹟方可引律定擬今以紗燈微物所值不過幾金即論贖議以杖責則苛細太甚夫失刑允之義封疆大臣察吏當執公平之法而定罪亦當體可恕之情張勳龍杖罪著寬免副都統銜阿成阿招泰臣率領二千家選兵行過鳴爾賓鄂畢因嚮導之蒙古逃去臣即從古爾班賽塔山後尋覓水草行至烏克爾空克爾地方知賊人搶奪扎克拜達里克北邊臺站所領官兵一聞賊信俱願晝夜兼程前往勦賊臣遂率領官兵於十月十七日至扎克拜達里克與辦理糧餉之原任巡撫西琳協同備兵守城仰懇皇上隆恩賞賜兵丁糧餉補買馬匹前赴巴爾庫爾地方奏入得旨爾等沿途未得嚮導尚能勉力至扎克拜達里克可憫可嘉今不必

前往巴爾庫爾印駐劄扎克拜達里克候旨  
其糧餉馬匹等事已降旨於西琳從厚辦理  
賞給乙卯滿月致祭

大行皇后 諭大學士等北路安設卡倫之侍

衛莫爾渾等因賊兵侵擾阿濟一路伊等投

往西路軍營今思阿濟等處可以不必安設

卡倫莫爾渾等著岳鍾琪送令回京再巴爾

庫爾軍營現有歸化城降賊參領理查布之

子杭金著莫爾渾等帶來又前派西路之家

選兵二千名因阿濟畢濟有賊人信息已從

古爾班賽堪山後由揆通巴扎爾一路前往

扎克拜達里克地方駐劄寄信與岳鍾琪西

路不必探訪接應 擢理藩院郎中韓爾多

為正黃旗蒙古副都統署理藩院侍郎 鑲

黃旗蒙古都統鄂善綠寧革職陞陸黃旗護

軍統領色爾璧為本旗蒙古都統調正白旗

護軍統領青保為左翼前鋒統領仍留西藏  
振武將軍順承親王錫保摺奏準噶爾賊

人大象零數多卜小象零數多卜多爾濟丹  
巴等於八月十一日自夸額爾齊斯至索爾  
畢烏拉克泰地方留兵四千以為應援領兵  
二萬六千來犯科布多等處因科布多察罕  
叟爾扎布韓軍營兵威強盛防守嚴密遂直  
抵克爾倫侵犯喀爾喀遊牧令賊將海倫鄂  
爾哲等領兵三千前去劫掠策零數多卜之  
兵向蘇克阿爾達刺屯劄又令小象零數多  
卜之子曼濟領兵三千往鄂爾海錫拉烏蘇  
等處搶掠牲畜九月二十日臣令王丹津多  
爾濟額駙策凌等合兵向蘇克阿爾達胡擊  
賊二十一日至歐登楚爾地方遣台吉巴海  
等領兵六百名夜至大策零數多卜賊營衝  
賊三人而還大策零數多卜遣賊將滾楚扎  
卜錫拉巴圖魯領兵三千來追巴海等誘至  
歐登楚爾大營二十二日王丹津多爾濟策  
凌列陣力戰自辰至午陣斬賊將喀喇巴圖  
魯其賊將錫拉巴圖魯重傷率賊敗遁復擒

數百餘賊是夜棄零散多卜等即移至台錫里山北劉二十五日曼濟兵敗回營俱退至哈布塔克拜塔克地方遁去臣等思準噶爾賊人乘機深入分路侵犯要思劫掠仰仗

天威王丹津多爾濟額駙策凌等領兵直抵賊巢奮勇擒殺賊兵遠遁臣等現在選兵追襲其有功將士查明再奏得旨喀爾喀副將軍親王丹津多爾濟郡王額駙策凌等率領喀爾喀弁兵奮勇爭先戰敗準噶爾勦殺擒賊

甚屬可嘉丹津多爾濟從前効力已加恩封爲親王著賞銀一萬兩郡王額駙策凌晉封爲和碩親王亦賞銀一萬兩扎薩克圖汗親王策旺扎布雖未登戰陣在軍營同順承王宣力辦事亦賞銀五千兩其餘王貝勒貝子公衆台吉官員兵丁內懋著勤勞者著順承王查明具奏加恩優賞。賑山東濱州新城等八州縣水災饑民。丙辰

上諭

恩佑寺行禮畢回宮。諭大學士等武格著來

京不必前往軍營。晉封固山貝子弘春爲

多羅貝勒。以江西道御史姚世榮提督江

西學政。振武將軍順承親王錫保摺奏前

於歐登楚爾地方大敗賊兵賊人遠遁臣等

隨選滿洲蒙古兵四千人令王丹津多爾濟

額駙策凌等分路追擊令據王丹津多爾濟

等報稱大兵登達爾單山瞻望賊踪並無煙

塵計賊人由台錫里地方已過阿爾泰山巔

以前進追擊隨即撤兵又據扎薩克圖汗親

王策旺扎布報稱遣協理台吉拜都布等領

兵追賊經過察罕布爾噶蘇以至通奇爾地

方見賊人由畢濟巴爾魯克兩路逃去已過

阿爾泰山巔不能追及因將兵撤回奏入報

聞。丁巳諭兵部山西大同總兵官徐起鳳

著來京大同總兵官員缺著肅州總兵官張

朝良調補肅州總兵官員缺著蒲州副將沈

力學補授沈力學現在軍前著行文大將軍

令其到肅赴任沈力學未到之先著署承國協副將王成相署理大同總兵事務緊要且近有挑選兵丁之事張朝良未到之先著李如栢暫行署理其太原總兵官印務著石麟委員署理張朝良到晉時著石麟酌量或令張朝良遞赴大同之任或李如栢在大同辦理之事未竣即令張朝良暫署太原總兵印務振武將軍順承親王錫保摺奏據額駙策凌咨稱有親王喇嘛扎卜換下人額林陳來自策零敦多卜營內擒獲訊供據稱額林陳於和通腦兒交戰時被賊擄去今策零敦多卜遣送我王喇嘛扎卜書信等語又稱大小策零敦多卜多爾濟丹巴前領兵三萬來犯時圖爾古特之墨爾根綽爾濟輝特公巴濟率伊旗人歸順即引導將公通厚克策策扎布旗分俱行搶擄又欲搶奪喀爾喀遊牧請澤卜尊丹巴胡土克圖互抗愛地方遇冬因大兵雄壯前歐登楚爾地方交戰時賊兵

大敗巴圖魯寨桑等陣亡傷殘者甚多因遣於阿爾泰之北行至露罕布爾噶泰地方安營大策零敦多卜等付噶爾丹策零寄我王喇嘛扎卜之書并云我等原在一處居住甚相和好因噶爾丹博碩克圖汗與爾等不睦各自散居後爾等投順中國當差納貢深為爾等憾之爾等係成吉思汗之後裔豈非人之屬下何不將遊牧仍移於阿爾泰與我會居一處共享安樂以聯舊好如有兵戎協力相距等語令將原書呈覽奏入報聞寧遠大將軍岳鍾琪摺奏無克克嶺卡倫乃通哈密及五徑要路其附近有搜濟卡倫今據搜濟卡倫遊擊哈仁鳳報稱有賊人四五百名侵犯無克克嶺傷擄坐卡兵丁隨前往陶賴一路等語臣思賊人散於陶賴逗留者其中必有詭計或賊人有大隊侵犯吐魯番以此賊衆探信或因北路有事料我軍前往應援遣此賊衆窺探埋伏大隊乘虛而入或又思

侵犯西路先以此賊衆引誘我軍追擊墮其  
伏中今臣等已知會哈密加謹防範圍守并  
將軍營馬匹俱收入城中諸事準備備賊兵  
勢衆堅壁守城挫其銳氣若賊兵不多發兵  
勦殺斷不敢貪功妄動有負委任奏入報聞  
移雲南永善縣魯甸巡檢副官村從雲  
貴廣西總督鄂爾泰請也 改河南陳州營  
守備缺爲都司銜書移大康千總駐陳州沈  
邱把總駐太康大康外委把總駐沈邱從原  
任河南南陽總兵官馬世龍請也 戊午諭  
大學士等八旗察哈爾俱累世効力之舊人  
從前征討南方勦滅噶爾丹拉隨圍出獵以  
及數年用兵於準噶爾宣力之處不可枚舉  
此次遣什率領察哈爾兵一千名較衆先到  
軍營又擊敗準噶爾賊人萊塞數多卜等奪  
回駝馬等物甚屬可嘉昨厄魯特大臣來京  
奏稱舊察哈爾人等之生計反不如新厄魯  
特等語朕聞之惻憫今沿邊居住之蒙古拉

王大臣等馬羣之蒙古多有伊主不能養贖  
者似此生計艱難朕心不忍爰命大臣前往  
查勘令伊等各得養贖將朕此番通行傳諭  
諭靖邊大將軍傅爾丹等爾等在科布多  
地方恃勇輕進墮賊詭計致失地利損兵折  
將軍前獲罪我朝例所不貸本應執法究治  
但傅爾丹整頓餘兵回至科布多地方固守  
城池賊衆併力來犯復能列陣以待賊人遠  
逝隨即遣兵各處截殺奪回被掠馬駝此次  
擊賊可贖爾等前罪今朕已盡行寬免惟陳  
泰罪不可宥爾等嗣後須龜勉効力朕自格  
外加恩已未

萬壽節停止朝賀筵宴 遣官祭

福陵

昭陵

昭西陵

孝陵

孝東陵



並未奏有和托輝特貝勒班第之名。伊之遊牧在何處。輝特公巴濟已叛降。單哨爾喀爾喀。公通厚克之遊牧。又不知如何。今喀爾喀等之遊牧。俱已內移。若和托輝特移住之地。嚴密完善。令其居住。如稍有可虞。即令東移。○又諭。額駙阿寶之子。衣布帶。伊屬下兵五百名。効力行間。勤勞懋著。朕曾降旨。與岳鍾琪。令其撤回原遊牧處。以示寬恤。今據岳鍾琪奏稱。此軍在營。甚有裨益。仍請留駐等語。朕念此兵効力已久。理應撤回。但時值冬寒。不便遽撤。著暫在軍營。俟來年青草發生時。再令回伊原遊牧處。從前已加恩賞著岳鍾琪。再添給銀兩。並傳諭額駙阿寶知之。○額駙雍正十年時憲曆。○辦理西藏事務。護軍統領馬喇額。外內閣學士僧格。摺奏。班禪額爾得尼貝勒。頗羅鼐。遣人齎送官兵。酥油。炒麵。牛羊乾糧等物。臣等累經發還。伊等堅不領回。是以收留。分給官兵。得旨。馬喇僧格。可將

班禪額爾得尼頗羅鼐所送之物。核算價值。充裕。給與銀兩。並傳諭伊等。朕遣兵在藏駐劄。特為衆唐古特防守地方。使之寧謐。豈有絲毫貽累之理。今所送諸物。勢必在伊屬下衆人攤派。未免滋擾。且我兵糧餉。並不缺乏。無須幫助。此番給還銀兩。並非外視爾等也。可傳諭唐古特。咸悉朕意。○辛酉。諭大學士等。派往歸化城兵二千名。著副都統緯爾多同胡琳。帶往。緯爾多著賞銀三千兩。準備起程。乾清門侍衛南盛。授為一等侍衛。於虎鎗上行走之索倫。新滿洲內。挑選九名。令伊統領。隨此次兵丁前往。照看馬畜。每人賞銀二百兩。至一切應得之項。仍照出征官兵之例給與。○正白旗蒙古副都統馬哈達。錄事筆職。調副都統宗室諾穆。柱為正白旗蒙古副都統。仍留軍營。○壬戌。諭大學士等。從前曾令漢軍兵四千名。即在歸化城過冬。現今賊難敗。逾明年。或又來侵犯。宜預為防範。此四



千兵丁俱熟練鎗砲之技令其看守城垣甚  
有裨益今於年內預備妥協揀擇吉日馬爾  
賽統領由上海一路按程至扎克拜達里克  
駐劄○又諭扎克拜達里克處發遣人犯俱  
著從寬免罪即令充為綠旗兵丁給與糧餉  
在彼効力年過六十以上有情願當兵在彼  
居住者留作兵丁其並無妻子已過六旬願  
回內地者俟城工告竣夫役回來時將伊等  
由驛站從容發回各歸本籍○癸亥靖遠大  
將軍傅爾丹摺奏臣等公同會商以十月十  
三日大兵自科布多城起程弁兵各給口糧  
所有營銀六十八萬七千三百兩分令各大  
臣官員兵丁攜帶並將火藥鉛子均勻缺載  
就近由布婁爾烏哈爾扎沿途食雲向察罕  
斐爾達發十月十七日行至輝諾海拉現地  
方據振武將軍順承親王咨稱九月二十二  
日戰敗賊夷大寨零散多卜等俱已逃遁喀  
爾喀副將軍等分路遠追圍賊夷已踰阿爾

泰山嶺即撤軍回營等語臣遂統率大兵選  
擇水草休養馬匹向察罕斐爾達緩行至樞通  
烏闊地方又咨稱驛站俱已接續所有軍機  
事件應仍由大將軍處奏聞不必據咨轉奏  
所有臣等回赴察罕斐爾達領兵起程日期理  
合繕奏得旨傳爾丹既至察罕斐爾著將靖  
邊大將軍印交順承親王掌管振武將軍印  
著傳爾丹掌管協同順承親王辦理事務○  
改河南陝州營守備缺為都司僉書添設千  
總一員從署河南河北總兵官范毓勳請也  
○甲子諭大學士等爾等可傳諭傅爾丹伊  
原與順承親王不和王諸事並無過失近日  
傅爾丹輕進以致虧損官兵若大將軍印務  
仍命管理非但衆心不服即傅爾丹心亦不  
安伊既夫妻古等之心綠旗兵丁亦未必孚  
信伊所持者惟數索倫耳豈知首先潰散幾  
致伊於危殆者即索倫乎順承親王諸事邊  
朕指示領大兵在察罕斐爾賊夷懼其聲威

不教侵擾旋即敗遁朕今令傅爾丹爲王協理以贖前愆至賊立功惟王是賴傅爾丹宜悉心盡力勉圖報效若仍執前見妄存私意與王不和不但無益於國家傅爾丹恐益增罪戾矣○又諭朕聞漢軍兵四千名自京至歸化城傷損馬駝甚多及至歸化城變賣衣物任意費用甚屬不堪且路途尚近即如此窘迫亦甚屬懦弱著行文馬爾賽此次領兵大臣等若不加意統攝致兵丁仍蹈故轍或有逃回者馬爾賽即行拘拏懲治若懲治應正法者正法再行文歸化城都統丹晉右衛大同宣化等處總兵官凡兵丁家人內有逃回者拏獲奏聞即行正法其不加約束之大臣官員從重治罪馬爾賽將此曉諭大臣官員兵丁知之此兵到札克拜達里克地方馬爾賽加意操演嚴行約束○以浙江衛州副將葉應龍署江南崇明總兵官○乙丑諭大學士等山東登州乃濱海重鎮所轄地

方遼瀾查該鎮本標及所屬兵丁除水師外額兵六千餘名似不敷用再自添設河東總河之後將南河總河標兵歸於河東總河管轄而以漕標兵一千餘名改歸南河總督於是兩河標兵及漕標操防之兵俱覺不敷此四處兵應酌量增添爾等詳查議奏尋議登州一鎮延遠二千餘里本鎮標兵及所屬文登等十營除水師外共額兵六千三百餘名汎廣兵單實屬不敷臣等酌議應添兵一千名駐劄鎮城以實行伍至河東總河標兵一千九百二十一名江南總河標兵一千九百餘名漕標兵四千五百名各有防河催漕等差均覺不敷請將漕標及兩河標兵各添設一千名與添設登鎮陸路之兵共四千人交與總漕總河併登鎮總兵官精選技勇壯健之人點馬四步六之例召募充補再查登鎮水師現在兵八百五十名趕造船十隻船七隻所轄海面島嶼甚多往來巡哨差

使頗繫應添船三隻兵一百五十名以足一千之數所添兵丁務選熟於海道及通曉水戰之人招募充補船船令山東巡撫委員監造至各處應加守備千總等員及應建營房令總漕總河登鎮會同該督撫詳定議從之 陞左都御史署西安巡撫史貽直為兵部尚書 以翰林院編修江由教署日講起居注官 大學士等遵旨議奏扎克拜達里克地方甚屬緊要馬爾賽所領漢軍兵四千名即令馬爾賽統領前往扎克拜達里克地方駐劄現今可分作八隊諾爾渾富昌帶領首隊於十二月初一日起行李林祖秉衡佟時茂劉汝霖各領一隊隨後而行其餘二隊交馬爾賽於營總內揀選二人各帶一隊行走馬爾賽帶領後隊於十二月初八日起程殿後僕遇嚴寒大雪難以行走即在推河等處駐劄俟明歲春融再至扎克拜達里克馬爾賽起程時撫遠大將軍印文達原親王

暫賞另給一印與馬爾賽伊領兵到扎克拜達里克時與欽拜阿成阿等所領兵丁俱聽順承親王調遣察罕斐爾處所有盛京烏喇及索倫新滿洲等兵丁應令順承親王在酌酌派數百名遣往馬爾賽處在哨探瞭望緊要處差遣歸化城亦屬緊要馬爾賽至扎克拜達里克時令將圖爾賽等所領土默特兵丁一千名遣回歸化城圖爾賽席爾塔仍同僧漢扎卜等統領喀喇沁一千兵丁由扎克拜達里克以至十三臺處分駐觀看臺站察罕斐爾處調扎薩克兵二千令其駐劄推河京城所派胡琳韓爾多帶往之兵丁二十名令其於本月擇日起程前往歸化城俟到彼之時精選一千名於二月間令侯馬蘭泰副都統達爾濟胡琳統領往鄂爾昆之西形勝地方與扎薩克兵丁各一處駐劄其餘兵丁一千名令副都統韓爾多統領在歸化城駐劄副再派四子部落毛羽安喀爾喀吳喇忒鄂

爾多斯兵丁二千名令鄂爾多斯王查木湯四子部落王阿喇布坦多爾濟統轄又選派察哈爾尼魯特兵各二百名令總管雅圖統領俱於明年二月前往吳喇武之西界形勝地方駐劄得旨依議馬爾賽著給與綏遠將軍印阿克敦等即令隨馬爾賽前往辦理印務○改直隸張家口協標左右二營遊擊河間通州大名石叵三七山永等協中軍守備懷安城西城赤城瀟水崖懷來城靖安堡長安嶺樂亭三河采育豐潤張灣寶坻廣平順德杜柱勝忠順王家坪曹家路密雲城潘家口燕河路懷柔城新雄易水白石河口沿河口河屯等營守備及正定府龍岡營大名協右營守備各缺俱為却司僉書從署直隸提督路振揚請也○丙寅諭內閣朕聞各省漢軍駐防兵丁營任俱屬廢弛而鎮江為尤甚前已降旨令將軍王岱加意整理俟明春專派官員前往考驗今值管理蘇州織造事務海保

回南之便因思蘇州與鎮江一水相通計程不過二百餘里就近稽查最為便捷著海保回蘇之後於今冬明春時常往來京口將兵丁技勇營陣規模以及馬匹戰船甲冑鎗礮器械之完備與否一一查驗會同王欽勤加操練務令水師陸路兵丁等技藝嫻熟武備整齊將來或有調撥差遣之處接奉諭旨數日之內即可起程如此方為國家有用之勁旅俟明年二三月間朕再遣專官前往察看

○諭喀爾喀汗貝勒貝子公扎薩克台吉並各屬下人等近日準噶爾賊夷噶爾丹策零寄信與王喇嘛扎卜稱喀爾喀尼魯特法教相同本屬和好及噶爾丹博碩克圖時失睦既而我父追念前好曾屢奏

皇帝乞將喀爾喀青海復舊安置今皇帝欲將我如喀爾喀青海入於旗下佐領之內給與封號以故我等與兵至此若能成事則將喀爾喀青海照舊安置即不能成事亦

不令統屬於人等語。此實係賊夷姦詐離間之詭計。從前爾喀爾喀人等被噶爾丹殲敗以致失地我。

聖祖皇考憫念爾等歸誠存恤愛養將爾喀諾顏等按伊原品封爲王貝勒貝子公扎薩克屬下人等俱各賜生業安享富饒令歸原遊牧處爾等之感恩報德同心効力乃人所共悉者。準噶爾賊夷出狂悖之言借安置爾等爲詞欲肆行擾亂。卽諭爾等之封號親

王郡王貝勒貝子等爵位俱係我朝冊封宗室子孫兄弟之號其餘臣下雖効力立功並無封貝子之例惟四十九旗扎薩克成吉思汗之後博爾濟錦氏台吉等誠心歸順我

太宗皇祖俱賜以宗室封號視如骨肉結爲姻親累世榮寵何嘗視爲奴僕乎。至編設旗分佐領亦欲其易於查考以便加恩並恐扎薩克等互起爭端之故今已及百年何嘗使爾等一人乎。自分旗以來爾喀爾喀之郭托

克達魯哈等屬便於查管。過饑饉則賑濟之行圍出兵則厚賞之可有僅徵之事乎。此亦爾等所共知。若準噶爾賊夷姦詐狡獪外託黃教而擾亂藏地違背教原口雖稱爲青溪喀爾喀而家而又搶掠爾等將胡土克圖俱欲搶奪姦惡極矣。且準噶爾一姓自尼爾指克尼古勒蘇克齊汗之後與兵擾亂諸部落殘殺博爾濟錦氏幾至斷絕。至今雖怨未已今策零敦多卜前來被爾喀爾喀等勦殺敗

遁賊夷懷恨必深思欲報復乘隙擾亂若賊夷之事不定則爾喀爾喀不得安衆蒙古亦不得安朕是以不惜國帑發數萬大兵遠行征勦竣靖邊圉祇爲爾等生全之計也。爾等下人等宜仰體朕心各加奮勉藉朕威力效法此次進兵之王貝勒貝子公台吉等朕必爲爾等勦滅賊夷永保安寧。前者噶爾丹作亂時爾等互爲搶掠盜竊今又有搶掠盜竊者此種惡習甚屬愚賤其務力爲悔改且爾

等既屬內地多年共知法度若舍棄遊牧擅  
行探竊干犯王章何不力戰賊夷立功雪恥  
乎即爾等歸順賊夷亦斷不能保全爾等令  
爾等安享也爾等宜熟計之○諭青海王貝  
勒貝子公扎薩克台吉等近日單鳴爾賊夷  
遣家零數多卜二人領賊衆越阿爾泰來侵  
喀爾喀欲搶掠克爾倫及劫取澤卜尊丹巴  
胡土克圖被喀爾喀副將軍王丹津多爾濟  
額駙策凌等率兵分路迎擊勦殺生擒並獲

其駝馬賊夷敗遁因轉思離間寄書與喀爾  
喀善巴弒青王之孫王喇嘛扎卜希圖誑誘  
擾亂成事喀爾喀深知賊夷詭計父子前後  
一轍忿怒痛恨不改初心今爾青海台吉等

久倚

聖祖皇考冊封位號褒寵顯榮歷有年所至於  
編設旗分以便稽查資養復恐扎薩克以強  
陵弱互起爭端營之尼魯特內有得志者有  
郭托克者有扎薩古爾者有得敗齊者皆為

易於管轄而已爾有饑饉朕必加周給隨獵  
行兵必加賞賚從無徵斂爾蒙古者朝廷恩  
典至優至渥矣若以封號旗分爲賤亦可奉  
明酌改且爾尼魯特之台吉阿巴顏諾顏之  
子孫現在單鳴爾處果爲印領乎抑爲屬下  
乎即如羅卜藏丹津降附賊夷即將伊所屬  
分數爲奴較之受天朝封號孰榮孰辱單鳴  
爾原係成吉思汗之奴隸爾等俱係成吉思  
汗之弟哈布圖哈撒爾之子孫若以博爾濟  
錦氏諾顏等之先世諭之單鳴爾乃爾等之  
奴隸也奈何甘心自屈受制於奴隸乎可自  
思之爾等當知賊夷詭計勸諭屬下分別利  
害令其亦如喀爾喀等之奮勇立功豈可甘  
爲懦怯受賊夷蹂躪乎朕因單鳴爾反間致  
書故又諄諄降旨爾等如能遵行則可以保  
全妻子遊牧永享安寧之福矣○丁卯諭大  
學士等科布多兵丁回至察罕畢爾時著烏  
察拉暫留軍營裝奉來京塔爾試回原任○

諭內閣四川順慶府知府馬世煊原係巡撫  
憲德題陞之員今因溺職被劾憲德自行檢  
舉數年以來凡遇督撫自行檢舉之案朕皆  
令大學士等兩擬票發進呈是以憲德此案  
大學士等於照例擬票外亦添從寬免議一  
發但朕詳閱此本王鴻勳縱役殃民馬世煊  
徇情容隱乃司道揭報而督撫題參者朕思  
司道既已揭報則憲德安能隱匿不參朕豈  
擬查出糾參者不同難援自行檢舉之例免  
其議處也憲德仍交部議嗣後有與此等相  
類者不必兩擬票發諭大學士等單鳴爾  
賊人策零敦多卜奇寄字與貝勒多爾濟色  
卜騰原欲傾陷多爾濟色卜騰欲行離間之  
意也多爾濟色卜騰受朕恩甚重伊亦感激  
効力豈肯墮其術中但伊扇下人等原非伊  
之屬人與伊不和若仍在喀爾喀遊牧地方  
難以居住爾等密信多爾濟色卜騰令伊父  
子向內移住朕加恩給與生業將單鳴爾賊

人所寄之信並與多爾濟色卜騰觀之改  
山東臨清沂州沙溝梁山等營守備缺俱為  
都司僉書從山東兗州總兵官曾漢請也  
戊辰諭大學士等王丹津多爾濟丹泰據校  
誠之厄魯特多爾濟供稱爾丹丹泰現在  
夸額爾齊斯遊牧因有哈薩克之人帶來槍  
掠馬畜殺擄人眾是以嘴爾丹策零親統兵  
一萬在遊牧外相隔一日路程防守等語查  
夸額爾齊斯與伊里甚遠而云嘴爾丹策零  
在彼遊牧此言固屬謬妄但策零敦多卜額  
兵現在夸額爾齊斯居住不可不預為防範  
阿濟畢濟在西北兩路軍營之間應駐兵二  
阿濟畢濟在西北兩路軍營之問應駐兵二  
三千名防守堵禦朕恩阿濟等處與巴爾庫  
爾相隔二三百里從前朕屢降諭旨令兵鍾  
琪但經理西路之事而不必旁及北路者因  
彼時賊人情形似欲專投西路也今賊人既  
盤踞夸額爾齊斯則其意全在北路矣若岳

鍾琪以大將軍權兵四五萬而但坐鎮無事之堅城於理可乎然廷議於阿濟等處駐兵二三千名朕意以爲兵數太少必得萬餘名方爲有益爾等行文於岳鍾琪詳悉妥議具奏至十月間無克克爾卡倫被賊擄去兵丁賊人直至南山一帶盜竊馬匹我軍四五萬駐劄巴爾庫爾一間賊信將馬匹收入城中塔爾那沁離營不過二三百里而不能保護馬匹仍聽賊徒肆行無忌大將軍與數萬官兵未知所司何事爾等行文併及之○陞四川按察使劉應鼎爲四川布政使司布政使以原任四川布政使高舉折署四川按察使司按察使○改江蘇嘉定府江灣司巡檢爲南翔司巡檢移駐南翔鎮從原署江蘇巡撫王國棟請也○改湖北湖南撫標中軍遊擊缺俱爲參將督標中軍守備黃州龍陽九澗永順等協中軍守備道士沐永定等營守備各缺俱爲都司會書從湖廣總督邁柱請也

○己巳諭大學士等前派出吳喇武西界駐防之鄂爾多斯王查木陽四子部落王阿喇布坦多爾濟著來京請旨○又諭前聞喀爾喀公通摩克被賊擄擄向內邊移遊牧但未知遷於何處著派員外郎齊里克特往通摩克遊牧處將通摩克及伊屬下人內有知曉阿濟畢濟等處路程之人一拉帶赴京城其附近居住之扎薩克等遊牧一併閱看○陞正藍旗滿洲副都統達爾濟爲鑲黃旗護軍統領仍留軍營正藍旗滿洲副都統阿林爲正白旗護軍統領仍兼管副都統事務正黃旗前鋒參領扣婁爲額外護軍統領署本旗護軍統領○庚午諭大學士等巴爾庫爾所有阿寶屬下之兵甚屬効力已強諭旨加恩賞養其鄂爾多斯之五百兵丁亦甚効力因彼處不可無蒙古兵丁是以將此五百名兵仍留於巴爾庫爾著大將軍岳鍾琪照賞賜阿寶兵丁之例賞給其歸化城之土默特兵



一千名朕原擬三年撤回今尚未能即撤此土默特之官員兵丁歷年各處派撥亦甚勤勞著大將軍岳鍾琪亦加恩賞春其領歸化城兵丁前赴之都統良敦先於阿爾泰出兵劬九十有餘年今又領兵前往朕甚嘉之欲另行更替一時未得其人今特頒恩恭將朕元狐冠一頂貂皮短褂一件狄袍一件銀二百兩賞賜良敦○浙江總督李衛疏言嘉興府屬七縣並杭屬之海寧一縣於九月初旬正當禾苗秀實之時忽生細蟲以致禾穗黃萎雖不至成災但分數小減而所獲之米青白不一且有米粒細小者僅可食用難以完漕請將嘉興等縣今歲應完漕米改照雍正元年四年每石折銀一兩或照雍正五年一兩二錢之例出自

聖恩得旨數年以來杭嘉湖三府百姓於額徵錢糧總公輸納並無拖欠甚屬可嘉今茲歲處小有嘉災米粒稍碎不能完費應令減價

折收以示體卹著照雍正元年四年之例每石折銀一兩徵收解部○移四川小河營遊擊駐南坪改永寧協左右營遊擊夔州協中軍守備小河適巴忠州平番柏香馬邊天驢安寧梁萬卓和寧安德靖瀘綿等營守備各缺俱爲都司僉書從四川總督黃廷桂請也○辛未諭大學士等自甘州山丹口肅州金塔寺至額濟內古拉爾坤都倫河濟達巴漢薩克薩圖古里克紅鄂爾阿濟爾汗白格爾等處路程著侍衛圖勒車鄉導侍衛法善原任協領根敦扎卜等馳驛前往肅州將每站水草路程里數可否設臺運糧駐兵及有遠濶平坦地方可否屯田並賊衆自阿濟前來路程詳悉看明具奏歸時仍從坤都倫進山丹口其涼州邊內路程一併詳細閱看圖勒車等每人費銀三百兩○以陝西寧夏協領劉敬思著陝西寧夏右翼副都統○靖邊大將軍傅爾丹摺奏臣率領大兵於本月初六

日已至察罕叟爾。京師滿洲兵臣自行統率  
在察罕叟爾之東。巴顏布拉克地方過冬。歸  
化城主默特之兵。令與王喜里達居住之濟  
斯布達地方附近駐劄。盛京船廠右衛察哈  
爾喀喇沁土默特綠旗兵。雜滿洲營相去五  
里。次第安營。里龍江兵丁。令在大營之北。扎  
哈蘇泰呼集爾圖地方駐營。防守。春入得旨  
交辦理軍機事務。大臣等議奏。尋議。本月初  
四日。靖遠大將軍印。既令順承親王。掌管應  
行文。順承親王。將各處弁兵。如何擇地屯劄  
之處。會同傅爾丹酌量辦理。從之。○敕諭靖  
遠大將軍順承親王錫保奉

天伐罪。治世之常經。鋤暴除兇。安邊之遠畧。送  
賊鳴。爾丹策。零者。狂悖冥頑。父子濟惡。妄欲  
侵陵我屬國。窺伺我邊陲。包藏逆心。狡焉思  
逞。若不深加懲創。實爲衆蒙古之巨害。是以  
命爾爲靖遠大將軍。統領滿洲蒙古綠旗大  
兵。一切事宜。爾與副將軍和碩親王丹津多

爾濟和碩親王和碩額駙。策凌。振武將軍傅  
爾丹等酌定方畧。公同計議。而行。勿謂己能  
而不納。衆論勿當事會。而致失機。宜勿恃兵  
強。而輕視賊寇。密偵遠探。備極周詳。各路大  
兵。及蒙古兵丁。聽爾調遣。凡遇有警。即遵發  
官兵。應援撲勦。有能擒斬賊首者。奏聞加恩。  
優賞。有情急來歸者。加意撫恤。其不抗拒官  
兵者。毋加殺戮。兵將所過地方。須申嚴紀律。  
毋得騷擾百姓。毋得淫人婦女。毋得離散人  
之父子夫婦。毋得損壞人之墳墓。室廬。毋得  
強取貨物。毋得驅役平民。其或有臨戰退縮。  
貽誤擾亂軍機者。爾會同商議。文官四品以  
下。武官三品以下。即以軍法示衆。官兵有犯  
小過者。會同商議。徑行處治。毋以浸戾行之。  
勞績。毋寬縱違法之弁兵。法紀務極嚴明。賞  
罰悉期公當。一切機宜。爾高酌調遣。振武將  
軍傅爾丹。綏遠將軍馬爾賽。俱聽爾調度。有  
應知會西路寧遠大將軍者。即行知會一同。

辦理爾其嚴重精詳殫心奮力克奏膚功永清邊徼以副朕戡亂靖逆安民綏衆之至意欽哉欽哉○壬申

聖祖仁皇帝忌辰遣官祭

景陵○癸酉改山東文登膠州二營中軍守備寧福壽樂二營守備各缺俱爲都司僉書從署山東登州總兵官丹起鳳請也○甲戌諭大學士等副都統黑色常領在昂古里地方駐劄科爾沁之兵離家二年効力行走領兵

之科爾沁台吉滾齊扎布敷漢台吉羅卜藏

著各賞元狐帽一頂給狸躑馬褂一件其餘

台吉管旗章京副章京等各賞銀三十兩叅

領佐領等各賞銀二十兩騎校等各賞銀

十兩兵丁各賞銀五兩○又諭朕因陳泰罪

不可宥曾嚴降諭旨令傅爾丹奏指內仍以

陳泰爲叅贊聞列職名甚屬錯誤爾等行文

與順承親王陳泰至察罕叟爾時著卽革職

鎖拏嚴審具奏○以鑲黃旗蒙古都統色爾

璧署本旗護軍統領○戶部議覆河思哈尼

哈番李永陞條奏八路旗莊官員原爲化導

旗民稽查戶口而設必需通曉吏治之人方

收經理之效嗣後差滿更替請將八旗武職

官員停其差往行文各部院衙門揀選才能

司官併行文八旗滿洲漢軍都統保舉候補

科道及主事通判以上人員送部引見派委

如實心任事化導旗民令總督巡察御史分

別等第奏明文部議敘若所轄地方有戶口

不行清查及入官人口借名贖身潛匿境內

或旗人犯法及該員生事擾害者均照律議

處應如所請從之○蘇尼特郡王垂祭功蘇

隆故遣官致祭○乙亥兵部議覆雲貴廣西

總督鄂爾泰疏言恩賞各省兵丁營運生息

銀兩督撫提鎮等標業經訖至協營兵丁

尚未頒給雲南省共兵四萬七千九百八十

名督撫提標與各鎮標共領銀十一萬九千

兩分給協營已屬有餘貴州省共兵二萬八

千六百餘名。今歲寧協添兵五百名。都江一帶約須添兵四千名。而古州一鎮尚未請領。賞銀擬提兩標。安籠一鎮。共止領銀二萬二千兩。現在不敷。分給協營廣西者共兵二萬一千七百餘名。擬提兩標左右二江鎮。已共領賞銀四萬一千兩。若分給協營所少無多。粵兵丁每名賞銀二兩。便足以資營運。所獲生息儘可濟用。再營運利息之處。必須公平辦理。嗣後各省如有將營運銀兩或占百姓行業或重利放債與商賈小民爭利者。請將出納官弁照廢擾地方索賄部民財物例治罪。該上司照失察屬員會考例議處。並請通行直省將軍督撫提鎮一體遵行。應如所請。從之。丙子。以原任西安布政使塔林為額外閣學士。署刑部右侍郎事。丁丑。大學士等議奏。據辦理西藏事務。護軍統領馬喇等奏言。願羅薩蒙恩。授為貝勒。又令辦理前藏後藏噶隆事務。今具稟懇求印信。以便

行文該管地方與軍機調發事務。應如所請。令禮部鑄給辦理危藏噶隆事務多羅貝勒銀印一顆。交於願羅薩掌管。從之。戊寅。諭大學士等。各省出征之員。未能即回本任者。前曾降旨。著於十缺之中。分出三缺。為出征弁員。陞補之缺。西路文與岳鍾琪北路文與馬爾賽題補。今馬爾賽授為綏遠將軍。領兵駐劄扎克拜達里克。其靖遠大將軍印務。已交與願承親王掌管。嗣後題補北路弁員。著願承親王辦理。○詔免福建鳳山縣水衝田地額賦二百八十兩有奇。○己卯。諭八旗都統等。八旗漢軍兵丁技藝俱未嫻熟。皆失於訓練。所致。今於額數之外。挑選丁壯二千名。另設一營。教習訓練。務期精銳。再八旗漢軍勳舊大臣等子孫。因其父兄失於教導。甚之可用之才。朕心深為憐憫。現今尚畧石李隆祺察王諸家之子弟。無論在京在外。其年至十五歲以上。二十歲內外者。著揀選帶領引

見朕量其才器令其學習行走日後俾得成就以副朕加恩造就熟舊子弟之至意○禮吏部左侍郎彭維新爲都察院左都御史轉戶部右侍郎俞兆晟爲左侍郎以錢益祺漢軍副都統韓光基爲戶部右侍郎仍兼理副都統事務○旌表江南太和縣烈女李二牛女李氏拒姦不污被刃殞命給銀建坊入祠致祭如例○庚辰諭大學士等喀爾喀郡王汪扎爾前因追殺逃走之吳梁海由貝勒封爲王爵去歲軍營送駝誤期經部議點革此次出兵若賞給汪扎爾貝勒原爵同公策凌旺布領兵前往○辛巳添設三姓地方副都統一員伍領六員防禦四員筆帖式二員披甲八百名從寧古塔將軍常德請也○壬午諭兵部朕因各省駐防兵丁技勇多屬生疎營伍亦覺廢弛所養馬匹多不足額其中漢軍爲尤甚已於今年八月間先行曉諭申飭俟明年春月各差科道等官前往查看償仍

不復改嚴加議處朕思營伍廢弛兵丁怠惰之習若該管官弁等果能實心整頓訓練數月之內即可改除惟是馬匹不敷額數若貴令一時購買足額或致馬價昂貴兵丁力量艱難況如南方諸省平時既難喂養而一時急切買補又較難於北方若該將軍等酌量稍爲變通現養幾匹其所少者存價於官一有調遣即可購買應用不致遲誤公事此朕格外體恤之特恩若再奉行不力一經查出弁兵等俱不寬宥○癸未冬至祀

天於

圍丘

上親詣行禮 遣官祭

永陵

福陵

昭陵

昭西陵

孝陵

孝東陵

景陵

大行皇后 停止次日朝賀 甲申諭大學士  
等領兵往歸化城之副都統緯爾多從前已  
賞銀三千兩 今聞伊家甚貧寒著再賞銀二  
千兩管轄索倫兵丁之侍衛博爾本察著賞  
銀一千兩 調鑲白旗滿洲副都統慈爾爾魯  
爲正藍旗滿洲副都統陞直隸天津協領烏  
訥徵烏鑲白旗滿洲副都統 乙酉諭大學  
士等朕去歲屢降諭旨令喀爾喀等將妻子  
牲畜向內遷移於嚴密處居住乃竝不預行  
遷移以致貝勒策登扎布等旗分被賊劫掠  
牲畜傷損皆不能遵旨之故耳時傳爾丹奏  
請將策登扎布之屬下分給衆喀爾喀等奏  
臆據此辦理甚不妥協應查明戶口給與產  
業今扎薩克圖汗王策旺扎布奏請將伊等  
被掠之官馬官駝令伊部落內照數賠補策  
登扎布屬下之人被賊擄掠朕深爲惻然正

欲施恩豈有著落伊等賠補牲畜之理著俱  
寬免交與王丹津多爾濟報銷 以故輔國  
公巴賽子輔國將軍奇通河襲爵 以故超  
武公達福子岱七襲爵 丙戌月祭

大行皇后 大學士等議奏據靖遠大將軍順  
承親王錫保奏言厄魯特貝勒多爾濟色卜  
騰呈稱今年率領所屬邊邊推河不料台吉  
索諾木吹濟引誘屬下四十餘戶一同叛逃  
現今所餘之人亦屬難信請率領伊等向內  
遷移至歸化城等處遊牧居住應如所請從  
之 戊子諭理藩院從前

皇考時曾將蒙古王台吉等之子姪著在內廷  
教養今扎薩克之蒙古國成台吉等喀爾喀  
之王貝勒貝子公扎薩克等之子姪內十五  
歲以上者著來京在內廷教養 陞貴州清  
江副將趙文英爲雲南永北總兵官 大學  
士等遵旨議奏據爾丹奏稱管領喀喇沁  
兵一等塔布囊丹巴從軍勦賊衝鋒力戰受

傷入骨今因傷發病故臣等遵旨從優議卹或贈爲扎薩克一等塔布囊或授爲輔國公恭候欽定得旨丹巴著追封輔國公世襲罔替刑部議覆甘肅巡撫許容條奏商民居住之處嗣後請令地方官備造冊籍印給門牌以十戶爲一牌十牌爲一甲十甲爲一保除設立牌頭甲長保正外選本地殷實老成者充爲掌教如人戶多者再選一人爲副不時稽查所管回民一年之內竝無匪盜等事者令地方官酌給花紅以示鼓勵應如所請從之工部議覆河東河道總督沈廷正疏言山東運河戴村壩工程嗣後請歸補河廳管轄今東平州州判專司其事戴村壩以下至分水口一帶汶河係東平州地方者仍歸補河廳統轄汶上縣地方者歸運河廳統轄以專責成應如所請從之雲貴廣西總督鄧爾恭題廣西太平府龍英土知州趙作晉病故無嗣請以其弟趙作梁承襲下部知

之己丑禮部議覆琉球國中山王尚敬奏請遵依舊典嗣後仍二年一貢應如所請得旨朕因琉球地處重洋之外奏未修貢遠涉風濤深爲軫念曾經降旨將雍正八年貢物准作十年正貢今該國王奏請按期入貢情詞懇切具見悃誠著仍遵前旨若十年貢物已經遣使起程即准作十二年正貢十一年不必遣使前來將此行文該國王知之

大清世宗敬天昌運建中表正文武英明寬仁信毅大孝至誠憲皇帝實錄卷之一百十二

大清世宗敬天昌運建中表正文武英明寬仁  
信毅大考至誠憲皇帝實錄卷之一百十三

此表係在乾隆二十九年正月十五日由內閣臣等奉旨編纂其書內載有乾隆二十九年正月十五日以前之事蹟其書內載有乾隆二十九年正月十五日以前之事蹟

此表係在乾隆二十九年正月十五日由內閣臣等奉旨編纂其書內載有乾隆二十九年正月十五日以前之事蹟其書內載有乾隆二十九年正月十五日以前之事蹟

此表係在乾隆二十九年正月十五日由內閣臣等奉旨編纂其書內載有乾隆二十九年正月十五日以前之事蹟其書內載有乾隆二十九年正月十五日以前之事蹟

執修

雍正九年辛亥十二月庚寅朔日有食之

辛卯諭大學士等前將軍夏滿洲兵丁派撥  
一千名往西路備用今已爾庫爾大營已有  
滿漢兵三萬四千餘名其寧夏滿兵應令仍  
回本營著將軍卓羅挑選一百名留在軍營  
聽用其九百名於明年春間著伊禮布帶領  
回至寧夏 諭內閣牧可登著革退刑部侍  
郎侯伊承審事件具奏之後再離任刑部侍  
郎員缺著西安巡撫武格補授西安巡撫事  
務仍著馬爾泰署理史貽直協辦○以正黃

旗護軍統領馬喇爲工部尚書實授扣妻爲  
正黃旗護軍統領 以一等伯欽拜爲內大  
臣副都統阿岱爲正紅旗護軍統領俱仍留  
軍營 調鑲白旗滿洲副都統烏納徽爲江  
寧左翼副都統江寧左翼副都統李柱爲鑲  
白旗滿洲副都統 封科爾沁台吉鄂齊爾  
爲輔國公 壬辰諭理藩院西藏一等台吉  
噶錫巴那穆扎爾色卜騰具奏謝恩進獻方  
物從前因伊父噶錫羅於阿里地方陣亡經  
頗羅羅奏請將噶錫羅贈爲一等台吉令伊  
子噶錫巴那穆扎爾色卜騰承襲聞噶錫巴  
那穆扎爾色卜騰甚是勤勞効力伊又係康  
濟羅之兒子康濟羅誠心効力始終不懈並  
無子嗣今將噶錫巴那穆扎爾色卜騰格外  
施恩封爲輔國公世襲罔替 轉吏部右侍  
郎英士玉爲左侍郎調兵部右侍郎任蘭枝  
爲吏部右侍郎 以鑲紅旗護軍統領法客  
著本旗滿洲副都統 以故一等侯田象坤



子田存德故一等侯馬爾英子馬國鍾各製爵 寧遠大將軍岳鍾琪奏報厄爾庫爾圖呼魯克等處屯田收穫青稞三萬六百八十石有奇下部知之○癸巳刑部議覆原任西安巡撫武格條奏流犯有年踰六十老病龍鍾者請照孤貧之例准其撥入養濟院給以口糧俾得全活餘年應如所請從之○廣東布政使楊永斌條奏定例鐵器不許出禁貨賣而洋船私帶禁止尤嚴粵東所產鐵錫每連約重二十觔查雍正七八九年夷船出口每船所買鐵錫少者自一百連二三連不等多者至五百連併有至一千連者計算每年出洋之鐵約一二萬觔誠有關係應請照廢鐵之例一體嚴禁違者船戶人等照例治罪官役通同徇縱照徇縱廢鐵例議處嗣後令海關監督詳加稽察至高船者食器具銅錫砂錫俱屬可用非必盡需鐵錫亦無不使外夷之處於朝廷柔懷遠人之德意並無違

礙得旨鐵觔不許出洋例有明禁而廣東夷船每年收買鐵錫甚多則與禁鐵出洋之功令不符矣楊永斌所奏甚是嗣後稽察禁止及官員處分商人船戶治罪之處悉照新請行粵東既行查禁則他省洋船出口之處亦當一體遵行永著為例 甲午以原任江南松江提督柏之蕃著鑲黃鑲白兩旗漢軍都統一等侍衛永昌著正白旗蒙古副都統鑲紅旗護軍參領伍什圖著正紅旗蒙古副都統 乙未 孝惠章皇后忌辰遣官祭 考東陵 陞船廠協領哲庫訥為寧古塔副都統 丙申以內閣學士僧格為理藩院額外侍郎陞內閣侍讀學士雙喜為內閣學士兼禮部侍郎 以兩江總督尹繼善協辦江南江寧將軍事務 拾通政使趙之垣副將馬龍肅州運糧欽差關防 丁酉以故一等公達爾馬兒一等伯發爾薩襲封一等公以發

爾薩從弟靈德襲封一哥伯。戊戌陞內務府郎中丁皂保爲內務府總管。請遣大將軍順承親王錫保奏報鄂爾昆圖拉集爾麻泰等處也。田收穫大麥小麥蘆子共一萬六百三十石有奇。下却知之。己亥命顯親王衍漢理親王弘哲齋冊寶上。

大行皇后尊謚冊文曰：地宏厚載承乾道，以時行月炳陰暉，助曦輪而垂照，正位彰母儀之盛化，茂周南視躬備婦德之全名，高煥汾式稽今典，宜表徽稱。皇后那拉氏毓質粹和，秉心柔順，蘭閨佩訓，蹈女史之規型，未卹末嫺，嫺天潢之禮度，問安內殿，盡考謹於

先皇侍宴某閣，未惜愉於  
 母后建登大寶，爰涉坤寧，處貴逾謙，居尊彌慈，深懷恪敬，凜夙夜於椒庭，永念統勤，贊微咨於黼座，恩流九御，頌樛木之慈仁，儉率六宮，敦篤尊之澹約，禱衣肅穆，方期福履之綏，璜珮渺茫，忽感音容之隔，乃頒諭命，聿詔近臣。

考謚法之相符，詢僉謀而惟允，特以冊寶謚曰孝敬皇后。於戲播鴻聲於萬國，永煥金並揚，徽行於千秋，光騰瑤標，祇膺寵章，用具哀榮。陞署鑲紅旗滿洲副都統，統色爲陝西西安右翼滿洲副都統。復設福建督標右營參將一員，福寧左營閩安右營，總擊各一員，建寧左營汀州左營，延平右營，漳州中營，興化右營，守備各一員，改撫標中軍遊擊，缺爲參將，福協右軍守備，福州將軍標下中軍守備，臺灣北路淡水營守備，長福營右軍守備，邵武城守右營守備，泉州城守營，安海汛守備，同安營，淮口汛守備，各缺俱爲都司，僉書從福建總督劉世明請也。庚子以冊謚孝敬皇后，頒詔天下，詔曰：朕聞治家教國，化始宮闈，維坤承乾，義隆珥贊，識徽音之茂著，必顯號之昭垂，禮記曰：謚以尊名，成周以來，斯爲鉅典。皇后那拉氏仁慈天賦，淑惠性成，祇

事

皇祖妣孝惠章皇后

皇考聖祖仁皇帝

皇妣孝恭仁皇后備蒙慈愛克以孝稱佐朕內

政經四十載溫恭實本乎至誠祇肅常形其

匪懈自膺冊命於今九年儉以持躬思能逮

下綜六宮之庶務而靜正咸宜樹萬國之母

儀而安貞允協想宣淑範久著令聞朕肝食

宵衣勵精圖治瞻臨宮壺良資贊襄今雍正

九年九月二十九日崩逝深為愴悼追維恪

慎之光儀洵洽哀揚之彝憲爰詔所司詳稽

禮制慎擬徽稱祇告

太廟以本年十二月初十日冊諡為孝敬皇后

於戲德美關雎懿行長輝乎典冊道光祥祉

鴻名永著於寰區頌示天下咸使聞知○諭

理藩院東路派喀爾喀兵三千名著步軍統

領阿齊圖去令侍讀學士渣克旦與阿齊圖

協同辦理此派出兵丁每人賞銀五兩令渣

克旦同二等侍衛阿敏道帶領至大將軍順

承親王軍營照王指示之處駐劄仍令兵丁

等不時操演○辛丑兵部議覆廣東總督卞

玉麟疏奏添改弁兵事宜一節源縣之磔下

鄉離城百餘里請添設巡檢一員以資彈壓

一博羅縣城請留原設把總一員兵四十五

名其原防之都司撤回府城餘兵六十八名

抽撥長寧縣城以資防禦所有舊駐惠州府

城之左營守備一員亦請移駐長寧管領該

縣兵丁一長寧縣屬高底山附近之老虎坳

請添設一汛移千總一員帶兵八十名駐防

於附近老虎坳之芳崗山頂建墩臺一座撥

兵二十名以資犄角又翁源縣屬之磔下鄉

長寧縣屬之錫場山請各設一汛每汛設外

委把總一員兵四十名以上四汛統歸惠州

協管轄一提標中營舊有貼防興寧縣五家

坊汛兵四十名不隸興寧營管轄未免呼應

不靈請撤回中營於提標五營內共抽兵三

十一名撥入興寧營合之該營原額共足三

百名之數其五家坊汛地即令興寧營撥防再將軍標向撥兵五十名貼防龍門營鐵岡汛增城營向撥兵四十二名貼防番禺縣白沙塘等四汛查龍門營見歸增城統轄而將軍標即在番禺縣城請將軍標貼防鐵岡汛兵撤回就近防守番禺縣四汛增城營貼防番禺縣兵撤回就近防守鐵岡汛均應如所請從之○癸卯改廣東瓊州協左營守備興寧和平砲洲東莞三水四會那扶等營守備各缺俱爲都司僉書從廣東總督郝玉麟請也○甲辰靖遠大將軍順承親王錫保摺奏據寧古塔副都統塔爾岱呈稱

皇上恩旨念塔爾岱宣力可憫令回原任但大兵正值滅賊之期是塔爾岱報國雪恥之日若負罪而還何顏見七十有七之老母且塔爾岱傷痍悉已平復仰懇仍留軍前等語謹此代表得旨朕覽塔爾岱所奏爲之惻然若准伊所奏朕實不忍若不准則軍中難得此練習之賢將今暫依所請賞伊母銀一千兩再賞塔爾岱一千兩資伊用度○奉天府尹楊超曾疏言奉天各屬從前一切公務皆取給里下總計一歲之科派多於正額之錢糧如遇奏銷地丁驛站大造編審人丁大計考察官吏等項自臣衙門家人書吏以至治中知府州縣各處均有陋規銀兩名爲造冊之費歲科考試生童自府丞至治中知縣衙門亦有陋規銀兩名爲考試之費至大小官員到任凡修理衙署鋪設器用以及查點保甲換給門牌印捕等官紙張飯食俱行攤派銀兩每項約有數十兩至百餘兩不等更或衙裏書從中措一派十侵收包攬弊竇多端臣已嚴飭各屬勒碑永禁並令嗣後徹底澄清不許絲毫派累得旨從來地方科派隨現甚爲民間之擾累楊超曾通行查禁辦理甚是但恐相沿已久官吏人等尚有陽未陰違者又恐日久法弛將來接任之員或有仍

繫從前之陋習者著將楊超曾所奏宣示於外令奉天官吏人等永遠遵行以除積弊以惠閭閻○改山西撫標中軍遊擊缺爲叅將殺虎協中軍守備天城陽和高山漳源廣昌平刑忻州右衛并坪利民神池八角朔州樺林鎮西保德懷仁等營守備各缺俱爲都司會書從山西巡撫覺羅石麟請也○雲貴廣西總督鄂爾泰題雲南景東土知府陶大鑑故請以其子陶淳承襲下部知之○乙巳諭

內閣逆賊呂留良以批評時弊託名講學今罪蹟昭彰普天共憤內外臣工咸以罪犯私著之書急宜焚燬爲請朕以爲從來無恃逆之大儒若因其人可誅而謂其書宜燬無論燬之未必能盡即燬之而絕無留遺天下後世更何所據以辨其道學之真僞乎以故燬書之議概未允行頃者翰林顧成天奏稱呂留良所刊四書講義語錄等書蠹浮淺鄙毫無發明宜教學臣晚諭多士勿惑於邪說爰

命在廷儒臣詳加檢閱茲據大學士朱軾等於其講義語錄逐條摘取纂輯成帙呈請刊刻編額學宮朕以逆賊所犯者朝廷之大法也諸臣所駁者章句之末學也朕惟秉至公以執法而於著書者之爲醇爲疵與駁書者之或是或非悉聽之天下之公論後世之公評朕皆置之不問也大學士朱軾等既請刊刻頒布學宮俾遠近寡識之士子不至溺於邪說朕思此請亦屬可行姑從之以俟天下後世之讀書者○諭大學士等侍讀學士渣克旦兒奔派往喀爾喀地方操兵防範著給還侍郎原銜○禮部題

孝敬皇后百日例應行致祭禮但適值未年正月請於十二月二十一日行三滿月致祭禮二十五日行百日致祭禮從之○丙午甯投諾爾澤爲兵部右侍郎○旌表陝西固原州烈婦陳茂生妻歐氏拒兵不污被毆頭命給銀建坊入祠致祭如例○丁未諭大學士等

紀成斌久居戎行曾有戰功是以朕加恩用至總兵官後因大將軍岳鍾琪極力保薦謂其可以大用始將伊擢用四川提督令在西路協督軍務上年岳鍾琪來京陛見將大將軍印信交與紀成斌護理乃紀成斌隄防疎忽為賊人所窺始則盜竊馬駝既則逼近軍營無所忌憚此時紀成斌一籌莫展幸賴樊廷等奮力出擊以寡敵衆大挫其鋒而賊衆始退紀成斌之罪誠指髮難數朕猶暫寬其罪俾得詭勉効力以贖前愆乃伊一年以來急急遑巡每見欽差大臣但言我實乃已爾庫爾奔兵之罪魁紀成斌有忝職守洋負朕恩者單去提督改爲副將交與岳鍾琪凡有差違之處令其効力贖罪若仍不知愧悔著即參奏嚴究四川提督著陝西延綏總兵官顏清如補授陝西延綏總兵著陝西沙洲副將張鈞補授紀成斌著補授陝西沙洲副將又諭派出古爾班察堪地方駐防之鄂爾

多斯王查木陽四子部落王阿喇布坦多爾濟著各賞銀一千兩鄂爾多斯台吉策旺多爾濟額默根索諾木著各賞銀五百兩征勒準噶爾賊人喀爾喀貝勒丹卜登賞元狐帽一頂貂皮馬褂靴袍各一件銀五千兩○大學士等奏請派員赴扎克拜達里克推河翁機三處地方修築城垣得旨扎克拜達里克地方著副都統銜馬哈達原任巡撫圖理琛等前往推河地方著副參領桑吉柱等前往翁機地方著原任將軍朱文等前往都察院左副都御史阿爾泰緣事降調以加副都統銜阿成阿爲都察院左副都御史加侍衛胡習禮副都統銜俱仍留軍營○以寧古塔副都統塔爾岱爲內大臣在軍營參贊行走○兵部議覆福建總督劉世明等疏言福建陸路武職官員籍隸本省者請於附近江西省揀選調補其江浙兩省陸路都司以上官員請以本籍五百里之外缺題補至拔補千

總仍照定例止遊本營其千總題補守備請  
照文官教職之例止遊本府應如所請從之  
○改雲南督標中軍守備廣羅騰越鈺川三  
協中軍守備順雲營守備貴州遵義黔西二  
協左右營遊擊平遠定廣二協中軍守備普  
安永安安順新添平伐仁懷石疔等營守備  
廣西新春恩恩平樂慶遠等協中軍守備上  
思龍憑旭彝上林富賀三里麥嶺等營守備  
各缺俱爲都司僉書從雲貴廣西總督鄂爾  
泰請也○雲貴廣西總督鄂爾泰題廣西鎮  
安府向武土知州黃道遠故請以其子黃辰  
承襲下部知之○戊申陞正藍旗前鋒參領  
阿那布爲本旗蒙古副都統仍留軍營○吏  
部遵旨議覆直省府州縣等缺地方之要簡  
不同人才之優絀各異必入地相宜方於吏  
治民生均有裨益嗣後除道府員缺係請旨  
補授並沿海沿河苗疆一切應行題補之缺  
仍照舊例進行外其同知通判知州知縣內

經督撫冊報係衝警疲難四者俱全或兼有  
三項之缺最爲緊要請令各該督撫於見任  
屬員內揀選熟諳吏治品級相當之員具題  
調補所遺之缺歸部銓選至衝警疲難四項  
內兼有二項以及專有一項之缺據各省冊  
報十居八九若概歸在外題補恐外省調缺  
太多見任屬員不敷揀選調補之用應照例  
歸於月分陞選如初選之員到任後或人缺  
不稱仍令該督撫酌量具題對調再各省丁  
憂病故在外所聞之缺向來扣留知縣督撫  
將試用人員委署今衝警疲難既經分別則  
在外所聞缺內如係四項俱全或三項相兼  
者請照舊例扣留令該督撫將見任屬員選  
擇調補所出之缺將試用人員署理其不兼  
四項三項之缺歸部銓選至嗣後有應題應  
改之缺令該督撫即於改設本內將四項或  
全或兼或專等因分別聲明直隸各省一體  
遵行從之○改四川撫標中軍遊擊缺爲參

將從四川總督黃廷桂請也。乙酉恭纂。

聖祖仁皇帝實錄聖訓告成禮部具儀注監修總裁大學士等奏請呈送。

大內尊藏。

上御太和殿設齋簿奏樂監修總裁副總裁纂修等官奉表恭進。

實錄聖訓行禮畢請王貝勒貝子公及文武各官等奏言恭惟。

聖祖仁皇帝深仁厚澤盛業隆猷纂輯成書慶流萬葉臣等不勝懽忭禮當慶賀。

上傳制曰。

皇考聖祖仁皇帝厚德豐功彌綸宇宙光天之下知識之倫莫不需被。

聖化歌詠太平朕緡承統緣於皇考一言一動時時奉爲法守爰命大學士等。

恭輯。

實錄聖訓茲者纂修告成朕得朝夕誦述身體力行亦俾萬世子孫臣民飲述弗替朕心慰。

悅與卿等同之於是請王以下文武各官行。

慶賀禮。庚戌諭內閣欽惟我。

皇考聖祖仁皇帝神聖首出臨御萬邦六十餘年至德豐功際天蟠地自昔史冊所載罕見。

比倫雍正元年朕命大臣等督率官氣敬謹纂修。

實錄昭垂萬世迄今九載編輯成書朕心嘉慰應加恩議欽以獎勤勞監修總裁官及纂修。

提調收掌繕譯錄等員與執事人等著查照康熙十一年之例斟酌議欽其筵宴實奏。

亦著該部察例行。月祭。

孝敬皇后。平郡王福彭疏擬修理陵工告竣得旨平郡王福彭督率官員等修理。

永陵護陵。福陵水法石工潔誠裏事敬謹竣工甚屬可嘉。

在事人員著分別議欽再。

福陵紅門前大路與寶城甚近車馬俱由山根左畔行走有關風水。



著行文奉天將軍府尹嗣後於渾河東南西南無關風水之處設立船廠以渡行人紅門前大路及山根左畔嚴行禁止行走渾河以北凡係風水之地所有草木不許擅動至遷移房屋禁止耕種地畝著賞給房價補還地畝封喀爾喀扎薩克輔國公阿努里爲圓山貝子壬子諭大學士等員勒阿寶并伊子哀布在西路軍營甚屬効力阿寶又帶所屬兵丁防範遊牧珠爲可喜著賞還伊郡王原爵以廣東廣州左翼副都統馬士傑署廣東廣州將軍○命左副都御史阿成阿爲綏遠將軍馬爾賽叅贊○癸丑大學士等遵旨議覆據靖邊大將軍順承親王錫保叅奏喀爾喀郡王敏珠爾多爾濟扎薩克台吉成滾扎布調往軍營逗留不至扎薩克一等台吉鄂穆布濟擅離汛地回往遊牧罪難寬宥請將伊等郡王台吉俱行革退得旨王敏珠爾多爾濟之祖墨爾根濟農古祿什禱乃喀

爾喀內首領扎薩克從前恭順進貢後遇噶爾丹之亂甚屬効力此次調兵敏珠爾多爾濟違誤未到或有別故著將敏珠爾多爾濟成滾扎布調取來京扎薩克台吉鄂穆布齊既派在庫布可爾地方駐劄伊聞賊信私離汛地罪不可赦猶能保守伊之遊牧未被賊掠尚屬可矜著將鄂穆布濟亦調取來京俱俟朕面詢後再降諭旨○授故奉國將軍武格子牟尼保爲奉恩將軍○復設湖北孝感縣馬漢河巡檢一員改應山縣平里市巡檢爲平靖關巡檢移駐三里店從陞任湖北巡撫魏廷珍請也○裁四川松潘衛守備缺改設龍安府同知一員熬磨一員俱駐松潘添設南坪巡檢一員從四川總督黃廷桂請也○改河南督糧中軍守備缺爲都司倉書從河東總督田文鏡請也○寧遠大將軍岳鍾琪奏報哈密塔爾那沁等處屯田收獲青稞麥子共五千石下部知之、以故喀爾喀鎮

國公索諾木班珠爾子首格阿喇布坦襲爵

甲寅

孝莊文皇后忌辰遣官祭

昭西陵百日致祭

孝敬皇后諭兵部法爾薩巴爾米忒著委署

護軍統領巴爾米忒著給還都統原銜

州按察使張體義緣事革職陞貴州青東道

方顯爲貴州按察使司按察使以廣東海

關監督準奏著福建福州將軍福建陸路提

督張起雲患病解任以廣東潮州總兵官王

郡著福建陸路提督乙卯諭大學士等令

年陝西西鳳二府併同華等州屬親運甘涼

西肅等處兵米十五萬石各運戶因馱載斗

隻疲乏在甘借領庫銀一萬八千餘兩另催

壯畜轉運此項銀兩應於運戶原籍即行催

追還項朕恐運戶中不無力量艱難者已經

降旨寬以一年之限令據署西安巡撫馬爾

泰布政使碩色等奏稱藩司衙門有連年平

餘銀兩請充公用朕思運戶借領官銀難係

應還之項然伊等領運兵米如期運到並無

遲誤應加格外之恩以昭獎賞藩司衙門既

有平餘銀兩著照數抵還運戶借領之項免

其催追以示朕體恤養民之至意丙辰諭

大學士等古爾班賽堪地方駐滿洲蒙古兵

五千名甚屬緊要護軍統領達爾濟著給與

將軍印信令其總統郭爾多斯王查木陽四

子部落王阿喇布坦多爾濟俱授爲副將軍

原任散秩大臣四格巴匝爾原任侍郎傅鼎

俱賞給原銜與副都統胡琳並在叅贊上行

走達爾濟見在歸化城著減從馳驛來京面

請訓旨再赴軍營丁巳歲暮給祭

太廟

上親詣行禮遣官祭

永陵

福陵

昭陵

昭西陵

孝陵

孝東陵

景陵

孝敬皇后。遣官祭太歲之神。戊午靖遠大

將軍順承親王錫保摺奏。臣遵旨遣人詢問

和托輝特貝勒班第。見在移駐地方。今據呈

稱。本年秋間。因罕噶爾賊。逆來犯由。原駐桑

金谷賴等處。東遷至塞楞格河北山厄格地

方駐牧。聞逆賊逃避。已踰阿爾泰山嶺。仍由

厄格地方前進。來至塞楞格河。同扎薩克根

敦貝勒車蘇隆等部。落於南北兩岸。駐牧山

嶺陰峻樹木叢繁。更兼河流深澗。占據要害

可以禦敵。奏入報聞。議欲北路蘇克阿爾

達湖地方。擊敗罕噶爾賊。夷功喀爾。咬貝勒

冊卜登扎薩克。台吉齊巴克。扎布魯木。玉爾

齊旺。協理台吉巴海。厄莫根。羅卜藏。及弁兵

等。俱賞賚有差。旌表八旗節婦滿洲族保

妻喀拉氏等一百十五人。蒙古卓特巴妻洪

氏等十六人。漢軍蕭璋妻線氏等二十七人

直隸各省節婦。曹淮妻楊氏等。共七百六十

五人。孝子邊海。終等二十三人。貞女轟氏等

十九人。孝婦邵氏一人。孝女楊氏一人。各給

銀建坊如例。是歲人丁戶口二千五百四

十四萬一千四百五十六。又永不加賦。滋生

人丁八十六萬一千四百七十七。田地山蕩

畦地八百七十八萬六千一百九十頃八十

畝。有奇。徵銀二千九百七十九萬七千五百

一兩。有奇。米豆麥四百七十六萬八千四百

八十七石。有奇。草五百一萬七千七百二十

七束。茶三十二萬八千七百二十引。行鹽五

百一十九萬二千三百四十四引。徵課銀三

百九十五萬一千一百兩。有奇。鑄錢十萬四

千八百七十五萬九千六百六十。有奇。

大清世宗敬天昌運建中表正文武英明寬仁  
信毅大孝至誠憲皇帝實錄卷之一百十三

大清世宗敬天昌運建中表正文武英明寬仁  
信毅大孝至誠憲皇帝實錄卷之一百十四

敷修

雍正十年壬子春正月己未朔

上於宮中拜

神畢御殿王以下文武各官及外藩使臣等上

表朝賀停止筵宴○朝鮮國王李聆遣陪臣

李橙等表賀冬至元旦

萬壽節及進歲貢禮物宴會如例○癸亥孟春

享

太廟

上命

皇四子弘曆行禮○遣官祭太歲之神○乙丑

世祖章皇帝忌辰遣官祭

孝陵丁卯順天府進春論八旗兵丁等兵

可百年不用不可一日不備帝王之治天下

未有不以明武備爲先務而兵丁之武藝亦

未有不勤加訓練而能有成者從來士農工

商各治一業苟不專心竭力則其業必不精

況兵丁所司者皆戰鬥之事譬弓挾天冒鎗

衝鋒非臂力剛強不能披堅執銳非技藝嫻

熟不能克敵宣威奈何怠惰苟安虛度歲月

不思國家設兵之本意不念自己專司之職

業乎爾兵丁等世受國恩朝廷愛養猶如赤

子凡八旗將軍大臣等多由行伍出身漸登

榮顯爾等誠能立志向上奮勉自勵勤加練

習技勇可觀將來建立功勳馳名軍伍不但

本身有上進之階且光耀宗祖及子孫受

福曷可限量哉國家承平日久人人耽於安

逸武備漸弛今當邊陲用兵是以降旨令勤

加操演又念操演之兵若仍輪流值班則其

力難以兼顧而工夫未免間斷是以不令該

班俾得專心訓練又復給以飯錢資其食用

無非體恤爾等之勤勞也爾等各宜勉力學

習如騎射長槍之類必令純熟精強用成國

家之勁旅以柔弱怯懦爲恥以安逸華麗爲

戒人之力量用之則日增不用則日減如出

城操練之際正可演習步行又何必騎馬來

車徒多糜費嗣後果能仰遵朕訓努力向前

且互相勸勉鼓勵氣壯必聞知加以格外

之恩賞如有不肖之徒苟且怠玩甚至妄生

怨言搖惑衆聽此不但藐視公事自誤功名

實爲人心風俗之害經朕察出必以軍法從

事勉之勉之論八旗該班兵丁等日今軍

興之際兵丁等訓練操演甚爲緊要若以操

演之兵仍令照舊該班則訓練未有專功技

藝難以純熟是以特加挑選今具每日操演

騎爾等分作兩班輪流當差所以使操演之

兵得專心學習也然人果有上進之志何時

不可逼勉何地不可學習即如爾等換班之時原可練習技藝雖該班之地不便演放鎗礮而拉弓扣箭舞棍超走等技藝在領班之大臣官員未嘗不可訓練爾等慎勿以未經入選不在操演之列自甘懦弱而不勤加訓練也夫該班與操演俱係一體出力且操演兵丁如有缺少自必於該班兵丁內挑補爾等不更當奮勉乎見今雖將爾等分為兩班較前稍為勞苦然較之軍前之人則勞苦

又相懸絕矣數年後仰邀

天眷大兵凱旋之時爾等差使仍得暇豫從容儻目今不思逼勉但偷一時之安以致技藝生疎則日後必為無用之廢人國家經制錢糧豈有養贍廢人之理如有此等無知不肖之徒一經查出除革退錢糧外仍從重治罪○甘肅巡撫許容奏言臣以沿邊要地或有恭勤加意防範今准甘提涼鎮各營稱准著督臣令貝勒丹中在阿拉克山阿爾坦特布

什等處駐紮並准其部下人等至邊內貿易又據肅州報稱遵奉著督臣安插公巴濟旗下領催哈喇等戶口於哈魯蘇地方給以米麵茶錢又據寧夏道府報稱奉著督臣遵旨安插公通摩克公巴濟人眾於賀蘭山後並將喀爾喀部落扎薩克台吉鄂穆布濟扎薩克台吉多爾濟王格勒克顏木聘爾公喇旺公完舒克等一體安插支給米麵茶封近又據地方官稟報鎮夷口內紅布湖地方住有夷帳云是巴濟公部落為賊眾迫脅逃避內地臣聞鎮夷口外之巴濟公已叛歸準噶爾而伊等部落言稱避賊豈可深信置之內地恐至藏姦且寧夏地土平漫僅隔一賀蘭山竝無險要涼之鎮番孤懸塞北自涼抵肅徑竇繁多外通邊牆而諸夷漸次逼處人心難測在查即阿宋可進自必悉心籌畫防範嚴密而臣鯉鯉過慮殊懷隱憂請嗣後塞外附屬諸夷未奉諭旨安插而伊等口稱避賊內

從者不許縱令入口。即有力量單弱不足禦賊。而努當應援者。寧可遣兵遠護。不宜拔帳近移。伏惟

聖裁。奏入。報聞。○己巳諭吏部。凡因公註誤降調人員。赴部候補。應行引見者。從前未令督撫出具考語。嗣後各員赴補。文內着督撫將伊居官如何之處。出具考語。爾部於摺內註明具奏。帶領引見。○辛未祈穀於

上帝。遣莊親王允祿行禮。○乙亥諭內閣。京師自冬及春。未得雨雪。畿輔地方及近京各省。雖有奏報得雪者。亦未普遍。需足因思。上年十一月十五日。月食。據欽天監觀候。曾引占書。照趙早禾。麥有傷之語。朕心甚為憂懼。擬於正月祈穀之期。虔禱

上帝。以迓天庥。後因朕躬偶感風寒。醫家奏請避風靜攝。是以未嘗躬親祀典。此心愈加乾惕。惟茲數月以來。雨雪未降。顯係

上天垂象。以示儆甚可畏也。朕虔誠修省體察。政治之闕失。以期仰格

天心。大學士九卿等。各宜恪慎齋戒。至誠祈禱。尤當洗心滌慮。彈職奉公。以為敬

天祈福之本。京師為四方輻輳之地。民食浩繁。更宜豫為籌畫。至於該督撫等。各自敬謹。修省外所屬地方。雨澤之有無。播種之遲早。務期悉心訪察。先事圖維。儻二麥歉收。必思患豫。防勿使黎民有乏食之虞。方不負朕之委

任。儻有玩忽隱飾等弊。經朕訪聞。必加嚴譴。內外大臣等。領此諭旨。務在實心奉行。不必以空言覆奏。諭大學士等。派家口外領兵駐劄之都統。薩穆哈著來京。今都統綽奇副都統宗室滿珠錫禮。前往綽奇所管鎮藍旗事務。著平郡王福彭署理。丙子著陝西總督查郎阿奏言。臣遵旨。委遊擊朱奇芳等出

口。至阿拉克山貝勒丹中處。派人協同詢問。公通摩克等。遷移遊牧之處。今據朱奇芳等

具稟前至諾顏喀拉地方見公通摩克回稱  
 王格勒克顏木聘爾在錐崙地方駐牧公喇  
 旺欲往哈魯靠去扎薩克台吉鄂穆布濟升  
 巴濟旗下佐領翁鄂柴等俱欲往綽確去此  
 等地方俱於賀蘭山甚近扎薩克台吉多爾濟  
 與我附近駐牧扎薩克台吉西里扎布仍在古  
 爾班賽堪地方我等產業牲畜俱被逆賊搶  
 劫屬下之人漸至饑餓兼無居住帳房見今  
 皇恩甚重仰懇給發口糧等語臣查諾顏喀拉  
 等處係喀爾喀遊牧之地於哈魯靠賀蘭山  
 甚近臣暫將王格勒克顏木聘爾併公通摩  
 克人等酌量給發茶麵帳房等物其作何料  
 理安插之處伏祈

皇上敕部議覆施行得旨大學士等議奏尋議  
 王格勒克顏木聘爾公通摩克等被賊劫掠  
 今遊牧俱移於諾顏喀拉等處駐劄應派章  
 京一員動支戶部銀二萬兩馳驛前往將王  
 格勒克顏木聘爾公通摩克屬下查明戶口

善加撫育台吉及屬下之人每家各賞牛羊  
 牲畜每人賞給銀六兩以製帳房其所賞之  
 牲畜於未滋生之前行文查郎阿文興寧夏  
 官員將一年所食之口糧麵茶等物辦理賞  
 給得旨通摩克率領屬下之人向內移行路  
 遇賊人搶掠人口牲畜甚為可憫王格勒克  
 顏木聘爾之戶口牲畜亦被劫掠著賞給二  
 人銀各一千兩以為立產之具餘依議○已  
 耶諭內閣寧夏為甘省要地渠工乃水利攸

關萬姓資生之策莫先於此是以朕特遣大  
 臣督率官員尋開浚惠農昌潤二渠又命修  
 理大清漢唐三渠以溥萬民之利年來惠昌  
 二渠及唐渠工程漸次告竣於民田大有裨  
 益其大清渠漢渠雖未竣工然聞連年加謹  
 堵壘極力挑浚水旱已可敷用不過淤產開  
 座有應行修理之處可以從容經理非比唐  
 渠之必應及時速成也日今甘省軍興之際  
 輓運兵糧正需車輓茲因修理渠工又復俟



車運送物料恐小民承應公事力難兼顧有  
誤春耕所當酌量變通以體恤民隱者查寧  
夏有專司水利之同知若將未竣之渠工交  
與該員照通智史在甲等所料估之處於每  
歲春工內分年陸續修理再令寧夏道鄂昌  
勤加督率不時稽查務期工程堅固利濟有  
資使民田永霑膏澤通智史在甲將各件與  
鄂昌交代清楚即行回京其在工効力之文  
武官弁交與該署督查郎阿計其在工之久  
暫訪其奉職之勤惰量其辦事之能否應留  
陝題補委用者留陝題補委用應咨部請旨  
者咨部請旨應發回本地者發回本地其見  
任武弁及兵丁等派撥渠工効力者俱令各  
歸營汛在工夫役等文與鄂昌將附近者令  
歸南畝遠來者酌量遣回○陞福建澎湖副  
將陳勇爲福建海壇總兵官○廣東瓊州副  
將蘇福署廣東潮州總兵官○庚辰署陝西  
總督查郎阿奏言據大學士等咨稱甘州條

沿邊要地賀蘭山亦附近寧夏領催哈喇等  
二十七戶條叛逆輝特多巴濟屬下安插於  
此究有未便應飭令甘寧文武員弁嚴加防  
範不時稽查將來作何安插之處再行酌議  
臣即密令甘提臣宋可進寧夏鎮臣李繩武  
等會同文員加謹防範小心查察今酌量安  
插於附近邊牆之內嚴加管轄以固疆圉奏  
入報聞○辛巳封順承親王錫保子熙良爲  
世子○大學士等議奏據尼魯特郡王額駙  
色卜騰旺布告稱屬下人等見存遊牧處有  
四百二十戶其內有十四寨桑若將伊等移  
往內地其中未出痘疹者多未免恐懼但見  
在遊牧又與賊文界伏乞  
皇上施恩往西移於喀爾喀河附近居住甚屬  
堅固至屬下人等牲畜並無倒斃傷損力能  
遷移等語應如所請移往於喀爾喀河地方  
伊屬下人等既稱牲畜豐足力能遷移不必  
更加賞給得旨色卜騰旺布屬下人等不隨

逆賊誠心歸附伊主母屬可嘉若加恩賞給  
寨桑等銀各一百兩屬下人等每戶銀十兩  
色卜騰旺布應念朕思不受準噶爾賊人之  
欺誘屬下逃竄又勅力往追若加恩賞銀一  
千兩 壬午命少保雲貴廣西總督鄂爾泰  
為保和殿大學士兼兵部尚書 陞雲南督  
標中軍副將潘紹周為廣西右江總兵官  
癸未寧遠大將軍岳鍾琪奏言臣因入冬以  
來積雪甚深嚴防卡倫之兵兵祇令登城瞭  
望不許分遣遠哨詎料駐防鏡兒泉副將馬  
順不遵軍令陽奉陰違擅遣弁兵遠出巡哨  
以致城北山內兵丁突遇賊夷被傷二名衝  
夫一名副將馬順隨遣遊擊楊玉守備張萬  
先後帶兵追趕賊夷遠遁其違令之副將馬  
順理合參奏得旨鏡兒泉卡倫離軍營不及  
百里駐兵不少賊來即至傷失兵丁一任遠  
遁岳鍾琪是何防範止安設卡倫原為巡探  
如雪霧黑夜尤宜加意若止令登城瞭望不

許分遣遠哨以為恐有疎防是必將待賊臨  
城而後防矣是何軍令岳鍾琪不知自咎僅  
以副將陽奉陰違為詞朕實不解將岳鍾琪  
與副將軍等交部嚴察議奏 甲申給駐劄  
古爾班寨總將軍達爾濟勅將軍印賞銀  
二千兩 議敘追勦準噶爾賊人功科爾沁  
郡王羅卜藏喇錫巴林郡王桑里達扎賴持  
貝子特古斯翁牛特貝子羅卜藏教漢公額  
駙羅卜藏察爾喀公敏珠爾屠巴巴木丕爾  
多爾濟扎薩克台吉旺扎爾旺布達錫丕爾  
根敦諾爾布扎卜齊旺扎卜特克錫來卜登  
拉布坦等各賞賚有差 寧遠大將軍岳鍾  
琪奏言去年襲擊賊夷沿途細看有穆壘地  
方形勢險要象可屯種若於此建築城池駐  
兵二萬賊兵斷難飛渡而東再於巴爾庫爾  
駐兵一萬於魯谷慶皮禪等城添設官兵足  
一萬之數如此則賊兵來時我軍互為犄角  
前後邀截可令大創而去若將來穆壘駐兵

有未協之處請將臣置之重典妻子從重治罪得旨穆壘果爲要隘之地可以堵截賊人未路又與魯谷慶等處互爲聲援著照所奏定議舉行○乙酉禮部題

孝敬皇后冊謚禮成請照例遣官敕諭朝鮮國王得旨上年十一月已計告該國王今因冊謚禮成又遣官員前往恐外藩不無迎送供應之煩此次不必命使爾部照頒示各省之例一體行文朝鮮將狀此旨傳諭該國王知之○調江南京口左翼副都統簡照爲福建福州右翼副都統陞福建福州協領朱廷祥爲江南京口左翼副都統調陝西寧夏總兵官李繩武來京陞福建福州將軍標下副將蕭生岱爲陝西寧夏總兵官以雲南普洱總兵官邱名揚署四川松潘總兵官署直隸總督劉於義疏報永平等府開墾雍正九年分田地四百四十八頃有奇下部知之○丙戌諭大學士等穆壘駐兵一事最關緊要

若大將軍岳鍾琪定議舉行可於綠旗兵丁內揀選二萬名遣往其魯谷慶等處應添兵若干亦酌量派出西路蒙古兵丁較少應酌議添撥以資行間之用前京城派往之驍勇兵一百名巴爾虎兵一百名額駙阿寶屬下兵丁五百名俱著派去軍營所有歸化城之土默特兵丁內挑選五百名鄂爾多斯兵丁內挑選三百名一併帶往再北路副都統達什帶去察哈爾兵一千名亦著往西路原任總管班第給與副都統職銜令其與達什二同管領達什班第二人各賞銀一千兩其察哈爾兵弁著順承親王酌量每人賞給銀兩俾其行裝寬裕給與馬匹於二月杪三月初由阿濟一路前去至阿寶之兵前曾降旨令於今春撤回本遊牧處今既留在軍營著大將軍岳鍾琪量加恩賞可即傳諭兩路大將軍知之○又諭侍郎額魯軍前効力有年若授爲內大臣在西路參贊上行走賞銀一千

兩、又諭綏遠將軍馬爾賽至軍營時著副都統阿岱前赴順承親王處在恭替上行走、江南京口右翼副都統張天植休致調浙江杭州右翼漢軍副都統陳世璠為江南京口右翼副都統陞杭州織造隆昇為浙江杭州右翼漢軍副都統、丁亥諭理藩院厄魯特郡王額駙阿寶之子公衮布在西路軍前甚屬効力著加恩封為固山貝子、裁雲南賓川州賓居巡檢缺添設景東府猛統巡檢一員從陞任雲貴廣西總督鄂爾泰請也、戊子諭內閣廣東總督郝玉麟病痊著仍回原任辦事、陞湖廣永順副將楊凱為湖廣鎮草總兵官、改江西撫標中軍遊擊缺為恭將武寧鎗中瑞州撫州廣昌都湖興國文善永鎮橫岡羊角永豐樟樹南康南湖等處及南昌贛州城守營守備各缺俱為都司會書從著兩江總督尹繼善請也

大清世宗敬天昌運建中表正文武英明寬仁信毅大孝至誠憲皇帝實錄卷之一百十四

大清世宗敬天昌運建中表正文武英明寬仁  
信毅大孝至誠憲皇帝實錄卷之一百十五

聖祖皇帝御製實錄卷之百十五  
世宗憲皇帝實錄卷之一百十五

大清高宗純皇帝御製實錄卷之百十五  
世宗憲皇帝實錄卷之一百十五

校修

雍正十年壬子二月己丑朔諭大學士等據

奉差原任巡撫布蘭泰奏稱翁機修城地方

並無樹木土少沙多不能修城等語翁機係

通軍營大路適中之地其附近地方或有可

以修城之處即雜驛路稍遠但可掘井取土

即可修城著交與驛站官員踏勘奏報○添

設廣東香山孫黃梁都巡檢一員從廣東總

督都玉麟請也 庚寅諭內閣我朝撫有方

夏

列聖相承惟以愛養黎元為本

聖祖仁皇帝臨御六十餘年恩施累洽於九州  
錫賑動逾乎千萬深仁厚澤決澗瀚肌朕登  
大寶仰體

聖考仁愛之

聖心勤恤閭閻疾苦之民隱宵旰孜孜凡可以

厚民生布膏澤者至周至渥歷年以來錫免

賑恤之條疊沛頒施海內亦既共知而共見

矣惟是任土作貢者治世之常經勸善懲惡

者馭民之大法禹貢以三壤成賦周官以九

式經邦國家經費皆取給於正供聖人恤民

之心無窮而取民有制亦不能煩施道格之

恩以紓國用也至於遊民惰農王政所集姦

胥墨吏國法不容使錫租免賦而姦黠頑惰

之屬皆得濫沐恩膏良善急公者轉未能均

需惠澤又豈為政之道哉朕以為錫除歷年

之通賦而使頑戶偏蒙其澤不若減免新歲

之額徵而使眾民普受其惠數年來曉諭中

外者屢矣是以清查帶徵錢糧如直隸河南

山東山西浙江等省民間完納者最多朕皆特沛殊恩於該省豐稔之年將額徵工賦蠲免四十萬兩無非欲將帶徵完納之數仍散於良善之氓使比戶均被恩施並未收之府庫此亦天下所共知共見者江南蘇松等處賦賦甲於天下而歷年積欠亦較他省為最多朕既豁免康熙五十年以前之未完者其五十一年以後應徵之項復寬限十年十五年帶徵以紓民力又思此等通賦實在民欠

者固多而官吏侵蝕者正復不少特遣大臣官員等會同撫藩及地方有司逐一徹底清查分晰官侵吏蝕民欠三項以除混朦之弊又恐承命之員以徵納清楚致滋紛擾悉將帶徵各項停其輸納嚴諭各員實力奉行務使分晰清明毫無疑竇今據侍郎彭維新巡撫尹繼善等奏報清查告竣自康熙五十一年起至雍正四年通計各屬積欠共一千一十一萬六千三百兩零其中侵蝕包攬者共

四百七十二萬六千三百兩零實在民欠者共五百三十九萬零俱核對明白無有混清朕因江蘇連賦積弊叢生著畫多年而為此清查之舉所以經國計清吏治實欲厚民生而除民累也苟有益於羣黎百姓朕即霽沛浩蕩之恩况朕欲求

皇考寬賦恤民之鴻慈於蘇松額徵浮糧豁免四十五萬兩積歲計之其數何啻幾千百萬豈於區區之積逋有所靳惜哉但念官役之侵蝕姦徒之包攬處國官民固為法所不容而民欠纍纍亦皆抗玩疲頑之習日積月累以至於斯也今欲概行豁免不惟墨吏姦胥固知懲戒且積欠久控之頑戶無不需恩被澤自以為得計而怠公之善良不與焉洵非阜民善俗之道也則與其踰除歷年之逋賦孰若免新歲之額徵為大有益於斯民乎再四斟酌欲將侵蝕包攬之項分作十年帶徵實在民欠之項更加寬緩分作二十年帶徵

嗣後從壬子年爲始本年帶徵之項完納若干朕即照所完之數蠲免次年額徵之糧若干若官吏百姓等果知悔過急公於每年帶徵額數外多完若干朕即將次年錢糧照多完之數豁免如此則朕之清釐積欠並無絲毫入官實皆沛爲萬民普被之澤而貪墨姦蠹之徒無所徵俸抗玩疲頑之習知所儆惕庶幾吏治肅清而民風淳厚共成比戶可封之俗矣著該督撫督率地方官實心奉行其官吏侵蝕之項務於本人名下著追毋得株連以滋擾累其民欠之項俱按各戶花名完納毋得波及兄弟親戚致令姦役藉端苛索儻有奉行不善生事擾民者該督撫即行題參嚴加議處至於侵蝕錢糧之官吏皆係應加重罪之人第以歷年既久人數繁多不忍概行執法施恩法外寬爲分年帶徵若廢員中有能悔過自新不拘年限先行完納者應分別准其開復以示獎勵其依限完納者寬

免其罪等吏中有先期及依限完納者亦酌量加恩寬免其罪○以署鑲黃旗漢軍都統杓之蕃爲廣東廣州將軍鑲藍旗漢軍副都統范時輝署鑲黃旗漢軍都統○吏部議覆廣西巡撫金鉉疏言歸順土知州岑佐祿廢事革職查無應襲之人請改土爲流設知州一員吏目一員駐劄州城舊設州同一員移駐舊州地方把總一員移駐龍州其類高屯隘上勾茶勞四邦各隘酌設百隊土兵以資防守均應如所請從之 改廣東撫標中軍遊擊缺爲參將從廣東巡撫鄂爾達請也辛卯諭內閣我朝從前文武大臣持躬正直奉職公忠樹績建勳完名全節者朕已降旨於京師賢良祠永遠展祀以彰令範因思外任大臣鎮撫封疆宣猷布化忠勇効命咸愛宜民其政績卓然可記者若於身故之後建立賢良祠俾得永垂祀典足慰兵民懿好之公亦足爲後來居官者之勸如近日之

將軍蔡良提督張起雲總兵蘇大有魏燾國皆素有賢聲勤勞王事而沒於官者允宜在賢良之列著直省各於省會之地建立祠宇其與祀之人即從近年為始向後凡有應請入祠者該地方督撫於一人各具一本請旨不必彙奏又諭前朕降諭旨令漕糧及江南河東總河標兵各添設一千名照馬四步六之例名募充補今浙江總督李衛奏稱南方畜養馬匹甚難此時購買亦甚不易若仍照馬二步八戰守各半之例可以少畜馬匹而於營制亦合著即傳諭總漕總河及河東總河俱照此辦理又諭推河駐防之二千蒙古兵丁著侯馬蘭泰管理公博爾屯著往扎克拜達里克在馬爾賽察督處行走○調直隸河道總督沈廷正來京以刑部左侍郎王朝恩為直隸河道總督○大學士等遵旨議奏白格爾地方在察罕叟爾西南扎克拜達里克正西戚人若由阿爾泰阿爾木克圖

布拉罕巴爾魯克畢濟阿濟等路前往額濟內等處俱由此路經過實屬扼要請於此處駐兵一萬可以阻截北路軍營西南一路之賊人且與察罕叟爾扎克拜達里克相離不過三四百里可資應援又傳古爾班賽塔之總口若駐兵於白格爾已據險勢應將原派古爾班賽塔之五千兵令建勳將軍達爾濟移往白格爾駐防再將現今扎克拜達里克家選兵二千名綠旗兵五百名令左副都御史阿成阿帶往駐行文大將軍順承親王於扎克拜達里克及察罕叟爾軍營之綠旗兵內均派二千五百名以足一萬之額調至白格爾地方令達爾濟總管從之○又議覆奉天將軍那蘇圖遵旨查秦山海關外中後所舊城西邊地方查出多餘之地五萬七千晌有餘此處可以造城駐兵四千名於盛京所屬滿洲漢軍餘丁內每旗挑滿洲兵三百名漢軍兵二百名居住照例給與錢糧地畝等



項添設官員管理應如所請將威寧餘丁內  
挑選四千名添設駐防但此等餘丁現在十  
六城居住應令仍在各舊住處當差操演不  
必另行募城設官從之 壬辰以額外內閣  
學士署刑部右侍郎塔林爲吏部右侍郎仍  
兼理刑部事調工部左侍郎孫嘉淦爲刑部  
左侍郎辦理吏部侍郎事仍兼順天府府尹  
以吏部右侍郎任蘭枝辦理刑部侍郎事推  
大理寺少卿陳樹堂爲工部左侍郎 辦理  
哈密事務員外郎永坦等奏言五月二十二  
日準噶爾賊兵突來侵犯哈密城垣臣等在  
城上觀望週城四五里覺賊兵勢衆不便輕  
敵貝子額敏於城外要地揀選強壯回兵埋  
伏擒獲賊人索克據供領兵賊人係色布騰  
策零那木扎爾等由烏魯木齊前來和哈密  
等處牲畜甚多特選兵六千來攻哈密等語  
臣等晝夜守城相機勦殺將所擒賊人交與  
貝子額敏看守其所供情由理合繕奏奉入

報聞 癸巳諭大學士等侍讀學士阿蘭泰  
與巴爾米忒前往科爾沁地方賞賜兵丁事  
完著俱往軍營協同博第辦事 戶部議覆  
雲貴廣西總督令陞大學士鄂爾泰疏言黔  
省遵義府屬之正安州現在州治地僻人稀  
並無城郭其土坪舊治地勢寬闊編民亦衆  
請將正安州治移駐土坪又綏陽縣旺草里  
離縣寬遠接壤土坪清將旺草里改歸正安  
州管轄俱應如所請從之 甲午諭大學士  
等齊雅思哈伍什巴著往推河地方與候馬  
爾泰一同領兵駐劄其伍什巴所管兵丁著  
護軍統領委三代管副都統塔爾馬善著同  
阿成阿前往將軍達爾濟軍營在象背上行  
走 又諭察哈爾總管副總管之缺因本地  
無應補之人是以於京城蒙古旗分官員內  
揀選稍授伊等俱係由披甲護軍陞用之員  
口外邊牧地方並無產業艱於謀生未免向  
屬下人等混行勒索致被許告爲稽查官員

奏奉若竟照貪婪之律治罪殊屬可憫嗣後  
於京城揀選補授察哈爾總管副總管辦事  
官員作何施恩賞給之處著酌議具奏尋議  
嗣後察哈爾總管請賞給帳房四架馬十匹  
牛十頭羊八十隻副總管帳房三架馬八匹  
牛八頭羊六十隻辦事官員帳房二架馬六  
匹牛六頭羊四十隻賞給之後伊等再有勒  
索苛累等弊查出將產業追還從重治罪從  
之○以兵部尚書鄂爾奇內閣學士班第爲  
編譯鄉試正考官內閣學士索柱德駱萬副  
考官○乙未以漕運總督桂著刑部尚書  
禮部尚書魏廷珍爲漕運總督○以故蘇尼  
特扎薩克多羅郡王垂裕功蘇隆子旺臣襲  
爵○丙申諭內閣冬春以來京師未得雨雪  
朕與諸大臣等戒懼修省虔誠祈禱以冀仰  
格  
天心聞畿輔地方及河南山東雨雪亦少山西  
陝西二省雖有得雪之處亦未周備朕心憂

慮深恐二麥歉收小民難於餬口已切諭該  
督撫等多方籌畫爲思慮預防之計復來天  
人感召之理捷如影響所賴該督撫等以恤  
民之心爲格

天之本果能使民氣舒暢未有不感召

天和者至於清理刑獄亦祈求雨澤之要務除  
在京已命刑部法司清查案件速行歸結以  
免拖累外其畿輔地方及河東山陝等省郡  
縣繁多有司賢否不一其中或有聽斷刻覈

濫及無辜者或有淹滯羈留塵累莫結者或  
有牽連待質致候恒業者該督撫大吏等當  
悉心體察嚴飭屬員速爲清理應釋放者釋  
放應取保者取保務期平允矜憐俾閭閻各  
安生業其他政令稍有不便於民者急思力  
爲改圖總在該督撫等體朕若保赤子之心  
各切痼瘼乃身之念至誠惻但勤求民隱殫  
竭實心普行實政庶幾

上天昭格早降甘露勉之勉之 轉理藩院古

侍郎衆佛保爲左侍郎寶授納延泰爲理藩院右侍郎以陝西肅州總兵官張朝良署山西太原總兵官丁酉遣大學士尹春祭先師孔子賜喀爾喀多羅貝勒冊卜登信勇名號寧遠大將軍岳鍾琪奏言據辦理哈密事務員外郎永恆查斯海副將焦景璇貝子額敏呈稱正月二十一日鴟子泉卡倫見有準噶爾百餘賊人往來二十二日賊兵逼近哈密城池登城瞭望約有三千餘人等語臣查哈密地方有副將焦景璇帶領官兵一千五百名駐防又叅將薛良燭帶領山西綠旗兵八百名駐劄城內足資固守但賊人既已侵逼哈密自應遣兵截殺臣隨遣總兵官曹勒等帶領綠旗兵五千名星夜由回落免大坂五堡地方截其後尾直至哈密應援又遣總兵官張豹帶官兵二千名由潤舍圖嶺前赴哈密接應又據永恆等報稱二十三日城池左近賊兵甚少其大隊俱往南湖黃

蘆岡向東北沿山一帶前赴塔爾那沁等語臣查塔爾那沁地方有提督顏清如帶兵四千名駐劄城內可以固守又令總兵曹勒等於黃蘆岡一帶相度地勢據其要隘相機掩殺臣更慮賊人或由毛垓圖爾庫爾等路竄入北山逃避歸業查北山正西及西北兩路有巴漢恩度爾插漢專津二處俱係賊人必由之路臣更派副將軍石雲傳帶領原任兵部尚書馬會伯率綠旗兵三千二百名前赴巴漢恩度爾一路埋伏署鎮安將軍卓爾帶領前鋒統領宗室哈爾吉副都統僧保張正文等率驍勇官兵暨八旗滿兵共三千八百名前赴插漢專津一路埋伏副將軍常泰帶領都統良敦總兵官張存孝等率滿漢兵三千二百名前赴無克克嶺地方截殺臣等軍營兵馬現在準備接應理合繕奏奏入報聞○戊戌祭

大社

大禮遣皇五子弘蓋行禮大學士張廷玉等

奏言恭遇纂修

聖祖仁皇帝實錄臣等承敕監修得窺金匱石室之藏恭紀

聖德仁功之盛榮幸已極乃以瑤函告竣特頒議敘恩諭稽考爲章應加宮保伏思臣等洵沐隆恩已膺極品何敢以歲華微勞吏選議敘况追思

聖祖仁皇帝數十年教育之恩即捐履頂踵何足仰酬萬一伏祈俯鑒微忱免加議敘視從

優獎賞更高光榮矣得旨

皇考聖祖仁皇帝實錄告成監修總裁官等積

多年之心力敬謹纂修勤勞懋著允宜加恩

議敘以示褒獎乃張廷玉等具奏懇辭情詞誠切朕若允其所請於心實有未慊若不允

所請又似不察其懇摯之情將原摺發出著

諸王九卿會議具奏尋議大學士張廷玉等仰沐國恩至爲深重奏辭議敘實屬悞忱伏

乞俯賜俞允從之大學士鄂爾泰奏言古州丹江等處開闢苗疆一皆稟遵

聖訓宣布仁威將士用命非臣之能况數年以來疊受殊恩異數臣自問百無一酬伏乞

皇上俯鑒愚忱准免議敘得旨覽奏情詞懇切具見誠悃卿忠勇懋著使苗梗向風不但綏靖苗疆之功遠爲人所難能而仔肩重任之公誠亦大臣中所罕有國家酬庸賞功關係鉅典非卿可以己意遊讓亦非朕可以私心

增減者仍遵前旨行己亥

孝廉章皇后忌辰遣官祭

孝陵兵部遵旨議奏陞任雲貴廣西總督鄂

爾泰貴州巡撫張廣泗辦理苗疆勦撫允協

鄂爾泰應給與一等阿達哈哈番查鄂爾泰現係三等阿思哈尼哈番應併爲一等精奇

尼哈番張廣泗應給與他刺布勒哈番得

旨大學士鄂爾泰節制雲貴廣西三省歷有歲年於所屬苗疆無不悉心經理使蠻夷等

募義鷲風成登樂土至於古州等處生苗自  
昔未歸王化鄂爾泰速籌調度勦撫兼施俾  
苗人懷德畏威抒誠內嚮疆圉開拓邊境輯  
寧數年以來之功績實非尋常平定苗疆剪  
除寇賊者可比鄂爾泰著授一等伯爵世襲  
同益用獎殊勲餘依議 寧遠大將軍岳鍾  
琪奏言據駐劄塔爾沁提督顏清如陸續  
報稱正月二十三日舉噶爾賊人占據天生  
圍山口遣叅將米彪帶兵六百名前赴三道  
大坂防範馬廠隨即督兵守城自辰至酉賊  
人始退西北山下二十四日米彪領兵行至  
白楊溝一帶與賊對敵賊人退敗隨遣副將  
陳經綸帶領官兵一千五百名出城禦敵賊  
人由西南原路而逃陳經綸領兵追逐沿途  
搜勦等語臣查賊人半衆長驅深入塔爾那  
沁一帶原圖擄掠牲畜今軍營所留馬匹騾  
頭俱在 山南四道溝單留大坂內牧放官兵  
防護嚴密牲畜無傷損奏入報聞 庚子

諭內閣  
必檢東  
昭事而  
但殿庭  
存心警  
齋牌於  
即非致  
執事之  
令陪祀  
恭同辦  
大典愈  
省文武  
珙奏言  
等率兵  
堡地方  
勇進擊  
拒曹勦  
賊衆大

兵丁及漢回商民數百名所餘賊兵由沙嘴  
敗遁西逃曹勦領兵搜捕直抵二堡下營二  
十九日曹勦自二堡行至柳樹泉總兵官張  
鈞協同哈密副將焦景璠塔爾那沁副將陳  
經綸等與曹勦合兵一處乘夜追勦巨匪賊  
人背腹受敵幾有殘寇免脫勢必逃至無克  
克嶺臣隨知會副將軍石雲傳帶齊署鎮安  
將軍卓第等派遣滿漢兵丁六千名於無克  
克嶺而山口之梯子泉一帶截獲仍舊總兵  
官曹勦將所領官兵在沙東泉駐劄以張聲  
勢所有大捷緣由理合繕摺奏報得旨大將  
軍岳鍾琪奏報各路撥派官兵進勦堵截及  
總兵曹勦等擊賊滅人之信調度有方運籌  
亦備官弁兵丁奮勇効力擊賊賊眾朕心嘉  
慰惟是曹勦領兵一路正當賊鋒其所帶兵  
丁稍覺單弱而勇健將弁亦覺尚少再賊人  
若由無克克嶺逃遁則有帶石雲傳等堵  
擊擊殺若敗殘餘賊由沙嘴而遁必由齊

克塔木經過吐魯番之官兵早能得信與回  
民併力邀擊豈不更善又穆壘駐兵一事朕  
已降旨與岳鍾琪令其計議舉行則吐魯番  
回民遷移之事可以緩商至穆壘築城若事  
在必行以速為善今賊夷受創而去乘機動  
工更覺順便並令岳鍾琪速議奏聞 癸卯  
大學士等議覆直隸古北口提督路振揚等  
查奏直隸山西邊境事宜直隸獨石口叅將  
請改為副將添設都司一員千總二員把總  
三員馬營堡把總改為千總再添撥千總一  
員龍門路城都司改為遊擊趙川堡把總改  
為守備張家口路屬柴溝堡添設叅將一員  
把總一員其應添兵丁請於宣化鎮兵內抽  
出四百三十名再招募四百名以敷防守至  
於山西沿邊各營路將領應行增添折平路  
助馬路俱添設千總把總各一員將軍會堡  
添設千總一員馬市水口改原設外委把總  
為千總平魯路添設把總三員得勝路添設

把總二員鎮弘堡鎮邊堡弘賜堡鎮羌堡拒門堡保安堡鎮山堡威虎堡迎恩堡焦尾城添設把總各一員其應添兵丁於大同鎮殺虎協朔平城守營內抽撥足額無容另為招募所有直隸山西一帶邊牆無庸修築其坍塌各口應用木柵鹿柵堵塞均應如所請從之予故廣東潮州總兵官馬紀勲祭葬如例甲辰以世子熙良署鎮紅旗漢軍都統正黃旗蒙古副都統滿丕緣事降調陞正黃旗參領瞻岱為本旗蒙古副都統一等侍衛哈達哈為銀藍旗蒙古副都統二等侍衛覺羅七十五為三姓地方副都統乙巳諭內閣扎薩克旗分地方各處耕種所收米石存倉原為伊等地方荒歲之用今喀喇沁等處米石盡行散賑伊等屬下蒙古倉庫虛不可不預為之備著於賑濟米石外再行施恩每石給發價銀一兩交與各該扎薩克等買米存倉收貯俟入倉之日報部內差

員查驗若將給價買補之米不行入倉及有侵蝕等弊必從重治罪萬齊武郡王雅穆聘爾科爾沁貝子烏爾呼滿爾故各遺官致祭丙午大學士等議奏陳泰世受國恩身為參贊傳爾丹統兵進剿之時特授伊兵二千今在科布多河岸駐劄以備敵兵乃陳泰一聞蒙倫逃兵訛言即畏懦領兵回向扎布驛地方後經傳爾丹屢次催調陳泰惟事推諉又不即赴科布多殊干法紀應照律擬斬秋後處決行文軍營令將陳泰解送米京交刑部監候得旨陳泰之罪斷無可赦著照擬處斬即在軍營監禁至秋審時擬為情實具奏俟命下之日再行正法丁未諭內閣朕聞西寧北川口外白塔地方出產石煤係附近漢土番回民人等取販賣以為生計每畝納稅錢三十文西寧府委員收解充餉約計每年收銀一千九百餘兩近因西陲用兵之際西寧移駐兵弁較前為多軍皆用煤以供

炊爨煤價漸至昂貴若仍照例徵收稅銀恐  
價值不能平減於兵民均有未便著將應收  
稅銀寬免該督撫轉飭有司實心稽查僅齊  
吏人等有照舊私收或借端需索者務令察  
出治罪 諭刑部凡監候待質人犯除強盜  
案件不應寬釋外如人命等案內有正犯未  
獲牽連餘犯監候待質已過三年者著取保  
釋放俟緝獲正犯之日再行質審儻暫行釋  
放之際有私自逃匿者除保人重懲外定將  
本犯嚴拏從重治罪著直省一體遵行 江  
西布政使李蘭緣事降調陞江南安徽按察  
使王紘為江西布政使司布政使直隸按察  
使姜穎新患病解任以光祿寺少卿寶故瑛  
為直隸按察使司按察使浙江寧台道孫詔  
為安徽按察使司按察使 戊申調湖廣  
夔陵總兵官杜春為陝西大通總兵官陞山  
永副將治大維為湖廣夔陵總兵官 裁山  
西吳城青龍二驛驛丞各一員從山西巡撫

覺羅石麟請也 己酉理藩院奏言喀爾喀  
扎薩克多羅郡王達瑪林多爾濟緣違誤軍  
需已革王爵其子例不准襲應否將其弟多  
爾濟扎爾襲爵恭候欽定得旨多爾濟扎爾  
著襲封扎薩克多羅郡王 辛亥寧遠大將  
軍岳鍾琪奏言準噶爾賊人由五堡之南沿  
沙磧敗遁若尋有水草路必繞至無克克嶺  
一路西竄臣前派副將軍常春石雲傳所領  
之官兵六千餘名俱於正月二十九日午未  
時齊至無克克嶺臣與副將軍常春面議官  
兵一到無克克嶺畧為歇息即令石雲傳挑  
帶四五千名先赴梯子泉一路截殺署鎮安  
將軍卓鼐帶滿兵三千名隨後接應其餘官  
兵令常春帶領守截無克克嶺山口三十日  
午後賊人適在山口二十里屯住石雲傳等  
如即遣發官兵乘夜潛襲滅此自不待朝食  
詎料初一日初二等日香無捷音至初三日始  
據卓鼐咨稱初一日賊兵業已逃竄初二日



即遣驍勇官兵近搜遠捕賊人從陶賴大坂之西趨向納庫山遁歸臣思將軍三員帶兵萬餘乃觀望不前以致賊人驚覺遠颺深為駭異又副將軍等陸續撤兵回營詢其情節據常春卓羅等同稱三十日午後見有賊人屯住山口石雲倬總不發兵直至戌時始派兵一千五百名令總兵官張存孝帶領在山下等候又數次遣人攔阻不許前進石雲倬安寢帳房初一日天明始領兵東行十餘里隨即安營造飯煎茶纔轉西而行張存孝至賊人屯住之處餘火未息報稱賊人竄遁不遠請其速行前進追剿石雲倬又傳令撤兵不許追襲臣以梯子泉一帶實逆賊歸巢之要路又慮無克克嶺之西南尚有塔庫納庫一路亦係賊人歸途務須派兵堵截查有涼州右營外委馬得玉乃熟識塔庫的庫道路之人令其馳赴行營聽候發兵領路不料石雲倬大怒以馬得玉為多事欲行責治拉不

發兵邀截賊人果由塔庫的庫一路逃歸坐失機會石雲倬乖戾債事臣實難代為隱諱不得不據實奏聞得旨辦理軍機大臣嚴察議奏再議石雲倬應革職交與岳鍾琪同常春卓羅等詢明確供解京候律究擬從之  
壬子春分朔  
日於東郊遣平郡王福彭行禮諭大學士等派往白格爾地方之蒙古兵甚少著於鄂爾多斯六旗內再派一千帶領前往仍照前令  
王查木陽協理台吉策旺多爾濟額根等會同該扎薩克選派候整東行裝完備即與  
王查木陽所領二千兵一同起程著王查木陽等於六旗協理台吉大員內揀選人去得能管轄兵丁者二員再酌派官員帶領前往  
王查木陽若已起程著六旗扎薩克貝勒貝子公台吉等會同選派務將器械馬匹辦理整齊令其起程其實賜兵丁銀兩另派員隨後送往又諭據大將軍岳鍾琪奏報賊人

從納庫一路遁逃併撤兵回營各情由此次賊夷狂肆昏亂深入重地投身羅網乃自速滅亡也我師既以遠待勞且我眾彼寡但能申明軍紀要截擊殺豈不必奇謀異算斷不致先脫狼奔今乃坐失機會不但不能屠戮且使賊人由坦途而適此實朕與廷臣意料所不及者其領兵之石雲停已降首治罪至大將軍岳鍾琪素諸軍孤本非庸材緣懷游移之見致求戰守之宜前車之鑿非止一端嗣後當深悟前非痛自省惕先事綢繆臨事堅定壹號令以振軍聲示威信以齊眾志庶可以秦虜功而收後效朕猶深望之江西南昌總兵官陳王章殺事革職陞陝西兆岷副將王廷瑞爲江西南昌總兵官仍領兵駐劄吐魯番以陳王章仍署南昌總兵官癸丑諭大學士等內閣學士索柱一家著出包衣佐領入上三旗其入於何旗何佐領之處著伊自定又諭前議三四月間穆壘築城

駐兵一事已降旨大將軍岳鍾琪令其酌量辦理今再四思維以數萬官兵移駐穆壘春間馬駝既恐體力不足且時日稍覺忙迫未必事事皆能就緒若不遲至六月夏秋之交將諸事預行慎密辦妥大兵迅發一舉可成將來預備兵丁之時須出其不意速完城工則戰守皆易矣穆壘駐兵之舉既緩則吐魯番之兵糧當急爲籌畫吐魯番既有官兵三千名若再加三千名則軍勢益壯不但可以保護回民即將來未稼在野之時賊人前來踐踏我師合回衆擒勦之亦易爲力此時發兵三千前往就便可以將米糧運送或由沙磧小路零星運往亦可儻催哈密之人運送而令吐魯番之人接應皆照數給與腳價著岳鍾琪悉心妥議辦理又諭西路軍務關係緊要軍營之中協辦大臣甚少福建總督劉世明於西邊情形素所諳悉著馳驛來京面請訓旨前赴軍營先資藩庫銀一萬兩製

辨行裝福建總督印務著廣東總督郝玉麟  
署理廣東總督印務著廣東巡撫鄂彌達署  
理廣東巡撫印務著廣東布政使楊永斌署  
理廣東布政使印務著江南蘇松常鎮道甘  
汝來署理郝玉麟未到副之前福建總督印  
務著阿爾賽暫行署理仍兼管提督事務

又諭西路副將軍石雲倬已革職議罪朕欲  
於各省督撫提鎮中簡用一人前往軍前協  
辦軍務貴州巡撫張廣泗才幹優長實心任  
事數年以來苗地用兵該撫親歷戎行深諳  
軍務著即馳驛來京面請訓旨前往軍營為  
副將軍賞藩庫銀一萬兩製辦行裝貴州巡

撫印務著廣西布政使元辰或前往署理廣  
西布政使印務著廣西按察使張鏡署理廣  
西按察使印務著廣西慶遠府知府徐嘉賓  
署理又諭從前固歸化城留兵甚少諭令  
副都統圖爾賽等帶領土默特一千兵前往  
照看臺站俟馬爾賽所領兵丁至扎克拜達

里克時將土默特兵丁撤回貝勒僧滾扎布  
等領往之喀喇沁一千兵令駐扎臺站今噶  
斯一路土默特兵丁俱經撤回歸化城歸化  
城既已添兵圖爾賽等領去之土默特一千  
兵著暫行停止撤回仍令看守臺站喀喇沁  
一千兵丁著往扎克拜達里克地方屯扎候  
旨 甲寅

孝昭仁皇后忌辰遣官祭

景陵 諭內閣雲南鶴麗總兵南天祥朕另有  
簡用之處著即起程赴江南江寧府候旨其  
雲南鶴麗總兵員缺著廣西梧州副將楊國  
華補授 又諭綏遠將軍馬爾賽軍營著將  
護軍統領職銜吉當阿委署前鋒統領建勳  
將軍達爾濟軍營著將副都統塔爾馬善委  
署前鋒統領 移江南淮徐道駐宿遷縣從  
江南河道總督孫曾筠請也 乙卯諭大學  
士等賊人侵犯哈密塔爾沁等處所派官  
兵征勦堵截其中多有步行者雖因將領無

170 SK 15

能觀望退縮致令賊衆逃遁而兵丁之奮力  
 前驅勤勞實堪軫念著大將軍將大營塔爾  
 那沁哈密等處此次出征之兵丁查明分別  
 賞賚其陣亡受傷之兵丁尤可憐憫著查明  
 照例賞卹 又諭哈密被賊侵擾回民等併  
 力抵禦甚屬可嘉聞其在外放牧之牲畜一  
 時不及收回者被賊人盜去雖據報賊遁之  
 後仍將牲畜奪回但恐遺失倒斃者已多朕  
 心深為軫念其遺失牲畜之頭目回民等著  
 賞銀一萬兩守城禦賊者著賞銀五千兩按  
 名分給其擒獲賊人者優加賞賚務令均沾  
 恩澤 以工部尚書馬喇兼管正紅旗滿洲  
 都統事務 免直隸邢臺等七縣雍正九年  
 分災災頭賦有差 丙辰遣官祭  
 歷代帝王 遣官祭  
 闡聖帝君 靖遠大將軍順承親王錫保奏  
 言臣等欽奉  
 皇上諭旨以現在軍前大臣甚少恐不敷調遣

命在軍營參蘭大官員內如有可勝副都統  
 護軍統領之任者令臣等密封題奏今有新  
 調船風佐領委署前鋒噶賴大河思哈同額  
 駙策凌効力行間黑龍江協領委署前鋒噶  
 賴大布爾沙科布多進兵時奮勇奪占山嶺  
 甚屬効力率領新調右衛兵丁參贊內大臣  
 伯欽拜實心辦事善於約束馬爾賽處副都  
 統塔爾馬善從前在阿爾泰巴爾庫爾兩處  
 軍營俱屬効力請賞給阿思哈布爾沙副都  
 統職銜令欽拜塔爾馬善前來察罕斐爾軍  
 營得旨馬爾賽辦事甚不愜朕意扎克拜達  
 里克軍營全賴欽拜一人白格爾地方駐劄  
 大員內亦無歷練之人故授塔爾馬善為達  
 爾濟軍營參贊并委署前鋒統領著將欽拜  
 塔爾馬善暫留扎克拜達里克白格爾地方  
 阿思哈布爾沙著照順承親王所請俱授為  
 副都統職銜 丁巳程表烈婦江南宿松縣  
 方才妻田氏夫亡遺孀全節自刎江西泰和

縣將日莘妻劉氏孀居拒賊赴水完貞各給銀建坊入祠致祭如例

大清世宗敬天昌運建中表正文武英明寬仁信毅大孝至誠憲皇帝實錄卷之一百十五

大清世宗敬天昌運建中表正文武英明寬仁信毅大孝至誠憲皇帝實錄卷之一百十六

雍正十年壬子三月戊午朔諭大學士等坐卡兵丁專司瞭望哨探之事較之在營駐劄兵丁更為辛苦且汛地離營既遠市買鹽菜未免多費者傳諭大將軍岳鍾琪除三大卡倫外其他各處坐卡兵丁每月加賞銀一兩羊價七錢俾伊等食用充足以示朕格外加恩之至意嗣後僮再有疎忽貽誤之事定行從重治罪其如何挑選輪班之處聽大將軍酌量辦理以翰林院編修汪由敦充日講起居注官已未旌表正黃旗漢軍烈婦王

款修

雍正十年三月戊午朔諭大學士等坐卡兵丁專司瞭望哨探之事較之在營駐劄兵丁更為辛苦且汛地離營既遠市買鹽菜未免多費者傳諭大將軍岳鍾琪除三大卡倫外其他各處坐卡兵丁每月加賞銀一兩羊價七錢俾伊等食用充足以示朕格外加恩之至意嗣後僮再有疎忽貽誤之事定行從重治罪其如何挑選輪班之處聽大將軍酌量辦理以翰林院編修汪由敦充日講起居注官已未旌表正黃旗漢軍烈婦王

守貴妻李氏拒姦不污被毆殞命給銀建坊入祠致祭如例 庚申諭兵部向因落第武舉其中不無才力可用之人是以令本省督撫提鎮秉公考驗將年力精壯弓馬可觀者留營給與額外馬糧一分令其差操學習俾得熟練營伍以備將來將弁之用原令該管

大臣慎重遴選使人材有所造就也今聞外省庸劣無能之人頗有濫充者著該部通行各省將技勇可用之武舉令其充補經制馬糧其不願留營及騎射生疎材力不及者令其回籍自行學習不得留營虛佔額糧之數儻該管大員有徇情草率仍令庸劣濫充者將來考驗查出定行從重議處 實授王郡爲福建陸路提督 大學士等遵旨議奏辦理軍機處密行事件所需鈐封印信謹擬用辦理軍機印信字樣咨禮部鑄造貯辦理軍機處派員管理並行知各省及西北兩路軍營從之 載雲南磨者弁烏得弁監大使

二員添設白石谷并復隆井監大使二員改琅鹽井吏目缺爲大使從陞任雲貴廣西總督鄂爾泰請也 旌表廣西鬱林州烈婦文秉世妻梁氏遇賊拒姦被刃殞命給銀建坊入祠致祭如例 癸亥

上親耕藉田詔

先農壇致祭畢更服至耕所仍行四推禮畢上御觀耕臺命顯親王衍潢莊親王允祿裕親王廣祿行五推禮吏部尚書勵廷儀戶部侍郎韓光基禮部尚書三泰兵部尚書金以坦刑部左侍郎武格工部尚書張大有都察院左都御史福敏通政使司左通政福柱署大理寺卿索柱行九推禮各以次耕如儀 上御齋宮順天府官員率耆老農夫行禮畢至耕藉所農夫終畝王以下各官行慶賀禮賜茶停止筵宴 以鑲黃旗滿洲副都統宗室色布肯著鑲白旗護軍統領甲子以西路副將軍刑部右侍郎常喬爲內大臣仍留軍

營原任總督倉場侍郎托時為刑部右侍郎  
○敕封浙江海寧縣海神為寧民顯佑浙海  
之神○乙丑諭內閣直省各府州縣設立壇  
壇致祭

社稷及風雲雷雨山川城隍之神每歲春秋展  
祀以崇報享典至重也從前初建之時有司  
或視為具文規制未必周備及歷年既久漸  
有傾圮之處又未必及時修葺是以僻遠之  
郡縣規模簡畧禮儀草率者往往有之甚非  
肅將禮祀之本意也著禮部查照定例行文  
各該督撫轉飭府州縣敬謹如式修理以重  
祀典仍令造冊報部每遇該管官員陞遷事  
故俱照先農壇忠孝節義祠列入交盤項內  
查明接受則有司自顧考成經理益加虔恪  
矣○添設山西平定州甘桃舖驛丞一員從  
山西巡撫覺羅石麟請也○丙寅改陝西慶  
陽靖遠西鳳潼關波羅神木定邊漢中永昌  
中衛花馬池河州洮岷永固等協中軍守備

缺及沙州協左右營鳳翔城守營邠州營藍  
屋營富平營金鎖關營七里關營綏德營鄜  
州營文縣營碾伯營樹木堡懷遠堡常樂堡  
雙山堡建安堡高家堡鎮羌堡安邊堡鎮靖  
堡新城堡張義堡蔡旗堡安遠堡三眼井堡  
橫城堡威遠營清水堡梨園堡馬營墩堡硤  
口堡孤山堡大霸堡保安堡歸德堡黃墩堡  
踏實堡赤金營柳溝營岔口營岷州營舊洮  
堡西回堡南川營守備各缺俱為都司僉書  
從署陝西總督查郎阿請也○丁卯清明節  
遣官祭

永陵

福陵

昭陵

昭西陵

孝陵

孝東陵

景陵

孝敬皇后○諭辦理軍機大臣等聞打牲烏喇

丁壯繁衍至二三千名伊等俱係打牲爲業

能習勞瘁著船廠將軍常德會同該總管等

於打牲烏喇餘丁內簡拔年力壯健者千人

爲兵令該管官親加訓練卽屬船廠將軍統

轄其作何訓練及補放官職等處著常德妥

議辦理○諭內閣湖南鎮筵鎮地接苗疆原

轄四營額設兵丁三千名以資彈壓嗣因議

分四路塘汛直抵六里新營該撫以六里新

經招撫地方緊要奏請添設兵丁四百名曾

經部議准行今聞六里開闢之地所設永綏

協營幅幘五百餘里以形勢而論尚在鎮筵

之外止安設兵丁一千六百名至鎮筵所管

苗疆界址亦僅五百餘里現有額兵三千名

較之永綏兵制數已加倍且永順保靖等處

已建設營汛與鎮筵益成犄角是鎮筵額設

之兵儘足以供守衛而資調遣新增兵丁甚

要營營汛應添兵丁之處卽將鎮筵新設之

四百名酌量派撥以資防禦不必固執前見

務於地方營伍實有裨益以爲經制久遠之

計○戊辰諭辦理軍機大臣等目今三姓地

方添設兵丁尚書海壽現在船廠著前往三

姓地方俟副都統七十五到日會同辦理挑

補兵丁修造城垣房屋及教導兵丁等事俟

料理完畢卽行來京 調寧古塔副都統哲

庫訥爲白都納副都統仍留軍營以一等侍

衛伊特倫仍署白都納副都統 禮部議覆

朝鮮國王李昞咨稱明史內朝鮮列傳訛載

先世李侏篡奪一事雍正四年奏請昭雪已

蒙

聖恩令史臣改正伏祈早爲頒發查現今明史

尚未告竣該國王所請伊國列傳應俟明史

告成再行刊發得旨部議甚是但該國王急

欲表伊先世之誣屢次陳請情詞懇切著照

所請將朝鮮國列傳先行抄錄頒示以慰該



國王懇求昭雪之心。寧遠大將軍岳鍾琪奏言據馬賊遊擊龍有印解送擒獲準噶爾賊人已顏等供稱領兵來犯哈密係台吉色布騰及小策零敦多卜之子策零那木扎爾等鳴丹爾策零去年九月內調兵六千名在烏魯木齊地方會齊至奇台附近處過冬今年正月十二日由奇台起程於二十日夜間過無克克嶺前赴哈密其使犯阿爾泰之兵去年十一月間小策零敦多卜回至哈喇沙爾大家零敦多卜回至他爾巴哈台留小策零敦多卜之子曼濟在撥東齊地方過冬今因哈薩克兵擄掠準噶爾七百餘戶噶爾丹策零已將曼濟撤回欲往哈薩克地方發兵等語理合錄供繕奏報聞。庚午。

上辛固明園。改江南安慶撫標中軍遊擊蘇州城守營遊擊缺俱為參將江寧城守協標左營遊擊壽春協安慶協河標營標漕標京口前軍標等中軍守備缺及廬州亳州溧陽

平望泰興掘港揚舍孟河黃浦柘林青村南匯東海蘆營小閘子鈞子港等營守備各缺俱為都司僉書從署兩江總督尹繼善請也。

辛未旌表江南烈婦常熟縣章揆蒼妻馬氏夫亡逼嫁投河全節江都縣陳國材妻周氏矢志陶夫吞金殞命烈女儀徵縣朱世蓮聘妻方氏未婚夫殞絕粒完貞浙江烈婦富陽縣楊友松妻朱氏同媳楊愈奇妻宋氏俱拒賊不污赴水完節永康縣王姓妻陶氏奪嫁不從投縲殞命各給銀建坊入祠致祭如例。壬申諭辦理軍機大臣等據管轄烏朱穆泰等十旗扎薩克兵丁之阿霸垓郡王札木巴爾扎布等奏請自京派遣大臣同伊等管轄兵丁吳禮布等賞與護軍統領職銜已特馬授為侍讀學士前往會同王札木巴爾扎布等訓練兵丁。豁免福建建軍漳平等四廳縣產廢無徵額賦銀八百二十兩有奇。賞阿霸垓郡王札木巴爾扎布銀一千兩。

貂帽貂皮短褂取袍各一高米穆泰鎮園公彭  
蘇克拉布坦銀五百兩貂帽取皮短褂皮袍  
各一○癸酉諭內閣工部尚書馬喇從藏回  
京朕詢及沿路番子等生計景況據奏稱番  
子等仰賴皇恩俱得各安生理此內得爾格  
特之部落番子向來甚屬恭順安分自隸內  
地之後更加勤謹効力於一應差使行走無  
誤爾格等亦稱伊等事達賴喇嘛甚屬恭敬  
等語得爾格特人衆從前出兵藏內曾經効  
力今復於一應差使竭力行走甚屬可嘉理  
應特沛恩澤以示鼓勵得爾格特之爲首土官  
若給與宣慰司職銜再賞緞十疋銀三千兩今  
伊酌量賞屬下辦事勤謹之頭目等○乙亥  
上諭  
恩佑寺行禮○丁丑以原任副都統滿泰爲正  
黃旗滿洲副都統○大學士等奏泰棟寧遠  
大將軍岳鍾琪奏報賊人敗遁及臺站牧廠  
情形摺摺情詞互異前後件謬岳鍾琪以無

克克嶺爲賊道歸必由之路其梯子泉地方  
恐賊涎而走險之道則當添撥兵丁時即應  
指定而處酌遣官兵邀截而必俟已至無克  
克嶺始令往梯子泉并令石雲偉等畧爲歇  
息是賊人之得從塔庫納庫潛遁而歸者雖  
石雲偉之罪而岳鍾琪亦難辭咎也又前奏  
塔爾那沁各廠看守甚嚴賊人一無所得後  
又奏報失去牲畜并各廠弁兵亦有損傷且  
云截殺賊人收回羊馬所得足償所失覲然  
不以爲恥殊非人臣奏對之體又無克克嶺  
軍營僅九十里賊兵過嶺而軍營茫然不知所  
設坐卡兵丁此時何在且鏡兒泉搜濟察罕哈  
麻爾復設三大卡倫專爲探信而設乃一無聞  
見則乎日所云傳遞號炮頃刻可至者尚足恃  
乎當草枯馬瘦之時賊以五六千人入我卡倫  
趨過軍營直至塔爾那沁我兵三萬餘衆圍  
密布既任其來復任其去賊並不奔沙磧竟由  
小路而去似此玩忽縱賊奏報不實深負

聖恩有玷倚任請將岳鍾琪數部嚴加議處得旨該部嚴察議奏○以故喀喇沁輔國公丹巴長子丹津襲爵○戊寅諭內閣向因武員養廉不敷以致扣剋兵餉是以酌定親丁名糧以爲養贍家口之費又因營伍公用無資定有額兵百名准抽二名之例似此曲加體恤無非施恩於弁員使應有之兵數再無虛冒以收戎行之實用也近聞各省中尚有數處不能全除空糧之弊或於親丁名糧之外仍有家人長隨頂名支領者又有字識匠作之類亦得濫充額數暗佔兵糧者且或遊手之輩賄求濫充而勇力之人轉不得入選每遇調撥差用則委靡退縮不耐勞苦前歲湖廣提標曾以兵丁二百名調補鎮軍四營其中逃避者卽已過半又如援剿黔苗時提標兵丁往來鎮軍六里等處跋前疐後行役艱難國家歲費帑金養一兵朔獲一兵之用若實存之名數既有空虛而在伍之兵丁又復

怯懦不振則所謂武備修明者安在乎若該管大臣用心稽查勤加訓練務將陋規永革諸弊悉除毋得溺於積習苗且因循負朕委用儻屢經訓飭之後仍有不知悔改者定當加以嚴譴○兵部議覆陞任雲貴廣西總督鄂爾泰疏言黔楚交界之生苗久居化外今銅仁所屬坡東坡西向化歸誠者一百五十一寨均宜設協安營移兵駐劄請於銅仁協添兵八百名大定協添兵五百名遵義協添兵一百八十八名鎮遠營添兵一百名令原設將弁帶領分防松桃水城等處裁去思南營參將一員留守備一員與所轄之石阡營俱歸鎮遠營遊擊管轄移正大營同知駐劄松桃大定府通判駐劄水城均應如所請從之○旌表江南和州烈婦陶爾威妻倪氏拒姦不污投繯殞命給銀建坊入祠致祭如例○已卯諭喇達克汗德中納木扎爾朕統御寰區內外視爲一體凡撫恤遠人獎勵恭順

懲治悖逆皆朕分內事也爾德中納木扎爾遣使向辦理藏務大臣等呈稱臣惟以辦理國事尊崇佛教量力力行採取葉爾啟木準噶爾處信息報知貝勒頗羅轉行奏達乞早降恩諭等語朕覽之甚為嘉悅從前因爾父尼瑪納木扎爾與貝子康濟爾圖心報效朕已沛恩膏今爾亦效法爾父與貝勒頗羅爾一體効力甚屬勤勞嗣後益加勉勵以紹前徽則永享朕恩於無既矣茲特頒恩賜賞給緞疋等物爾其祇領特諭○封喀喇沁塔布囊厄爾德尼為輔國公○陞廣西潯州副將田玉為雲南曲尋總兵官○庚辰諭內閣從前額駙阿寶曾奏請移駐遊牧原令伊今年來京再行定議青海現今無事著阿寶來京伊屬下人等可交付親信之人管約俟青草發生時暫移於鄂爾騰等處駐牧阿寶到京之後將伊遊牧應於何處移駐之處爾等詢問議奏 果親王允禔奏言八旗添設之

副護軍校副驍騎校等每月俱支給錢糧五兩若遇閏月較之護軍校驍騎校六十兩俸銀更多五兩請嗣後副護軍校副驍騎校等每月仍支給錢糧五兩將閏月應領之五兩裁去至護軍校驍騎校等六十兩俸銀請照副護軍校副驍騎校等按月支給俾伊等每月得領錢糧於度日有益而所領銀兩亦屬均平得旨副護軍校副驍騎校等閏月錢糧若照常給與護軍校驍騎校等俸銀著照所請每月給銀五兩○免山東濱州新城等八州縣雍正九年分水災額賦有差○裁雲南曲靖府通判缺添設元江府通判一員駐劄他郎南安州州判一員駐劄硤嘉姚州州判一員駐劄普湖改臨安府原轄之新平縣歸元江府管轄普洱鎮原轄之元江營歸臨安鎮管轄其元普沅咸鎮改為普洱沅咸鎮臨安澂江鎮改為臨元澂江鎮移元江營守備駐劄他郎從陞任雲貴廣西總督鄂爾泰請

也。旌表湖南鄧縣烈婦翁士明妻郭氏拒  
姦不污被刃殞命給銀建坊入祠致祭如例  
辛巳理藩院遵旨帶領軍營被參之喀爾  
喀郡王敏珠爾多爾濟等引見得旨軍前退  
縮之罪例不容寬但敏珠爾多爾濟患病是  
實未能領兵前往以致伊旗下派出之兵半  
被賊兵截回念伊祖墨爾根濟農首先來歸  
其功甚大蒙我

聖祖皇考優恤今伊獲罪之故亦屬可原免其  
革退王爵著另派賢能台吉前往軍營管伊  
旗下兵丁俟伊病痊時再赴軍營効力贖罪  
扎薩克台吉鄂穆布濟私離汛地罪固難寬  
但為賊人截阻不能通信回歸遊牧嚴行保  
守使賊人秋毫無犯且人亦去得免其革退  
扎薩克台吉著與王格勒克顏木聘爾一同  
管轄屬下兵丁前往建勳將軍達爾濟處効  
力贖罪成滾扎布由科布多地方逃回後奉  
調軍營又未前往人亦不及著革退一等台

吉 癸未以翰林院侍講俞鴻圖編修吳應  
枚俱署日講起居注官 以戶部郎中常有  
署鑲藍旗滿洲副都統 陞雲南騰越副將  
蘇應選為雲南永順總兵官 甲申諭內閣  
各直省督撫提鎮標下之兵丁朕俱賞給生  
息銀兩以濟其緩急之用而各省協營甚多  
一時難以普及欲俟軍務告竣國用充裕再  
思周遍加恩從前所頒諭旨言之詳矣上年  
大學士鄂爾泰在雲貴廣西總督任內奏稱  
滇省舟楫不通所有生息銀兩分派營運則  
易聚總生息則難若督撫提鎮各標賞銀過  
多轉致不能營運漸生弊端因將各鎮應領  
銀兩令與各協營均勻分給同受國恩黔粵  
兩省亦彷彿照此辦理此鄂爾泰因地制宜  
行之於邊遠三省使兵丁均霑賞賚者今據  
廣東總督郝玉麟奏稱廣東督撫提鎮各標  
蒙賞帑銀共十萬兩計每年生息除賞給督  
撫提鎮標兵外尚有餘剩銀兩應照各協營

寨兵數之多寡均勻分給於雍正癸丑年間  
賞等語朕愛養兵丁一視同仁本欲令其均  
雷恩澤但次第經理不得不有先後之別今  
鄂爾泰郝玉麟通融辦理俾協營兵丁亦有  
以濟其緩急深慰朕加惠戎行之至意著各  
省督撫等酌量本地情形悉心籌運若可以  
照此變通辦理則協營兵丁可以早受恩賞  
誠屬有益但各省地方之利息輕重不同餘  
銀多寡不一若不能行之省分不必勉強從  
事倣而行之也 乙酉四川巡撫憲德奏言  
紫古喇廠開礦之初忽有蠻夷數百將商人  
砂丁擄遂劫殺四十五名臣就近移咨建昌  
鎮臣趙儒差兵嚴緝僅或夷人猖獗必需添  
兵征剿應聽督臣派遣外臣請暫駐建昌會  
商料理四川總督黃廷桂奏言紫古喇廠開  
礦商人被番蠻劫殺一案由於官商網利越  
界至水崖崖開採礦砂以致激變生事臣已  
行令鎮臣趙儒飭委遊擊沈國卿帶兵六百

名駐劄適中扼要之地調取番目宣布國威  
曉以利害勒令擒獻兇首若敢抗拒負固即  
將官兵分佈駐劄守禦要隘俟秋成之後派  
調漢土官兵前往剿捕奉

上諭建昌等處開採之舉由於趙儒之陳奏且  
稱開採若行則窮民可得養贍之資而蠻人  
亦得挖礦以餬口等語後經部議行令巡撫  
憲德查奏隨據憲德等議准開採朕始降旨  
允行年來外省督撫之奏請開採以便民利  
用者朕皆嚴切訓諭務令本地民情相安絲  
毫不得擾而後可以舉行况建昌蠻夷地方尤  
宜加意慎重今紫古喇廠開採伊始即有夷  
人劫殺之事則該管官員之辦理不善可知  
雖云官商越界採取礦砂以至激變假若該  
督撫董率有司平日善於化導俾番衆奉法  
畏感實心嚮化即偶然取砂越界何至敢肆  
行劫殺耶巡撫事務繁多憲德查賑事竣若  
仍回省城不必留駐建昌黃廷桂所奏調取

番日勒獻兇首如敢抗拒負固即添兵剿捕著照所奉行丙戌辦理軍機大臣等議覆靖邊大將軍順承親王等奏言臣等遵旨將軍營年老殘疾人等詳加察閱京城八旗奉天船廠黑龍江右衛寧夏察哈爾歸化城喀喇沁土默特等處并防戍綠旗弁兵等官弁共五十九員兵丁共一千五百五十二名俱係殘疾候青草出時的量辦理發回各該旗該地方等處應如所請得旨裁汰官兵內効力被傷著有勞績若俱行革退甚屬可憫著各該管大臣等察明題奏官員賞給半俸兵丁賞給半餉官兵內如有病痊可以起用者奏聞請旨丁亥諭辦理軍機大臣等朕覽大將軍岳鍾琪陸續奏摺知官兵騎赴軍營之馬及塔爾沁等處牧放之馬有沿途瘦瘦瘦者有傳染時疫委棄者有被賊人剽奪者現今存剩馬匹寥寥無幾夫以多年購買預備之馬匹而棄之有如草芥其咎將誰

歸乎又據岳鍾琪奏稱穆壘駐兵俟所調駝馬到營之日即速起程等語口內解送之馬遠涉長途不令休息即欲驅使前赴穆壘其力實有不能自今口內駝馬陸續解送軍營賊人探知必又生窺伺之念且將來移駐穆壘之後所有駝馬牲畜甚多如何牧放佈置以防偷盜岳鍾琪須悉心籌算思患預防毋得仍蹈前轍再者朕聞軍營中自大將軍以及將弁皆用兵丁之力伐木取土蓋造房屋兵丁等雖勉供使令而退有怨言夫兵丁身列戎行枕戈戟冒鎗衝鋒是其職業至於興作力役非其事也是以從前築城時凡兵丁等之情願傭工者朕皆照數給與工價而不忍輕用其力將弁欲蓋造房舍自當捐已資以值夫役豈可圖一身之便安而不恤兵丁之勞苦使伊等操練辦公之外復竭愛以供其私役乎從來為將帥者與士卒同甘苦然後可以得其歡心而鼓其銳氣今軍營之

行事如此豈不與古人領兵之道相左乎將  
來移駐穆壘時儻有復蹈前轍者經朕訪問  
必加嚴譴

大清世宗敬天昌運建中表正文武英明寬仁  
信毅大孝至誠憲皇帝實錄卷之一百十六

大清世宗敬天昌運建中表正文武英明寬仁  
信毅大孝至誠憲皇帝實錄卷之一百十七

教諭

雍正十年壬子夏四月戊子朔享

太廟遣世子熙良行禮 諭果親王等圖明園

官兵應廣其陞遷之路增補官員其如何增

補之處著議奏尋議圖明園原設每旗營總

領各一員副護軍統領各三員護軍校委署參

領各四員副護軍校各十員副護軍校各九員

今請於八旗現有之副護軍參領內每旗揀

選一員補授護軍參領隨營總辦事向例副

護軍參領係五品今請准為四品其護軍校

委署參領請准為五品每旗增補護軍校四



員副護軍校五員又內府三旗護軍參領共  
三員今增補營總一員亦請准爲四品令掌  
管關防再隨關防之筆帖式每旗選補四名  
內府三旗亦各令選補四名從之 己丑加  
湖廣鄖陽副將馬化正總兵銜前往四川奉  
寧統領兵丁 庚寅諭辦理軍機大臣等前  
鋒統領穆克登在軍前効力年久現今打牲  
鳥刺地方添設新兵著穆克登前往操練  
大學士等遵旨議覆據內務府總管鄂善奏  
稱臣遵旨於喜峯口冷口古北口沿邊內外  
所有打牲壯丁鼓村莊園圃等額丁內揀選  
情願充兵漢仗壯健者共得一千名伊等俱  
係熱河附近之人請於熱河地方揀選烏鎗  
弓箭揀選弁員教習至所選丁壯於五十名  
內委充領催一名十名內補放隊長一名督  
率操演再於內務府廢員內揀選引見委充  
首領二名副首領四名今其約束給與拜唐  
阿糧餉所需火藥弓箭箭旗幟等項於該部支

取再查此項丁壯俱無地土應於文出羨餘  
地畝內每名撥給九十畝養贍家口茲將熱  
河現有空房每三名共撥房一間居住每月  
給餉銀二兩米一斛等語臣等查兵丁一千  
名不可無專管大臣請派漢軍副都統一員  
令其管理訓練象領二員令其協同管理至  
所選丁壯三名共給空房一間甚屬窄狹查  
伊等有攜帶妻子者給與兩間如未曾攜帶  
者給與一間其京城派往副都統參領各給  
官房一所首領教習等每人各給官房三間  
每月行糧副都統十兩參領八兩首領副首  
領各五兩教習等各四兩餘俱應如鄂善所  
請得旨此項兵丁著內務府郎中佛標加副  
都統職銜在熱河地方管理訓練餘依議  
辛卯兵部等衙門議覆陞任雲貴廣西總督  
鄂爾泰疏言都江河道開通地方遼闊宜添  
設文武官員分防彈壓上江請置一協設副  
將一員遊擊二員守備二員千總四員把總

八員兵二千二百名分爲左右營下江請置  
一營設遊擊一員守備一員千總二員把總  
四員兵八百名九股適中之台拱請置一營  
設參將一員守備二員千總二員把總四員  
兵一千名分爲左右軍其古州鎮原議駐城  
兵三千名內請撥五百名分佈各汛清江協  
分防柳羅之兵四百名內請抽出二百名以  
一百名防守大營後山一百名添駐公鷹城  
內至黃施營原設遊擊一員千總一員把總  
二員俱應裁汰兵五百名撥歸台拱營新設  
兵丁之內仍今分駐舊施秉稿貢二處所餘  
黃施守備一員千總一員把總二員兵二百  
名即改爲專營以上各協營俱歸古州鎮統  
轄再於都勻府設理苗通判一員駐劄上江  
永從開奉天柱等縣添設縣丞三員分駐下  
江古州清江等處又廣西慶遠府屬之荔波  
縣離府治五百餘里山路險遠請改隸貴州  
都勻府管轄均應如所請得旨朕與大學士

鄂爾表面加高酌新疆遼瀾直通楚粵兼有  
內地舊汛非古州一鎮所能統轄查都江清  
水二江地界形勢兩路劃然奉合歸一終難  
控馭而古州鎮處都江之適中清江協處清  
水江之適中遙對難峙各踞要區若於清江  
協裁去副將改設一鎮竝於九股亦裁去參  
將改設遊擊將新疆之丹江營台拱營與內  
地之銅仁鎮遠黃施天柱石阡平越等協營  
俱歸管轄其餘都勻協黎平營竝新設之上  
江下江諸協營仍隸古州鎮管轄則弁兵原  
止如舊俸餉亦不須增添於數千里苗疆可  
無數長不及之慮更屬妥協著將清江協改  
鎮以雲南永北總兵官趙文英調補餘依議  
○陞湖廣寶慶副將周起鳳爲陝西西安總  
兵官統領四川兵丁駐劄西藏賞銀五百兩  
○壬辰諭辦理軍機大臣等西路兵丁口糧  
從前議定每名日支粟米八合三勺或炒麵  
一觔駐劄之時本無不足惟有事行走及對

敵之際晝則追奔攻擊夜則防範巡查非駐  
劄之時可比恐舊數稍有不敷嗣後凡遇此  
等日期著每名日支粟米一升其應支炒麵  
之日每名日支一劔四兩俾兵丁等口糧寬  
裕以昭朕格外加恩之至意至分派屯種各  
兵耕種播耨胥服爲勞其耕種之一月內所  
支口糧亦照行走攻戰之兵米麵一體增給  
著即傳諭大將軍岳鍾琪等知之諭兵部  
正藍旗滿洲副都統李柱著前往西藏更換  
邁祿回京賞銀一千兩整理行裝約計川兵  
赴藏換班之期李柱自京馳驛赴川與兵丁  
一同進藏署山東布政使孫蘭芬緣事革  
職調河南布政使徐聚倫爲山東布政使司  
布政使陞監察御史鄭祥寶爲河南布政使  
司布政使免直隸赤城縣雍正九年分電  
災額賦有差湖北巡撫王士俊疏報襄陽  
縣開墾雍正八年分田地一百六十頃有奇  
下部知之 癸巳免雲南貴州所屬烏蒙清

水汙古州丹江等處兵丁借支銀兩有差  
喀爾喀扎薩克貝子喇布坦故遣官致祭  
丁酉賜朝鮮國進香使臣李福等宴費如例  
○調署正藍旗滿洲副都統吳禮署本旗蒙  
古副都統以正藍旗米領庫爾禱署錄白旗  
漢軍副都統 戊戌實授蔡永文爲直隸正  
定總兵官 己亥諭辦理軍機大臣等大兵  
移駐穆壘選得六月初四日己時從大營啓  
行爾等可傳諭岳鍾琪將一應事宜預先留  
心備辦但軍營切宜慎重以防漏洩 庚子  
禮部議覆署浙江巡撫王國棟疏言原任浙  
江温州磐石營殉難遊擊加贈副將熊應鳳  
妻陳氏妾繆氏於順治十五年值海賊陷城  
隨夫殉節投綬殞命因伊孫授官遠方久稽  
旌表請加恩補給應如所請照例給銀建坊  
入祠致祭從之 辛丑工部議覆陞任雲貴  
廣西總督鄂爾泰疏言滇省水利全在昆明  
海口現經修濬膏腴田地漸次潤出至如盤

龍江金枝銀枝寶象海源馬料明通馬溺白沙等河俱與海口相近宜建閘築壩令雲南府水利同知巡查并請於昆陽州添設水利州同一員駐劄海口以專責成再通省有水利之虞凡同知通判州同州判經歷吏目縣丞典史等官請加水利職銜以資分辦均應如所請從之。壬寅調江西按察使樓儼未京以降調江西布政使李簡為江西按察使司按察使。禮部遵旨議奏故廣州將軍蔡良福建陸路提督張起雲貴州古州總兵官蘇大有雲南臨安總兵官魏書國俱應於各省城賢良祠設位致祭從之。癸卯解福建布政使潘體豐任陞福建按察使劉藩長為福建布政使司布政使以原任福建按察使李王鎰仍為福建按察使司按察使。子故戶部尚書德明答葬諡端勤贈太子少保。

甲辰

孝端文皇后忌辰遣官祭

昭陵。乙巳調刑部尚書海壽為戶部尚書實授性桂為刑部尚書。吏部等衙門議奏宗人府府丞謝王寵自陳有疾懇歸罷斥應照例准其休致從之。兵部遵旨議覆大學士鄂爾泰等奏寧遠大將軍岳鍾琪玩愒縱賊奏報不實應行議處查岳鍾琪身為大將軍專制邊疆賊夷以五六千人從無克克嶺入我卡倫侵犯哈密岳鍾琪茫然不知令賊劫掠牲畜從塔庫納庫綏騎遁歸岳鍾琪智不能料敵於平時勇不能殲賊於臨事律之軍法百喙難辭應削去公爵并革去官保世職暨總督職銜仍令暫護大將軍印務以圖後効得旨岳鍾琪著削去公爵并革去官保降為三等侯仍留總督職銜護大將軍印務戴罪立功。補行廣東者雍正八年分大計不謹官三員罷軟官六員年老官十八員有疾官三員才力不及官四員浮躁官一員分別處分如何。予故原任吏部右侍郎如左

別處分如何。予故原任吏部右侍郎如左

都御史銜王沛懷祭葬如例。丙午諭辦理軍機大臣等阿齊圖受賕殊恩用至大臣並不感恩報効輒將交辦事件任意推諉及至差往之處又將並未交辦之事矢口言論私出怨言沿途復向地方官勒索餽送騷擾驛站卑鄙不堪阿齊圖著革職前往博第巴爾米忒操練兵丁之烏爾輝地方効力贖罪行走。調工部尚書張大有爲禮部尚書以署鑲黃旗漢軍都統范時輝爲工部尚書仍兼管都統事務。移安徽甯州州同駐徐漢口從安徽巡撫程元章請也。旌表山東清平縣烈女董九福妹董氏守正拒姦投水殞命給銀建坊入祠致祭如例。丁未諭內閣從前四川建昌總兵官趙儒傑奏開採會川寧番等處鉛銅各廠彼時朕即不以爲然詳問該撫憲德據憲德回奏極言有利無害是以交部議行乃兩年以來並無成效滋煩擾著將原請開採人員交部察議具奏所開礦

嚴著封閉其開採商民該地方官妥協辦理令其各回本籍。戶部議覆署雲貴廣西總督高其倬疏言雲南昭通府四面環山兵餉轉輸不易本地田畝頗多曠廢急宜開墾俾兵食有資且省轉輸之費請委員專辦墾務將昭通所有地畝定爲水旱生熟四項分給兵民保戶及土人等墾種應如所請從之。議敘平定烏蒙鎮雄苗夷功貴州提督哈元生等加級紀錄有差陣亡及帶傷兵丁等分別賞卹如例。子故福建金門總兵官署福建陸路提督張起雲祭葬諡恪毅。戊申辦理軍機大臣等遵旨議覆黑龍江將軍卓爾海等奏稱據達巴哈博爾本察等相視呼倫貝爾附近之濟拉嘛泰河口處地方遼闊水草甚佳樹木茂盛可以種地築城請揀選索倫打虎兒巴爾虎鄂倫春之兵三千名遷移其地將伊等編爲八旗左翼自修城處至鄂羅斯交界處遊牧右翼在喀爾喀河遊牧共

編爲五十佐領各添佐領一員驍騎校一員  
每旗各添副總管一員并鑄給總管關防設  
筆帖式二員請將達巴哈管理左翼博爾本  
察管理右翼凡駐防官兵等各給馬匹牛羊  
以立產業官員每年給與半俸兵丁每月給  
銀一兩其軍器旌幟等項該部製造賞給再  
濟拉嘛泰河口處至齊齊哈爾共六百八十  
里請設立卡倫十處護送往來行人均應如  
所請得旨依議總管關防著博爾本察掌管

己酉諭理藩院額駙查穆蘇著加恩賜祭  
一等台吉既有賜祭之典嗣後額駙等身故  
俱著一體加恩賜祭刑部議覆安徽巡撫  
程元章疏言亳州壽州私鑄兩案俱起於雍正  
七年夏秋間或鑄一月或鑄二三月即行  
停止亳州業內爲首之柳四丁林公及匠人  
陳三良潘瑞等應擬斬立決僱工收贖之柏  
雲唐章知情鄉約之李維買錢使用之李大  
回子等均應擬絞立決壽州案內受賄不報

之捕役蘇標應擬絞監候商同私鑄未經鑄  
成之貝爾明楊聖遠等俟殺日另結俱應如  
所請得旨亳州壽州等處居民私鑄錢文經  
朕訪聞確實於雍正七年秋間敕令步軍統  
領差役前往拏獲多人則其合夥私鑄爲時  
已久事理顯然今該督撫等將各案查審具  
奏俱稱私鑄起於雍正七年之夏秋或鑄一  
月或鑄二三月即行停止朕體察情由其中  
顯有草率支飾等弊私鑄大干法紀若督撫  
究問疎忽將來何以示懲至於亳州案內柏  
雲唐章李維李大回子等俱以知情不報擬  
以立絞又覺太重況壽州案內受賄疎縱之  
捕役蘇標止於擬絞監候則柏雲等之罪不  
應在蘇標之上又亳州案內有商同私鑄因  
無人掌爐未經鑄成者亦應酌量減此數  
案內私鑄日期及錢文多寡之處著該督撫  
再加確審務得實情不得草率結案其情罪  
稍有可原之人分別治罪亦著另行審結

庚戌陞貴州銅仁副將劉永貴爲雲南永北總兵官仍辦理銅仁協事務○辛亥命大學士鄂爾泰署鑲黃旗滿洲都統○壬子諭內閣據奉天府府尹楊超曾奏報永吉州城內失火延燒房舍一千餘間朕心深爲軫念著該將軍及地方官確查被火窮民賑恤毋令失所○癸丑調直隸天津總兵官范毓禔爲廣東潮州總兵官以原任雲南曲尋總兵官孫士魁爲直隸天津總兵官署河南河北總兵官鑲白旗漢軍副都統補熙仍署直隸天津總兵官○鑲藍旗滿洲都統平郡王福彭等奏言各省來京引見官員俱蒙恩不令久候嗣後凡襲職旗員由外省來京請隨到隨奏不令久候多費以仰副體恤臣工之至意從之○甲寅諭理藩院察哈爾人等居住近邊歷年與內地之人一體効力行走從前定制察哈爾處官員內有職掌者給與半俸無職

掌者給俸四分之一伊等俱係國家効力之人今特沖恩膏有職任官員給與全俸無職任官員給與半俸○諭果親王允禮等近見圓明園兵丁氣象較前甚優圓明園之八旗及內府三旗著賞給教習人員令伊等子弟學習漢書其一切事宜著定議具奏尋議設立學舍當視營房之遠近鑲黃正黃正白鑲白四旗營房相近請設學舍一所教習二名正紅鑲紅二旗營房相近設學舍一所教習一名正藍鑲藍二旗營房隔遠內務府三旗原同一營設學舍三所教習三名其教習人員在八旗及內府生員內選取給與錢糧奉米四年一換訓誨優者咨行吏部即以筆帖式用劣者革退另行選補從之○乙卯工部議覆陞任雲貴廣西總督鄂爾泰疏奏全滇水利事宜一嵩明州之陽林海澗深河道水勢暢流周圍草塘均可招民間墾一宜良縣共開河五道其四道供經引水灌田惟江頭

村所開舊河地形稍高應自胡家營北接舊河另開一道以資灌溉一尋向州粵川河中  
有整石四十餘丈難以開鑿應另添沙河十  
五里俾得暢流一東川府城北漫海一區地  
本肥饒因積水壅置今開河建閘水消田出  
亦可招民承墾一浪穹縣羽河等處築堤四  
十餘丈但補葺一時急宜委勘加修一臨安  
等屬應修應築工程暨通粵河道嵩明州河  
口俱請委員查勘及時興工務期深通堅固  
以垂永久均應如所請從之○改直隸秦寧  
營左營守備爲中軍都司兼管左營從直隸  
秦寧副將姜德成請也○丙辰諭內閣八旗  
訓練之兵及四班值宿之兵朕從前降旨鼓  
勵訓練大臣官員等理宜將此諭旨不時宣  
讀令兵丁記憶乃至今尙有未聞者著交與  
訓練兵丁之大臣及八旗都統護軍統領等  
將朕旨書寫於各旗操演及會操之處宣讀  
令兵丁聽聞其守衛及各門值班之處亦着

實貼該管官員等教令熟讀記誦互相砥礪  
各加奮勉兼可學習清誥又聞八旗訓練之  
法大臣等並不畫一是以會操時不能整齊  
夫訓練兵丁不可無總統稽察之人著派拉  
錫常明莽鵠立範時喟永福於八旗訓練兵  
弘昇所管訓練兵青州訓練兵及內府佐領  
訓練兵漢軍訓練兵兵十二營內輪流稽察  
大學士鄂爾泰亦乘暇前去總統察閱○京  
察滿漢各官不謹官四員罷軟官三員年老  
官一員有疾官六員才力不及官六員浮躁  
官一員分別處分如例○誥表山西偏關縣  
烈婦高成雲妻李氏拒姦忿激墜城殞命給  
銀建坊入祠致祭如例



大清世宗敬天昌運建中表正文武英明寬仁  
信毅大孝至誠憲皇帝實錄卷之一百十八

大正十年壬子五月丁巳朔山東巡撫岳濬  
疏奏濟克東三府自冬暨春雨澤稀少今濟  
南雖幸得雨而克東二府尚未均霑二麥未  
能暢發穀豆亦欠滋生糧價漸昂民間乏食  
請照上年米船免稅之例俾商販雲集再請  
照上年截漕之例將南漕米截留四十萬石  
以備平糶得旨岳濬所奏二事著該部速行  
各該處照上年之例行毋得稽遲但通商截  
漕料理尚需時日不能濟目前之用著該撫  
岳濬等悉心經理速籌目前接濟之策或散米

教修

雍正十年壬子五月丁巳朔山東巡撫岳濬

疏奏濟克東三府自冬暨春雨澤稀少今濟

南雖幸得雨而克東二府尚未均霑二麥未

能暢發穀豆亦欠滋生糧價漸昂民間乏食

請照上年米船免稅之例俾商販雲集再請

照上年截漕之例將南漕米截留四十萬石

以備平糶得旨岳濬所奏二事著該部速行

各該處照上年之例行毋得稽遲但通商截

漕料理尚需時日不能濟目前之用著該撫

大清世宗敬天昌運建中表正文武英明寬仁  
信毅大孝至誠憲皇帝實錄卷之一百十七

或賑粥或借保會穀因地制宜遠遜賢員實  
力辦理務令窮民得霑恩澤無致流離失所  
戊午諭大學士等山東兗東二府雨澤愆  
期貧民乏食已令該撫速行辦理賑濟第恐  
本省官員不敷差委著將各部學習人員及  
國子監選拔貢生內令該管大臣擇其人材  
可用而有身家者咨送吏部揀選十數員或  
二十餘員帶領引見命往東省交與巡撫岳  
溶以備委辦賑濟之事又諭刑部尚書勵  
廷儀患病著在寓靜心調理其刑部尚書事  
務著都察院左都御史彭維新暫行署理○  
以翰林院侍講俞鴻圖提督河南學政○浙  
江杭州左翼漢軍副都統楊長泰年老解任  
陞鎮黃旗漢軍參領張正興爲浙江杭州左  
翼漢軍副都統○調山東布政使徐聚倫爲  
河南布政使司布政使河南布政使鄭輝寶  
爲山東布政使司布政使○以欽一等侯馬  
爾琿子馬圖鍾蒙爵二等阿思哈尼哈番

李永陞緣事革職以其叔之子李永安襲替  
己未

孝誠仁皇后忌辰遣官祭

景陵○庚申諭達賴喇嘛朕撫馭寰區惟期海  
宇蒼生安居樂業宣揚佛法同歸於善爾喇  
嘛特遣使問安獻頌抒誠具奏荷蒙

上天恩慈朕躬甚安爾喇嘛其副朕振興黃教  
寧謐蒼生之至意悉心梵典闡揚化導俾各  
向善今來使西歸特賜敕諭一道銀器綠緞

巾帕等項並寄來使持諭○辦理軍機大臣

等奏言從前奉旨令各省將軍查明餘丁數  
目添設兵丁今據該將軍等各就本地情形

定議惟江寧餘丁有一千三百五十餘名應

選取滿洲五百名蒙古一百名共批額外兵  
六百名每月各給餉銀一兩五錢令習技藝

俟有驍騎缺出於此內選補至天津餘丁俱  
係幼穉荆州杭州寧夏成都河南等處所有  
餘丁多不過二三百名少者僅三四十名均

無庸添設應俟將來徐丁營庶該將軍等再行查明定議奏聞從之 辛酉諭內閣山東兗州東昌二府地方遼闊戶口繁多現在辦理賑濟之事若得本省人員前往更可周徧妥協朕思在京居官及赴部候補候選者充東二府之人必多伊等既能熟習風土人情又諳關桑梓必能實心辦事以甦民困著大學士等於此項人員內揀選一二十員奏聞令往山東與地方官按戶按名查勘賑濟每人在京酌賞銀兩以為路費俾其星速起程 又諭春夏以來京師雨少朕心甚切憂勞著傳諭刑部於刑名案件加意慎重並遵照上年六月之例速查完結其應行保釋者准其保釋 以原任正紅旗漢軍副都統李楠為跟隨旗漢軍副都統 以署河南南陽總兵官宋安署湖廣永州總兵官 添設貴州提標兵三百五十名以提標後營專管安順府城守事從貴州提督哈元生請也 壬戌吏部

議覆山西按察使溫而遵降奏江南素稱澤國河湖交通臣歷任江南見丹陽至鎮江口數十里河身稍窄糧艘往來常至擠塞雖現在疏通恐數十年後復至淤淺各府州縣有兼司水利之名而無講求水利之實太湖新設同知分管水利亦未能料理妥協請於蘇松常鎮四府太倉一州五處適中之地設一道員專司河湖水利俾其巡歷上下審量情形整修器具隨宜調度庶成專而收效速 其原設太湖同知可以裁汰均應如所請從之 癸亥諭八旗都統等八旗借支公庫及廣善庫銀兩數十年來拖欠未完者尚有四十餘萬當時原因旗人每遇急需即向人那貸以至每年所得俸餉不足補償愈至窘乏於是特設公庫廣善庫以周其不足而伊等罔知感恩任意花費至有徧捏事端一人名下多至三四千金者國家庫帑百姓脂膏豈容恣其虛誑濫竊濫用情甚可惡是以其人

雖故亦於其子孫弟姪及家下披甲人等俸祿錢糧坐扣一半俾人知祖父欠帑日後爲子孫之累庶冒領侵蝕之風可以少息但八旗官兵俸祿錢糧應差欠帑人數衆多僕生計艱難未免有誤公事著將八旗借欠公庫廣善庫業內人員本身已故將伊子孫等坐扣一半奉餉抵補伊祖父舊欠者開恩豁免以降旨之月爲始照舊賞給此朕格外之恩後不爲例其餘虧空侵蝕挪移婪贓等項仍遵前旨分別查奏 甲子諭大學士等趙之垣著來京張體義著給與按察使銜前往肅州與副將馬龍一同辦理運糧事務 喀爾喀土謝圖汗王扎爾多爾濟故遣官致祭賜銀一千兩 乙丑授輔國將軍塞楞額子務爾圖爲奉恩將軍 丁卯諭大學士九卿等京師地方冬閒少雪數月以來自近京以至直隸山東雨澤愆期而兗州東昌尤甚朕心深爲焦勞日夜思維心朕與在廷諸臣政

事有缺以致

上天示儆飲食寤寐無刻稍安虔誠修省冀格天心爾諸臣當恐懼悚惕以導

天戒凡用人行政及各部院事務關係民生利弊應行應改之處周詳審察苟有所見或公同具奏或自行陳奏至於刑名衙門尤宜慎重大小事件均期至公至當不可稍有疎忽朕之諄諄誡諭出於憂勞敬畏之實意豈非虛飾求言之名爾諸臣各宜殫心竭慮切實指陳務使民生攸賴感召

天和以副朕軫恤羣黎之至意 又諭秦省民風醇樸朕所素知第因近年以來有一二匪類捏造浮言妄興鼓動衆聽朕恐無知愚民一時不察被其迷惑是以特遣大臣官員等開誠布公宣諭化導從前陝甘二省民人深知感戴國家教養之恩今復悉西徠不得已用兵之處聆受諭旨各皆開悟踴躍履心深爲嘉悅但軍興日久轉粟飛芻不可再擾民

力其輓運之價朕已屢次加添近聞路徑僻遠之地尚有不敷又或採辦草豆等項時價低昂不等是該督撫等尚不洞達朕意矣向後著悉心體察有應行奏聞者即據實陳奏朕自加恩不使官民等有暗累之苦著將此旨曉諭陝甘二省官民等共知之○擢監察御史惟爾呼達爲大常寺卿 添設杭州駐防蒙古八旗每翼防禦二員從杭州將軍阿里衮請也○戊辰諭辦理軍機大臣等護軍統領阿恩海著授爲前鋒統領令往西路軍營管轄滿洲兵行走侍郎武格至巴爾庫爾時著給與揚武將軍印統轄巴爾庫爾滿洲兵伊禮布在參贊內行走協同武格辦事總督劉世明著授爲副將軍統轄巴爾庫爾綠旗兵與武格馬會伯商酌辦理事務○又諭巴爾庫爾出征之西安滿洲兵三千名寧夏兵一千名出口已將二年冬衣不無散損應行加恩添補查莊浪現有存貯皮袍褂三千

套皮帽三千頂著署督查郎阿巡撫許容再於蘭州添製皮衣一千套皮帽一千頂俱於秋間解送軍營賞給西安寧夏滿洲兵以示朕格外加恩之至意 江寧織造內務府郎中許夢閏疏奏原任江寧織造赫德已將司庫八十五筆帖式巴圖借用銀兩代爲賠補應免重追得旨向來織造官員往往爲司庫筆帖式所愚弄恣意妄行侵盜國帑及至事發總恃有織造代賠置身事外積弊若此斷不可不加懲戒江寧織造赫德離任時大有虧空朕特降旨令接任許夢閏徹底清查以清弊蠹乃許夢閏以司庫等借用之項稱爲紓赫德已經代賠無庸重追獨不思紓赫德管理織造關稅兩項其代賠之銀即係兩項贏餘均爲國帑安得不核實歸公而乃私取以償屬員侵盜之項予許夢閏瞻徇情面草率完結著交與內務府嚴加議處紓赫德著革職司庫八十五筆帖式巴圖等名下

虧缺之項悉從未人追出交官再織造本非大員而在外體統任意借越至於司庫筆帖式官職尤畧乃以欽差為名妄自尊大與督撫拜帖稱呼俱用平行禮妄誕已極嗣後著嚴行禁止僅有以片紙隻字干謁地方官及不按品級規矩借越妄行者定行從重治罪

己巳違官祭

開聖帝君一擢監祭御史舒喜為禮部右侍郎以浙江温州總兵官丹起鳳署山東登州總兵官庚午諭辦理軍機大臣等去年遣往巴爾庫爾軍營之京城驍勇官兵一百名巴爾虎兵一百名原令於襲擊烏魯木齊旋師之後即行撤回此兵俱係精銳軍營現資差違督帶撤回每人著再賞銀三十兩以為整理衣服等物之用戶部等衙門議覆署理兩江總督印務蘇州巡撫尹繼善等疏言雍正五年泗州虹縣睢寧宿遷桃源五州縣原報於地經原任總河齊蘇勒勅題請委員

丈勘共二萬三千三百三十頃零設立潼安

一衛專司其事今奉諭旨以從前丈勘辦理

草率未盡確實或致賦浮於田令臣等再加

確勘隨委道府等官分丈五州縣臣等伏查

泗州等處河湖漫溢地力瘠薄舊例行糧之

地照部弓折算徵輸雍正三年未工漫溢黃

水由睢甯桃趙四虹之安河匯歸洪澤湖田

疇淹沒至雍正五年未工堵築黃水消涸泥

沙停澱一律淤平行糧舊地與新淤之地莫

能驟辨從前委員但見有淤即為丈勘未經

細查其地原有舊糧止和照部弓計畝起科

未經確察舊例原有折算今道府等官丈勘

確實照例扣除行糧舊地外丈出部弓地六

千九百七十七頃零實係新淤皆可耕種照

各州縣科則舊例折算共地三千八百九頃

零應各歸該州縣地界官轄納糧於雍正十

年入額徵收潼安衛守備缺應請裁去以節

冗費再原報於地於雍正六年起徵賦額浮

多小民難以輸將其六七八等年未完錢糧如係無地虛額應請核實豁免俱應如所請從之。軍前一等侯陳泰錄事年退以其弟圖巴襲爵。以故一等精奇尼哈番董永蕃子董斯敷三等河思哈尼哈番金世輝子金璋各襲職。辛未大學士九卿等遵旨議奏近因京師少雨直隸山東兩澤未過上廬

聖心將用人行政應行應改之處令臣等陳奏謹將現在賑恤事宜十款條列。一刑部等衙門現將監禁者查明係釋其直隸山東各州縣情罪較輕及干連待質人犯亦暫行保釋至八旗邊決人犯有情罪稍可寬貸者刑部查明分別奏請減等發落。一被災州縣該督撫查明分數將本年錢糧照例奏免外其有雖不成災而收成歉薄應徵錢糧亦暫緩追呼或分年帶徵以紓民力。一凡州縣地畝相錯有田在被災境內而納糧在別縣者亦應查明一體賑恤。一得雨以後無力農民不能

置辦籽粒應令該地方官查明的借籽種銀兩秋成後交還。一者若義民量其捐穀多寡或給匾額或給頂帶紫身生監人等或准作貢生縉紳人等或刻石書名以爲眾勸。候補候選有力之家捐貲多者加級更多者照本職加銜其地方官有能捐俸糧穀廣行賑濟者量其所捐分別議敘有因公罰俸降級停陞者准予開復。一商賈米豆船隻既奉恩旨免其關稅標頭地方官派員巡察禁止搶竊至於價值聽民間臨時糶買一賑濟成例凡有地可種者不在應賑之例但有地畝之家現在無收實與無地畝者同受飢餓應查驗酌賑又有逃荒出外聞本地受賑舉家歸里往往以造冊已定不能添入爲辭應嚴飭地方官一體補入加賑。一散賑平糶之外有盈餘穀石聽民間備糶或令田多之家具呈領穀聽其轉行分給至秋收逐戶收繳一充東二府未經賑濟之先或已有轉徙他鄉者地

方官即行查報酌量安插俟秋成資遣回籍  
其經過鄰省地方仍照雍正九年之例邊給  
資遣一禮部現同各部院諸臣在顯佑宮等  
處虔誠祈禱查有

天神壇

地祇壇太歲壇及四海龍王之神亦應虔誠祈  
禱得旨照所奏速行○壬申諭內閣附近京  
師小縣城內所有駐防滿洲兵丁俱係協領  
等官管束因無總轄大員故教訓兵丁稽察

官員之事殊為疎忽應文相近駐劄之大臣

兼管若近

陵寢者即令

陵寢大臣管轄近天津者即令天津都統管轄  
若附近無有大臣駐劄之處著由京師特派  
大臣一員令其統轄每年巡察一次則官兵  
各加奮勉遵法而地方可無妄行生事之人  
著大學士鄂爾泰詳酌議奏尋議喜峯口冷  
口羅文峪俱與

陵寢相近此三處駐防官兵請文

陵寢處大臣等稽察管轄三河玉田順義縣永

平府係直達山海關之大路此四處交與山

海關總管滄州與天津相近交與天津水師

營都統德州係山東所屬交與青州將軍各

就近稽察管轄獨石口古北口張家口錢家

店鄭家莊昌平州六處係一路寶坻縣固安

縣雄縣霸州彰谷保定府良鄉縣東安縣八

處係一路俱無可兼管之處應由京城派副

都統各一員令其總理每年秋季前往稽察

一次分別勸懲務令勤加操演謹守本分其

官員優劣亦令分別具奏從之 臣太常寺

卿張國棟烏宗人府府丞 兵部議覆直隸

河道水利總督王朝恩等疏言直隸河標現

在議設營制請將附近天津之務關路各將

改為河標左營中軍副將務關守備改為中

軍守備仍駐務關張灣營守備改為河標右

營遊擊仍駐張灣務關黃守備改為右營



守備移駐天津其在黃留把總一員駐防仍歸左營管轄武清之蒲溝汛暨楊村蔡村務關三汛俱歸左營管轄務關以北安平鄆縣香河而儀四汛與張灣二汛俱歸右營管轄添設隨操千總一員歸右營管轄把總一員歸左營管轄並於左右兩營抽兵六十名駐防天津再務關原轄之寶坻一營永樂一汛距河遙遠請仍歸鎮標管轄均應如所請從之 癸酉諭內閣八旗人員借欠公庫廣善庫官銀本身現在而未完者著一併開恩豁免 貴州布政使常安摺奏黔省下游苗疆兵來有由陸路運送者需用人夫應交與地方官催覓從前軍興之際日給三分今可否量為加增庶幾永遠行之無累於民又來牛城垣為八寨之藩籬通古州之大道若建石城蓋資捍蔽奉

上諭苗地站路崎嶇險峻原非坦途且將永為定例自應仿照時價給發著署撫元辰成等

或計站道之遠近按站定價或就站道之里數按里給銀每夫每日議定幾分務使數用可以永遠遵行至來牛地方即建築土城未嘗不可以捍蔽但聞該處土鬆難保堅固且取石亦不甚遠若建石城可以一勞永逸著元辰成委員確估妥議具奏 甲戌諭戶部福建臺灣府彰化縣經兇番擾害之後百姓耕種未免失時該縣所有雍正八年分未完穀六千五百餘石著悉行豁免 工部議覆江南河道總督嵇曾筠疏言揚州府屬芒稻河開座工程向係動支商捐款項修築是以歸鹽政管理而今商人承修查商人素非熟諳未免草率嗣後請歸印河官管轄並添設閘官一員以司啟閉應如所請從之 乙亥豁免江南吳江震澤二縣湖沒湖田額徵銀一千一百三十兩有奇 丙子諭內閣高書曰天作孽猶可逭自作孽不可逭此甚言自作孽之不可也

天心仁愛必不作孽於人凡禍福災祥之來皆由人事之感召而

天本無心也即如地方之水旱災荒必有前自

或由於朝廷政事之缺失或由於臣工職業之乖差或由於有司教令之煩苛或由於民間風俗之流薄有一於此皆足以干

天和而致沴戾是以數年來每當晴而不時朕必虔心修省思過省愆切諭大小臣工戒懼

悚惕以凜

天戒但思天下人民衆多良頑不一或有愚昧

無知固饑饉固厄而生慈愍之心者夫平時心術詐偽習俗乖張仰蒙

上天垂象示儆而又不自改悔轉相怨懟竟忘上天降罰之由來視爲己身無辜而獲譴者背

天逆理莫此爲甚朕即修省祈禱亦未必能代伊等解免而寬其罰也每見一州一縣之中

相隔不遠而雨澤多寡不均收穫豐歉各異此即顯而可見者取茲非議其膏於天下臣

民也臣職之有虧民風之不厚皆朕之過所望天下臣民遵朕訓諭各盡其道以爲敬

天之本偶逢旱潦邇加悚惕寤寐之中不敢有幾微怨望不平之意如此則和氣致祥必能

轉災爲福思之勉之○辦理軍機大臣等謹覆散秩大臣塞楞等奏言臣等至察哈爾地

方會同各總管遵旨查明八旗諸王大臣官員等所進蒙古及移居就食蒙古共計八百

餘戶內選得諸練騎射堪以充兵之壯丁共五百七十餘名請五十名編爲一佐領共十

一佐領分充護軍領值驍騎給以月餉令操練騎射鳥鎗等項其製備軍器馬匹銀兩照

例給與內有正黃旗原任侍衛阿拉布坦所進蒙古已數一位領該佐領員缺請於伊子

弟內補授准爲世管佐領其餘各佐領俱係湊集各處蒙古編練應爲公中佐領於察哈

爾間散官廢生護軍校驍騎校內揀選補授其護軍校驍騎校員缺於察哈爾前鋒護軍

領樞內選補至所選壯丁外其餘閑丁無可依賴生計維艱應照尼魯特佐領下閑丁例每名月給銀五錢再察哈爾貧苦兵丁請每名賞銀十兩每名賞布二疋其牧場蒙古每名止賞布二疋均應如所請從之○添設廣東南海海防軍民同知一員從調任廣東總督郝玉麟請也○丁丑鑲黃旗蒙古副都統佟海患病解任陞署正藍旗蒙古副都統吳禮馬鑲黃旗蒙古副都統一等侍衛郭多澤署正藍旗蒙古副都統○吏部尚書辦理刑部尚書事務勳廷儀故道官往奠茶酒○旌表鑲黃旗滿洲烈婦那丹柱妻白烏矢志殉夫投繯殞命給銀建坊入祠致祭如例○戊寅諭辦理軍機大臣等科爾沁台吉深濟扎卜等帶領扎薩克兵丁七百名駐劄昂古里地方今口外無事令赴圖爾賽錫爾塔台站處駐劄管束到日著圖爾賽等於從前帶去歸化城土默特一千兵內撥五百名令回歸

化城○乙卯

孝恭仁皇后忌辰遣官祭

景陵○

上請

恩佑寺行禮○庚辰諭兵部去年六月準噶爾

賊夷犯我北路弁兵奮勇進剿遂致失利其

効力之官員兵丁已降旨軍營著優加賞資

至於陣亡之大臣官員兵丁今據大將軍順

承親王詳查造冊送部此陣亡人等皆荷國

家歷年養育朕原欲伊等建立偉功以膺國

家重奉伊等世受國恩篤思報効勇往直前

以致身陷疆場雖誤入危機而致命効忠誠

切可憫朕自聞報以來至今中心悽惻難釋

於懷著交該部按冊詳查應加贈廕及祭葬

賞卹之處照例分別詳議具奏○護軍遠大

將軍岳鍾琪奏言據駐劄魯谷慶總兵官王

廷瑞報稱有從賊營脫回之蒙古兵約圖里

等口稱烏魯木齊之北奇林地方聚有賊兵

三萬欲侵犯阿爾泰等語臣隨遣侍衛鳴查爾圖守備卽建業等帶領滿洲兵五十名巴爾虎兵五十名蒙古兵一百名綠旗兵一百名前往哨探據伊等回營稟稱哨探賊蹤行至鄂龍吉地方遇賊投賊四名擒賊盡木丕爾達爾扎等八名到營臣各加叢訊俱供烏魯木齊附近吉木塞地方共有兵三千名係台吉色布騰統領分路遣人哨探一往色必忒地方已遇大兵擒物一往陶賴無克克等處小菓零敦多卜在奇林地方共聚兵三萬俟秋深馬肥前往阿爾泰侵犯喀爾喀遊牧那親哈什哈帶兵一千名前往魯谷慶大菓零敦多卜之子納木扎爾達錫等領兵一萬前去哈薩克地方出兵等語臣復遣鳴查爾圖等帶兵前往吳爾圖地方抄截賊人歸路一面飛飭總兵官王諧級副將花天立率兵一千五百名在陶賴一帶搜山勒捕謹奏得旨侍衛鳴查爾圖等遇見賊眾勒殺生擒

甚勇可嘉鳴查爾圖賞銀一百兩卽建業賞銀六十兩滿漢家古兵丁等賞銀一千兩分別賞給以示獎勵○是日甘霖大霽四野皆足○辛巳諭辦理軍機大臣等據岳鍾琪奏稱賊人小菓零敦多卜在奇林地方聚兵三萬欲侵犯喀爾喀遊牧我兵宜嚴加防備著將岳鍾琪奏摺錄寄順承親王馬爾賽達爾濟令伊等偵探信息賊人若以全力來犯應如何防禦若分路以輕兵來犯應如何截殺預行詳細定議務期妥協不可輕率○以翰林院修撰彭啟豐爲雲南鄉試正考官編修趙大齡爲副考官刑部郎中畢誼爲貴州鄉試正考官編修王峻爲副考官○署雲貴廣西總督高其倬題雲南耿馬宣撫使罕世藩以病休致請以其子罕圖指襲替下部知之○謹表河南息縣烈婦宣棘妻高氏拒姦不污自縊完貞給銀建坊入祠致祭如何○癸未禮部議度直隸總督劉於義疏言天津改

州爲府請照府學例取進文武童生各二十名設廩增各四十名天津縣仍照天津州舊額取進文童十八名武童十五名廩增各二十名天津滄州二州縣請另立商學商籍取進文童八名武童七名電籍取進文童七名武童六名即歸天津府學考課督率設廩增各二十名其現在河間府學商電二籍生員悉改歸商學又河間府舊有撥入天津武童三名撥入滄州武童二名俱請改入天津府學又寶坻縣分設寧河縣其入學額數請酌量分派寶坻縣取進文武童生各十二名廩增仍循舊額寧河縣取進文童十一名武童八名廩增各二十名均應如所請從之甲申諭內閣八旗辦事不諳悉條例諸事每多未協朕思各部司官多有熟悉則例識見明通者若於郎中員外等官內慎加揀選每旗添設二員助都統副都統辦理禮務似有裨益該員於本職部務仍照舊辦理都統等奏

事時該員隨副都統之後本章奏摺內亦著列名著大學士會同各部堂官加意揀選務在得人若司員不敷揀選科道侍讀等官亦可選用

御製重修闕里

聖廟碑文墨筆收藏闕里以爲世守從行聖公孔廣榮請也碑文曰朕惟

上天垂佑蒸民篤生

至聖先師孔子以仁義道德故地萬世之人心而三綱以正五倫以明後之繼天御宇兼君師之任者有所則倣以敷政立教企及乎唐虞三代之隆大矣哉聖人之道其爲福於羣黎也甚溥而爲益於帝王也甚宏宜乎尊崇之典與天地共悠久也曲阜廟庭爲孔子里宅擬聖鍾靈之地神爽式憑明禋祇肅廟貌崇閭由周而來久且加盛我

皇考聖祖仁皇帝德符元化悟徹性天自義畏堯舜禹湯文武周公之道集成於孔子者一

一體於身心宜為政治聖統在上應運而承  
康熙甲子東巡狩臨幸闕里謁真廟林殿禮  
登漢唐莫及朕躬膺玉緒志切美禱即位  
之初加封

先師五代王爵諸雜菜題頌歌詩佩德報  
功之願夙夜罔釋於懷雍正二年闕里聖廟  
不戒於火有司奏告朕悚惕靡寧諸廟致祭  
旋發帑興修命大臣專董厥役殿廡規模悉  
準宮闕製器備物亦令繪圖呈式裁酌協宜  
數年內諄諭執事臣寮經營周至纖毫無憾  
始懼朕衷七年冬有司具奏大成殿上梁前  
二日慶雲見於曲阜合詞稱瑞朕以天人感  
應理固不爽而誠敬微忱詎能邀

上帝

先師之垂鑒用是祇將祀事倍增試額俾普  
天率土被聖人之德化者同心感慶庶足以  
廣教澤而答嘉麻而撫躬警勉恒朝夕凜凜  
焉朕嘗謂帝王之尊聖尊其道也尊其道貴

行其道居行道之位而能擴充光大達之政  
令修齊治平得其要紀綱法度合其宜禮樂  
文章備其威凡聖道之未行於當時者志行  
於後世雖去聖久遠而心澤相接不啻規於  
於一堂之上默證於千載之前如是而欽崇  
宸顏悉由於中心誠服而治化日盛聖道斯  
尊且夫聖人之道一天道也天以億民之責  
屬之聖人刑定賢修代天宣教養衛俾攸禮  
法彰明後之帝王奉其道以治世師承罔敢  
資益良多然則尊天尊聖理原合一今茲之

崇禮

至聖正所以欽若  
昊天而於修建廟庭之重典育不至誠至敬者  
哉朕勤求上理宵旰孜孜真以仰述  
皇考之鴻謨丕揚

先師之厚澤爰敬推上天篤生聖人與聖人  
承天立教垂憲奕世之意勒文碑石以昭示  
臣民於無極而系以辭曰天心覺世聖治承

天治法道法。聖聖相傳。三五之隆。以道致治。峻德宏昭。豐功遠被。聞知續統。至聖挺生。中。天復旦。文教昌明。經緯三才。陶融萬象。體具中和。功侔參兩。表揚六籍。程式五常。如會滄海。若揭秋陽。惟我

皇考。聰明睿智。苞蘊圖書。滙宗洙泗。德與聖合。禮爲道崇。升堂容肅。過里恩隆。緒纘朕躬。勤圖紹述。至訓煌煌。箴銘宥密。惟皇建極。惟聖時中。古今雖邈。心理攸同。作帝王師。與天地配。開闢一人。神靈如在。奕奕新廟。輝映尼陔。金絲在御。車服盈堂。煥乎天文。五雲示慶。錫佑者天。承庥者聖。敢云瑞應。鑿厥微誠。普祈洪泐。永福綿祚。文治光華。日星晶麗。木鐸揚聲。垂億萬世。乙酉夏。至祭地於

方澤。遼平郡王福彭行禮

大清世宗敬天昌運建中表正文武英明寬仁信毅大孝至誠憲皇帝實錄卷之一百十八

大清世宗欽天昌建建中表正文武英明寬仁  
信毅大孝至誠憲皇帝實錄卷之一百十九

奏

雍正十年壬子閏五月丙戌朔諭大學士等

朕聞甘省自四月十五以後風多雨少河西  
四府一州多係水田目下望雨尚不甚急河  
東四府二州則急待甘露朕心深為屢念西  
邊正當用兵之際軍需民食全賴甘肅收成  
今入夏以後雨澤愆期僅禾稼歉收則所關  
匪細可傳諭查郎阿許容等令其就近酌量  
情形為未雨綢繆之計早為辦理庶諸事從  
容於軍民俱有裨益添設陝西寶豐定遠  
二營守備各二員把總各二員從署陝西總

督查郎阿請也○戊子免陝西甘涼寧肅各  
提鎮營兵借支銀一萬八千四百兩有奇○

庚寅大學士等遵旨議覆貴州巡撫張廣泗  
條奏古州善後事宜四款○都江清水江為

黔楚粵三省之通流應設立哨船聯絡聲勢  
○古州等處積貯最關緊要請分別鎮營各

貯米石責成該管同知通判縣丞等經管○  
新疆文武各員三年俸滿之後應予保薦陞

轉以示鼓勵一効力通事人等請分別勤惰  
等次給與獎贍並授以土外委千把總副付

令其宣布條約化導苗民均應如所請從之  
○旌表江蘇靖江縣烈婦陸昆妻劉氏拒毒

不污投繯殞命給銀建坊入祠致祭如例○  
辛卯議敘陝西宣諭化導官員右春坊右贊

善錢陳羣等五十一人分別陞轉有差○士  
辰陞光祿寺卿王漪為太常寺卿仍兼理光

祿寺卿事右通政廣東顏風整俗使焦祈年  
為光祿寺卿仍留觀風整俗使任○以兵部



尚書鄂爾奇署步軍統領○癸巳解宗人府右宗正德昭任以平郡王福彭爲古宗正以故二噶阿思哈尼哈番奇里子達桑阿襲職○甲午諭八旗官員人等昔人云和氣致祥乖氣致異此天人相感之至理古今不爽朕以此訓導天下臣民至詳且悉兵去夏令春京師亢旱地猶微動未息朕戒慎恐懼思過省愆幸遂

上天慈恩錫以霖雨不致大爲災患然所以垂

象示徵必有由來朕留心體察於旗人得一

二事似有抑鬱不舒之氣以致上千

天恕朕不得自寬衆亦各懸自首也如用兵準

噶爾一節八旗將士遠役於外父母妻子懸

望於家或者以爲朝廷不恤士卒有此可已

而不己之舉不知準噶爾賊戕殺猶尤頑世

濟其惡擾害我臣服之蒙古寬伺我西北之

邊疆若不加創懲則蒙古不獲安居邊塞不

能寧謐我八旗之人尚得優游燕處度外置

之乎是知

皇考經理於前朕紹述於後皆出於萬不得已茲非窮兵贖武欲拓地開疆而疲勞將士於沙漠窮荒之地也觀近日賊夷跳梁之狀以我朝大兵駐劄邊境而循心懷覬覦敢肆狂逞則從前雖欲棄置不問以圖息事寧人其可得乎我滿洲八旗人等素有忠義之心勇敢之氣爾等祖父自從龍入關以及各處征討削平寇亂皆以捐軀致命爲榮以老死曠下爲恥今乃承平日久習於宴安因數年之征戍即生慈悲之心而忘乃祖乃父之勞績何志氣懷情自暴自棄一至於此乎從來急公殉難者享千古不朽之榮名而秦凱獻功者膺國家寵賚之爵賞豈但出征弁兵當勇往爭先即其父母妻子亦當深知大義過抑私情務其遠大則忠君報國之悃誠必蒙上天垂鑒默加福祐大功可以立成凡列在戎行者均受國家之德之恩澤矣又如催進彭

空一節開八旗人守亦以爲苦累獨不思居官之人侵盜國帑剝蝕民膏律以國法皆在不赦之列朕以習染既久人數衆多不恕加戮時從寬典勒追還項以儆將來使知侵盜橫取之物不足以長子孫庶可以止姦貪而厲廉恥此朕之苦心實欲爲人心風俗計也若云朕爲財物計而爲此掇核之事獨不思十年以來朕之減除正賦蠲免積逋與夫興修工程賑濟賞賚加惠於官弁兵民者所費不下數千萬曾無吝惜豈有惟與旗人較量錙銖之理哉且雍正三年以前之舊欠朕已令該旗大臣等查奏酌免矣朕之意旨旗人既未能悉知該管官員又不能宣布開示每於催追之時過於嚴刻甚且聚眾無辜此庸劣不忠之大臣奉行不善而更隱示以奉朕意旨致令若輩心懷怨懟朕音果如是乎夫獲罪而不知悔沐恩而不知感此皆乖戾之徒均足上干

天和用是再頒諭旨通行曉諭八旗人等果能遵朕訓誨洗滌肺腸共矢愛君親上之懷永絕昧理欺公之習不但朕之沖澤施恩必先自旗人始而

上天福祐善良諸事吉慶亦可預信其必然矣○乙未諭辦理軍機大臣等前因西路軍營兵丁行走攻擊之時從前所定口糧不數朕已加恩增給今思兵丁駐劄之時亦應使之口糧寬裕以鼓勤勞其如何酌量加增之處爾等妥議具奏尋議駐劄之兵與行走坐卡之兵俱十日給米一斗十日給粥十二飭半則口糧皆可充裕得旨依議兵丁等遇有調遣行走之時每月著再加賞羊價銀七錢○署陝西興漢總兵官董紹祖緣事革職○陝西西鳳副將米國正署陝西興漢總兵官○盛京考察滿漢各部官員不謹官一員罷職官一員有疾官二員分別處分如例○予故議政大臣領侍衛內大臣克什圖祭葬謚勤

恪 誼表江蘇丹陽縣烈婦凌俊後妻周氏  
守正拒淫投繯殞命給銀建坊入祠致祭如  
例○丙申鎮寧遠大將軍岳鍾琪奏言據駐  
劄魯谷度總兵官王廷瑞稟報賊人寨秦額  
爾克得松領賊二千名分東西二路來犯哈  
喇火州城參將劉廷球遂擊李英等分兵迎  
敵殺傷賊人俱皆敗走劉廷球等領兵追剿  
賊人遠遁因見黑霧大風不便窮追撤兵回  
城臣等仍飛飭總兵王廷瑞晝夜嚴防時加  
哨探理合繕奏報聞○丁酉諭內閣上年冬  
間北方雨雪稀少朕恐今歲夏間蝗蝻萌動  
已密諭該督撫留心防範項間江南淮安府  
屬之山陽阜寧二縣海州所屬之沐陽縣揚  
州府屬之寶應縣各有一二鄉村生發蝻子  
雖目前萌動之處不過數里恐恐捕治不力  
漸致蔓延為禾田之害著該督撫有司督率  
人役鄉民速行撲滅無俾遺種僕有怠忽從  
事者即行糾參從重議處○諭八旗官員人

等朕自御極以來音天幸土未嘗歧視而八  
旗人等尤國家敬養百年望其遂生復性共  
享安樂於久遠若其中頑劣貪鄙之習故加  
寬縱將為人心風俗憂無所底止朕宵不  
聽其陷溺不為援手有負

皇考之付託也從前嚴治令楚清釐帑項即這  
呼牽擾有所不恤者誠欲八旗人等各思罪  
愆漸自醒悟知有所不為庶無往不利此朕  
訓愛之初心也昨於雍正三年以前虧空各  
項令查奏酌免餘音均業經明白曉諭今侍  
再沛恩膏將雍正三年以後九年以前八旗  
官員人等應追銀兩除本身虧空侵蝕借帑  
及貪贓盜用等項不准查免外其有年遠之  
案於雍正八年恩旨以後發覺者與本身已  
故者落子孫連陪坐扣俸酌抵補者或本身  
雖在其應追之銀實係分陪代賠無著之項  
或因公那用並未入己者又或應追之本入  
己經豁免而開欠之人尚在者追或本身已

經寬免而在表者以前赦出田房人口投補其間人口病故由房變價不敷仍行追補者著該旗將各項情由造冊開送內閣轉奏俟朕酌量分別加恩寬免此次諭旨著再遍傳俾八旗人等深知朕恩恪遵朕訓洗心滌慮痛改前非循理奉公謹身節用以副朕敦育諄誡之至意 戊戌諭大學士等固原提督樊廷來京陛見懇求前往軍營領兵効力朕勉從其請令伊暫回固原之任李繩武著馳驛來京面請訓旨仍回固原署理提督印務 以原任甘肅布政使鍾保搆理步軍統領事務 詞錄藍旗蒙古副都統哈達哈為正藍旗漢軍副都統以著錄紅旗滿洲副都統噶爾錫為錄藍旗蒙古副都統 予故雲南曲尋鎮總兵官陳清余葬如例 己亥加正藍旗護軍參領色爾古穆副都統職銜仍往北路軍營看守營宇交爾倉庫旁銀二千兩 辦理軍機大臣等議覆寧古塔將軍常德

遵旨議奏八姓地方內請挑兵一千名編爲十佐領各設佐領一員驍騎校一員照三姓例給與俸餉器械查三姓地方寬闊應建築城池令三姓八姓官兵等一併駐劄從前八姓人戶不習耕種請俟來年二月給與牛種口糧令其開墾再打牲鳥喇人丁現有二三千人亦請挑兵一千名分爲八旗編爲十佐領各設佐領一員驍騎校一員每旗設防禦一員每翼設協領一員給與俸餉等項與船廠兵丁一體差操均應如所請從之 庚子諭內閣雲南迤東道管轄昭道東川普洱等處半係新疆俱關緊要非歷練強幹之員不能勝任雲南糧儲水利道黃士傑辦事實心且素爲昭東夷民所信重著加按察使銜調補迤東道仍兼管昭東厥務 辛丑禮部議覆寧古塔將軍常德奏言長白山爲發祥福地神迹顯著請於鳥喇之板山望祭處蓋造享殿以肅祀典應如所請從之 裁山西

代州營千總一員兵一百四十名添設冷泉關營千總一員兵九十一名改冷泉關營把總為潞澤營把總並添設潞澤營兵四十九名撥潞澤營兵十名歸澤州營從山西巡撫署提督事覺羅石麟請也○壬寅以原任提督陳天培帶領勇健營兵丁往陝西涼州駐劄給勇健營總統關防○移廣東化州梁家沙司巡檢駐平定堡從署廣東總督鄂彌達請也○癸卯以署鎮藍旗滿洲副都統常有

協辦戶部侍郎事務○命提督安徽學政王蘭生再留任三年○調署鎮藍旗滿洲副都統常有為正紅旗蒙古副都統仍兼理鎮藍旗滿洲副都統事務○甲辰和碩恆親王允祜薨朝三日加祭二次遣轎立碑謚曰溫

○宗人府以允祜病故奏聞得旨三阿哥允祜向來秉性乖張器量狹小

皇考每言其不識忠孝大義自朕即位以來屢次加恩不知感激時為開導不知省悟朕皆

優容之近年則強悍剽斬無忌悻經諸王大臣等奏朕不得已將伊拘禁於景山之永安亭令伊眷屬隨侍供其使令並將伊子弘景封為貝子以承其家業此朕委曲措置之苦心也近伊患病醫官前往調治奈病勢沉重醫藥罔效朕心惻然一切殯葬之禮著照郡王例行賞內庫銀五千兩料理喪事○乙巳以翰林院編修吳龍應為四川鄉試正考官編修李重華為副考官刑科給事中劉

吳龍為廣東鄉試正考官編修錢本誠為副考官檢討范咸為廣西鄉試正考官編修邵一桂為副考官編修王安國為福建鄉試正考官吏科掌印給事中嚴瑞龍為副考官翰林院侍讀學士許王猷為湖南鄉試正考官修撰周震為副考官○丙午諭兵部滿洲武進士未經挑選銜者除特旨補授京營守備外嗣後俱著以本旗護軍校驍騎校等缺

用○戊申諭理藩院喀爾喀車臣千冊卜登

拜音珠爾年幼料理部務恐有遺誤著  
多羅郡王垂札卜協同料理○領侍衛內大  
臣宗室顯騰吉因病解任以錄白旗滿洲都  
統薩穆哈爲錄黃旗領侍衛內大臣○己酉  
薩寧達大將軍岳鍾琪奏言甘肅肅州安西  
之兵於五月間起程來赴軍營馬匹至自長  
途未經歇息恐多疲瘦擬將馬匹暫收休養  
於六月二十間啟行前赴穆壘得旨官兵移  
駐穆壘從軍營起程吉期京中原擇六月初  
四及六月二十七日今岳鍾琪奏稱馬匹應  
暫休養於六月二十間啟行朕思大軍遷移  
駐劄之際務令諸事從容方爲有益著即定  
期六月二十七日起程邊地雖早寒然七八  
月間建築城工地上諒不至凝凍也○予故  
太子少傅吏部尚書仍專管刑部事務勵廷  
儀祭葬加祭一次諡文恭○庚戌福建巡撫  
趙國麟奏言臺灣北路大甲西番不法殘害  
官兵經臺灣總兵官呂瑞麟回臺灣道倪象

性帶領兵壯勦擒賊行已將脅從之打仔  
等社先後就擒續有鳳山縣南路居民乘機  
聚眾擾傷官兵經陸任陸路提督王郡親率  
弁兵勦追解散今南路匪陸陸續擊獲完案  
現在嚴緝首犯吳福生到日即可定案其大  
甲西番土官卑頭全社男婦老幼四百十九  
名造冊就擒現在查訊實情究出首先定擬  
仍於各莊緊要之處設兵防護所有南北兩  
路安定情形理應具奏報聞○喀爾喀和碩  
親王達什敦多卜故違官致祭○辛亥總督  
倉場侍郎岳爾岱因病解任以禮科給事中  
兆華署總督倉場侍郎○吏部題一等精奇  
尼哈番兼一拖沙喇哈番六哥故銷去惡詔  
所得四拖沙喇哈番餘一等阿思哈尼哈番  
兼一拖沙喇哈番以其子沙津襲職從之  
壬子兵部議覆署直隸天津總兵官補張泰  
言直隸各營俱設有教場以便簡閱騎射准  
通州一營獨無查原設教場在城南門外將

臺遺址猶存順治中國為旗地值採濱之時  
另擇民間隙地近無定所難免妨農害稼之  
累請敕部將原場撥還該管庶於訓練有益  
應如所請從之 癸丑諭內閣大學士將廷  
錫現在患病尚須調養戶部尚書事務著兵  
部尚書拜爾奇左都御史彭維新署理刑部  
尚書事務著浙江總督李衛署理鄂爾奇仍  
管兵部尚書事 吏部議奏派往軍前辦事  
官員過俸滿應陞雖經指缺因未引見不准  
實授其新任之缺既已空懸而現出之缺例  
不另補請嗣後除口內奉差人員仍依引見  
補授其派往軍前辦事官員有俸滿應陞者  
得缺即具題補授令食陞缺之俸准其陞轉  
所遺員缺歸部月選俟該員回京日照例補  
行引見如此則員缺不致久懸而効力各員  
愈加感激矣從之 甲寅以內閣學士德齡  
充經筵講官 甘肅巡撫許容奏言五月閏  
五月間甘省各屬俱陸續得被甘霖因從前

得而稍遲豆麥有薄收之處其臨虜之蘭州  
鞏屬之靖遠涼屬之平番等雨最遲夏未麥  
豆俱已枯槁止可補種晚禾得旨朕念甘省  
備辦軍需未免煩勞民力而各屬內又貧收  
成較薄之州縣意欲將本年甘肅各屬錢糧  
全行豁免以加惠秦民但諭旨到日已屆初  
秋開徵既久錢糧多已完納不能普遍沾恩  
凡得而稍遲之處著許容將舊欠折賦悉行  
停徵再與查郎同悉心計議或將備辦軍需  
州縣之錢糧全行蠲免其中收成稍薄者再  
加賑恤其不辦軍需之州縣而收成又復照  
常者仍照額賦徵收著會同密議具奏 乙  
卯諭內務府現今天氣炎熱著海望會同著  
步軍統領鄂爾奇在各門設立水盂以解行  
人煩渴工部所寄水塊如不敷用即將崇文  
門宣課司餘銀採買辦理永著為例 豁免  
湖南湘陰縣流沙地畝額賦銀二百兩有奇





一武生以弓馬技勇爲先考試外場請將好字合武中等字樣鈐記卷面與內場相較分別等次其騎射時照武童例當面書寫親供磨對字跡庶無頂替代情情弊一學政衙門行查批審事件請令府州縣悉照各上司例依限完結如承審遲延查取職名咨部議處均應如所請從之丁巳諭吏部凡官員議處之案多係本任乃亦有年久而後發覺或逾年而後結案者該員已經陞遷方行議處如在外州縣陞至道府在內司官陞至堂官過原任內有應行議處之案舊例照原任品級處分朕思伊等所犯情罪自有重輕儘不過尋常註誤照原任品級處分似於情理未協況此等人員久經歷任其材必有可用如因原任事發悉照原品降調卷無差等殊非愛惜人才之意著該部悉心詳酌作何分別定議具奏尋議內外文武官員陞任之後過原任事發應降調者除貪贓酷刑營私作

弊等案外其餘尋常註誤事件情罪尚輕俱於現任內議以降調則處分更得其平從之禮部議覆署浙江巡撫王國棟疏言杭州府新城縣已故宜都知縣周甸妻陳氏於順治二年賊寇竊發氏與姑羅氏避難山中猝遇寇至欲刃其姑氏以身衛姑抱姑求釋寇釋姑劫氏而行氏行踰里許隨奪寇刀自刎時年二十二歲從前湮沒未獲茲表令奉旨闡揚孝行節義理合題請旌典以勵風化應如所請照例給銀建坊入祠致祭從之己未陞內閣學士署戶部侍郎事河山爲吏部右侍郎陞雲南鶴麗總兵官南天祥爲江南提督癸亥諭內閣大學士鄂爾泰上年來京陛見朕以雲貴廣西三省地方緊要本欲令其回總督之任今因西北兩路軍務尚資協贊經理其眷屬不便久任滇南著總督高其倬等將大學士家口料理進京其雲貴廣西地方緊要事宜有應知會大學士鄂爾

奏者仍行知會並三省文武官員應稟報者照常稟報將此通行曉諭三省官弁知之

辦理軍機大臣等奏言山東河南兩省應交粟米除支給京城官兵外每年俱有餘剩又有歷年存倉粟米現在甚屬豐裕嗣後請令

山東河南兩省於應交粟米內每省改交豆五萬石運送至倉分交八旗米局平價賣與

拾馬官兵則八旗應需馬豆永遠足用而民亦樂於改米交豆殊為兩便至八旗官馬於

四月出口時每馬一匹給空草一束至八月進口因已收糶可以收放不復給草查沿邊

收糶甚遲官馬進口時田禾大半未刈官馬不使收放多至疲瘦嗣後請於官馬進口時

照出口例沿途支給空草從之。又議覆領侍衛內大臣拉錫等奏言查得察哈爾左翼

四十六位領右翼三十五位領共八十一位領兵共五千餘名除現在出征及預備調遣

外八旗止餘兵五百名即着守遊牧亦不敷

用今察哈爾巴爾虎孳生蒙古壯丁一千四百名弓箭可觀人丁壯健連各處覓食人

丁共二千有餘請將此人丁編設十九佐領合之舊有八十一佐領共成一百左右翼各

派五十佐領共設兵七千則一應差使備得整齊應如所請從之。甲子兵部遵旨議覆

北路陣亡官員兵丁應得卹典除副將軍宗室公巴賽參贊覺羅海蘭應移交宗人府詳

議喀喇沁歸化城土默特口外蒙古人等應交與理藩院詳議外自副將軍以下披甲從

役以上俱請照會典開載之例各給與應得賜卹銀兩其各官如有世職大者照世職給

與如世職小及無世職者照本身職銜品級給與京城八旗大臣官員兵丁從役令各該

旗都統查核及察哈爾奉天寧古塔黑龍江右衛寧夏等處令該將軍查核將各官有無

世職造冊送部臣部移咨戶部給發賞卹銀兩務令官員兵丁從役之父母妻子的屬親

領至副將軍以下燒騎校護軍校以上應加  
贈磨移咨吏部定議應予祭葬移咨禮工二  
部定議其津亡之原任副都統阿岱等七員  
均應照伊原品賜祭一次各咨一子入監從  
之 予故辦理青海噶斯事務正紅旗滿洲  
都統德成祭葬送對侍 予故協理西藏事  
務陝西寧夏總兵官巴進忠祭葬如例 丙  
寅陞大理寺卿史在甲烏都察院左副都御  
史 禮部議賈頌大學政吳應茶疏言宗聖  
祠奏旨追封五世王爵而新置之牌位各處  
舛錯未能畫一請照圖子監所書字樣通行  
直省畫一邊奉壺圖子監崇聖祠字樣俸摩  
聖王木金父公之位裕聖王折父公之位詔  
聖王防叔公之位昌聖王伯夏公之位啟聖  
王叔梁公之位應通行直省遵照成式改製  
安奉從之 丁卯設寧遠大將軍岳鍾琪奏  
言據賊營脫歸之鄂爾多斯奏領阿玉錫供  
稱噶爾丹家零令小策零敦多卜領兵三萬

來犯北路賊兵隊內有投降單噶爾之公巴  
濟達錫達爾扎貝子茅海台吉爾丹凌協理台  
吉益蘇克岱青等五人引路以大隊搶掠察  
罕奧爾附近居住之喀爾喀等直至克爾倫  
地方巴濟并獻計與噶爾丹家零云喀爾喀  
等俱係懦弱之人可以肆行搶掠等語謹據  
供繕奏得旨巴濟等有負國恩實當誅戮伊  
竝不以投降賊人為恥反欲取信於賊妄稱  
喀爾喀懦弱易於搶掠殊屬可惡喀爾喀等  
一聞此語自必痛心切齒奮勇爭先矣普行  
文順承親王曉諭軍前喀爾喀等知之 註  
表山東曹州烈婦朱大肖妻在氏拒賊不污  
投繯殞命給銀建坊入祠致祭如例 戊辰  
諭辦理軍機大臣等前派往西北兩路出征  
之滿洲蒙古漢軍大臣官員等於起程之時  
朕令寬裕給與跟隨人數其家中隨甲銀米  
仍留為該員家口養贍之資並未令其裁革  
項聞戶部於本年三月間行文各處以各員

在外既有隨甲別家中不應重領銀米將各員隨甲銀米停其支領且自雍正七年大兵起程之日爲始凡家中領過銀米於本人應領俸銀俸米之內照數坐扣還項該部因換重錢糧之意並未請旨遽爾通行甚屬錯誤殊非朕體恤出征人員之本意今特頒諭旨凡軍前之大臣官員等家中已領之隨甲銀米不必扣還其應領之項照常給與並將此旨通行各處軍營知之 己巳四川總督黃廷桂奏言建昌鎮所轄竹核地方當涼山中爲苗疆腹心其東南一路有叫姑及魚紅地方層巒疊嶂爲諸蠻出入門戶俱請添設遊擊一員守備一員千總二員把總四員兵五百名谷堆地方爲咽喉要道請添設都司一員千總一員把總二員兵四百名其東北一路有格落地方乃蠻部出沒之處請添設都司一員千總一員把總二員兵四百名至於大赤口爲竹核左翼門戶且有諸彝盤踞

請添設參將一員守備一員千總二員把總四員兵八百名其小河壩地方所在險要請添設都司一員千總一員把總二員兵四百名又竹核西距靖遠營一百七十餘里中係諸彝巢穴請於適中之地必城地方撥靖遠營守備一員把總一員兵一百五十名駐守再竹核去新舊營汛甚屬遼遠非建昌一鎮所能統轄請將竹核協副將改設總兵一員左右二營都司改設遊擊二員再增中營遊擊守備各一員千總二員把總四員兵三百名共一千五百名分爲三營以成體制其竹核迤南一帶有阿都等處地方更大彝蠻愈衆俟設鎮安營之後再行次第料理得旨黃廷桂所奏竹核安兵設鎮一事關係緊要朕聞川省蠻地從前雖屢次用兵然或懸賞誘致稍爲投誠並未加以懲創又或充蠻逃避而附近良懦轉遭搶擄以致衆心不平前案未結而弊端復啟又或畏難退縮捏報撤師

草率完結此次竹核安兵設鎮務須審畫周詳布置密擇邊圍永靖始為有益大學士鄂爾泰熟悉彼地情形著悉心詳議具奏母議川屬涼山一帶週圍數千里竹核適當其中形勢寬平四達蠻境各種蠻番反覆非常岳鍾琪前議於竹核設副將一協兵止一千二百名固屬單弱不足以資控制今黃廷桂請將竹核改協為鎮并分設各營所議已屬周詳但名為一鎮兵不過一千五百名且總核兵數雖有四千名而零星分布仍不足壯聲勢而鎮番蠻探臣愚見竹核鎮營固須妥算而阿都等處應并熟籌兵力宜合不宜分營業宜遠不宜近但使我勢聯絡不必是處設防臣謹擬於竹核一鎮設兵三千名內撥兵一千名分駐呼姑格落等處魚紅大赤口阿都沙馬音雄地方各設參將一營額兵各一千名互為犄角則涼山雖湖蠻種雖繁而一重鎮五大營上連建昌下接昭通三鎮

雄峙舊營環拱控馭則指臂相牽擒剿則呼販立至如果將弁得人似可邊圍永靖其作何安設塘汛可否抽撥弁兵伏祈皇上敕下黃廷桂等母專執成議亦毋以臣言為熟商妥酌請旨定奪從之 辛未諭辦理軍機大臣等從前應行發遣黑龍江等處罪犯曾改發扎克拜達里克等處令其開墾耕種後因伊等在彼甚不得力是以停其改發上年賊人窺伺扎克拜達里克彼時所有罪人跟隨官兵守護城垣竭力捍禦甚屬可憫朕已加恩除其罪名令充綠旗兵丁入伍効力績據順承親王等奏稱伊等深知感戴朕恩共思黽勉可見有罪之人予以自新之路仍可望其改惡從善若發往黑龍江三姓諸處不過終身為人奴僕而已朕意嗣後將應發黑龍江等處人犯遠往北路軍營附近可耕之地令其開墾効力在伊等可以努力自新而於七種亦甚有益其如何遣發安置

之處爾等詳議具

事府詹事張廷璠

掌印給事中王瓚

議仰基爲江西鄉

爾欽爲副考官編

官編修鄧啟元爲

都統延福緣事車

吳禮爲木旗滿洲

爲鑲黃旗蒙古副

申署雲南貴州廣

普洱府屬思茅土

悖叛煽動元江夷

大寨獵夷附和苦

方元江營守備馬

殺賊賊衆敗退賊

亡臣即調遣迤東

官董芳總統節制

勦報聞 奏商諭